



ভারতবর্ষ

ফাল্গুন-১৩৪২

দ্বিতীয় খণ্ড

ত্রয়োবিংশ বর্ষ

তৃতীয় সংখ্যা

মাটি, না, মা-টি ?

অধ্যাপক শ্রী প্রমথনাথ মুখোপাধ্যায় এম-এ

পাথর, মাটি, জল—এ সব “ভূত,” জড় পদার্থ! কিন্তু এ ভূত যে দশচক্রে ভগবান্ ভূত, আর এক জড় যে জড়তরত— তা এতদিন ত’ খেয়াল করি নাই। কথাটা খোলসা করিয়া বলার দরকার। যে গুলোকে আমরা অচেতন, নির্জীব, জড় ভাবি, তারা সত্য সত্যই কি তাই? আমরা মানুষ, আমাদের জীবন ব্যবহার বা এক কথায়, কারবার চালাইবার জন্ত এক একটা কারবারি জগৎ বা হাট ফাঁদিয়া বসিয়া আছি। তুমি, আমি মাঝারি মানুষ। তোমার, আমার কারবারি জগৎ সর্বথা এক নয়। দুটো বৃত্ত যদি হয়, তবে সে বৃত্ত দুটো ছব্ব মিলিয়া যায় না। কাটাকাটি করে। খানিকটায় মেলে, খানিকটায় মেলে না। কাণ খাড়া করিয়া থাকিলে একটার তোপ আমরা দুজনেই শুনি; কুইনিন গালে দিলে দুজনারই তিত লাগে; আঙনে দুজনারই হাত পোড়ে; জল, মাটি এ সবার ভেতর প্রাণ ও চেতনার পরিচয় তুমিও পাও না, আমিও পাই না। ইত্যাদি। কিন্তু আমার শিরঃপীড়া আমারি, তোমার নয়; আমার ভাবনা, চিন্তা, কল্পনা-জল্পনা

এ সবও তাই। তোমার আলাহিদা। তলাইয়া দেখিতে গেলে অল্পভূতি (Experience) মাত্রই অননুসাধারণ (unique)—মুশ্ব হিসাবে।

যেটাকে বাহুজগৎ বলিয়া কারবার করিতে আমরা অভ্যস্ত হইয়াছি—খোদ আমরা নিজেরাই সন্না পরামর্শ করিয়া এটাকে গড়িয়া পিটিয়া লইয়াছি এমনটা ঠিক নয়; লক্ষ লক্ষ বৎসর আমাদের জীবনযাত্রার ফলে সেটা মোটা-মুটি একভাবে আমাদের পক্ষে গড়িয়া উঠিয়াছে—সেটাকেও তুমি বা আমি ঠিক একই ভাবে অল্পভব করি না; সেটার সম্পর্কে তোমার ও আমার কারবার ঠিক একই নয়। বাইরের রূপ, রং যে ঠিক একই ভাবে তুমি ও আমি দেখি এমন নয়; শব্দ স্পর্শও তাই; স্পর্শ, গন্ধ, রস সম্বন্ধে আরও বেশী করিয়া তাই। তবে, তোমায় আমার কারবার চালাইতে হইতেছে বলিয়া দুজনেই নিজের নিজের পুরো “সজীব” অল্পভূতিকে ছাঁটিয়া মোটামুটি “সমান” করিয়া লইয়াছি, আর সমান ভাবিয়াই ব্যবহার চালাইতেছি। এ

সবে কারবারি মিলের চাইতে গরমিল যেখানে বেশী, সেখানে আমাদের কারবারে গোল বাধে। যে আকাশে একটা চাঁদের যায়গায় দুটো তিনটে চাঁদ দেখে, সাদা সবুজ সব রংকেই হলুদে দেখে, তাকে আমরা কারবার হইতে ছুটি দিয়া আই ইন্ফার্মারিতে পাঠাইয়া দিই। গোলটা মনের দিক হইতে হইলে, তাকে রাঁচি পাঠাইতেও হয়। কিন্তু মনে রাখিতে হইবে যে, কারবারে কলে-ছাঁচ মাজা-ঘষা দেখা শুনা ইত্যাদির চাউলই কাটিতেছে; আ-ছাঁচ, অথবা নিজের নিজের “ঘরের ঢেঁকি” ছাঁচ চাউল কাটিতেছে না। কলে-ছাঁচ চাউল চলিতেছে বলিয়াই আমাদের এই ব্যাপক “ফুলো”-ব্যাপি—ভবরোগ। যে কলে ছাঁচাই হইতেছে ব্যক্তিগত (প্রাতিশিক) পুরো অল্পভুক্তিগুলি, সে কলটা লাখ লাখ বৎসর ধরিয়া মানুষের ধরাপৃষ্ঠে জীবন সংগ্রামের ফলে গড়িয়া পিটিয়া উঠিয়াছে। শুধু মানুষই বা বলি কেন—মানুষের গোড়া ধরিয়াও টান মারিতে হয়। সে কলটা বিচার-বিবেকের ততটা নয়, যতটা “অন্ধ” আচার আর সংস্কারের। আমাদের ধাতে সে কলটা বাহাল হইয়া রহিয়াছে। তাই প্রায় বিনা বিচারেই, আমরা—বারা মাঝারি মানুষ তারা, বাইরের জিনিস আর ব্যাপারগুলোকে একই রকম ভাবে পাইতেছি মনে করিতেছি। সত্য সত্যই যে একই রকম ভাবে পাইতেছি এমন নয়।

যেটাকে আগে “কল” বলিলাম, সেটাকে “ছাঁচ” বলিলেও হয়। তোমার ছাঁচ ও আমার ছাঁচ মোটামুটি একরূপ, ছব্ব একরূপ নয়। মানুষের ভেতরেও গরমিল কোথাও কোথাও, কোন কোন অবস্থায়, “অস্বাভাবিক” (abnormal) হইতে পারে। একজন জন্মান্ত অথবা একজন মুকবধির যে ছাঁচে তার জগৎটা ঢালাই করিয়া লইতেছে, সে ছাঁচ তোমার আমার নয়। যাদের আমরা “পাগল” বলি, ষাটিকগ্রস্থ বলি, তাদেরও ছাঁচ আলাহিদা। যাদের ভেতর কোনও রকম অসাধারণ আধ্যাত্মিক বিভূতি (Psychic Power) বিকশিত হইয়াছে—(যথা—যোগী, মিডিয়াম ইত্যাদি) তাঁদেরও ছাঁচ আলাহিদা। এমন কি, বৈজ্ঞানিক—যিনি যন্ত্রপাতি সাহায্যে তাঁর প্রত্যক্ষের জগৎটাকে অনেক বড় করিয়া লন এবং তাঁর হিসাবে (Theory) ও গণনাগাথা দ্বারা সেটাকে “পরিকল্পিত” করিয়া লন—তাঁর ছাঁচটিও আলাহিদা। জন্মান্তের জগৎকে

আমরা মাঝারি মানুষ অসম্পূর্ণ জগৎ বলি; পাগলের জগৎকে জগাখিচুড়ি মনে করি; যোগীর জগৎ অতীন্দ্রিয়—হয়ত ধ্যান (trance) এর ভেতরেই তার অস্তিত্ব; বৈজ্ঞানিক এ যুগে বড়ই জবরদস্ত; তবু তাঁর খিওরি আর ব্যাখ্যা এত ঘন ঘন তিনি পাঠাইতেছেন এবং “তথ্য”গুলিও এত তাড়াতাড়ি ডিগবাজি মারিতেছে যে, তাঁর জগৎটাকেও বৈজ্ঞানিক ধুরন্ধরেরাই কেহ কেহ “মায়াপুরী” ভাবিতেছেন। অথচ, যোগীর দাবী তাঁর জগৎ “সত্যলোক” আর বৈজ্ঞানিকের বিশ্বাস তাঁর জগৎ “ঐবলোক”। মাঝারি মানুষের মামলাটাও যে সহজ এমন মনে করিও না। মাঝারি মানুষ কে বা কাহার?—এ প্রশ্নের জবাব এক তুড়ি মারিয়া দেওয়া যায় না। তোমার, আমার, তার—এ তিন জনের মাথার খুলির মাপ যদি ৮০, ৮৭, ৯০ হয় তবে গড়ে আমাদের তিনজনের মাথার খুলির মাপ হইল ৮৫। কিন্তু আমাদের কাহারও মাপ ৮৫-৬ নয়। ভারতবর্ষে লোকের গড়ে আয় বাৎসরিক ৩০ টাকা, আয়ুঃ ৩৩ বৎসর ইত্যাদি। বহুলোকের দেখা-শুনা (Observation) গুলো পরস্পর তুলনা করিয়া লওয়ার প্রয়োজনীয়তা সর্বত্র অভিন্ন পরীক্ষক ও বিচারকই অবগত আছেন। বিজ্ঞানের রিপোর্ট দাখিলায় অনেক সময় দেখি তাদের একটা গড় কথিয়া লইতেও হইয়াছে। সেই গড়-পড়তা লইয়াই বিজ্ঞানের অধীক্ষা—আধীক্ষিকী বিজ্ঞা। এ কথাটা এ ক্ষেত্রে ফলাও করিতে চেষ্টা করিব না। তবে দেখিতেছি যে, “মাঝারি মানুষ” যদি বিজ্ঞানের গড়পড়তা মানুষ হয়, তাহা হইলে, সে মানুষ একটা আদর্শ মাত্র; একটা গণিতের মাপা; তাহা লোকে সে মানুষ বিচ্যমান, নরলোকে তার সত্তা নাই।

আরও এক কথা মনে রাখা দরকার। বিজ্ঞানেই কেবল যে গড় কথার দরকার আছে এমন নয়। আমাদের আটপোরে “কারবারি হাটেও” গড়পড়তা চলিতেছে। বিজ্ঞানের সূক্ষ্ম হিসাব—যেমন, বিজ্ঞানাগারে এক গামের কোটি ভাগের এক ভাগ অথবা এক ইঞ্চির নিম্নত ভাগের এক ভাগ পর্যন্ত হিসাব লওয়ার বন্দোবস্ত আছে। আমাদের হাটে কিন্তু আমাদের প্রত্যেকের নিজস্ব বাটখারা ও মাপ-কাঠি অল্প বিস্তর আলাহিদা; তবু বাজার-চলন একটা সাধারণ ওজন ও মাপ হওয়ার ব্যবস্থাও রহিয়াছে। রহিয়াছে বলিয়া কারবার চলে, লেন-দেন (ব্যবহার) চলে। হিসাব

ক্ষেত্রে মোটামুটি, জাবদ। সামান্য অভিতেই গরমিল, গোঁজামিল ধরা পড়ে। যাক—এ সব কথাও আর একদিন পরিকার করিতে যত্ন করিব।

এখন, তোমার-আমার ভিতরে যে “কল” বা “ছাঁচ” রহিয়াছে এবং সদাই জাগরণ, স্বপ্ন, স্মৃষ্টির শিপটে চলিতেছে, তার কাজ হইতেছে—বাছাই, ছাঁচাই, ঢালাই। মানে—অল্পভুক্তির “কাঁচামাল” মাত্রই এতে বাছাই হইতেছে, ছাঁচাই হইতেছে, ঢালাই হইতেছে। সব কিছু অপক্ষপাতে, সমগ্র, সম্পূর্ণভাবে আমরা নিই না; নেবার জন্ত প্রস্তুত নই; নিজে কাজও চলে না। যে আকাশে ঐবতারাটি দেখিতে চায়, তার আকাশের সব বাদ দিয়া একটু খানিতেই অভিনিবেশ করিতে হয়। যে রাস্তায় বাড়ী-ভাড়ার শেটিশ খুঁজিতে বাহির হইয়াছে, তার স্থান বিশেষেই মনোযোগ দিতে হয়। সর্বত্র সমদৃষ্টি, অপক্ষপাত হইলে চলে না। তাতে কাজের হাঙ্গামা ঢের বাড়িয়া যায়। হয়ত কাঁচটা ফাঁসিয়াই যায়। ভিতরে বাছাই, ছাঁচাই, ঢালাইএর যে যন্ত্রটি কাজ করিতেছে, সেটাকে অভিনিবেশ বলিতে পার। তার মূলে পক্ষপাত—রাগ-দেব। “রাগ” সংস্কৃত রাগ (=অহুরাগ), বাংলা রাগ নয়। ইংরাজিতে এক কথায়—Interest. এর সবটাই, এমন কি, বেশীটাই—জাতমারে, “সজ্ঞানে” কাজ করে না। অল্প-স্বল্প করে। বেশীর ভাগ, সাগরে ডুবো বরফের টাই-এর মতন, আড়ালে আবুড়ালে—অবচেতনা বা আধ-চেতনার ভেতরে থাকিয়া কাজ করে। কেন আমার বাছাই-ছাঁচাই-ঢালাইএর যন্ত্রটা (রাগ-দেবগুলো, পক্ষপাতগুলো, Interestগুলো) এমন-ধারা হইল বা হইয়াছে, তার কৈফিয়ৎ উপস্থিত “বৈঠক” (Situation) এর বিচারে বা হিসাবনিকাশে খানিকটা বই সবটা পাওয়া যায় না। তার পিছনে রহিয়াছে আমার (সঙ্গে সঙ্গে গোষ্ঠী, জাতি, মানবতা, এবং মানবেতর সত্তা সমূহের) লক্ষ লক্ষ বৎসরব্যাপী গোটা বিরাট ইতিহাস। এখনকার উপস্থিত “বৈঠক” সামান্য একটুখানি হৃদিশ দিতে পারে। পূর্ব পূর্ব বহু বৈঠক (situations) টানিয়া আনিয়া গাঁথিয়া যুড়িয়া লইতে হইবে। আমার সত্তার বর্তমান “টুকরা” (section) টিতে চলিবে না, সত্তার অনাদি ধারায় ডুব মারিয়া খোঁজ করিতে হইবে। আমার যন্ত্রটার শক্তিকূট (diagram of components) যদি হয়

—(ক, খ, গ, ঘ.....), তোমারটার হইবে—(ক, খ, গ, ঘ.....); “বীজ” বা কম্পোনেন্টগুলো শুধু যে একটু আধটু আলাদা-ধাজের এমন নয়; সম্ভবতঃ, ছুই চারিটে মোটেই মেলে না। আমার হয়ত আধ্যাত্মিক, অলৌকিক, অতীন্দ্রিয়ের দিকে “ঝোঁক”, বিশ্বাস ও বোধ বেশী বেশী; তোমার কম। তুমি ও দিকে ততটা ভিড়িতেই চাও না; ও-সব তেমন মানতে চাও না। বীজ বা কম্পোনেন্টগুলো যে আলাদা তা ছোট-বড়, খুঁটিনাটি অনেক তাতেই ধরা পড়ে বা “বিশ্লেষণ” করে দেখিয়ে দেওয়া যেতে পারে। এক আমারি যন্ত্র বদলাইতেছে। বাল্য, কৈশোর, যৌবন, বার্দ্ধক্যে ঠিক ঠিক এক নয়। জাগরণ, স্বপ্ন, স্মৃষ্টিতে ঠিক এক নয়। স্বপ্নে যন্ত্রের অনেক “ভেতর গোপ্তা বা চোরা প্যাচ” ধরা পড়ে। ফ্রেড্ প্রভৃতি তাই নিয়ে নতুন শাস্ত্র খাড়া করিয়াছেন। আমাদের দেশী শাস্ত্রও আছে। জাগরণে যিনি সাধু সর্বত্যাগী, তিনি স্বপ্নে হয়ত’ বা কাম-কাঞ্চন আশ্বাদ করিতে লোলুপ। ওতে যন্ত্রের পরখ হয়, স্ম-আড়া, বে-আড়া যেখানে যা কিছু, তা ধরা পড়ে।

মানুষের নানান অবস্থায় তার যন্ত্রস্থ শক্তিকূট (ক, খ, গ, ঘ...ইত্যাদি) আলাহিদা। বন মানুষ, “বুনো” মানুষ, আধা-সভ্য ও সভ্য মানুষ—এদের মধ্যে বিস্তর ফারৈগ। বুনো মানুষ (savage) মাটি, জল, বাতাস, মেঘ, ঝড় ইত্যাদি “আত্মীয়” করিয়া, কিনা, সজীব সচেতন ভাবে দেখে। তাদের ভেতরও ইচ্ছাশক্তি আছে; রাগ-দেব ইত্যাদি আছে। এমন কি, আমাদের চাইতে বেশী বেশী আছে। তারা হয় দেবত-বিগ্রহ, নয়ত দানব-বিগ্রহ। এক কথায় তারা সেই পুরাতন অর্থে—“অসুর”। অথবা—“দেব”। যা খুসী। শুধু স্রাভেজ কেন, শিশুরাও তার চারধারের জগৎটাকে “নিজের মতন” ভাবে—সজীব, সচেতন। শিশু হোঁচটু খাইয়া পড়িয়া কাঁদিল। যাতে হোঁচটু খাইল, সেইটাকে তুমি মারো, শিশুর রাগ পড়িবে, খুসি হইবে। ঘর-দোর, মাটি-পাথর, গাছ-পালা কুকুর-বেড়াল তার “খেলু”দেরই সামিল। হয় অরি, নয় মিত্র। শিশুর “বোধোদয়” হয় নাই, বুনোর মাথার খুলি অপরিণত, তাই (অর্থাৎ, বিচার নাই বলিয়া) তারা এমন ভাবে, এমন করে। কিন্তু বেদের ঋষি, নরম-গাথার ঋষি ইত্যাদি ইত্যাদি বহু পুরাতন “যন্ত্র” মাটি, পাথর, জল, বাতাস,

আকাশ, বিদ্যুৎ এসব “দেব” “অসুর”রূপেই দেখিয়া গিয়াছেন যে! এখনও মহাত্মা, মহাপুরুষ যাদের আমরা বলি, তাঁরাও দেখি “খং বায়ুর্জ্যোতিরাপঃ পৃথিবী বিশ্বস্ত ধারিণী” এসব “জড়” মানিতে নারাজ। সবই নারায়ণ—“নারায়ণ এবদং সর্বং যদভূতং যচ্চ ভব্যম্”। এই সেদিনও পরমহংসদেব স্বর-দোর, কোশা-কুশী, ফুল-বেলপাত, নৈবেদ্য, গঙ্গাজল সবই চিন্ময় দেখিলেন! কি দিয়ে কেই বা কার পূজো করে? চিন্ময় মহাসাগরে নানান্ চেউ খেলে বেড়াচ্ছে। তার ভেতর কখনও মীনের মতন ডুব সাঁতার খেলে বেড়াচ্ছি; কখনও লুণের পুঁতুল যেমনধারা লুণের সাগরে গ’লে যায়, তেমনি ধারা বেমালাুম গ’লে গিয়েছি! তলাস নেই, পাতা নেই! বৈষ্ণব বা আরও কেউ কেউ এই প্রাকৃত, “জড়ীয়” লোকটাকে তফাৎ করেন; কিন্তু কেন? অপ্রাকৃত, নিত্য, সত্য চিন্ময় ধামটিতে পৌছাইয়া দিবার জন্ত নয় কি? নৈলে—“সর্বং বিষ্ণুময়ং জগৎ”। বিষ্ণু মানেই তাই। বিষ্ণু—বৈমুখ্য, ভেদ-দৃষ্টি, সংসারবুদ্ধি—এতে ক’রেই এই সাধারণ ব্যবহারের জগৎটাকে “প্রাকৃত”, “নশ্বর”, “জড়ীয়” ক’রেছে। সোজা, সিধে, স্মুখ, সরস হ’লে নিত্য, চিন্ময়, রসময়, লীলাময়, ব্রজ বই আর কোথাও কিছু নেই। অর্থাৎ, তোমার বেয়াড়া যন্ত্রটি সোজা হ’লে। চিৎ, অচিৎ, ঈশ্বর—এসব তত্ত্বনির্দেশও আচার্য্যদের এই কারবারি, চলতি, বেয়াড়া যন্ত্রটাকে শোধরাইয়া লইবার ফিকির। তুমি আমি কারবারে কতকগুলো বস্তুকে “জড়” বানাইয়াছি যে! শিবকে বাঁদর গড়িয়াছি! জড় হিসাবেই কারবার (সং সাজার, বাঁদর নাচের?) চলিতেছে যে! “কারবার বন্ধ কর” বলিলেই ত’ বন্ধ করিতে পারি না! মুক্লি! মায়াবাদী বেদান্তী অথবা শূত্রবাদী হয়ত’ একদম বন্ধ করিতে বলেন। ততদূর না পারিলেও, কারবারের “ভোল” ফিরানও ত’ সহজ নয়! তাই চিৎ, অচিৎ, ছোট, বড় ভেদটা নিয়েই সুরু কর। যন্ত্রটা আগে শোধরাও—পরে আপনিই বুঝবে—কে, কি, কেমন! এইটা হইল আচার্য্যদের পন্থা। যাক—ফেরা যাক—অনেক দূর “কোয়াসায়” এগিয়ে পড়া গেছে। হাঁ, আমাদের “বেয়াড়া” যন্ত্রে, কারবারি চশমায় ও-সব কোয়াসা বই কি! “জ্যোতির্মা গময়—”

কিন্তু যন্ত্রটা বেয়াড়া? আমাদের ফাঁদা এই কারবারের

হিসাবে খালা সুর-আড়া। এইটেই সুর-আড়া, সবসে আছা। যোগী ঋষি তাঁদের যন্ত্র নিয়ে এসে এ কারবারে “পেঁপে” পাইবেন না। বুনো ত’ হারিয়া কোণঠেসা হইয়া রহিয়াছে। শিশুও চিরকাল শিশু থাকিলে তার সুরবিধা নেই। “কাজের মানুষ” পাকা কারবারী প্রায় সকলকেই বনিতে হইতেছে। নহিলে উপায় নেই। অথচ, আসলে অনেকটাই ভূমি কারবার এটা—ফলং—বধবন্ধনম্! ত্রিতাপ জালা! পরিজ্ঞান নেই। হয়—পারত’—কারবার একদম বন্ধ কর; নয়ত একদম ভোল ফিরিয়ে দাও। শেষেরটাই সোজা, বহু আছা। ভোগো যোগায়তে। প্রত্যেক রকম কারবারে তার নিজস্ব “হিসাব” (frame of reference) আছে। বাহালিটারও নিজস্ব একটা আছে। সেই মামুলিটার মোটামুটি নাম রাখিয়াছি—সভ্যভব্য জীবন-যাত্রা। ওপরকার, খোসার হিসাব এটা। তবু এই-ই সহ। বুনোর জীবনযাত্রা, শিশুর জীবনযাত্রা, পাগলের জীবনযাত্রা, যোগীর জীবনযাত্রা (অর্থাৎ, abnormal ও subnormal দুই-ই)—এ সবের হিসাব, মূল frame of reference, আলাহিদা।

বৈজ্ঞানিকের “জগৎ” আর তার হিসাব, মান (এ frame of reference)ও আলাহিদা। আমাদের অ-দেখা সেখানে দেখা। আমাদের দেখা অনেক কিছু সেখানে বাতিল। শব্দের চেউ, আলোর চেউ—এসব আমাদের কারবারি জগতে নেই। কাজ চালানর জন্ত দরকার নেই বলিয়াই নেই। বাতাসের ভেতর দানাগুলো ছুটোছুটি, ধাক্কাধুক্কা; অগুর ভেতর, এটমের ভেতর, ধূম ধাক্কাধুক্কা; অদ্ভুত কেরামতি নাচ;—এসব আমার কারবারি হিসাবের বাইরে। আকাশে জ্যোতিষ্কদের সঙ্গে আমার যতটুকু যেমন ধারা পরিচয়, বৈজ্ঞানিকের তেমন ধারা নয়। এই রকম অনেক ক্ষেত্রেই। আমার দেখা-শুনো ইত্যাদি কতকগুলি গণ্ডীর মধ্যে, সীমার ভেতরে। বিজ্ঞান সে গণ্ডী ভাঙিয়া দেয়; সীমা এ-মুড়ো ও-মুড়ো ছুসুড়ো ছাড়িয়া যায়। আমার কারবারি জগতের তুলনায় বৈজ্ঞানিকের জগৎটা বেশী খাঁটি মনে করিতেছি। তবু সেটাও হয়ত’ মায়াপুরী! বৈজ্ঞানিক খাঁটি বাস্তব লইয়া কারবার করে না। অন্ততঃপক্ষে তাঁদের নিজেদেরও অনেকের সংসার তাঁর নিজস্ব কলে (খিওরি ও যন্ত্রপাতির) তিনিও দস্তুরমত ছাঁটাই বাছাই চালাই করেন। বুঝ যে জান সন্ধান।

এই ত’ ব্যাপার! নানান্ হিসাব, নানান্ মান (frame of reference); কাজেই, যাটে যাটে, ধাপে ধাপে, মোড়ে মোড়ে কারবারি জগৎ সব আলাহিদা। কোনটাই পুরা, “জলজীয়াস্ত”, বাস্তবের “কাণ বেঁধিয়া” যায় না। এর ভেতর আমাদের মত সাধারণ জীবের জগৎ—যতই “কেজো” হোক, যতই ভোটে ভারী—দমে ভারী হোক না কেন,—নিতান্তই সক্ষীর্ণ ও বিকৃত জগৎ। আমরা মধু-কৈটভের এলাকায় বাস করি। জীব মাত্রই। একজন রূপণ কিপটে টিপে টিপে টুকরো টুকরো করিয়াই দিতে জানে। আর একজন ঠকবাজ, সে টুকরোটুকুও ভেজাল বানিয়ে দেয়। ওপরে খাঁটির লেবেল! গোটার কারবার নেই, খাঁটিও চলে না। তাই বলিতেছিলাম—আমাদের “ছাঁচ”টা, যতই না “জীবনযাত্রার” পক্ষে কেজো হোক, বেয়াড়া। তাকে বিশ্বাস নেই। শুধু তর্কের অপ্রতিষ্ঠাই নয়, চলতি বস্তুজ্ঞানেরও অপ্রতিষ্ঠা। অথচ এই বেয়াড়া বুদ্ধি নিয়েই বলি—মাটি পাথর এসব জড়, “ছোটলোক”! আসলে, মাটি পাথর—এসব যে চিন্ময়, চিদ্বিগ্রহ নয় তা কে বলিবে? কার তেমন বুকের পাটা? আমাদের কারবারি বেয়াড়া বুদ্ধির সে একতার নেই। তার জ্যাঠামিতে জটলাই বাড়ে। দর্শনের ভাষায় আমাদের সাধারণ ব্যবহারিক জগৎ আমাদের “অদৃষ্ট” ও কর্ম দিয়ে গড়া। এ দুটোকে যদি বলি (ক, খ), তবে, সে জগৎ হইতেছে (ক, খ) এর ফাংশন (function)। যতক্ষণ (ক, খ) এভাবে আছে, ততক্ষণই জগৎটা এ-ভাবে আছে। অর্থাৎ, মাটি, পাথর এসব প্রাণহীন, চেতনাহীন জড়—এই কারবারি ভাবের মাল ততক্ষণ কাটিতেছে। ততক্ষণ তারা অচিৎ—তাদের ভেতর চিতের সাড়া নেই। সাড়া শোনবার দরকার নেই, গুনিতে প্রস্তুত নেই বলিয়াই নেই। জগৎটা (ক, খ) এর না হইয়া (গ, ঘ) এর function উৎপাদ (উৎপাদিত ফল) হইলে হয়ত’ সাড়া পাইতাম। যাদের সেরূপ, তারা হয়ত’ পায় ও। অল্প শ্রেণীর জীব (উচ্চাবচ) হয়ত’ পাইতেছেন। বৈজ্ঞানিক এরির মধ্যে নতুন এক সাড়া পাইতেছেন। সাড়া = Response; গাছ-পালা, ধাতু ইত্যাদির ভেতর বিষ ক্রিয়া, মাদক ক্রিয়ার খুব সূক্ষ্ম সাড়াও আচার্য্য জগদীশচন্দ্র আমাদের “শোনাইয়াছেন”। নানান্ ক্ষেত্রেই নূতন সাড়া পড়িয়াছে। যোগীদের ত কথাই

নেই। যারা স্বাভাবিক অবস্থার (natural state এর) খুব কাছাকাছি—যথা বর্ষর, শিশু—তারাও জড়ে “ভূতে” প্রাণের, চৈতন্তের সাড়া পায়। কবিরাজ হয়ত’ (যথা, ওয়ার্ডমওয়ার্থ) কেহ কেহ পান। কবির মিষ্টিসিজম, খাষির ভিশন—“সাক্ষাৎকার”—এ সবেরও অল্পভূতি আলাহিদা। আমাদের “কেজো বৈঠকে” জগৎটা মরিয়া ভূত হইয়া গেছে। কেন না, ছুরি চালাইতে হইবে যে! এটা যে মর্গ! শুটকী মাছের হাট আমাদের; তাজা, টাটকা গোটা বিকোয় না; লোণা, বাসী, ভাগাই কাটিতেছে। অথচ, সোণার অনন্ত হাতে, নাকে ফাঁদি নথ, মেছুনী মাগীর দেমাক কত! দরে না বনিলে আঁশ জলের ছিটেও দেয়! মেছুনীটি আমাদের হেঁসেল ঘরেই বাসা নিয়াছে—নামটি তার “কেজো বুদ্ধি”—practical, commonsense। আসলে, তার অনেকটাই common nonsense। আমাদের চলতি “সভ্যতার” প্রতিষ্ঠা ইনি। স্বরূপে, স্বভাবে এ “সভ্যতা” অচল; কৃত্রিমতায়, বিকারে সচল। এটা ঠিক “স্বাস্থ্য” নয়। কেউ কেউ “ব্যাধি”ই বলিয়াছেন; তার নিদানও করিয়াছেন। ততদূর না হোক—এর হিসাব, এর বিবৃতি সত্য বাস্তবপূর্ণ অল্পভূতির পাকা খাতায় নির্কিচারে উঠিবার যোগ্য নয়।

খাষিরা বলেন—সবই খাঁটি খাঁটি (“খলু”) ব্রহ্ম। নির্কির্ষেষ, সবিশেষ ব্যাখ্যার গোল বাধাইও না। আসল মানে—সবই—এমন কি, একটা ধূলোও—সচ্ছিদানন্দ বিগ্রহ—পূর্ণ বিগ্রহ! “পূর্ণ মদঃ—” পূর্ণ ছাড়া কিছু নেই। তোমার শুটকী ভাগার কারবার, তাই ধূলোকে ছোটলোক দেখ; ভাবো—“ও ত’ ধূলো মাটি!” আসলে ব্রহ্মই। হালের এটমও দেখছি একটা ব্রহ্মাণ্ড। ব্রহ্ম নিখিল “সৃষ্টি” করিয়া তাতে “অল্প প্রবেশ” করিয়াছেন—এর মানেও তাই! ব্রহ্ম বা পুরুষ তাই “গুহাহিত”; তাঁর শ্রীমন্দির তাই স্বল্প “দহর”। ব্যবহারে—তোমার আমার “কেজো হিসেবী চশমা”র চোখেই তাই। নৈলে, শুধু সর্বত্র ভগবান এমন নয়, সবই ভগবান। ভক্ত তুমি, রসিক সৃজনের মতন দেখিয়া হাঁসিও; ভয়ে আঁৎকাইয়া উঠিও না। কুতো ভয়, ভয় কিসের? মরা মোটেই নেই, সব রাস। ভূত নেই, সব শিব। ধারা সত্যি সত্যি নেই, রাধা আছেন। যাক, ও-সব হেঁয়ালি গুহু কথা। ঈশ্বর

সব “সৃষ্টি” করিয়াছেন—মাটি, পাথর, জল, বাতাস, আকাশ—এসব তবে “সৃষ্টি” পদার্থ, “ভূত”! ও গো তাই নাকি? শুধু “সৃষ্টি” করেন নি, সব হইয়াছেন! সৃষ্টি মানেই তাই। খিজম, প্যান্থিজমের ঝগড়া তুলো না। ফ্যায়দা নেই। শ্রুতি বলেন—“পুরুষো হ বৈ নারায়ণোহ-কাময়ত প্রজাঃ সৃজয়েতি। নারায়ণাং প্রাণো জায়তে মনঃ সর্বেজিয়াণি চ। খং বায়ুর্জ্যোতিরাপঃ পৃথিবী বিশ্বস্থ ধারিণী...”। বেশ, তার পর? “অথ নিত্যো নারায়ণঃ। ব্রহ্মা নারায়ণঃ। শিবশ্চ নারায়ণঃ। শক্রশ্চ নারায়ণঃ। কালশ্চ নারায়ণঃ। দিশশ্চ বিদিশশ্চ নারায়ণঃ। উর্দ্ধশ্চ নারায়ণঃ। অধশ্চ নারায়ণঃ। অন্তর্বহিশ্চ নারায়ণঃ। নারায়ণ এবেদং সর্বং যদভূতং যচ্চ ভবাম্। নিষ্কলঙ্কো নিরঞ্জনো নির্ঝিকল্পো নিরাখ্যাৎ শুদ্ধো দেব একো নারায়ণো ন দ্বিতীয়োহস্তি কশ্চিৎ।” কেমন? বিশ্বরূপ, আবার বিশ্বাতিগরূপ; “অত্যন্তিষ্ঠ দশাস্কুলম্”, দুই-ই মিলিত ত’? ভগবান্ আমাদের দশচক্রে ভূত হইয়াছেন যে!

ধরার দান

শ্রীপ্রভাবতী দেবী সরস্বতী

চাইনে আমি স্বর্গ ভগবান
যেথায় শুধু দেবতা করে বাস,
আলোর মাঝে চাইনে আমি স্থান,
আঁধার মাঝেই রইব বারমাস।
দেবতা থাকুন দেবত্ব তাঁর লয়ে
আমার বোঝা বেড়াই আমি বয়ে
মাটির ধরা আঁকড়ে আমায় ধরে
ওরই বুকে থাকতে আমি চাই,
ধরার প্রেমে বুকটা থাকুক ভরে,
ধরার মত কারেও দেখি নাই।

স্বর্গ থাকুক অনেক দূরে মম
জানি সেথায় আমার কেহ নাই,
ধরায় আছে আমার প্রিয়তম—
যাদের আমি বুকের মাঝে পাই।

জড় যে বোর সমাধিমগ্ন জড়ভরত! তার ঘাড়ে পাখি বসাবে, বসায়। কিন্তু হুঁসিয়ার! সে লাফিয়ে লাফিয়ে পা ফেলে। সত্যি। ইলেকট্রনের নাচের কথা মনে আছে ত? মাটি, পাথর, এমন কি, একটা ধুলোর উপাসনা জড়ের উপাসনা নয়। জড়ই নেই, ছোটই আদপে নেই—তার আবার উপাসনা! মাথা নেই তার মাথা ব্যথা! তবে, হ্যাঁ, আমাদের কারবারি জড়ের বাতিক, ভূতের বাতিক, ছোটর বাতিক কাটিয়ে, কাটানর বন্দোবস্ত করে, তবে উপাসনায় বসতে হবে। সেই জন্তই নানান খানা তোড়-জোড়! ভূতশুদ্ধি, প্রাগপ্রতিষ্ঠা আরও কত কি! তাই না সম্প্রতি এক লেখায় বলিছি—মায়ের পানে পেছন ফিরে ভারি খেলায় মেতেছে। একটাবার খেলা ফেলে মায়ের পানে ফের দিকিন—সত্যি সত্যি মায়ের সাম্ন-সাম্নি হ’লে দেখবে—মাটির মা আমার “মাটির” তনয়া—ও মাটি—মা-টি! তখন নতুন খেলা খেল, খুঁজি হযত’ নয়ত’ মায়ের কোলে উঠে “ঠাণ্ডা” হও।

উপাসনা

অভিজ্ঞতার মূল্য

শ্রীভূপেন্দ্রনাথ গঙ্গোপাধ্যায় বি-এল

উনিশ

মোজা বহুয়া ও রোসনার মধ্য দিয়া নদীটি পশ্চিমদিক হইতে মোজা টানা পথ ধরিয়া আসিতে সেইখানে সহসা বাঁক লইয়া একবার দক্ষিণ দিকে ফিরিয়া গিয়াছে।
চৈত্রের শেষে ক্ষীণতোয়া এই স্বচ্ছ-সলিলার বাঁকের ধারে সন্ধ্যামুখে বেড়াইতে বাহির হইয়াছিল। এখান হইতে প্রায় এক রশি দূরে তাহাদের বাড়ী এবং এই সমস্ত চরটা তাহার পিতার জমিদারীভুক্ত! কিছুদিন হইতে প্রত্যহ এই সমস্ত নিরালায় এইখানে ঘুরিয়া বেড়ান তাহার অভ্যাসের মধ্যে দাঁড়াইয়াছিল।

একটা বড় পাথরের উপর বসিয়া পড়িয়া, বেলা নদীর দিকে চাহিয়া বায়ুভরে ছোটখাট তরঙ্গগুলির খেলা দেখিতে দেখিতে অতীত স্মৃতির মধ্যে নিমগ্ন হইয়া গেল। পর্দা আন্দোলনের কার্যে ব্রতী হইয়া যে দিন সে পিতার নিকট হইতে অতিকষ্টে অনুমতি পাইয়া উৎফুল্লচিত্তে যাত্রা করিয়াছিল সে দিন সে একবারও মনে করিতে পারে নাই যে এত সত্তর তাহাকে ফিরিয়া আসিতে হইবে এবং দারুণ গ্লানি ও মর্মান্বহ বহন করিয়া! মিসেস্ লালের সেই অহেতুক মন্তব্য ও তাহার চেয়েও কঠিন বাক্য আজও তাহার কানের মধ্যে যেন ধ্বনিত হইয়া তাহাকে উত্তেজিত করিয়া ফেলে বটে কিন্তু সেই সঙ্গে ইহাও তৃপ্তির সহিত অনুভূত হয় যে, সে দিনের সেই সংঘর্ষের আলোই চোখ ফুটাইয়া তাহার জীবনের গতিকে নিমেষে ভুল পথ হইতে এই নদীর বাঁকের মতই যেন ফিরাইয়া দিয়াছে।

একটা কোনও অবলম্বন চাই, যাহাকে আশ্রয় করিয়া মাগুয় নিরবচ্ছিন্ন নির্ভরতার সহিত জীবনতরী বাহিয়া যাইতে পারে। আশ্রম তাহাকে প্রথম হইতেই আনন্দ দিত সন্দেহ নাই এবং বাহিরের লোকের সংস্পর্শ ক্রমেই অকারণ লজ্জার

জড়তা অপসারিত করিয়া অবাধ লঘু স্বচ্ছন্দতার আনন্দ দান করিতেছিল। কিন্তু তখনও সে জানিতে পারে নাই, ইহার চেয়ে কত গভীর উপভোগ্য আনন্দ নারী-জীবনে প্রচ্ছন্ন থাকিতে পারে। সেই আনন্দের অনুভূতি সঞ্চারিত করিয়াছে তাহার বিকচোগুখ নারীহৃদয়ের শিরা উপশিরায়...কে? কাহার অক্ষুট আহ্বানের অব্যক্ত আকর্ষণী শক্তি লীলাবতীর অচ্যায় রোষকে হেলায় দলিত করিয়া তাহাকে অবলীলাক্রমে ঈপ্সিতের সহিত মিলনের পথে অগ্রসর করিয়া দিয়াছে?

তাই বৃষ্টি এতদিনে তাহার সন্ধানের আভাষ মিলিয়াছে, নারীর শ্রেষ্ঠ ঐশ্বর্য, পরম সার্থকতা, নিহিত আছে—কোথায়!

নৌকার দাঁড়াটা সম্ভরণে এক পাশে তুলিয়া রাখিয়া জয়করণ নিঃশব্দে তীরে লাফাইয়া পড়িল। তাহার পর মুছ পদক্ষেপে অগ্রসর হইয়া কিছুদূর আসিতেই বেলায় সহিত তাহার দৃষ্টি বিনিময় হইয়া গেল। দিগন্তে অস্তিম সূর্যের রক্তাভার মতই নিমেষে বেলায় মুখ চোখ লাল হইয়া উঠিল।

দুই হাতে তাহার লজ্জানত মুখটি তুলিয়া ধরিয়া জয়করণ বলিল—এখানে বসে কি ভাবছ বেলা?

বেলা কিছুই বলিল না। বলিবার চেষ্টাও তাহার দেখা গেল না। তেমনি ভাবেই মাথা নামাইয়া মাটির দিকে তাকাইয়া যেন কিসের আবেগ দমন করিবার চেষ্টা করিতে লাগিল।

তাহা লক্ষ্য করিয়া জয়করণ আনন্দে উৎফুল্ল হইয়া এক হাত তাহার কাঁধের উপর রাখিয়া বলিল—আমার ওপর রাগ হয়েছে নাকি?

এইবার বেলা সোজা হইয়া তাহার মুখের দিকে তাকাইয়া

বলিল—হাঁ রাগ ত করেছি—কারণ থাকলেই রাগ হয় !
তাড়াতাড়ি পাশেই বসিয়া পড়িয়া জয়করণ বলিতে লাগিল—
এতদিন কেন যে আসতে পারিনি, কত কষ্টে—কি করে
যে আজ পালিয়ে এসেছি তা যদি তুমি শুনতে—

বেলা একেবারে উঠিয়া দাঁড়াইল—আমি শুনতে কিছুই
চাই না। অন্ধকার হয়ে আসছে, অনেক দেবী হয়ে গেছে,
এবার আমি বাড়ী যাব।

জয়করণ তাহার দুটি হাত ধরিয়া ফেলিয়া মিনতির স্বরে
বলিল—আর একটু বস বেলা, অনেক কথা আছে।
আমার নৌকায় বাতি আছে, আমি তোমায় বাড়ী পৌঁছে
দিয়ে আসব।

সজোরে মাথা নাড়িয়া বেলা বলিয়া উঠিল—না, না,
আর আমি এখানে থাকতে পারবো না। আর কেনই বা
থাকবো? বেলাকে এক রকম জোর করিয়া বসাইয়া জয়-
করণ কাতর কণ্ঠে বলিল—আর দশটি দিন মাত্র সবুর করো
বেলা। তারপর আর আমাদের মধ্যে কোন ব্যবধান থাকবে
না, কোন সঙ্কোচের গ্লানি আমাদের অন্তরায় হতে পারবে
না—এক সঙ্গে দেখলে কেউ কিছু বলতে স্মরণ পাবে না।
তখন আমরা দুজনে মিলে, মনের আনন্দে প্রাণভরে—

বেলা বলিয়া উঠিল—তোমার বাবা রাজি হলে ত!

জয়করণ তখন বেলায় আরও নিকটে সরিয়া আসিয়া
নিম্নস্বরে বলিতে লাগিল—রাজি তাঁকে হতেই হবে! না
হয়ে আর অন্য উপায় নেই, এমন মজার চাল চেলেছি এক!

উৎসুককণ্ঠে বেলা বলিল—কি বল ত?

অশেষ বুদ্ধিমত্তার পরিচয়ে নিজের কাহিনীকে অলঙ্কার-
ভূষিত করিয়া জয়করণ যতই বিবৃত করিতে লাগিল, প্রশংসার
দীপ্তিতে বেলায় চক্ষু ক্রমশঃ ততই উজ্জ্বল হইয়া উঠিতে
লাগিল। স্মরণে চতুর্দিকে অন্ধকার যে ক্রমেই গাঢ়তর হইয়া
আসিতেছিল বেলায় আর সেদিকে খেয়ালই ছিল না।
অজানিত পুলকে বিভোর হইয়া তাহার সমস্ত দেহ-মন এক
অপরূপ উন্মাদনায় কাণায় কাণায় পরিপূর্ণ হইয়া উঠিয়াছিল।
এইরূপে কতক্ষণ যে কি ভাবে কাটিয়াছিল বেলা তাহা
জানিতে পারে নাই। এমন সময় অদূরে পরিচিত কণ্ঠস্বরের
আহ্বানে তাহার চমক ভাঙ্গিল—বেলা!

অপ্রতিভ হইয়া বেলা শিলাখণ্ডের উপর হইতে নামিয়া
পড়িল—এ যে ললিতা! কখন এল?

জয়করণ কিপ্র হস্তে তাহাকে ধরিয়া ফেলিয়া বলিল—
চল আমরা নৌকায় পালিয়ে যাই, তাহলে আর—

তীব্র টর্কের আলো তাহাদের উপর পড়িতেই জয়করণ
বসিয়া পড়িয়া চকিতে অদৃশ হইয়া গেল।

ক্ষণ পরেই ললিতা কাছে আসিয়া বলিল—এখানে,
একলা, এই আধারে, কি কচ্ছিস ভাই?

তাহার মুখে বিজ্রপের হাসি, চোখে কৌতুকের দৃষ্টি!

নদীর দিক হইতে ঝপাঝপ শব্দ আসিতে লাগিল।

ললিতা বিস্মিতভাবে বলিল—নৌকা নাকি ভাই?

বেলা এতক্ষণ নিস্পন্দের মত দাঁড়াইয়া ছিল। এইবার
সহসা ফিরিয়া স্বচ্ছন্দেই বলিল—হাঁ, তা আর বুঝতে পারি
না? জয়করণ বাবু! তোকে দেখেই পালিয়ে গেলেন।

ললিতা তখন গলা ছাড়িয়া খুব খানিকটা হাসিয়া বলিল
—ডাকব নাকি? তাহার পিঠে গুম্ গুম্ করিয়া গোটা
কতক কিল বসাইয়া দিয়া বেলা বলিল—তুই এগি কখন
পোড়ারমুখী!

কুড়ি

ললিতার শ্বশুরালয় রহস্য ও জয়করণের টোপাতেই।
প্রায় এক বছর পরে আজ সে বাপের বাড়ী আসিয়াছে।
সন্ধ্যার সময় প্রিয় সখী বেলায় সহিত দেখা করিতে আসিয়া
শুনিল, সে নদীর ধারে বেড়াইতে বাহির হইয়াছে, এখনও
ফিরে নাই। সে আর অপেক্ষা করিতে না পারিয়া তাহাকে
খুঁজিতে বাহির হইয়াছিল।

দীর্ঘকালের পর দুই বন্ধুতে সাক্ষাতের ফলে কিল খাইয়া
তাহা হাসিমুখে সহ করিয়া ললিতা বলিল—তোমার কি
পরিবর্তনই না হয়েছে ভাই, এই অল্প সময়ের মধ্যে!

বেলা তাহাকে জড়াইয়া ধরিয়া, পিঠে হাত বুলাইয়া
আদর করিয়া বলিল—কিসে?

সেই শিলার উপর বসিয়া পড়িয়া ললিতা বলিতে লাগিল
—এই নির্জন অন্ধকারে, নদীর ধারে, তুই কখনও এ সময়
একলা থাকতে পারতিস?

ললিতার গালে একটি মুহূ চাপড় দিয়া বেলা বলিল—
এখনও একলা নই, এর আগেও ছিলাম না।

তবুও তোমার খুব সাহস বেড়েছে—বলিয়া তাহাকে
কোলের কাছে টানিয়া লইয়া ললিতা চাপাস্বরে কহিল—

জয়করণবাবুর সঙ্গে এত ভাব তোর কি রকম করে
হোল রে?

পূর্বাংশে তখন কৃষ্ণ তৃতীয়র চাঁদ হাসিয়া উকি-
মারিতেছেন দেখিয়া অন্ধকার গোপনে অন্তর্হিত হইতেছে।
কখনও সেই নির্মল উজ্জ্বল শরীর পানে চাহিয়া, কখনও
উচ্চল পরশোতা নদীর দিকে দৃষ্টি রাখিয়া, বেলা সেই
শিলাখণ্ডের উপর ললিতার দেহে ভর দিয়া অর্ধশায়িত
অবস্থায় তাহার প্রেমের অরুণ উন্মেষ ও অভিনব বিকাশের
কাহিনী স্বাবেগ-ভরা স্বরে একে একে সমস্তই কহিতে
লাগিল। প্রিয়তমা সখীর নিকট এতদিনে মনের গোপন
কথাগুলি নিঃশেষে উজাড় করিয়া দিয়া অব্যক্ত পরম তৃপ্তিতে
অবশেষে বেলা তাহার দেহ এলাইয়া দিয়া ধীরে ধীরে চোখ
বুজিল।

ললিতা নিবিষ্টচিত্তে প্রতি কথা প্রতি ভাব লক্ষ্য
করিতেছিল। এইবার হাসিয়া ফেলিয়া বলিল—ঈস্। তুই
যে একেবারে ভাবের সাগরে হাবুডুবু খাচ্ছিস দেখছি।
এই মধ্যে এত শিখুলি কোথা থেকে?

বেলা রাগ করিল না। তাহার আয়ত চক্ষু ঈষৎ চাছিল,
ঠোঁটের কোনে মিষ্ট হাসির একটি রেখা ফুটিল। তারপর
ধীর স্বরে বলিল—সত্য ভাই, আমিই বলতে পারি নে,
কেন ভাবে কি করে আমি এত ভালবাসতে জানলাম;
কি মনে হয় জানিস? আমার মত প্রেমের এত গভীরতা
বোধ হয় কেউ কখনও অনুভব করে নি।

বেলায় দুই গণ্ডে অঙ্গুলীর মুছ চাপ দিয়া ললিতা বলিয়া
উঠিল—তুই চুপ কর তো! তোর বাড়াবাড়ি দেখে আর
বাঁচি নে। আমরা যেন আর প্রেমের স্বাদ পাই নি! আসল
ভালবাসা পাওয়া যে কি, তার সন্ধান পাওয়াও যে কত
দুর্লভ, সে যে পেয়েছে সেই কেবল জানে।

ললিতার মুখ কিছুক্ষণ নিরীক্ষণ করিয়া বেলা সন্দ্বিগ্ন
হইয়া কহিল—তোমার এমন কথা বলবার মানে?

ললিতা একটু ইতস্ততঃ করিয়া বলিল—মানে মতলব আর
কি—জানতে পারবি কিন কতক পরেই।

একটা সন্দেহের ছায়া যেন ঘনাইয়া আসিতেছিল,
তাহাকে এক মুহূর্তও সহ করা বেলায় পক্ষে যে কি কষ্টকর
হইয়া উঠিয়াছে, তাহার কথাতেই তাহা প্রকাশ পাইল।

তোমার পায়ে পড়ি ভাই, বলনা শীগুণির কি হয়েছে?

ললিতা একবার দ্বিধা করিয়াই বলিয়া ফেলিল—তোমার
কি মনে হয় জয়করণ বাবু সত্যই তোকে খুব ভালবাসেন?

বেলা উঠিয়া বসিতেই এক বলক জোছনা তাহার দীপ্ত
মুখের উপর পড়িয়া তমসামুক্ত অনাবিল প্রেমের আলোকে
উদ্ভাসিত করিয়া দিল।

নিরুদ্বেগ স্বচ্ছন্দ স্বরে সে বলিল—এই-ই? আমার কি
ভয়ই না হয়েছিল! তা ভাই তুই নিজের চোখে না দেখলে
ত বুঝতে পারবি নে। তুই যদি চুপি চুপি আসতিস
—আলো না ফেলে, একটু দূরে দাঁড়িয়ে সবই শুনতে
পারতিস—

ললিতা কিন্তু মুখ ফিরাইয়া বলিয়া উঠিল—না শুনছি,
সে জ্ঞান ছুঃখ নেই। তোমায় কিন্তু ভাই একটু সাবধান না
করে থাকতে পারছি না, কিছু মনে কোরো না। পুরুষ
মানুষদের কথায় অত সহজে বিশ্বাস করতে নেই, তাতে
হয়ত বিপদে পড়তে হয়।

বেলা উদ্দীপ্ত কণ্ঠে বলিল—উনি সে প্রকৃতির মানুষ নন।
তুই যদি একটিবার দেখতিস ওঁর সরলতা—আন্তরিকতা,
তা হলে ওসব কথা তোর মনেই আসতো না।

ললিতা মাথা নাড়িয়া বলিতে লাগিল—পুরুষদের আকৃতি
বা প্রকৃতির কথা কিছু না বলাই দুর্বলা আমাদের পক্ষে
হয় ত ভাল, হয় ত অনধিকার চর্চা। আমাদের একবার
বাইরে বেরোলেই দোষ, দুটো দূর আত্মীয় পুরুষের সঙ্গে
হেসে কথা কইলেই অপরাধ। অথচ ওঁরা যদি—থাক সে
সব কথা। কেন না ওঁদের বেলায় লীলা খেলা, আর পাপ
লিখেছেন মোদের বেলা। কিছু দেখলেও প্রাণের ভয়ে
চোখ বুজে থাকতে হয়। কোতুহলী হইয়া বেলা বলিল—
কেন, কিছু দেখেছিস নাকি?

ললিতা সে কথার উত্তর না দিয়া বেলায় চিবুক স্পর্শ
করিয়া একটু নাড়া দিয়া বলিল—কিন্তু তুই ভাই সত্যই
ভালবেসেছিস, গুণ আছে তোর প্রেমের—কি সুন্দর রূপ
হয়েছে তোর এই কয় মাসে!

ললিতার হাত ধরিয়া বেলা বলিল—যাঃ বাজে কথা।
তুই বুঝি কথা এড়িয়ে যাবি? এখন, কি দেখেছিস—বল।
ললিতা একটু ভাবিয়া বলিল—দেখি নি ত কিছুই।

বেলা তাহাকে একটা ধাক্কা দিয়া বলিল—তবে রে
মিথ্যাবাদী!

ললিতা বলিয়া ফেলিল—না দেশলেও—কানে কিছু কিছু কথা আসে বটে।

তবে বল কি শুনেছি।

ললিতা বলিতে লাগিল—জয়করণবাবু তাঁর বন্ধুবান্ধবদের কাছে যে সব কথা বলেন, ইনিও তাঁদের কাছে সব শুনেতে পান কিনা, তাই অনেক কথাই আমার শোনা হয়ে যায়। কেমন করে তোমাদের কত ভাব হোল, তারপর চল করে লীলাবতীর সঙ্গে রগড়া বাধিয়ে দিয়ে আগে থাকতে সব ব্যবস্থা করে, নিশীথ রাতের ট্রেনে কি ভাবে তোমায় নিয়ে এসেছিলেন—নিজের কামরাতে সযত্নে তোমার বিছানা করে দিয়েছিলেন—আর কেউ না কি ছিল না—আরও কত কি!

উত্তরোত্তর লজ্জিত হইয়া বেলা বলিল—ঐ ত ওঁর দোষ। এত সরল আর খোলা প্রাণ, কোনও কথা চাপতে বা লুকোতে জানেন না। অথচ এত ভালমানুষ যে, সে সব কথা বলে ফেলার পরিণাম কি হবে, তাও চিন্তা করে দেখেন না।

ললিতা আর থাকিতে না পারিয়া বলিয়া উঠিল—কিন্তু পুরুষের অত অপরিণামদর্শী হওয়া যে আমাদের পক্ষে অনর্থের সূত্রপাত করে, সেটাও দয়া করে একবার ভেবে দেখা উচিত।

বেলা প্রতিবাদ করিয়া উঠিল—এতে আর কি এমন অনর্থ হতে পারে তাই?

এবার কতকটা বিজ্ঞপের স্বরে ললিতা বলিল—না, এমন আর কি বল। তবে কাল আমি এতদূর পর্যন্ত শুনে এসেছি যে এমন অবস্থা তোমার নাকি হয়ে দাঁড়িয়েছে যে তোমার বাবাকে এখন বাধ্য হয়ে বিয়ে দিয়ে ফেলতে হবে—এবং সেই চার হাজার তিলক দিয়ে।

বেলা দৃপ্তস্বরে উত্তর করিল—হতেই পারে না—মিছে কথা। এই খানিক আগে আমার বলে গেলেন যে এমন চাল এক চলেছেন যে তাঁর বাবাকে রাজি হতেই হবে—বিয়ে দিতে, টাকা যা হয় দিলেই হবে।

আজ সকালের কি খবর জান? যা শুনে, কেবল তোমাকে বলবার জন্তই আজ আমি এখানে ছুটে এসেছি—বলিয়া ললিতা উঠিয়া দাঁড়াইল। পরক্ষণেই আবার বলিল—না, এখানে সে কথা বলব না। আগে বাড়ী চল।

বেলাও উঠিয়া পড়িয়া ললিতার হাত চাপিয়া ধরিল—না, না, তোকে এখনই বলতে হবে—মেরি কসম।

ললিতা তখন কহিল—তবে আমার বলতেই হল, যেন দুঃখ পাসনে তাই। ধামনের জমিদার বাবু তেজনারায়ণ তেওয়ারীর একমাত্র মেয়ের সঙ্গে জয়করণ বাবুর সখরর কথাবার্তা কিছুদিন ধরে চলছে। তিলক দেবেন নগদ পাঁচ হাজার, তাছাড়া বরাভরণ ইত্যাদিতে সবশুদ্ধ নাকি আরও চার পাঁচ হাজার খরচ করবেন। তাঁরা আজ সকালে রহস্যর এসে পাকা কথা কয়ে সশুণ দিয়ে গেছেন। তখন জয়করণ বাবু সেখানে উপস্থিত ছিলেন। সেই সংবাদ পেয়েই—ওকি তুই অমন হয়ে পড়লি কেন?

নিমেঘের মধ্যে বেলায় মুখ ছাইএর মত পাংগুর্ণ হইয়া গেল এবং মুষ্টিবদ্ধ হাতে সে ধীরে ধীরে শিলার উপর বসিয়া ক্রমে শুইয়া পড়িল। তাড়াতাড়ি বেলায় মাথা কোলের উপর তুলিয়া লইয়া ললিতা বলিল—এই জন্তই ত এতক্ষণ বলতে চাই নি। চোখ চাও বহিন্।

অনেক ডাকাডাকির পর বেলা চক্ষু চাছিল বটে, কিন্তু তাহার মনে হইতেছিল যেন কোথাও আঁধার চিহ্নমাত্র নাই। জলে স্থলে জমাট গাঢ় অন্ধকার ভরিয়া গিয়াছে।

একুশ

প্রায় একমাস পরে একদিন সকালে ডাক্তার লাহিড়ীর বাসায় গিয়া রামজনম ও মুরলীমোহর ডাকাডাকি করিতে লাগিলেন। তাঁহাদের বসিতে বলিয়া ভৃত্য জানাইল যে ডাক্তারসাহেব কলে বাহির হইয়াছেন, ফিরিতে বোধ হয় বিলম্ব নাই।

মুরলী বলিল—তখনই বলেছিলাম এখন দেখা পাওয়া যাবে না। পরে আসা যাবে, এখন চলুন—ভাল করে মুসাবিদা করে ফেলা যাক।

রামজনম চিন্তিতভাবে বলিলেন—তাঁর আগে এটাও দেখা দরকার যে—

—কি দেখবেন মোক্তার সাহেব? এই যে মনোহরও আছেন।—বলিয়া ডাক্তার প্রবেশ করিলেন।

মুরলী আরম্ভ করিল—আপনার সঙ্গে—

ডাক্তার কহিলেন—বসুন, বসুন—বড় বিমর্ষ দেখছি যে মোক্তার সাহেব।

মুরলী বলিতে লাগিল—তাই ত পরামর্শের জন্ত আমরা এখানে এসেছি। আমার প্রথম প্রশ্ন হবে, কিশোরীলালকে আপনি শেষ কবে দেখতে গিয়েছিলেন। দ্বিতীয় প্রশ্ন এই যে, শারীরিক বা স্বাস্থ্যের উন্নতির জন্ত তাকে আপনি কোথাও বায়ু পরিবর্তনে যাবার উপদেশ দিয়েছেন কি না এবং যদি দিয়ে থাকেন ত সে কোথায়?

তাঁহার চেয়ার ধরিয়া দাঁড়াইয়া ডাক্তার উত্তর দিলেন—তার আগে আমার এই প্রশ্ন হচ্ছে যে, পুলিশের সি আই ডিতে তুমি নাম দিয়েছ কিনা এবং তাহা যদি হয়—ত সে কোন তারিখে।

রামজনম বলিয়া উঠিলেন—আমার বিপদের কথা বোধ হয় আপনার মালুম নেই? চিড়িয়া উড়েছে!

ডাক্তার চেয়ারে বসিয়া বলিলেন—না, কোন্ চিড়িয়া ভাই, ময়না—না তোতা?

মুরলী বলিতে লাগিল—ম্যাজিস্ট্রেট সাহেবের ক্যাম্প রয়েছে আজ পাঁচদিন, চাম্খায়। মোক্তার সাহেব ও আমি দেখানে একটা কেসে ছিলাম চারদিন। আজ তোরের ট্রেনে ফিরে এসে দেখা গেল মিসেস লাল অদৃশ্য হয়েছেন! অল্পসন্ধান জানা গেল তিনি কিশোরীর সঙ্গে কার্শিয়ং গেছেন! এই রকম একটা ঘটনার আশঙ্কা আমাদের অনেক দিন থেকেই ছিল। স্বামীর বিনামূল্যে একজন পরপুরুষের সঙ্গে—যাঁর সহিত পূর্বঘনিষ্ঠতার অনেক প্রমাণ আছে—গোপনে পলায়ন—এ এক রকম অসহ!

ডাক্তার গম্ভীরভাবে বলিলেন—তাই ত! বিশেষতঃ পুরুষ যখন স্বাস্থ্যলাভ করতে চলেছেন। এখন মোক্তার সাহেব কি করতে চান?

রামজনম বলিলেন—দেওয়ানী করে কে এক বছর বসে থাকবে। আমি আজই ফৌজদারী করে এর একটা হেস্তনেস্ত করতে চাই। ওয়ারেন্ট বার করা আমার পক্ষে কিছুই শক্ত নয়।

ডাক্তার বলিলেন—সেই সঙ্গে স্ট্রেকারের ব্যবস্থাও করবেন। তা আমাকে কি সাক্ষী মানতে চান না কি?

মুরলী বলিয়া উঠিল—অন্ততঃ এখন জানতে চাই যে আপনার পরামর্শেই কিশোরী কার্শিয়ং গিয়েছে কি না।

ডাক্তার জিজ্ঞাসা করিলেন—আর যদি মিসেস লালের পরামর্শেই গিয়ে থাকে?

মুরলী বলিল—তা আমাদের কেস হবে না। বুঝতে পার্ছেন না, বিবাহিতা স্ত্রী—abduction—আইন মানিয়ে ত চলতে হবে! কিশোরীই যে মিসেস লালকে অনেক দিন থেকে প্রলোভন দেখিয়ে, শেষে তুলিয়ে নিয়ে গেছেন—

ডাক্তার জিজ্ঞাসা করিলেন—কি উদ্দেশ্যে?

মুরলী বলিল—সে সব আমরা ঠিক করে নেব। কিশোরীর বর্তমান শারীরিক অবস্থা কেমন এবং আপনি তাকে কার্শিয়ং বায়ু পরিবর্তনের উপদেশ দিয়েছেন কিনা—উপস্থিত এই দুটি কথা জানা আমাদের দরকার।

ডাক্তার বলিলেন—প্রথমে আমার জানা দরকার যে লীলা যদি কিশোরীর সঙ্গে কার্শিয়ং গিয়ে থাকেন, তাতে মোক্তার সাহেবের ভয় পাবার কি আছে?

মুরলী বলিল—ভয়ের কারণ নেই? কি যে বলেন!

ডাক্তার হাসিয়া বলিলেন—আমার মনে হয়, ভয়ের ভিত্তি ওঁর নিজেরই দুর্বলতায়—হতে পারে স্নায়বিক। কারণ, সাহেবের ক্যাম্পে বড় মকদ্দমায় হয়ত কয়দিন অত্যধিক পরিশ্রম হয়ে থাকতে পারে, তা না হলে এ রকম ঘটনাকে বিপদের মধ্যে গণ্যই করা যেতে পারে না।...কি বলেন মোক্তার সাহেব? মনে পড়ে সেই দিনের কথা, যে দিন কিশোরী ও আপনার সঙ্গে এই পর্দা নিয়ে আমার প্রথম আলোচনা হয়েছিল?

কিছুক্ষণ চুপ করিয়া থাকিয়া মোক্তার বলিলেন—মনে পড়ে বই কি। এ রকম বিপদে পড়তে হবে তখন কি জানতাম! আর প্রকৃতপক্ষে আমি কোনও কালে পর্দার বিরুদ্ধে যেতে চাই নি—

ডাক্তার বলিলেন—কারণ মনের সে প্রসার গতি এখনও আপনার হয় নি।

রামজনম বলিয়া ফেলিলেন—নাই হোক। কিন্তু লীলাকে শাস্তি দেওয়া একবার দরকার হয়েছে। আপনার কাছে সে জন্ত আমি করজোড়ে সাহায্য প্রার্থনা করছি।

ডাক্তার সঙ্গে সঙ্গে হাতজোড় করিয়া বলিলেন—আমিও করজোড়ে আপনাকে অল্পনয় করছি, এ বিষয়ে সাহায্য করতে আমায় অল্পরোধ করবেন না।

মুরলী জিজ্ঞাসা করিল—কেন?

ডাক্তার গম্ভীরভাবে বলিলেন—তোমরা ছেলেছোকরা মানুষ, এসব কথা ঠিক বুঝতে পারবে না।

তারপর রামজনমের দিকে ফিরিয়া বলিলেন—শুনছেন মোক্তার সাহেব। লীলার সঙ্গে যদিও কয়েক বিষয়ে আমার মতের মিল না থাকতে পারে, কিন্তু লীলার মত গুণবতী মেয়ে আমি কমই দেখেছি—বোধ হয় ঠিক অমনটি আর দেখি নি! কিছুদিন সংস্পর্শে এসে বুঝতে পেরেছি যে তার সহায়তা, আন্তরিকতা ও কর্তব্যনিষ্ঠার তুলনা পাওয়া শক্ত। আপনি যে তার উদারতাকে এখনও সন্দেহ করেন এতে আমি কেবল আশ্চর্য্য নয়, মর্সাহত হয়েছি। তার কার্যে বা চরিত্রে সন্দেহান হওয়া আমি পাপ মনে করি। সুতরাং মাপ করবেন, তাকে অপমান করবার কোন চক্রান্তে আমার কাছে লেশমাত্র সাহায্য পাবেন না।

মুরলী উঠিয়া দাঁড়াইল—তা হলে চলুন। রামজনম ইতস্ততঃ করিতেছেন, দেখিয়া ডাক্তার বলিলেন—একটি কথা জানতে পারি কি? লীলাকে কি আপনি ত্যাগ করবেন?

রামজনম বিস্মিত হইলেন—তার কি মানে আছে!

ডাক্তার কহিলেন—মানে আছে বই কি। এই সব মামলা হাজামার পর, আমার মনে হয়, লীলার মত আত্মসম্মানী মেয়ে—তার পিতার অবস্থাও মন্দ নয়—হয় ত আর আপনার সঙ্গে সম্পর্ক রাখতে চাইবে না।

মুরলী কিছু বলিতে উদ্বৃত হইলে ডাক্তার সঙ্কেতে তাহাকে নিবারণ করিয়া বলিতে লাগিলেন—এইটেই হচ্ছে কিছু করতে যাওয়ার আগে—আপনার প্রধান বিবেচনার বিষয়। ভেবে দেখবেন মোক্তার সাহেব—মকদ্দমার ফলাফলের উপর এটা মোটেই নির্ভর করছে না। একবার যদি প্রকাশ আদালতে এই সব কথা বার করেন, তারপর হয়ত অভিমানিনী লীলাকে ফিরে পাওয়া আপনার অসম্ভব হবে। আর আপনার কেসের কি গতি হবে তাও অনুমান করা শক্ত নয়। পর্দার বিরুদ্ধাচারী আপনি ও আপনার স্ত্রী এবং কিশোরীলালও,—তার বহুল প্রমাণ আছে। সেই স্ত্রী পরস্পরের ঘনিষ্ঠতা হতে দেবার সহায়তা আপনি যথেষ্ট করেছেন। সুতরাং রুগ্ন দুর্বল কিশোরীকে দোষী প্রমাণ করা আপনার পক্ষে কতদূর সম্ভব, আইনজ্ঞ আপনারা বিচার করে দেখবেন। আমার বিবেচনায় লীলাকে অথবা সাজা দিতে গিয়ে, তার দশগুণ শাস্তি আপনি নিজেই পাবেন।

মুরলী বলিল—অনেক দেরী হয়ে গেল—আমার অল্প কাষ আছে—এখন উঠুন।

রামজনম অব্যবস্থিতভাবে উঠিয়া দাঁড়াইয়াছেন, এমন সময় ফাণ্ডনি ছুটিয়া আসিয়া হাঁফাইয়া বলিল—মাইজি আ গেয়ে, আপুকা বোলাতে হেঁ।

ডাক্তার আনন্দে প্রায় লাফাইয়া উঠিলেন—কেন আপনাদের ফেসে গেল না কি? যারে ফাণ্ডনি, আমার গাড়ী নিয়ে জলদি তাঁকে এখানে নিয়ে আয়। না, না, দাঁড়া, আমি নিজেই গিয়ে দিদিকে আনছি। চলুন না মোক্তার সাহেব, বাড়ীতে যেতেই হবে—আমার গাড়ীতেই চলুন—বিলম্বেন অলম্।

তারপর মুরলীর হাত ধরিয়া ডাক্তার বলিলেন—তুমিও এস, কিন্তু খুব সাবধান—এ সব কথা যেন ঘুণাকার প্রকাশ না পায়।

গাড়ীতে উঠিবার সময় লাহিড়ী একবিন্দু আনন্দাশ্রু অলক্ষ্যে মুছিয়া ফেলিলেন!

বাইশ

কার্সিয়ংএ লীলাবতীর পিতার বাড়ী দুইখান ছিল; একটিতে নিজে থাকিতেন, অপরটি ভাড়া দেওয়া হইত। ডাক্তার লাহিড়ীর পরামর্শে ও লীলাবতীর সাহায্যে সেই বাড়ীটি ঠিক করিয়া কিশোরীর পিতা সপরিবারে কয়েক মাস কার্সিয়ংএ থাকা স্থির করিয়াছিলেন।

অপরিচিত স্থানে দুর্বল স্বামীকে লইয়া গিয়া কোনও অসুবিধা বা বিপদে না পড়িতে হয়, এইজন্ত সাক্ষী পত্রযোগে লীলাবতীকে সঙ্গে যাইবার জন্ত কাতর অনুরোধ জানাইয়াছিলেন। অনেককাল পরে পিতার সহিত সাক্ষাতের প্রলোভনবশে লীলা মনে মনে সম্মত ও কতকটা প্রস্তুত হইয়া স্টেশনে যান এবং সকলের সনির্বন্ধ অনুরোধে ফলে তাহাদের সহিত যাওয়া সংঘটন হয়। অল্প তাগর পূর্বদিন রামজনম সফরে যাওয়ার জন্ত এ সকল বিষয় জানিতে পারেন না। সেই কারণে স্বামীর বিরক্তির ভয়ে লীলা সকলপ্রকার ব্যবস্থা করিয়া দিয়া যত সত্বর সম্ভব ফিরিয়া আসিয়াছিলেন। তথাপি ইতিমধ্যে যে কিছু একটা গোলযোগ হইয়াছে তাহা ফাণ্ডনি পরিষ্কার করিয়া না বলিতে পারিলেও লীলার বুদ্ধিতে বিলম্ব হয় নাই।

তাহার পর রামজনমের সঙ্গে ডাক্তার লাহিড়ী আসিয়া যে কয়েকটি প্রশ্নে ব্যাপারটা পরিষ্কার করিয়া দিয়া বিবাদের পথ বন্ধ করিয়া গিয়াছিলেন তাহাও লীলা আনন্দাজ করিয়াছিলেন। ইহার পর রামজনম কিছুই বলেন নাই এবং লীলারও সে প্রশ্ন উত্থাপন করিতে স্পৃহা হয় নাই। কালের গতি সে ক্ষতের উপর প্রলেপ দিয়া যাইতেছিল বটে, কিন্তু তাহাকে একেবারে নিরাময় করিতে পারে নাই।

সেদিন বৈকালের দিকে লীলাবতী ভিতরের দালানে বসিয়া নিজ মনে চরকায় সূতা কাটিতেছিলেন, এমন সময় তাহার পর্চাতে আসিয়া বেলা ডাকিল—লীলাদি!

হাতের কাষ বন্ধ করিয়া লীলা কিছুক্ষণ আশ্চর্য্য হইয়া তাহার দিকে চাহিয়া রহিলেন। বেলা তাঁহার কাছে বসিয়া পড়িয়া বলিল—লীলাদি, আপনি আমার অপরাধ ক্ষমা করুন কি?

কিসের অপরাধ, বেলা?

আমি রাগের মাথায় কি সব আপনাকে বলে চলে গিয়াছিলাম—

—ওঃ, এই-ই? কিন্তু তার আগে আমিও তোমায় শক্ত কথা কম বলি নি! তখন যদি জানতাম জয়করণ বাবুর সঙ্গে তোমার বিয়ে হবে—

—না হবে না—

—কেন এই যে শুনি তোমাদের এত ভালবাসা—

—না, ভুল শুনেছেন। ভালবাসতে বোধ হয় তিনি জানেন না। আপনি ঠিকই বলেছিলেন—আমারই অত্যাচার হয়েছিল, অজ্ঞাত পুরুষের সঙ্গে সামান্য পরিচয়ে ঘনিষ্ঠভাবে মিশতে যাওয়া এবং সেই সুরযোগ পেয়ে চলনা করে তিনি যে আমার কি সর্বনাশ করতে উদ্বৃত হয়েছিলেন, সে কথা পরে একদিন বলবো। কিন্তু ভগবানের দয়ায় সে চাতুরী ধরা পড়ে যায় এবং তার পরও আমার সঙ্গে সাক্ষাতের চেষ্টা করায় আমি ঘুণাভরে তার লাজনার বাকি রাখি নি। যাক্ সে সব কথা। এখনও আপনি আমায় ক্ষমা করেছেন কিনা বলুন।

লীলা স্নেহে বেলায় হাত ধরিয়া বলিলেন—আমি তোমায় সর্বান্তঃকরণে ক্ষমা করেছি বোন। পরে বুঝেছিলাম, দোষ তোমার ছিল না। তাই তোমায় যে কষ্ট বলেছিলাম সেই গ্লানিই এখনও আমায় কষ্ট দেয়।

বেলা স্মিত মুখে বলিল—না দিদি, আপনি আর কিছু মনে রাখবেন না।

রামজনম সেখানে আসিয়া উপস্থিত হইলেন—বেলা, তোমার ভাই যে তাড়া লাগিয়েছেন, ট্যান্ডি আর দাঁড়াতে চায় না।

লীলা উত্তর করিলেন—না চায়, যেতে পারে। আমি অল্প গাড়ী বেলাকে আনিয়ে দেব। এত শীঘ্র ওর যাওয়া হবে না, বলে দাও।

রামজনম একটা খাম লীলার হাতে দিয়া বলিলেন—তোমার চিঠি। এটা সকালেই কাছারিতে পেয়েছি—দিতে ভুলেছিলাম।

লীলা চিঠি খুলিয়া পড়িতে লাগিলেন।

বেলা চরকা লইয়া নাড়াচাড়া করিয়া বলিল—একবার দাদামশায়ের কাছে যেতে হবে।

লীলা বলিয়া উঠিলেন—আচ্ছা লোক ত তুমি! এতবড় একটা সুখবর এতক্ষণ পকেটে চেপে রেখে দিয়েছিলে!

রামজনম জিজ্ঞাসিলেন—কি বল ত?

লীলা বলিলেন—এত সহজে তোমায় বলছি আর কি! তুমি এখন যাও, বেলায় ভাইকে নিয়ে গল্প করগে। গাড়ী ছেড়ে দাও। এখানে চা খেয়ে আমরা দাদামশাইএর কাছে যাব। তাঁকে একটা খবর পাঠিয়ে দাও।

রামজনম ফিরিয়া যাইতেছিলেন, লীলা ডাকিয়া বলিলেন—ওগো, শুনছো? তোমাদের মত কথা চেপে রেখে আমরা হজম করতে পারি নে—শুনেই যাও। বেলায় যে বিয়ে—এই শনিবারে।

মাথা নাড়িয়া রামজনম বিজ্ঞের মত কহিলেন—হাঁ, জয়করণের সঙ্গে ত!

লীলা হাসিয়া উত্তর করিলেন—না, ছাপরার এক ডেপুটি, নতুন বোধ হয়। নামটি বড় চমৎকার, বন্ না ভাই বেলা। এখনই বলে নে, এর পরে আর উচ্চারণ করতে নেই, ইষ্টমন্ত্রেরও বাড়া! কি কড়া নিয়ম ভাই ওদের, আমাদের বেলা?

বেলা উত্তর দিবে কি, লজ্জায় আরক্ত হইয়া উঠিতেছিল!

* * * *

লাহিড়ী তখন বাহিরের ঘরে নিবিষ্টচিত্তে বসিয়া একটা মোটা কেতা পড়িতেছিলেন।

পদশব্দে মুখ তুলিয়া চশমার ফাঁক দিয়া দেখিয়া বলিলেন—এস, এস, সব। আরে, এ যে বেলা! বিয়ের কনে এমন করে ঘুরে বেড়ায়!

সকলে আসন গ্রহণ করিলে লীলা বলিলেন—বেলা যে আপনাকে নেমতন্ন কর্তে এসেছে!

ডাক্তার বিষয়মুখে বলিলেন—তার মানে মড়ার উপর খাঁড়ার যা। সকালে চিঠি পেয়ে অবধি মন একদম খারাপ হয়ে গেছে। বইটাই পড়ে কোন রকমে মন ভোলাচ্ছি। নাঃ, বড় আশা হয়েছিল যে জয়করণ যখন বিতাড়িত হয়েছে, তখন এবার আমার ভাগ্যই বুকি সুপ্রসন্ন!

বেলা মুখে কাপড় দিয়া হাসিতেছিল। লীলা বলিয়া উঠিলেন—এখনও চেষ্টা করে দেখুন না, হাতের কাছে ত পেয়েছেন!

ডাক্তার কহিলেন—ছাপা নিমন্ত্রণ-পত্র পাবার পর? না ভাই, শেষে নারীহরণ মামলায় পড়ে যাব!...বলিয়া রামজনমের প্রতি দৃষ্টিনিষ্ক্রেপ করিলেন।

রামজনম কথাটা চাপা দিয়া বলিলেন—এদিকে যে জয়করণ বলে বেড়ায়, তার বিয়ের সব ঠিক।

ডাক্তার বলিলেন—তাই ছিল, ধামনে বটে। কিন্তু আজকের খবর সেখানেও ফস্কে গেছে।

লীলা জিজ্ঞাসা করিলেন—তাই নাকি? আপনিক কোথায় শুনলেন?

ডাক্তার বলিলেন—আজ সকালেই যে আমি ধামন গিয়েছিলাম। সে অনেক কথা—থাক। এখন বেলায় বিষয় শোনা যাক—কি বল?

বেলা সুযোগ পাইয়া বলিতে লাগিল—দাদামশাই আপনাদের কাছে এসেছি—যদি আপনার মনে কোন কষ্ট দিয়ে থাকি—

দুই হাত তুলিয়া লাহিড়ী বলিলেন—আর কথায় কাছ কি! গোড়া কেটে আগায় জল ঢেলে কি লাভ?

তাহার পর উঠিয়া গিয়া বেলায় মাথায় ডান হাতখানি রাখিয়া লাহিড়ী গদগদস্বরে বলিলেন—আশীর্বাদ করি দিদি, সুখী হও!

পাচক আসিয়া সংবাদ দিল, সব প্রস্তুত।

লাহিড়ী হাসিয়া বলিলেন—আমার অভিজ্ঞতা ত কম হ'ল না!

রামজনম কহিলেন—কি রকম শুনি?

ডাক্তার বলিলেন—আগে আহাতি হয়ে যাক। তার পর নিজের কথা সকলে একে একে বলা যাবে। মোক্তার সাহেবের কাহিনী বোধ হয় সবচেয়ে করুণ!

লীলা বলিলেন—আর আমার?

বেলা বলিয়া উঠিল—আমার কিন্তু বড়ই মর্মান্তিক!

ডাক্তার বলিতে লাগিলেন—আজ আমাদের মধ্যে একজন নেই, তার কথা যতদূর জানি, আমিই বলবো। ভগবানের কাছে প্রার্থনা, কিশোরী যেন অচিরে পূর্ণ স্বাস্থ্য লাভ করেন। যার কাহিনী যতই করুণ মর্মান্তিক হোক না কেন, এই কথা সর্বদা স্মরণ রাখা চাই যে বিনামূল্যে শিক্ষালাভ সহজে বড় একটা হয় না এবং যত কিছুই না ছুঃখকষ্ট পেয়ে থাকি, জীবনে বৃথা কিছুই যাবে না।

সমাপ্ত

গান

শ্রীবীরেন্দ্রলাল রায়

নিভুল রে ওই দিনের আলো

উঠল ফুটে রাতের হাসি।

তুই কি ভোলা বাঁধন-খোলা

শুন্তে না পাস্ পাগল বাঁশী?

তোমার তো এ ঘর নয় রে আপন

তুই যে ভোলা পরবাসী ॥

ঘুমের মাঝে বোনা স্বপন

ভাঙবে যবে জাগবে তপন

মিথ্যে মায়ার এ বীজ বপন

মন-ভোলান কথার রাশি—

স্মৃতি-তর্পণ

শ্রীজলধর সেন

আজ যার স্মৃতি তর্পণ করব, জগতের শিক্ষিত জনগণের কাছে তাঁর পরিচয় দেওয়া নিতান্তই অনাবশ্যক। তিনি সর্বজনপরিচিত ছিলেন, এবং এখনও অসংখ্য জনগণের পূজা গ্রহণ করছেন।—তিনি সর্বজনশ্রদ্ধেয় যুগমানব—মহামানব (superman), ভারতের উজ্জলরত্ন স্বামী বিবেকানন্দ।

বিবেকানন্দের কথা মনে হলেই আমার হিমালয়ের কথা মনে পড়ে। নগরাজ হিমালয়ের যেমন তুলনা নেই—মানবশ্রেষ্ঠ বিবেকানন্দও তেমনই তুলনার অতীত।

উনিশ শতাব্দের শেষার্ধ্বে যে কয়টি জ্যোতিষ্ক ভারত-গগন আলোকিত ও উদ্ভাসিত করেছিলেন—সুধু ভারতবর্ষ কেন—সমগ্র সভ্যজগত যাদের অবদানে উন্নতশীর্ষ হয়েছিল—স্বামী বিবেকানন্দ তাঁদের অগ্ৰতম। নিতান্ত অযোগ্য ভক্ত হলেও আজ বহুদিন পরে তাঁর স্মৃতির তর্পণ করতে বসছি এবং আমার দৃঢ় বিশ্বাস, যিনি নরলোকে আমাকে ভাই বলে আলাপন করেছিলেন, আজ ত্রিদিবধামে অবস্থিত হলেও তাকে তিনি ভুলতে পারেন নি, তার শ্রদ্ধা-অর্থ্য তিনি গ্রহণ করবেনই।

আমার বন্ধুগণের অনেকের ধারণা—নরেন্দ্রনাথ দত্ত (স্বামী বিবেকানন্দ) আমার সহপাঠী ছিলেন।—তা ঠিক নয়। আমি ১৮৭৮ খৃষ্টাব্দে প্রবেশিকা পরীক্ষায় উত্তীর্ণ হয়ে ১৮৭৯ অব্দে এপ্রিল কি মে মাসে জেনারেল এ্যাসেমব্লিজ (অধুনা স্কটিশ চার্চেস) কলেজে প্রথম বার্ষিক শ্রেণীতে প্রবেশলাভ করি। আমার সহপাঠী ছিলেন—বিশ্ববিখ্যাত দার্শনিক পণ্ডিত শ্রী ব্রজেন্দ্রনাথ শীল মহাশয়। আর কে কে আমার সহপাঠী ছিলেন তাহা এখন আর মনে নাই। এতকাল পরে তাঁদের মধ্যে আর এক জনের নামই আমার মনে পড়ছে—তিনি বর্দ্ধমান রাজশ্রেণীর সহযোগী ম্যানেজার ছিলেন—নাম হরীকেশ চট্টোপাধ্যায়। আমার সেই কলেজ সময়ের বন্ধু হরীকেশ আজ কয়েক মাস হল পরলোকগত হয়েছেন।

নরেন্দ্রনাথ দত্ত ১৮৭৯ অব্দে প্রবেশিকা পরীক্ষায় উত্তীর্ণ

হন। ১৮৮০ অব্দে তিনি কলকাতার প্রেসিডেন্সী কলেজের প্রথম বার্ষিক শ্রেণীতে প্রবেশলাভ করেন। কয়েক মাস অধ্যয়নের পরই শরীর অসুস্থ হওয়ায় তিনি প্রেসিডেন্সী কলেজ ত্যাগ করেন। সে বৎসরটি তাঁর বৃথা যায়। ১৮৮১ অব্দে তিনি জেনারেল এ্যাসেমব্লীতে প্রথম বার্ষিক শ্রেণীতে ভর্তি হন। ১৮৮০ অব্দের শেষে এফ. এ. পরীক্ষা দিয়ে আমি কলেজ থেকে বের হই। ১৮৮১ অব্দে আমি ঐ কলেজের সঙ্গে সম্পর্ক ত্যাগ করি। স্মরণ্য নরেন্দ্রনাথ আমার সহপাঠী ছিলেন না। আমার কলেজ ত্যাগের পর-বৎসর তিনি কলেজে প্রবেশ করেন। শ্রী ব্রজেন্দ্রনাথ তখন তৃতীয় বার্ষিক শ্রেণীর ছাত্র।

নরেন্দ্রনাথ যখন কলেজে পড়েন, তখন তাঁর সঙ্গে আমার পরিচয় হয় নি, হবার সম্ভাবনাও ছিল না; তবে তাঁকে আমি অনেক দিন দেখেছি এবং তিনিই যে নরেন্দ্রনাথ দত্ত তাও জানতাম।

বাল্যকাল থেকেই আমি ব্রাহ্মসমাজে যাতায়াত করতাম। আমাদের গ্রামে মহর্ষি দেবেন্দ্রনাথ ঠাকুর মহাশয় একটি ব্রাহ্মসমাজ প্রতিষ্ঠিত করেন। আচার্য্য কেশবচন্দ্র সেনের আমলে আমাদের গ্রামের ব্রাহ্মসমাজ ভারতবর্ষীয় ব্রহ্মমন্দিরের অন্তর্ভুক্ত হয়; তার পর যখন সাধারণ ব্রাহ্মসমাজ প্রতিষ্ঠিত হয় তখন আমাদের ব্রাহ্মসমাজও “সাধারণ”-দল-ভুক্ত হয়। স্কুলে পাঠের সময় থেকে কলেজের পাঠ-সমাপ্তি পর্যন্ত আমি যথানিয়মে ব্রাহ্মসমাজের উপাসনায় যোগ দিতাম। কলেজ ত্যাগের পরও যখনই কলকাতায় আসতাম তখনই কর্ণওয়ালিশ স্ট্রীটের সাধারণ ব্রাহ্মসমাজের রবি-বাসরীয় উপাসনায় যোগদান করতাম এবং সে সময় যাহারা ব্রাহ্মসমাজের নেতৃস্থানীয় ছিলেন তাঁদের সকলের সঙ্গেই আমার পরিচয় হয়েছিল। তাঁরা প্রায় সকলেই আমাদের গ্রামের সমাজের বার্ষিক উৎসবে যোগদান করতে যেতেন। সেই স্মৃতি তাঁদের সঙ্গে পরিচয় হয়েছিল। তাঁর-পর কলিকাতাতেও তাঁরা আমাকে যথেষ্ট ভালবাসতেন। ব্রাহ্মসমাজের এই রবি-বাসরীয় উপাসনা উপলক্ষে একটি

যুবক মধ্যে মধ্যে ব্রহ্ম-সঙ্গীত গেয়ে সকলকে মুগ্ধ করতেন। আমার ব্রাহ্ম বন্ধুদের কাছে তাঁর পরিচয় পেয়েছিলাম। তিনি নরেন্দ্রনাথ দত্ত। তিনি তখন ব্রাহ্ম-ধর্ম গ্রহণ করেন নি, কিন্তু ঐ ধর্মমতের প্রতি তাঁর আস্থা জন্মেছিল।

বিশ্বজয়ী স্বামী বিবেকানন্দ তখন নরেন্দ্রনাথ দত্ত। আমি তাঁর গান শুনেছিলাম—তাঁর পরিচয়ও পেয়েছিলাম—কিন্তু সে সময় তাঁর সঙ্গে পরিচিত হবার কথাও আমার মনে হয় নি এবং তিনি যে ভবিষ্যতে স্বামী বিবেকানন্দ হবেন, এ কথাও তাঁর হাবভাবে আমি বুঝতে পারি নি। কথাবার্তী হলেও না হয়, হয় তো কিছু জানতে পারতাম, কিন্তু তাও তো হয় নি। আমার তখনকার স্মৃতি একটি সুন্দর-কায় আয়ত-চক্ষু স্ন-গায়ক নবীন যুবকেই পর্যাবসিত হয়েছিল।

তারপর দীর্ঘ একযুগ চলে গেল। সংসার-নাট্যক্ষেত্র কত নাটকের কত ভূমিকাই গ্রহণ করলাম। কত ঝড়-ঝঞ্ঝা মাথার ওপর দিয়ে বয়ে গেল। কত আশা আকাঙ্ক্ষা আঁকাশ-কুসুমের মত আকাশেই বিলীন হয়ে গেল। কত ক্ষণস্থায়ী সুখ জীবনান্ত-স্থায়ী গভীর মর্ষ-বেদনায় পরিণত হয়ে রইল। কত আনন্দের সংসার গড়তে গেলাম। দেখতে দেখতে সে সকল শ্মশান-ভস্মে পরিণত হয়ে গেল। আমার জীবনের এই ১২ বৎসরের কাহিনী—কি হবে আর সে সকলের আলোচনা করে ?

সংবাদপত্রাদিতে শ্রীশ্রীপরমহংস রামকৃষ্ণদেবের সম্বন্ধে নানা কথা পড়তে লাগলাম। দক্ষিণেশ্বরের কালী-বাড়ীতে অনেক জ্ঞানী গুণী মনীষী যাতায়াত আরম্ভ করলেন। পরমহংসদেবের রূপা অনেকে লাভ করে ধন্ত হয়ে গেলেন। আমিও ছু' একবার দক্ষিণেশ্বরে গিয়েছিলাম। কত সাধু, কত ভক্তের সমাগম দেখেছিলাম। আমি ছুয়োরের কাছ থেকে প্রশ্ন করেই বিদায় নিয়েছিলাম। কোন দিন তাঁর দৃষ্টি আমার ওপর পড়েছিল কি না সন্দেহ—রূপা-দৃষ্টি তো মোটেই নয়।

সেই সময় শুনেতে পেতাম—নরেন্দ্রনাথ দক্ষিণেশ্বরে খুব বেশী যাতায়াত করছেন। লোকের মুখে আর খবরের কাগজে এই সব সংবাদ পেতাম এবং নরেন্দ্রনাথ দত্ত যে পরমহংসদেবের পরম ভক্ত হয়েছেন এবং কিছুদিন পরে সংসার ত্যাগ করে স্বামী বিবেকানন্দ নাম ধারণ করেছেন, এ সংবাদও বন্ধুবান্ধবগণের মুখে অথবা সংবাদপত্রের মারফত

পেয়েছিলাম। সাক্ষাৎ পরিচয় কিন্তু তখনও হয় নি, হবার কোন সম্ভাবনাও ছিল না।

তারপর এক অভাবনীয় ঘটনায় আমি স্বামী বিবেকানন্দের (নরেন্দ্রনাথ দত্তের নহে) দর্শন লাভ করি। দর্শন লাভ মাত্র; পরিচয় হয় নি, আর তখন পরিচয় হবার অবস্থাও তাঁর ছিল না।

এ কিন্তু প্রায় ১২ বৎসর পরের কথা। আমি তখন হিমালয়ের মধ্যে ঘুরে বেড়াচ্ছি। তখনো আমি বদরিকাশ্রমের দিকে যাই নি। যাবার কল্পনাও মনে হয় নি। কালীকান্ত সেন নামে বরিশাল জেলাবাসী—এক শিক্ষিত ভদ্রলোক ডেরাডুনে এক ইংরাজী স্কুল খুলেছিলেন। আমি ঘুরতে ঘুরতে হিমালয়ের মধ্যে গিয়ে সর্বপ্রথম ডেরাডুনে এই মাষ্টারজীর আশ্রয় লাভ করি।

মাষ্টারজী আমাদের পেয়ে বসলেন। তিনি বললেন—হিমালয়ে বেড়াতে হয় বেড়াবেন, যখন যেখানে ইচ্ছা যাবেন—একটা আড্ডার তো দরকার! যখন আমরা এখানে এসেছি, হিমালয়-ভ্রমণে ক্লান্ত হয়ে এইখানে এসেই বিশ্রাম করবেন এবং সেই বিশ্রামসময়ে আমার স্কুলে ছেলেদের পড়াবেন!

ওরে বাবা!—সেই মাষ্টারী! এই যে দেশ ভাগ করে এলাম—তুমি কিনা বিনা-টিকিটে আমার সঙ্গে এসে এসে এই হিমালয়ের-সান্নদেশে ডেরাডুনেও উপস্থিত! কি করি,—ভদ্রলোক খেতে দেবেন, কাপড় ছিঁড়ে গেলে কাপড় কিনে দেবেন, শীতবস্ত্র দেবেন—তার পরিবর্তে যখন ডেরাডুনে থাকব তখন তাঁর স্কুলের ছেলেদের অঙ্কশাস্ত্রে গাধা বানাব।

অবাস্তর হলেও, সেই সময়ে ডেরাডুনের করণপুরে যে বাঙ্গালী উপনিবেশ ছিল—সেই উপনিবেশের কয়েক জন বাঙ্গালীর নাম উল্লেখ করছি। পাঁচ সাত দিন এই উপনিবেশের বাঙ্গালীদের গৃহে যাতায়াত করে আমি একটা জিনিষ দেখে অবাক হয়ে গিয়েছিলাম। হিমালয়ের বক্ষে ডেরাডুনের ক্ষুদ্র এক পল্লীতে এতগুলি “কালী”র সমাবেশ আমার কাছে আশ্চর্য্য ঠেকেছিল।

সর্বপ্রথম নাম করতে হয়—কালীমোহন ঘোষ মহাশয়ের। ইনি জি টি সার্ভে অফিসের প্রধান কম্পিউটার ছিলেন এবং আমি যতদূর জানি, গণিতে অত বড় বিশেষজ্ঞ সে

সময়ে বাঙ্গালীর মধ্যে কেহ ছিলেন না। পারি তো তাঁর কথা অল্প সময়ে বলব।

দ্বিতীয় “কালী”—কালীকুমার চট্টোপাধ্যায়। ইনি কালীমোহন বাবুর সহকারী ছিলেন। আর এক “কালী”—কালীকান্ত কর। ইনি ফরেষ্ট অফিসের “বড়বাবু” ছিলেন। আর “কালী”—আমার মাষ্টারজী—কালীকান্ত সেন। পঞ্চম “কালী” ছিলেন কালীপদবাবু। ইনি খৃষ্টান ধর্মাবলম্বী ছিলেন।

এই পাঁচ “কালী”তেই পর্যাপ্ত হয় নি—সেই সময়ে যিনি বৎসরে ছয় মাসের অধিক ডেরাডুনে থাকতেন—তিনি কলিকাতার প্রথিতনামা কালীকৃষ্ণ ঠাকুর মহাশয়।

এ ছাড়া আরও অনেকে ছিলেন, তাঁদের নাম করতে গেলে তালিকা বিস্তৃত হয়ে পড়ে। তার মধ্যে দুইটি নাম বিশেষভাবে আমার মনে পড়ছে—শশিভূষণ সোম মহাশয় ও রায় সাহেব ঈশানচন্দ্র দেব। সেই সময়ের এক জন মাত্র এখনও বেঁচে আছেন। তিনি আমার পরম বন্ধু শ্রীযুক্ত বিমলাচরণ সোম। আমাদের সময়ের তিনিই এখন বেঁচে আছেন এবং তিনি সেখানকারই অধিবাসী হয়েছেন। এখন ডেরাডুনে যারা বেড়াতে যান বন্ধুবর বিমলাচরণ তাঁদের যথাযোগ্য অভ্যর্থনা ও সাহায্য করেন।

ও কথায় আর কাজ নেই। আমি মাষ্টারজীর স্কুলে পড়াই, খাই-দাই থাকি। প্রায় শনিবারেই অপরাহ্ন দু'টার সময় স্কুল থেকে ফিরে এসে জুতা, পায়জামা, লম্বা কোট এবং প্রকাণ্ড পাগড়ী—আমাদের বিশ্বস্ত ভৃত্য দেবানন্দের জিন্মা করে দিয়ে একখানি কম্বল ও লাঠি নিয়ে মাষ্টারজীকে নমস্কার করে মহানন্দে বেরিয়ে পড়তাম। দুই তিন দিন বনে জঙ্গলে ঘুরে আবার ফিরে এসে পাগড়ী মাথায় দিয়ে ছেলেদের মাথার ভেতর সাইমাল্টেনিয়াস ইকোয়েশন্ টোকাতে আরম্ভ করতাম।

এই সময়ে এক শনিবারে বেলা একটা কি দুটোর সময় লাঠি আর কম্বল নিয়ে নগ্নপদে বেরিয়ে পড়ি। সে দিন আমার লক্ষ্যস্থান ছিল—হৃষীকেশ।

আমার আর কিছু যোগ্যতা থাকুক আর না-ই থাকুক—সে সময়, এখনকার মত, যদি হাঁটার প্রতিযোগিতা থাকত—তাহলে আমি গর্ভ করে বলতে পারি যে, সব প্রতিযোগিতায় ফাষ্ট ক্লাশ ফাষ্ট হতাম। পথে নামলে আমার পা দুখানিতে কে যেন পাখা বেঁধে দিত।

আমি সেদিন এমন হেঁটেছিলাম যে সন্ধ্যার পূর্বেই হৃষীকেশে পৌছাই। অবশ্য তখন গ্রীষ্মকালের দিন—কায়েই খুব বড়।

হৃষীকেশে তখন সন্ন্যাসীদের আহার যোগাবার জন্ত গুটি দুই তিন সদাব্রত ছিল। এখন কি হয়েছে জানি নে। সেই সদাব্রতের লোকরা হৃষীকেশের গঙ্গার চড়ার ওপর ঘাস পাতা বাঁশ খড় দিয়ে ছোট ছোট কুটীর তৈরি করে রাখতো। সন্ন্যাসীরা এসে সেই সব কুটীরে বাস করতেন। কাউকে কোন কথা জিজ্ঞাসাও করতে হ'ত না। প্রতিদিন দ্বিপ্রহরে সন্ন্যাসীরা সদাব্রতের স্মৃথুখে গিয়ে উপস্থিত হতেন। সদাব্রতের লোকরা দুখানি মোটা রুটি, আর খোসা স্কন্ধু কলায়ের ডাল—আর কখন কখন বা তার সঙ্গে একটু রুগ আর লক্ষাও দিতেন। সন্ন্যাসীরা তাই নিয়ে গিয়ে গঙ্গার ধারে বসে আহার করতেন, তারপর অঞ্জলিপু্রে জল পান করতেন। রুটি দুই খানিই বটে—কিন্তু সেই দুই খানিই তৈরী করতে আধ সের তিন পোয়া আটা লাগতো। স্মতরাং সদাব্রতওয়ালাদের আর সন্ন্যাসী বেলার আহার জোগাতে হ'ত না, আর তার প্রয়োজনও হ'ত না।

আমার যদিও তখন লম্বা চুল ও দাড়ী, কম্বল ও লাঠিমাত্র সম্বল, তা হলেও আমি কখনও হৃষীকেশের কোন কুটীরে আশ্রয় গ্রহণ করি নি। সন্ন্যাসীরা আসন আমি অপিকার করব কেন ?

আমি একটা সদাব্রতের বারান্দাতেই কি শীত কি গ্রীষ্ম পড়ে থাকতাম।

আমার তো আশ্রয়স্থানের ভাবনা ছিল না—কায়েই সন্ধ্যার প্রাকালে হৃষীকেশে পৌছে আমি সন্ন্যাসীদের কুটীরগুলি দেখতে গেলাম। সেইখানে ঘুরতে ঘুরতে একটি কুটীরের স্মৃথুখে দেখি—জন তিন চার বাঙ্গালী সন্ন্যাসী সেখানে দাঁড়িয়ে আছেন। তাঁদের মুখে প্রবল উৎকর্ষা দেখে আমি হিন্দীতেই জিজ্ঞাসা করলাম—কি হয়েছে। তাঁরা বললেন—স্বামী বিবেকানন্দ নামে এক জন সন্ন্যাসী মৃত্যুশয্যায়।

স্বামী বিবেকানন্দ! হৃষীকেশের গঙ্গাতীরে এই ক্ষুদ্র কুটীরে পরমহংসদেবের পরম স্নেহপাত্র স্বামী বিবেকানন্দ! আমি সন্ন্যাসীদের অল্পমতি নিয়ে সেই কুটীরের মধ্যে প্রবেশ

করলাম। কুটীর-মধ্যস্থ ধূম্রী অস্পষ্ট আলোকে স্বামী বিবেকানন্দকে দেখলাম। তিনি তখন সংজ্ঞাশূন্য।

হিমালয়ের বনজঙ্গলের মধ্যে অনেক অসাধু সন্ন্যাসীও দেখেছি, আবার অনেক সাধু সন্ন্যাসীরও দর্শনলাভ হয়েছে। তাঁদের কারো কারো বিশেষ ক্ষমতাও দেখেছি। এমনও দেখেছি, কোন সন্ন্যাসী কোন একটা গাছের পাতা দিয়ে মুমূর্ষু রোগীর জীবন ফিরিয়ে এনেছেন। তাঁর কাছে সে পাতার সন্ধানও নিয়েছি। সে দিন স্বামী বিবেকানন্দকে মুমূর্ষু অবস্থায় দেখে এবং তাঁর চিকিৎসার কোন সুবিধাই নাই দেখে আমার সে গাছের কথা মনে হ'য়েছিল। আমি তখন তাড়াতাড়ি কুটীর থেকে বেরিয়ে এসে সেই প্রায়াক্রকারে গঙ্গার বালুকাময় চড়ায় সেই গাছের অনুসন্ধান করে সৌভাগ্যক্রমে অনতিদূরেই সেই গাছ পাই। তারি ২৩টি পাতা এনে হাতে রগড়ে রস বের করে স্বামীজীর মুখে দিলাম। দেখিই না কেন—সন্ন্যাসীর এ গাছ ফলপ্রসূ হয় কি না। তারপর ঔষধের ফলাফল দেখবার জন্ত কুটীরের বাইরে বালুকায় আসনে বসে রইলাম।

প্রায় আধ ঘণ্টা পরে স্বামীজী চৈতন্য লাভ করলেন। তাঁর সঙ্গীরা তখন কুটীরের ভিতরে ছিলেন। স্বামীজী ধীরে ধীরে বল্লেন—তোরা ভয় পাচ্ছিস কেন। আমি মরব না—আমার অনেক কাষ আছে। আমি ছুয়ারের কাছ থেকে এই কথা শুনে, ভগবানের উদ্দেশ্যে প্রণাম করে আমার সদ্যরতে এসে উপস্থিত হলাম।

স্বামী বিবেকানন্দের দর্শনলাভের, বোধ হয়, ১০।১৫ দিন পরে সংবাদ পেলাম, সালুচর বিবেকানন্দ স্বামী ডেরাডুনে এসে সেখানকার কালীবাড়ীতে আতিথ্য গ্রহণ করেছেন। সেই কথা শুনে আমি, শ্রীযুক্ত বিমলাচরণ এবং তাঁর খুল্লতাত সায়তে অফিসের এক জন প্রধান কর্মচারী বন্ধুবর শশিভূষণ সোম—এই তিন জন কালীবাড়ীতে গিয়ে উপস্থিত হলাম। সেই রাত্রিতেই তাঁদের করণপুরে নিয়ে আসতে চেয়েছিলাম, তাঁরা পরদিন প্রাতঃকালে আসতে স্বীকার করলেন।

শশিভূষণ সোম মহাশয়ের বাড়ী খুব বড় ও সুন্দর। সেইখানেই তাঁদের থাকবার ব্যবস্থা করলাম। শশীবাবুদের সকলেরই অফিস ছিল। কাষেই সন্ন্যাসীদের পরিচর্যার ভার—বাইরে আমি এবং ভিতরে শশীবাবুর বাড়ীর মেয়েরা গ্রহণ করলেন।

স্বামীজী এবং তাঁর সহচরবর্গকে আমরা কয়েকদিন আটকে রাখতে চেয়েছিলাম, কিন্তু স্বামীজী অস্বীকার করলেন। তিনি বল্লেন—দ্বিতীয় তিথি পর্যন্ত অপেক্ষা করতে নেই—সেই জন্তই নাম “অতিথি”। তার পরদিন প্রত্যুষে তাঁরা চলে গেলেন। স্বামীজী বলে গেলেন, তিনি উত্তরাপথ ত্যাগ করে এই বার দক্ষিণপথে যাবেন।

সেই যে এক দিন তাঁদের সঙ্গে কাটিয়েছিলাম, সে কথা আজও মনে আছে। গভীর ধর্মচর্চা, শাস্ত্রালোচনা, তর্ক-বিতর্ক, সারা দিনরাতের মধ্যে তাঁর মুখে শুনতে পেলাম না। সুধু গান, সুধু আনন্দ, সুধু স্মৃতি, সুধু রহস্যজনক গল্পগুজব। তিনি সেই দিনও রাতটুকু আমাদের একেবারে আনন্দের হিল্লোলে আপ্ত করে রেখেছিলেন। এ স্মৃতি কি ভুলবার!

এই যে আমাদের সেদিনকার এত আনন্দ—এর মধ্যে কিন্তু ঘৃণাকরও হৃদীকেশে আমার সেই অস্বাভাবিক বা অপ্রত্যাশিতভাবে স্বামীজীর দর্শনলাভের কথার উল্লেখ করি নি। স্বামীজী ত ন'নই, তাঁর সঙ্গীরাও ডেরাডুনে আমাকে চিনতে পারেন নি—পারবার কথাও নয়; তখন আমি নগ্নপদ কঞ্চল-সঞ্চল সন্ন্যাসী, আর ডেরাডুনে আমি ভদ্রবেশী, প্রকাণ্ড পাগড়ীধারী মাষ্টারজী। তা ছাড়া হৃদীকেশের গঙ্গাতীরে প্রায়াক্রকারে মাছুষ চেনাও শক্ত; সম্পূর্ণ আত্মবিস্মৃত হয়ে স্বামীজীর পরলোকগমন উপলক্ষে একদিন মাত্র টাউনহলের শোক-সভায় হৃদয়ের আবেগ সংবরণ করতে না পেরে হৃদীকেশের ঘটনার সামান্য উল্লেখ মাত্র করেছিলাম। আজ তাঁর স্মৃতির তর্পণ-প্রদক্ষে কথাটা এতদিন পরে উল্লেখ না করে থাকতে পারলাম না।

অপত্য-স্নেহ


শ্রীসৌরীন্দ্র মজুমদার

(৬)

ভো-ভো-ভো করে' বিকট নিনাদে কলের বাঁশি গভীরভাবে দীর্ঘক্ষণ ধরে বাজে। শ্রমিকদল অলস শয্যা ছেড়ে উঠে। নিম্নের ডাল ভেঙ্গে দাঁতন করে, হাত মুখ ধুয়ে তাড়াতাড়ি সত্তা নিলামী জামা কাপড় পরে, পাগড়ী বাঁধে বা টুপী পরে, নিলামী জুতা পায় দেয়, মধ্যাহ্ন ভোজনের খাণ্ড—লোহার বা পেতলের কৌটায় ভরে হাতে বুলায়, দল করে উর্ধ্বমুখে ধিলে ছুটে যায়। ছুটেছে, কেমন করে ছুটেছে! ওদের চলার ভঙ্গিমাটাই আলাদা। ছুপুর রোদে বা রুটিতে এক যখন খাবার জন্ত বাড়ী ফেরে তখন এদের দেখতে খুব আশ্চর্য্য বোধ হয়। কী ভীষণ ভিড়! রাস্তা ভরে যায়, পাশ কেটে বের হওয়া খুব কঠিন। শাঁ-শাঁ বেগে ধেয়ে চলে। ভারত মহাশ্মশানে যে এত বড় একটা সজীব জাতি জীবিত আছে তা চাক্ষুষ না দেখলে কল্পনা করা যায় না। এরা যখন মিলে কর্মরত থাকে তখন এদের কোন ব্যক্তিগত থাকে না, সজীব বলে বুঝা যায় না, কল-কলার একটা অঙ্গ বলে মনে হয়; বাইরে, বিশেষতঃ যখন এক ঘণ্টার ছুটিতে বাড়ী যায় তখন এদের দেখে মনে হয় এরা অস্ত্র কিছু, মহা সজীব প্রাণী। এদের সঙ্গে অপর ভারতবাসীর মিল আছে শুধু দেহের কাঠামোতে। এদের গতি যেন দুর্ধর, অপ্রতিহত, অপরায়েয়। সুপ্ত কামানের গোলাগুলি যেমন উত্তাপ পেলে ভীষণভাবে দুর্ধর রূপ নিয়ে ছুটে, ঠিক তেমনি। ঝড়ো ঝঞ্ঝা, উত্তপ্ত সূর্য্যভাতি, মান-ষ্ট্রোক, নিজ্জীব শীতের ভয় নেই। গট্-গট্-গট্ করে রুদ্র ছন্দে চলে যায়। এদের সজীবতা দেখে নিজ্জীব, জড়ের প্রাণেও বৃষ্টি সজীব হ'বার স্পৃহা-কর্মস্পৃহা প্রবলভাবে জেগে উঠে।...

শ্রমিকদল মিলের সরু গেটের পাশে এসে দাঁড়ায়; বেশীক্ষণ দাঁড়িয়ে থাকতে পারে না, রাস্তার ধারে বসে। সরু দ্বার লোহার পাত দিয়ে ছ'ভাগে বিভক্ত করা হয়েছে, উদ্দেশ্য কুলি মজুররা যদি কোন জিনিস লুকিয়ে নেয়—তবে লোহার পাতে লেগে বেজে উঠবে। দ্বারে তিন চার জন

নেপালী বা ভুটিয়া দারোয়ান দুর্ধর ভীষণাকৃতি চেহারা নিয়ে বসে থাকে। শ্রমিকদল এক এক জন করে হাতে বা কোমরে বুলানো তাম্রখণ্ডে মিলের ক্রমিক নম্বর দেখিয়ে ভেতরে ঢুকে। দিন-মজুররা রোজ কাজ পায় না, কিন্তু রোজ মিলে এসে হাজিরা দিতে হয়। রোজ হাজিরা না দিলে অল্প দিন কাজ পাবার আশা থাকে না। কে কবে কখন কাজ পাবে তাঁর কোন নিশ্চয়তা নেই, তাই বহু দূর থেকেও রোজ দেখা দিয়ে যায়। যদিও জানে যে সে কাজ পাবে না, তবুও আসে যদি দুঃখ, অভাব জানিয়ে কাজ পায়। যারা কাজ পায় তারা ব্যস্তভাবে কাজে লেগে যায়, আর যারা কাজ পায় না গেটের বাইরে হল্পা করে, যাকে খুশী অভিসম্পাত করে, পেটের ক্ষুধায় ক্রোড়পতিদের মুণ্ডপাত করে; অপরকে গালাগাল দিয়ে গায়ের ঝাল মিটায়, তারপর অস্ত্র পথে চলে। ফেরার পথে এদের আর সজীব জাতি বলে মনে হয় না, আলাদা একটা জাত বলে মনে হয় না— ভারতবাসী বলেই মনে হবে। এদের প্রাণে নেই আশা, নেই ভরসা, হাওয়ার কোলে নিজেকে ছেড়ে দেয়, জানে না পরিণতি, জানে না কোথায় নিয়ে যাবে ঝড়ো-হাওয়া? শূতেই লয় পাবে—না অতল গর্ভে নিমজ্জিত হবে, না কোন উর্ধ্বর ক্ষেত্রে শিকড় গাড়বে? দেহে যেন প্রাণ নেই, মনে বল নেই, বিবেকে বিচারবুদ্ধি জ্ঞান নেই, চরিত্রে দৃঢ়তা নেই; দারিদ্র্যের ভয়ঙ্কর ক্রুর মূর্তিকে দেখে প্রাণ অব্যক্ত ভীতিতে, বেদনায় করে ডিব্-ডিব্, মন হয় অসাড়, জড়; শক্তি যায় হারিয়ে, শরীরের অঙ্গ প্রত্যঙ্গ হয়ে পড়ে শিথিল। এবার চলার পথে জীবন্ত প্রতীক মূর্তি ছুটে উঠে না, জুতার ঠক ঠক ঠক একতারায়, রাস্তার নিজ্জীব লোকদের আর চেতনার সাড়া জাগিয়ে দেয় না; ওদের চলার ভঙ্গিতে শুধু ভেসে উঠে—ব্যর্থতার, অভাবের, অনাচারের মর্মান্তিক চিত্র, চলার শিথিল শব্দে জানায় হাহাকারের করুণ বেদনা। এদের দেখে কে বলিবে যে এরাই খানিক আগে আকাশ বাতাস কাঁপিয়ে জানিয়ে গিয়েছিলো—ভারত মহাশ্মশান নয়,



আজো সব নিজেই, জড় হয়ে পড়ে নি। শ্রমিক দল এখনো ভারতের বুক থেকে মুছে যায় নি, জেগে আছে, এখনো বৃকের হিম-নীতল পাংশে রক্ত ঢেলে দিচ্ছে অত্যাচারীদের জন্ত। বৃকের রক্ত দিচ্ছে কি-না বুঝে না, বুঝলেও কেন দিচ্ছে তা বুঝে না—তাই যারা অজ্ঞানের রক্তশোষণ করে নে'য়—তারা অত্যাচারী, ভয়ঙ্কর। হিংস্র জন্ত হিংস্র প্রকৃতির জন্ত ভয়ঙ্কর, কিন্তু যারা সাধুবশে হিংস্র, নিজের সর্বনাশ যাতে বুঝতে না পারে তা'র পথ বন্ধ করে রাখে, তারা যে কি—তার ভাষা, তার উপযুক্ত বিশেষণ আমার জানা নেই! যাক সে কথা—শ্রমিকদল—যারা কাজ পেলে না—তারা যদিও ঘরের কথা মনে করে মাথায় হাত দিয়ে বসে, তবু আশা রাখে রাত্তিরে হয়ত কাজ পাবে, তখন এমনি ভাবে চলবে না; আবার চলবে বেগে, আশা ভরসা, কল্পনার উজ্জ্বল ছবি মুখে একে দপ-দপ পা ফেলে। যাবে এ পথেই, তখন চলবে না টলতে টলতে। হয়ত দেহ মন লেপটিয়ে পড়বে না। এদের যাওয়া ও আসার মাঝে কত বড় সমস্যা, কত বড় উত্থান পতন। হয়ত আপনারা কেউ ভাবতে পারেন এমন কি বড় সমস্যা—বড় উত্থান পতন? নয় একদিন কাজ নাই বা পেলে, এক একটা কুলি মজুর কি কম টাকা রোজগার করে! আমি বলি—স্বামী বিবেকানন্দের ভাষায়—যে, কোন জাতি বা শ্রেণীকে বিচার করতে হলে ওদের মন ও চোখ নিয়ে বিচার করা উচিত। প্রায় প্রত্যেক কুলি মজুর মাসে চল্লিশ, পঞ্চাশ টাকা রোজগার করে, অবশ্য কেউ পনের টাকা, কেউ সত্তোর আশী টাকাও রোজগার করে। অবসর, বিশ্রাম, আমোদ, উৎসব—হীন, এককথায় বৈচিত্র্যহীন জীবনে মিলের অত্যধিক পরিশ্রমের পর যখন কুলি মজুর স্ত্রীপুরুষরা হপ্তা শেষে মাইনে পায়, তখন ক্ষণিক আমোদের লোভ সংবরণ করতে পারে না। অশিক্ষিত স্ত্রীপুরুষ মজুররা বোতলের পর বোতল মদ খায়, হলা করে। এর চেয়ে বড় উৎসব, স্মৃতি এদের আর জানা নেই। অদৃশ্য দৈহিক দুর্বলতা এমনিভাবে এদের সর্বনাশ করে। তাই এদের রোজ কাজ পাওয়া চাই, নইলে ভুক্ত-অভুক্তের মস্ত বড় প্রশ্ন উঠে।...এরা যে প্রশ্ন দিতেই জন্মে, অজ্ঞানদের খেয়াল কতক্ষণ থাকতে পারে? তা হলে জাগরণের সাড়া জানাবে কে, মরণ মন্ত্র গেয়ে গেয়ে মাতাল হবে কে. ভারী ভারী লোকদের সর্বগ্রামী ক্ষধা মেটাবে

কে? এরা জগৎ থেকে সম্পূর্ণ আলাদা, এরাই শ্রোতা, এরাই গায়ক, এরাই জাগায়, এরাই চিরদিনের জন্ত যু পাড়ায়। এরা অপরকে বাঁচিয়ে রাখে, অপরকে জাগায়; নিজেরা কি বাঁচতে শিখবে না, নিজেরা কি জাগাবে না? শুধু কি দেবেই নিজেরা—নেবে না কিছু সম্পদ? অমৃত বিলায়ে কি শুধু বিষই পান করবে? ফটকের ভেতর—ধপ-ধপ-ধপ, ঘ্যান্-ঘ্যান্-ঘ্যান্, কড়-কড়-কড়, কত কি বহু স্বরে এন্জিন্ চলছে, ছোট, বড়—কত শত যন্ত্রপাতি চলছে। বিরাট ব্যাপার! অনভ্যস্ত চোখ উঠে টাট্টিয়ে, কাণ যায় বিকল হয়ে।

এক দিকে তুলা দিচ্ছে, অল্প দিক দিয়ে সূতা বের হয়ে আসছে। মোটা, সরু, মাঝারি, কত রকম! ঠাস্-ঠাস্-ঠাস্ করে মাকু চলছে; হাজার হাজার কাপড় তৈরি হয়ে বেরুচ্ছে। দরজা, জানালা দিয়ে বাতাস ঢুকে ঢুকে ছিঁড়ে দেবে বলে সব বন্ধ, বাতাসের চলাচল স্বাভাবিক নেই, লোকের শ্বাসপ্রশ্বাসে, সজীব জীবের চলাচলে ঘরের বাতাস হয়ে যায় ভীষণ গরম, বিষাক্ত। শীতের সময় সূতা শক্ত হয়ে যায়—তাই ক্ষণে ক্ষণে Steam (উষ্ণ জলের ভাপ) ছাড়া হয়। মাঘ মাসেও শ্রমিকদের পা থেকে টপ-টপ করে ঘাম পড়ে। দাঁড়িয়ে থাকতে পারে না; পা টন টন করে, শরীর বিমিয়ে আসে, বিশ্রামের জন্ত অস্থির হয়ে পড়ে। তবু দাঁড়িয়ে থাকে, কাজ করে, বেশী করে কাজ করতে চায়; ঘরের ভাবনা যে হৃদয়ে অত্যাচার করে।...

চামড়ার কারখানা। গাড়ী ভরে ভরে কাঁচা চামড়া, শুকনো দুর্গন্ধময় চামড়া আসে। চামড়াগুলি চূণের জলে পচানো হয়, পচানো চামড়া কাঠের ওপর ফেলে ছুরি দিয়ে ঘসে ঘসে লোম ও মাংস পরিষ্কার করে। যেমনি দুর্গন্ধ, তেমনি নোংরা ও অস্বাস্থ্যকর। সে চামড়া গাছের ছাল বা রসায়ন দ্রব্য দিয়ে ট্যান্ করা হয় (Vegetable and chrome tanned leather); সে চামড়া থেকে হয় বাক্স, জুতা, মনি ব্যাগ, কত কি জিনিস। সে সব জিনিস বাক্সে বোঝাই করে দেশ বিদেশে চালান হয়। দু'কথায় ত চামড়ার কলের কথা শেষ করলাম; তাতে কুলি মজুরের দুর্দশার কথা মোটেই বোঝা যায় না—বরঞ্চ গতর খেটে ভাগ করে জীবন চালাতে পারে। কিন্তু হয় না। মিলের বর্ণনা

করা এখানে সুবিধে হবে না—তাই একটু বলে রাখি যে চামড়ার কলে কাপড়ের কলের মত অহরহ য়াক্সিডেট হয় এবং খুব বলিষ্ঠ লোক (কুলি মজুর) দশ ঘণ্টা কাজ করে দশ আনার বেশী রোজগার করতে পারে না।

লোহার কারখানা—এটা আরো ভয়ঙ্কর। এখানে টাকা উৎপন্ন হয় শ্রমিকদের তেজে। খনিজ লোহা (iron ore) গাড়ী গাড়ী বোঝাই হয়ে আসে, চুল্লীতে (furnace) গলানো হয়, গলিত লোহা নল বয়ে বেরিয়ে আসে। লোহা গুণ অনুসারে তিন প্রকার হয়, এক এক প্রকার লোহা দিয়ে হাজার হাজার রকম জিনিস তৈরি হয়। লোহার গুণ বয়ে শেষ করা যায় না। একজনের স্মরণ শক্তিতে লোহার তত্ত্বগুলো গুণ একসঙ্গে থাকতে পারে না। লোহা না থাকলে মানুষ ও পশুতে বিশেষ পার্থক্য থাকত কি-না সন্দেহ। লোহা যদি না থাকতো, হতো না কৃষিকার্য, হতো না এন্জিনিয়ার, হতো না কর্মকার (লোহার), হতো না মুখশান্তির পথ, হতো না সভ্যতা; অতি আদি কালের মত মানুষে মানুষ খেতো, বাগড়াবাটি বর্ধরতা দিয়েই জীবন চালাতো। লোহা যদি না থাকতো, তবে উর্ধ্ব মস্তিষ্কের ঘি বুঝাই শুকিয়ে যেতো। এই লোহা—যার গুণ শত শত মুখে গেয়ে শেষ করা যায় না, যার প্রয়োজন নিত্য পদে পদে—অথচ এত শ্রেষ্ঠ অমূল্য লোহা দৈনিক কত সহস্র লোকের রক্ত চুষে নিচ্ছে যে, তা লিখে শেষ করা যায় না। যদি চিন্তা করা যায় তবে দেখা যায় কত মহা-উপকারী, অথচ কত সর্বনাশী। লোহা নিজে লাখে লাখে কোটি কোটি লোকের রক্ত পান করে না। কিন্তু লোহার জন্তই শ্রমিকদের রক্ত দিতে হয়। ক্ষমতা-শালী লোক লোহার পূজায় কোটি কোটি শ্রমিকের জীবন ছল-চাতুরীতে বলিদান করে। ছেলেদের রূপকথার বইতে থাকে—ডাইনীরা ছদ্মবেশ ধরে লোক ভুলায়, রাত্তিরে শত্রুর রক্ত চুষে খায় নল লাগিয়ে। একদিনে মরে না, শুকাতে শুকাতে ধীরে ধীরে মরে পড়ে। এর নাম স্বাভাবিক মৃত্যু, হত্যা নয় কারণ ভগবান ভিন্ন অল্প কাউকে মৃত্যুর জন্ত জবাবদিহি করা চলে না। লোহ কারখানায়ও তাই, একেবারে মরে না, নরহত্যার দায় এড়াবার জন্ত তিলে তিলে ধ্বংস করে। তার অনবরত জলন্ত চুল্লীতে কাউকে তিলে তিলে ভাজে, কাউকে

আংশিকভাবে, কাউকে সম্পূর্ণ ভেজে দেয়—আবার কাউকে সেন্ন করে দেয়। ব্যাপার গুরুতর নয়, দৈব-দুর্ঘটনা (য়াক্সিডেট)। য়াক্সিডেট কথাটা তুলে দিয়ে, স্বাভাবিক কথাটা ব্যবহার করলে অবস্থার সঙ্গে বেশ মিল খাবে।

খনি ও সমুদ্রের তল কি প্রকার জানি নে, নাম শুনলেই পিলে উঠে চমকে, সংক্ষিপ্ত আয়ু যায় আরো কমে। সাপের মাথার মণি নেবার মত। সাত রাজার ধন পাবে না, কিন্তু আনতে হবে সাত-রাজার, ধন, প্রতিদান—পাবে বৎসামান্য মজুরী, নয় প্রতিকারহীন সাপের বিষ। সমুদ্র মন্থন করে আনবে চুণি, পাশা, পাবে সামান্য মজুরী—দিতে হবে প্রাণ কুমীর হাঙ্গর কত কি ভয়ঙ্কর জলজন্তুর নিকট। নামতে হবে খনিতে, মরতে হবে বিষাক্ত গ্যাসে, জলন্ত খনিজ আগুনে, কখন বা নিষ্পেষিত হবে ধসে-পড়া পাড়ের নীচে পড়ে। সর্বত্রই দৈব-দুর্ঘটনা। ক্রোড়পতিরা টাকার জোরে সর্বশক্তিমান, তাই তারা তিলে তিলে মারেন, হঠাৎ মারেন, কোন জবাবদিহি হতে হয় না। দিলেই কি সে প্রাণগুলি ফিরে আসবে—না যাদের মারবার জন্ত প্রস্তুত করে রেখেছেন তাদের রক্ষা করা হবে। পায়ের নীচে পড়ে পোকা পিপড়ে কত মরে, কে তার খোঁজ রাখে, কি-ই বা তার প্রতিকার করা যেতে পারে, কোন জবাব দিতে হয় না কারো নিকট, মনের নিকটও নয়। এরা মানুষ, তাই দৈব-দুর্ঘটনা শব্দ তৈরি হয়েছে। প্রথম থেকে কি স্বাভাবিক, অবিসম্ভাবী কথাগুলি তৈরি হয় নি? এখনও আছে, চক্ষুজ্জা আর কেন? সকলেই বুঝি মানোটা এবং চাইচিও—অতএব ব্যবহার করিলে কিছু সততার পরিচয়ই দেওয়া হবে। কুলিমজুররা অল্পই বুঝে! বুঝলেই বা কি, আসতে বাধ্য। প্রকৃতি তাদের এনে দেবে নিজস্ব-হীন করে দিয়ে।

শ্রমিক দল নয় মরলই, মরবার জন্ত যখন সৃষ্ট হয়েছে, কিন্তু এরা ভোগ করতে পারবে না কেন? পূর্বকালের দাসদের (slave) চেয়ে এরা কোন্ অংশে ভাল? পূর্বকালে দাস নাম ছিলো, এখন তাদেরই নাম হয়েছে শ্রমিক। পার্থক্য কোথায়? এরাই তৈরি করে, উৎপন্ন করে এরাই হাতে তুলে দেয় কিন্তু ব্যবহার করে অপরে, ভোগ করে অপরে, টাকা নেয় ক্রোড়পতিরা। এরা থাকে

অন্ধ-উলঙ্গ, উলঙ্গ অবস্থায়—অনশনে, অর্দ্ধাশনে—অথচ এদের হাতে গড়া জিনিষ ব্যবহার করে, অপব্যবহার করে অপর লোক; এদের শরীরের রক্ত কেড়ে নিয়ে বলীয়ান হয়ে—এদেরই তুচ্ছ করে, ঘৃণায় নাসিকা কুঞ্চিত করে, জুতার নীচে ফেলে পদদলিত করে। কে রাজা? কে মানুষ? কে সভ্য? কে উচ্চ, মহৎ লোক? যদি ভেবে থাক, তবে এর উত্তর দাও, পরথ হোক তোমার ক্ষমতার, তোমার মনুষ্যত্বের, তোমার সভ্যতার, তোমার মহত্ত্বের। কেউ নেই, কেউ নেই; যদি কেউ থাকে—সে বারি-বিন্দু মাত্র, শীতের হাঁড়িমুখো আকাশের ঝরে-পড়া মুক্তার মত শিশিরকণা, অরণ্যলোকে সহজেই শুকিয়ে যায়, কেউ বুঝতে পারে না, জানতে পারে না, জাতির উপকার হতে পারে না।

এদের জন্ম ত' অপমৃত্যু, দুঃখ, দুর্দশা, যন্ত্রণা, অপঘাত ও অত্যাচারের সঙ্গে যুববার জন্ম; এমনি সভ্য দুনিয়ার মজার লীলা যে এরা চায় বাঁচতে, তাই যুঝে প্রাণপণ মৃত্যুর ছুরি আশ্রয় করে, অদৃশ্য শত্রুদের (ক্রোড়পতিরা) তৈরি পিছল পথে পা পিছলে মৃত্যুর দিকে যে এগিয়ে যাচ্ছে তা বুঝতে পারে না, পারলেই বা প্রতিকার কি? গলায় ফাঁস লাগানো আছে, যে দিকে ঢাল সেদিকেই যেতে হয়। এরা জন্মেই ফাঁসি গ্রস্থিতে গলা বাড়িয়ে রাখে, জ্ঞানের সঙ্গে মৃত্যুর করালগ্রাসে ভয় পেয়ে পলাতে চায়, প্রতিকারের জন্মে যুঝে। যুঝাটা মনকে চোখ ঠারার মত।

আশ্চর্য্য হ'বার কিছু নেই, চমকে ওঠবার মত কিছু নেই, ভয় পাবার মতও নয়, ভাবনা চিন্তারও নয়, সভ্য জগতের সমস্যাও নয়। প্রায়ই উঠে টেঁচিয়ে, পাশের লোক যায় ছুটে, ধরাধরি করে মুচ্ছিত বা মৃত বা জখমযুক্ত শ্রমিকদের বাইরে নিয়ে আসে। কখনো কখনো কুলিমজুর টুকরো টুকরো হয়ে যায়, কখনো হয় নিষ্পেষিত। কী পায়ণভেদী আর্ন্তনাদ! কেউ কেউ আর্ন্তনাদ করবার অবসর পায় না, কেউ মরমে মরমে অল্পভব করে প্রকাশ করবার শক্তি হারিয়ে ফেলে, কেউ কেউ গৌণায়—গৌণ গৌণ করে, কেউ মরণ আর্ন্তনাদ করে অচেতন হয়, কখনো ভাঙ্গে ঘুম—কখনো আর ভাঙ্গে না। কী ভয়াবহ ব্যাপার। শুনলে জাঁতকে উঠে প্রাণ, সে দুঃখ দেখা যে কি, বলা কঠিন; ভাষা হারিয়ে ফেলতে হয়। বেটে জড়িয়ে ঘুরতে

লাগলো, বাড়ী খেতে খেতে টুকরো টুকরো হয়ে পড়লো, মানুষকে মানুষ বলে চেনা যায় না। পড়ে গিয়ে, মালের চাপায় পড়ে, হাড় ভেঙ্গে চুরমার হয়ে গেলো—বিষাক্ত গ্যাসে দলকে দল মরে গেলো, খনির চাপে জীবন্ত সমাধি পেলো, আগুনে পুড়ে ছাই হয়ে গেলো, সমুদ্রের তলে জনমের মত আশ্রয় নিতে বাধ্য হলো। বলা সহজ, লেখা সহজ, ধ্বংস করাও সহজ—কিন্তু তারা? যারা অহরহ যাচ্ছে, যাদের লোক যাচ্ছে—তাদের কথা কি সহজ? বড় কঠিন, বড় অভিশাপ!... এতে না আছে অল্পতাপ, না আছে শোক, না পড়ে দীর্ঘনিঃশ্বাস, না দেয় আন্তরিক সাহসনা, না দেখায় সহানুভূতি; অবশ্য বমরাজ্যে এরূপ প্রত্যাশা করা অপ্রতি। এদের লোক দেখানো 'আহা:!' 'উঃ!' করার মূল্য আছে? যারা ধ্বংস হলো তারা কি ফিরে আসবে ও তাদের অসহায়, দুর্দশাগ্রস্ত পরিবারের কি প্রতিপূরণ দেওয়া হবে? এই ছলনাময় সহানুভূতি বা নরহত্যার মূল্য কি যৎকিঞ্চিৎ অর্থ দানে হয়? আইনে অনেক কিছু লেখা থাকে—কিন্তু কটা পরিবার আদালত যুঝে এসে নিয়মমত মূল্য পায়? যে লোকই যাকসিডেটে মারা যায়, তারা নিজের দোষে মারা যায় বলে আদালতের প্রমাণ হয় কেন? কারণ এরা অসহায়, গরীব, সাক্ষীর দল চাকরীর মায়ায় সত্য কথা বলতে সাহস পায় না। কী ভয়ঙ্কর অবিচার! কি নিশ্চয় অত্যাচার! এই সহানুভূতি—প্রাণের মূল্য যে বৎসামাত্র অর্থে দেওয়া হয়—এর চেয়ে ভগ্নামী—খারাপ কাজ আর কি হতে পারে! লোভ দেখিয়ে বঁড়সীতে মাছ গাঁথা কি সভ্যতা? অর্থ দ্রোত না দেখাইলে চলে, এদের ভুলাতে যে অর্থ দিতে হয় তাতে অল্প আমোদ চলতে পারে, এদের টাকা দিলেই কি—না দিলেই কি—আসবে, আসতে বাধ্য। একজন মরে গিয়ে যে স্থান খালি করবে, সে স্থানে শত শত লোক এসে দাঁড়াবে। যাদের পেট খালি তারা মৃত্যুর কথা কমই ভাবে, ভাবলেই বা প্রতিকার কি! এরা যেন লজ্জিত খান, কখনো চুষে চুষে; কখনো চিবিয়ে। আমরা সভ্য—তাই এর নাম গতর-খাটা, মৃত্যুর নতুন নাম দৈব-দুর্ঘটনা।...

কারখানায় ডাক্তার সাহেব আছেন, ডিসপেন্সারি আছে। ডাক্তার সাহেব কাটা চেরা করেন, ক্ষতস্থান বাঁধেন, হাড় যোড়া লাগাতে চেষ্টা করেন, ওষুধ-পত্র দেন।

রোগীরা বস্তি হাসপাতালে আশ্রয় পায়। ব্যাপার গুরুতর নয়, জখম হয় ব্যাণ্ডেজ বাঁধা পড়ে, ওষুধ পড়ে, হাসপাতালে বিশ্রাম নেয়। দীর্ঘ কঠিন কাজের পর পরিবর্তন—অবসর। ব্যাপার আজগুবি নয়, মারাত্মক নয়, আলোচনা করবার মত নয়, পত্রিকায় লিখবার মত দরকারী খবর নয়। নিত্বি হচ্ছে, আদিকাল থেকে হয়ে আসছে, হবেও! বতদিন থেকে একদল লোক সভ্য হয়েছে ততদিন যাবৎ চলে আসছে এবং বতদিন এমনি সভ্য, ক্ষমতাশালী থাকবে ততদিন এমনি চলবে। চিরন্তনী ব্যাপার।... কারো গেলো হাত ভেঙ্গে, কারো গেলো পা ভেঙ্গে, কারো মাথা কেটে চৌচির। ছোট খাটো জখম যে নিত্বি কত হচ্ছে তা কে খবর রাখতে পারে। অভিশপ্ত শ্রমিক দলও জ্বালালে ভুলে যেতে বাধ্য হয়। অতীতকে মনে রেখে আসবে—মরবে—না বর্তমানকে সামলাবে? অফিসাররা সহানুভূতি দেখিয়ে বলেন 'জখম গুরুতর নয়। রক্ষা যে প্রাণটা যায় নি; ঈস্ সেদিন যখন টাটকা মানুষটা মরে গেলো।' ব্যাপার গুরুতর নয় তা ত' পূর্বেই বলেছি। কি হচ্ছে? প্রাণ ত যায় নি! মাত্র ত' গেলো—নয় এক পা, নয় হাত, নয় চক্ষু, নয় বা শক্তিহীন জড় পশু হয়ে পড়লো, মারা যায় নি তো! এই অভিশপ্তের বংশ যখন ধ্বংস হবে না, তখন ভয় কি? একজনের স্থানে শত শত লোক এসে দাঁড়াবে। হায় অভিশপ্তের দল! হায় মরে বশীভূত, জড়, চেতনাহীন জাতি!

কুলি মজুরদের কিন্তু হাসপাতাল আছে! টালির ঘর, নোংরা ছোট ছোট কোঠা, তাতে নেই আলো, নেই শুষ্ক নিশ্চল হাওয়া, বর্ষাতে পড়ে চূর্ণ ধোয়া জল। রোগীদের শোবার মেলে ঠাঁই, বিনা খরচে ওষুধ পত্রও মেলে। কুলি মজুরদের জন্ম 'সেবা' কথা সৃষ্টি হয় নি, তাই এদের কোন অবস্থায় শুশ্রূষা করবার প্রয়োজন হয় না। ডাক্তার সাহেব খুশীমত চোখ বুলালেন—কম্পাউণ্ডার সুবিধে মত দেখাশোনা করে। রোগীর পথ্য হাসপাতাল থেকে দেওয়া হয় না, রোগীর অশিক্ষিত আত্মীয়স্বজন দেখাল মত লুকিয়ে অপথ্য, কুপথ্য রোগীকে খাওয়ায়।

ছটায় আবার কলের বাঁশী বাজে। কুলি মজুররা হুড়মুড় করে গুদামখানা থেকে বের হয়ে আসে। গেটে দারোগান থাকে, জামার পকেট, কাপড়ের প্যাচ অল্পসন্ধান

করে দেখে—কোন জিনিষ চুরি গেলো কি-না। এবার চলার গতিতে জোর নেই, স্বাচ্ছন্দ্য নেই, সজীবতা নেই, যুঝিবার শক্তি নেই, দৃঢ় বিজ্রিগীবা নেই, জীবনেচ্ছূও যেন নয়। টলতে টলতে চলি, কথা বলবার মত শক্তি থাকে না। সর্বক্ষেপে কালিধূলি, এটা সেটা কত কি! অসাড় দেহ, রক্ষা শুকনো মলিন বদন, স্তিমিত নয়নযুগল। কেউ খুঁড়িয়ে চলে, কেউ জখম স্থান চেপে ধরে চলে। চলে, এমনি করেই চলে, চলুক, কোনভাবে বস্তিতে পৌছতে পারলেই হলো। ভাবনা ছুঁদিকেরই। ঘরে ভাবে স্ত্রী ছেলেমেয়ে, আশায় আশায় আসার পথপানে চেয়ে থাকে; কৈ আসে না ত, অসহ হয়, তবু আশা রাখে। মিলে বসে ভাবে শ্রমিক, থামবার উপায় নেই, চালাতে হবে, অপ্রতিহত গতিতে চলতে হবে, মজুরী নিতে হবে...থেমে আসে গতি, বিমিয়ে আসে নয়ন—বরের কথা হঠাৎ এসে মনকে চাবুক মারে, তাই আবার পূর্ণ গতিতে চলে।...

কুলি মজুরদের গ্রীষ্ম, বর্ষা, শীত সকল ঋতুই সমান। দুঃখ, কষ্ট চিরস্থায়ী বন্দোবস্ত করে নিয়েছে। রোগ একটা না একটা লেগেই আছে, গ্রীষ্মে সানস্ট্রোক (Sun or heat stroke), মেনইনজাইটিজ (meningitis), কলেরা, প্লেগ; বর্ষাতে কালাজ্বর, ম্যালেরিয়া, বহুরূপী জ্বর; শীত কালটা একটু ভাল যায়—তবে বসন্ত, রক্ত আমাশয় নিষ্কৃতি দেয় না, যক্ষ্মা রোগ ত ঘরে ঘরে আছে।

গ্রীষ্মকালে জল নেই, সব পুড়ে যেতে থাকে, বাঁ বাঁ করা আগুনের হলকা চারিদিকে হোলী খেলে। কোন কোন স্থানের রাস্তায় বেরোমিটারে ১২০ ডিগ্রি টেম্পারেচার ওঠে, পিচের রাস্তাগুলি যেন উত্তন। এই রাস্তার ওপর মানুষই কাজ করে। একদল বন্ধবরে বৈদ্যুতিক পাখার নীচে বসে বাতাস খায়, জলে সিল্ক খসখসের ভেতরে গরম হাওয়া ঢুকে বাবুদের গায় শীতল হাওয়া দেয়, অপর দল উত্তন তুল্য রাস্তায় বোঁঝা'বয়ে চলে। অবশ্য কুলি মজুরদের জন্ম এরি জন্ম, ওদের সব সয়ে যায়। কয়লা কাঠের জন্ম ভস্মীভূত হ'বার জন্ম, কাঠের ধীরে ধীরে পুড়ে যাওয়া সয়! কাঠের যদি ভাষা থাকত তবে বলতো এই সয়ে যাওয়াটা কি? কেন অসহনীয় বাস্তবে সহনীয় হয়!! বর্ষাকালটা আরো ভয়ঙ্কর। কুলি-মজুর পাড়ার চারিদিকে বন জঙ্গলে

অপরিষ্কার ডোবা। কাঁচা রাস্তায় হাঁটু পর্যন্ত জলকাদা জমে। বাড়ীর ঘর-দোরে আশে পাশে যাবতীয় আবর্জনা জমে—পচে নরকতুল্য করে তোলে। আবাল বৃদ্ধ নর-নারীর পাইখানা নেই; সাঁজের আঁধারে পুরুষ রমণী খোলা মাঠে ঝোপের আড়ালে পাইখানার কাজ চালায়। এদের লজ্জা-সরম শুধু অবস্থা বিশেষে। দুর্গন্ধ, অতি দুর্গন্ধ, হাড়-পচা, চামড়া-পচা, জীবজন্তু-পচা—কত কি পচে ভয়াবহ করে রাখে! মুক্ত স্বাধীন বাতাস সঙ্কুচিত হয়ে যায়, জমে যায়, থেমে যায়; এখানে সেখানে মরণ বীজাণু; বাতাসের প্রতি স্তরে বিযুক্ত বিষ ছড়িয়ে বেড়ায় রোগ-বীজাণু! কুকুর, বেড়াল, গরু কত কি বস্তির ধারে, বস্তির বুকের ওপর মরে থাকে; শিয়াল গৃধিনী এসে আরো ভয়াবহ বিকট রূপ গড়ে তোলে। খোলার ঘর, মাটির দেয়াল, অবিরাম বর্ষার জল পড়ছে, নিশ্চিন্তে ঘুমাতে পারে না, কাপড়-চোপড় বালিস, কাঁথা, ছেলে-পিলেকে নিয়ে জড় হয়ে বসে থাকে; এক কোণ থেকে অল্প কোণে যায়। শীতে কাঁপে, করুণনয়নে উর্দ্ধে তাকায়। শীতকালে শীতের হাত থেকে নিষ্কৃতি পায় না, ঘরে আঙুন জালিয়ে রাখবার খরচ কি করে যোগাবে! তবে মিলের কুলি বস্তিগুলি একটু ভাল, অত মারাত্মক নয়, যেমন শহরের বাইরের বস্তিগুলি।

(৭)

কানাই মিলের কাজ একেবারে ছেড়ে দিয়ে গঙ্গাবতীর বাড়ীতে এসে স্থান নিলে। কোথায়ও মজুরী খাটে না, গঙ্গাবতীর রোজগারের ওপর জীবন চালাতে আরম্ভ করলে। গতর খাটাবার প্রবৃত্তি আর নেই। জানে, ভাল করে বুঝেও যে গঙ্গাবতী নিজের জন্ম না হোক অন্তত সন্তানের জন্ম গতরে খেটে রোজগার করবে, অতএব তার বিনা পরিশ্রমে ছুঁবেলা আহাির যুটবেই। এত অধঃপতনে গিয়েছে যে কারো উপদেশ মানবে না, শুনবে না, চটে উঠে পাঁচ কথা শুনিবে দেয়; স্ত্রী যদি কোন কথা বলে তবে ভীষণ ক্ষিপ্ত হয়ে উঠে, এমনি ভাবে দাঁত খিঁচিয়ে বকাবকি করে যে ভয় হয়—আর একটি কথার প্রতিবাদ করলেই মারধর আরম্ভ করবে। দারিদ্র্যের কশাঘাতে গঙ্গাবতী চুপ করে থাকতে পারে না, স্বামীকে বোঝাতে চায়, চোখে আঙ্গুল দিয়ে অভাব স্তুতিযোগ দেখিয়ে দেয়,

বোঝাতে চেষ্টা করে—স্বামী বুঝতে চায় না, স্বামিদের দাবীতে মাথা উঁচু করে দাঁড়ায়, আফালন করে। গঙ্গাবতী থামে না স্ত্রীর কর্তব্য হতে, প্রাণপণে অতীত স্মৃতির ইতিহাস নয়নের পাশে এনে স্তরে স্তরে সাঁজায়, হৃদয়ের দুর্কল তন্ত্রীতে মুহূর্ত দিয়ে মুর্ছনা জাগাতে চায়, দেখিয়ে দিতে চায় অতীত ও বর্তমানের ব্যবধান, পরিবর্তন, ভবিষ্যতের বিভীষিকা—দৃষ্টিহীন নয়ন দেখতে পারে না, পাষাণে গড়া হৃদয়-দোর খুলে না।

এমনি ভাবে বেশীদিন চললো না। সংসার অচল, আর জোর জবরদস্তি করেও সংসারের খরচ চলে না। অনাহারে, অথাতে ছেলেপিলে সব রুগ্ন হয়ে যাচ্ছে। ক্রমাগত অসুখবিসুখে সব জীর্ণশীর্ণ হয়ে গেছে; অসুখবিসুখ বাড়ীতে লেগেই আছে। ছেলেপিলেগুলি মরণ-পথে এগিয়ে চলেছে; কানাইর কোন চৈতন্য নেই। সে সংসারের কোন ধার ধারে না। আসে, যায়, ছুঁবেলা পেট ভরে খায়, আপন মনে ঘুমায়, বগড়াঝাটি করে, রাগের মাথায় সব্বাইকে মারধর করে, জোর করে গঙ্গাবতীর রোজগারের টাকা নিয়ে মদ খায়, কুপলীতে আমোদ করে। বেকার হয়ে স্ত্রীর কষ্টাজিত টাকায় জীবন চালিয়ে, জোর জবরদস্তি করে—টাকা ছিনিয়ে নিয়ে কুপলীতে কুংসিত আমোদ আহ্লাদ করতে একটুকুও বিধাবোধ করে না, লজ্জা-বোধ করে না। অভুক্ত ছেলেমেয়ের, স্ত্রীর মুখের গ্রাস কেড়ে নিচ্ছে বলে একটু সঙ্কোচ বোধ করে না। চোখের ওপর দেখতে পাচ্ছে যে, স্ত্রী প্রাণপণ খেটে সংসার চালাচ্ছে, এত পরিশ্রম করছে শুধু সন্তানদের বাঁচাবার জন্ম—আর সে পুরুষ হয়ে, পিতা হয়ে, স্বামী হয়ে, সফল, বলিষ্ঠ যুবক হয়ে—সন্তানদের ওপর করছে অত্যাচার, স্ত্রীর ওপর করছে নির্যম অত্যাচার অবিচার। এতে তার পুরুষত্ব যা পড়ে না; মনুষ্যত্ব বাজে না, বরঞ্চ আনন্দিত হয়। গঙ্গাবতী পারে না, নারী দেহ ও মন নিয়ে কুলিয়ে উঠতে পারে না, দেহ গুরু-পরিশ্রমে এলে পড়ে, বুকে ব্যথা বাজে, পারে না সময় মত সন্তানদের মুখে খাবার দিতে, যাও দেয় তাতে সন্তানদের পেট ভরে না—তাই মাথা ঠুকে স্বামী-দেবতার চরণে—মিনতি করে চোখ-ফাটা অশ্রুজলে। কানাই লাথি মেরে সরে যায়, এতেও প্রতিদান দেওয়া হয় না, একটি একটি করে ছিনিয়ে নেয় স্ত্রীর শরীরের যৎসামান্য অলঙ্কার।

একটি একটি করে তিনটি সন্তান মারা গেল— অনাহারে, দুর্কলতায়। কঠিন রোগে মারা গেলে সাঁজনা থাকে, মনকে প্রবোধ দেওয়া যায়, অদৃশ্য দেবতার ওপর দোষারোপ করে মনের রুচি অল্পসারে অভিযোগ, গালাগাল দিয়ে পাগলা মনকে শান্ত করা যায়। কিন্তু এমন অপমৃত্যুর সাঁজনা খুঁজবে কি করে, কোন যুক্তিতে, কোন স্পর্ধায়? জননীর চোখের ওপর একটি নয়, দু'টি নয়, তিনটি সন্তান না খেতে পেয়ে মারা গেল—দড়ির মত শুকিয়ে শুকিয়ে। মাংস ছিল কি-না বুঝা যেতো না, মলিন চামড়ায় ঢাকা কতকগুলি হাড় শুধু ছিল। উঃ! কী ভীষণ সে দৃশ্য! বলেছিল ‘ওগো! বাঁচাও আমি যাবো না, থাকবো এই সুন্দর ধরণীর কোলে, থাকবো আমি করুণাময় ভগবানের সাম্যের শ্রেষ্ঠ রাজ্যে। ভগবান এত সুন্দর, এত ঐশ্বর্য্য ভরে পৃথিবী তৈরি করেছেন, জগৎপিতা হয়ে সব্বাইকে প্রীতির চোখে দেখছেন, পালন করছেন, এদেশ ছেড়ে যাবো না’—তারপর চৈতালে খাবারের জন্ম। কে খাবার দিয়েছিল এই অভুক্ত, মৃত্যুমুখী সন্তানদের মুখে। জননী? জননী তখন জীবন উৎসর্গ করে গতর খাটাচ্ছে অর্থের জন্ম। পিতা? পিতা তখন কু-পলীতে। কেউ দেয় নি, করুণাময় ভগবানও দেন নি, জগতের অসত্য স্বার্থপর পাষাণগুলিও দেয় নি। কিন্তু গঙ্গাবতী জননী হয়ে কি করে পারলে? জীর্ণ, শীর্ণ, রুগ্ন ছেলেকে আফিম-গোলা বিষাক্ত দুধ পান করিয়ে এমনি ঘুম পাড়ালে যে, সে ঘুম আর ভাঙলো না। কাজ থেকে সন্ধ্যায় মজুরী হতে ফিরে এলো, খাবার হাতে ছুটে গিয়ে জাগাতে চাইলে সন্তানের ঘুম, অভিমানী আর জাগলে না, আর খেলে না। অভিমানী চিরকালের ঘুম ঘুমিয়ে মার গতর খাটাবার স্মৃতিধে করে দিলে! অপর দু'টি সন্তান দুর্কল, রুগ্ন শরীরে রীতিমত খাচ্ছিল খেতে না পেয়ে, আফিম সেবনে ধীরে ধীরে জীবনীশক্তি হারিয়ে ফেলে, তারপর একদিন করুণাময় ভগবানের মহত্ব বুঝতে পেরে—তার শ্রেষ্ঠ জগত থেকে বিদায় নিলে, শ্রেষ্ঠ জীব মানব জাতিকে অভিশাপ দিতে দিতে। আমি জানি—ওরা প্রাণপণ চেষ্টা করবে—মৃত্যুর পর যদি অল্প কোথাও আশ্রয় নিতে হয়, তবে ভগবানের অধীন রাজ্যের ত্রিসীমানার ধার দিয়েও যাবে না। আপনাদের যদি হৃদয় থাকে তবে আপনারা

অন্তত দুঃখ করুন বা না করুন—ওদের উপদেশ দেবেন না যে, ভগবানের রাজ্যে আশ্রয় নিতে—এ আমার বিশ্বাস আছে; বিশেষতঃ যেখানে ভগবানের অন্ধবিশ্বাস ভিন্ন অস্তিত্ব নেই এবং সত্য ও অসত্য, মানব ও মহামানবের বাস।...

হায় জননী! এর পরও কি তুমি বাঁচবে, হাসি কান্না নিয়ে সংসার করবে? তোমার হৃদয় কি ভেঙ্গে চুরমার হয়ে যায় নি? তোমার মাথা কি এখন ঠিক আছে, মাথার কল কি এত বড় আঘাতেও বিকল হয়ে যায় নি? তোমার বুকে যে অগ্নিগিরি সৃষ্টি হয়েছে—তারপরও বাঁচবে কি করে? আরও একটি মেয়ে আছে, শেষ সম্বলকেও কি মহাপ্রস্থানের পথে এগিয়ে দেবার জন্ম তৈরি কছো?

কানাইএর হলো মহাফুর্টি? একটি একটি করে সন্তান মরে—আর কানাইএর আনন্দ যায় আরো বেড়ে। সংসারের খরচ কমে যাবে, অতএব তার সেচ্ছাচারিতা করবার পক্ষে মহা-সুযোগ। যে আয়ে ছ'জনের খরচ চলতো সেখানে মাত্র বাকি আছে তিনজন, রোগীর পথ্যও যোগাতে হবে না, তারপর আর একটিও যাবার মুখে, এটি গেলেই সব শেষ। তখন স্বামী স্ত্রী। গঙ্গাবতী যা রোজগার করবে, তাতে বেশ দিন চলে যাবে। বাকি সন্তানটা গেলেই হয়, আপদ মরেও না! কানাই শেষ সন্তানটির শীঘ্র মরণ কামনা কবে। এদিকে গঙ্গাবতী তিনটি সন্তান হারিয়ে বড় কঠিন হয়ে গেছে। স্বামীর সঙ্গে একটি কথার আদান-প্রদান করে না, স্বামী আসে যায় কোন ভ্রক্ষেপ করে না, নীরবে কাঁদে, অশ্রু দর্শ দর্শ বেগে ঝরে, মলিন আঁচলে অতি দুঃখের অশ্রুগুলি মুছে ফেলে। অশ্রু মুছে মুছে হায়রাণ হয়ে পড়ে, অশ্রুর ওপর হাত দেয় না, ছেড়ে দেয় আপন মনে বইতে। স্বামী আসে, খাবার চাইলে খেতে দেয়, যদি খাবার না থাকে তবে চুপ করে থাকে, স্বামীর নির্যম গালাগালি ও অত্যাচারের কোন প্রতিবাদ করে না; এখন আর পূর্বের মত পাড়াপড়শীর নিকট ধার করে আটা, ছাত্তু এনে স্বামীদেবতাকে ভোজন করিয়ে পুণ্য করে না। খাবার থাকলে খেতে দেয়, না থাকলে দেয় না; নিজস্বীনের মত কোলের শিশুটিকে বুকে জড়িয়ে ধরে বসে থাকে। দিন-মজুরের মত যে দিন ইচ্ছা কাজে যায়, মজুরী আনে; হাতে পয়সা থাকলে কাজে

যায় না, দিনরাত সন্তানকে কোলে নিয়ে ভাবে—ভাবতে ভাবতে কখনো কাঁদে, কখনো শিহরে উঠে, কখনো রোষবহিতে উদীপ্ত হয়ে উঠে। দিন দিন যেন অশ্রু শুকিয়ে যাচ্ছে; ভাবনায় প্রাণ হাঁপিয়ে উঠে, নিশ্বাস জ্বালা প্রকাশ করতে পারে না, পুরুষের মত জ্বালা, হাহাকার বুকে চেপে গাঙ্গীঘোর মুখোশ পরে অস্থির হয়ে পড়ে, প্রাণভরে অভিশাপ দিতে পারে না, চৈচিয়ে কাঁদতে পারে না, কান্না পায়, খুব বেশীই কান্না পায়, কিন্তু কাঁদতে পারে না। দিন কারো বসে থাকে না, কেউ বসেও থাকতে পারে না দিনের জন্ত—একদিন, দু'দিন—কিছুদিন চলতে পারে, বেশী দিন চলে না। থেমে থাকা যায় না, চলতেই হয় চলতি জগতে। গঙ্গাবতীকে আবার উঠতে হল, আবার রীতিমত সংসারে নামতে হল, নিয়ম মত মিলে যেতে হল। টাকা রোজগার করতে হবে, ভবিষ্যতের প্রতি দৃষ্টি রেখে সাবধানে চলতে হবে। একটি মাত্র অবশিষ্ট সন্তান—তাকে সুখী করতে হবে, বাঁচাতে হবে, ঝড়ঝঞ্ঝার হাত থেকে রক্ষা করতে হবে। গঙ্গাবতী নিজের দেহের প্রতি বেশী দিন অত্যাচার করতে পারলে না, নিজেকে জোর করে খাওয়াতে হচ্ছে—মুখে খাবার উঠতে চায় না, মুখের গ্রাস পড়ে যায়, ছ ছ করে অশ্রু আসে মর্মান্তিক দৃশ্য দেখে, তবু সয়ে সয়ে খেতে হচ্ছে। কর্মপ্রেরণা জাগাতে হচ্ছে জড় মনের সঙ্গে দ্বন্দ্ব করে।

সন্তানগুলির মৃত্যুতে কানাই মহা প্রফুল্ল হয়েছিল। কিন্তু গঙ্গাবতীর হিমালয় সদৃশ উদাসীনতায় রীতিমত ভড়কে গেল। তার আশা যে নিশ্চল হয়—গঙ্গাবতী পুত্রশোকে দিন কতক কান্না-কাটি করে আবার সকলের মত সংসার করুক, শেষ সন্তানকে নিয়ে আমোদ করুক, পাড়াপড়সীর সঙ্গে গল্প-গুজব করে বেড়াক; খুশী হোক বা না হোক, আমোদ আফ্লাদ করুক বা না করুক, কানাইর তাতে কিছু মাত্র আসে যায় না। কিন্তু গঙ্গাবতীর গতির খাটাতে না খাওয়া যে ভীষণ ব্যাপার। গঙ্গাবতী রোজগার না করলে যে তার মহা ক্ষতি; অল্পনয়, বিনয় করে প্রেমের ভান করে টাকা না আদায় করতে পারুক, জোর করে চলনা করে ত' টাকা নিতে পারতো! পূর্বে যদিও স্ত্রীর অল্পরোধে কাতর প্রার্থনায় চটে উঠে বলতো—টাকা নেই, আটা ছাতু কেনা যাচ্ছে না, আমি করবো কি? সাধ করে গুণায় গুণায়

হেলে জন্মিয়েছে, এখন পায় তো খাওয়াও, না পারো গলা টিপে শেষ করে দাও। আপদ মরলেই তো বাঁচা যায়। সন্তান কে চায়? আটকানো যায় না—হয়ে পড়ে। রাক্ষস-গুলি খেয়ে খেয়ে সব শেষ করে দিলে। তবু গঙ্গাবতীর বোজগারের টাকা ছল চাতুরী জোর করে নিতে পারতো; এখন যে ছেলে-পিলেগুলি মরে গিয়ে মহা সর্কনাশ করে ফেলেছে, খরচ যদিও কমেছে কিন্তু টাকা যে আর আসে না। এদের শোকে গঙ্গাবতী মিলে যাওয়া ছেড়ে দিয়েছে। মিলের লোকগুলি সাধারণত খুব খারাপ—কিন্তু গঙ্গাবতীকে চাকরী যাবার ভয় দেখিয়ে শাসালে না, মিলে যেতে আদেশ দিলে না। দরদ দেখে কানাইএর হাড় জ্বলে। কানাই গঙ্গাবতীর বিসদৃশ হাবভাবে বড় বিপন্ন হয়ে পড়লে—যদিও সে গঙ্গাবতীর জন্ত একটুও দরদের, প্রেমের, অতীত দাম্পত্য জীবনের কিঞ্চিৎ আকর্ষণ অল্পভব করে না—তবু এয়ার করতে হল। সত্যকার আকর্ষণ নয়, প্রাণের অচ্ছন্ন নয়, গঙ্গাবতীর রূপ, যৌবন, নারী দেহের জগৎ নয়, ছলনা—বদমায়েসী। কানাইএর গঙ্গাবতীর দেহের ওপর মোহ নেই, যদি একটু থাকতো তবে অত অত্যাচার করতে পারতো না, স্বার্থের জন্ত অন্ততঃ তোষামোদ করতো। চরিত্রহীন, মাতাল পুরুষ মানুষ অতি সুন্দরী স্ত্রীর আকর্ষণে ভুলে না, বিশেষতঃ যে স্ত্রী নিরীহ, সাধবী, সতী। তারা বরতে পারে, কার্যক্ষেত্রে দেখতে পায়, যে স্ত্রীর দেহ পেতে কোন বাধা আসে না, জোর অত্যাচার চলতে পারে, যেভাবে ইচ্ছা চালানো যায়, ইচ্ছে করলেই পাওয়া যায়, অপেক্ষা করতে হয় না; কষ্ট করতে হয় না। অবলা নারী! পুরুষ যে ভাবে চালায় সেই ভাবে চলতেই বাধ্য। প্রগতি যুগের নারীর আপত্তি করতে পারেন যে গঙ্গাবতীর মত স্বাবলম্বী তেজস্বী স্বাধীন নারীকে ছুঁতে হীন মাতাল কানাই কি করে শুধু নারী-দেহ নিয়ে ইঞ্জিয়লালসা পূরণ করে। হয়, হচ্ছেও অনাদি কাল থেকে। শরৎ চ্যাটার্জি যতদিন থেকে কল ধরেছেন তারপর থেকে এ সব কথা আর না লিখলেও চলে। নারীর বন্ধু, হিতাকাঙ্ক্ষী, পথ-প্রদর্শক—তার মত আর কেউ আছেন কিনা আমার জানা নেই। 'নারীর মৃত্যু' স্বার্থের খাতিরে এক শত ভাল পুস্তকের তালিকায় স্থান পেতে পারে, কিন্তু নারীদের নিকট যে শ্রেষ্ঠ পুস্তক—তা কি অস্বীকার করা চলে?

কানাই স্বার্থের খাতিরে দরদী হল, কৃত অপরাধের জন্ত পাপের জন্ত অল্পতপ্ত হল। কাঁদার ভাণ করে স্ত্রীর চোখের জল মুছিয়ে দিলে। গঙ্গাবতী দুর্ভাগ্যের ছলনায় ভুলে গেল, অল্পতপ্ত স্বামীকে ক্ষমা করে পায়ের ওপর লুটিয়ে পড়ে চোখের জলে হৃদয়ের ভারী বোঝা নামালে।...গঙ্গাবতী বড় আশা করে আবার ভাঙ্গা ঘর ষোড়া দিলে। যদিও সে ষোড়া দিতে বাধ্য হতো, মাতৃহৃৎ তাকে সংসারে নামাতে বাধ্য করতো; কি করে যে সে পাকা সংসারী হয়ে যেতো তা বুঝতেও পারতো না; কিন্তু স্বামীকে লাভ করে নিজেই আবার সংসারে নামলে। চির-বিষাদ-করণ মুখে যদিও হাসি আর ফুটে না, তবু যেন একটু আশার ছায়াপাতে বিষাদ-করণ মুখখানাকে বেশ সুন্দর করে তুললে। ধীরে ধীরে মৃত সন্তানের পিছে দিয়ে দেওয়া জীবনীশক্তি, মনের সজীবতা, কার্য-ক্ষমতা, জিজীবিষা ফিরিয়ে আনতে লাগলে; জড়তা, ক্রীবস্ত্র দূর হতে লাগলো। রীতিমত সংসারী হল, দৈব খাতপ্রতিবাতের হাত থেকে বাঁচবার জন্ত, ঠেকিয়ে রাখবার জন্ত প্রস্তুত হতে লাগলো। তাকে বাঁচতে হবে, স্বামীকে আবার মানুষ করতে হবে, মেয়েকে রক্ষা করতে হবে, মাতা পিতার স্নেহে বড় করে ভাল ঘরে বিয়ে দিতে হবে, তবে না তার ছুটি, মুক্তি, বিদায় নেবার সময় হবে। দুনিয়াতে যে তার মস্ত বড় কাজ রয়ে গেছে। স্ত্রী সে, বিধবা নয়, কুমারী নয়, কণ্ঠার জননী; স্বামী ফিরে এসেছে, মস্ত বড় বোঝা তার মাথায়! সে জননী! মাতৃহৃৎ ত' ছেলে-খেলা নয়, মেয়ে বড় হবে—আসন্ন যুবতী মেয়েকে কুলোকে হাত থেকে, কুনজর থেকে রক্ষা করতে হবে, ভাল করে বিয়ে দিতে হবে, একি সহজ কথা! যারা চলে গেছে—যে অবস্থায়ই থাক—বাস্তবপক্ষে যখন চলে গেছে, তাদের শোকে ত' যে আছে তাকে মারতে পারে না, যেমনি হোক বাঁচাতে হবেই! মন ত' মানে না—প্রাণ উঠে কেঁদে, শক্তি ফেলে হারিয়ে, হাতের কাজ যায় তলিয়ে। উঃ! একটি একটি করে তিনটি সন্তান গেল জনমের মত চলে; ফাঁকি দিয়ে নয়, লুকিয়ে নয়, জোর করে নয়, নিয়তির ডাকে নয়, কালের জ্বর অভিশাপে নয়, শ্রোতে ভেসে চলে গেল চোখের ওপর দিয়ে; তারা তো যেতে চায় নি, কাল প্রহরী ত' মৃত্যু দণ্ড নিয়ে হানা দেয় নি, তারা ত' স্পষ্ট ধরে রাখবার জন্ত কেঁদে খুন হয়েছিলো, চৈচিয়ে চৈচিয়ে ধরে রাখবার পথ বলে দিয়ে-

ছিল বারবার, সতত। সেই তো জোর করে পাঠিয়ে দিয়েছে, মৃত্যু দূতকে অভিনন্দন দিয়ে ডেকে এনেছে। অন্যাহারে তিনটি সন্তান শুকিয়ে মরলো। এ 'ত' জমিদার বাবুর বাড়ী। সারা বাড়ীময় হাহাকার অভাব। একটি পুত্রমুখ দেখবার জন্ত কত হাজার হাজার টাকা উৎসর্গ করছে—পায় নি, তারপর টাকা দিয়ে কিনে আনে পরের ছেলে! নিজের রক্তে গড়া সন্তান—আর পরের সন্তান! আকাশ পাতাল ব্যবধান! আর সে চারটি সন্তান পেয়ে তিনটিকে হত্যা করলে! যার সন্তান নেই সে কত তপস্যা করে সন্তানের জন্ত, কত দুঃখে বলে অমুকের অতগুলি সন্তানকে খাওয়াতে পারে না; সন্তান আর চায় না; আর আমার একটি হয় না!' দীর্ঘনিঃশ্বাস কেবলি ক্ষণে ক্ষণে পড়ে।

কানাই ভাল মানুষ সেজে দু'দিনে হাঁপিয়ে উঠলো। মদ খেতে পাচ্ছে না; চরিত্রহীন মাতাল বন্ধুদের সঙ্গে বারবনিতা গৃহে গিয়ে আমোদ করতে পাচ্ছে না। বন্ধুরা রোজই ডাকতে আসে, সে স্বার্থের অভাবে তাদের দলে যেতে পারছে না। কানাই প্রথম প্রথম গঙ্গাবতীকে সন্তুষ্ট করার জন্ত গতরে খেটে রোজগারের টাকা এনে দিতো; যখন দেখলে গঙ্গাবতী তার ছলনায় ভুলে গেছে, তাকে পূর্বের মত আদর যত্ন করছে, ভালবাসছে, দাম্পত্য জীবনের মাঝে যে ছুটিগ্রহের আবির্ভাব হয়েছিল তার স্মৃতি—তার হৃদয়-বিদারক গভীর ক্ষতচিহ্নগুলি ভুলে যেতে চেষ্টা করছে—এমনি সুযোগে কানাই আবার বঁকে বসলে। কাজে যাবার ভাণ করে বন্ধুদের মজলিসে যায়, মদ খেয়ে মাতাল হয়, রাতিরে ঘরে ফিরে। রোজ একটা না একটা নতুন মিছে কথা তৈরি করে বলে। কোন দিন বলে কাজ পায় নি, কোন দিন বলে এক বন্ধুর বাড়ীতে গিয়েছিল; কি এক ওজুহাতে মস্ত বড় খাওয়া দাওয়া ছিল—কিছুতেই ছাড়ে নি। কোন দিন গঙ্গীরভাবে বলে—বোঝা বইতে গিয়ে পা পিছলে পড়ে যায়, বহুক্ষণ অচেতন ছিল। এমনি ভাবে গা মোচড় দিয়ে কাতর শব্দ করে যে, গঙ্গাবতী করুণ নয়ন তুলে খুঁটে খুঁটে সব কথা জিজ্ঞেস করে, কোমল হাতে গা টিপে দেয়।

এমনি ভাবে দিন চললো ওদের। গঙ্গাবতী যদিও কানাইএর চাতুরী ক্রমে ভাল করে বুঝতে পারলে—তবু কোন প্রতিকারের চেষ্টা করতে পারলে না। কানাই প্রতিকারের

বাইরে চলে গেছে। অর্থের অভাবে বাধ্য হয়েছিলো ভাল মানুষ সাজতে, যখন অর্থের আমদানী হল—তখন আবার কুপথে নেমে গেলো। গঙ্গাবতী কি প্রতিকার করতে পারে? কোন যাহুমন্ত্রে কানাইকে ভাল করতে পারে? কানাই পাষণের চেয়ে দৃঢ়, পশুর চেয়ে হিংস্র, বাতাসের চেয়ে চঞ্চল, পিশাচের চেয়ে হীন, অসুরের চেয়ে দুর্বৃত্ত, মাতালের অধম, পশুর চেয়ে কামুক। পায়ে লুটিয়ে পড়ে কানাই? কানাই বধির, চেতনাবিহীন। মান অভিমানের পালা শুরু করবে? এদের জন্ত মান অভিমান সৃষ্টি হয় নি। বিবাহিত জীবনের সুরূপে যে নিশ্চল, গভীর প্রেমের সূচনা হয়েছিল তা ভুলে গেছে, অহুভূতির বাইরে। নারীদেহ শুধু নারী দেহ বলে পরিচয় দেবে না? গঙ্গাবতী নারী মাত্র, অবলা, স্ত্রী, সংস্কার-বদ্ধ; কানাই চূড়ান্ত মাতাল, শক্তিশালী পুরুষ, স্বামীর দাবী লালসার দিক থেকে পূর্ণমাত্রায় বজায় রাখতে ভাল করে জানে। নরবলি দিয়ে পূজা দেবে? একটি নয় তিনটি সন্তানকে দিয়েছে। নিজেকে উৎসর্গ করবে ফাঁসির গ্রহিতে? নিজের উত্তপ্ত, জ্বালাপোড়া রক্তের ফোয়ারায় স্নাত করে দেবে! তাই দেবে! স্বামীর কল্যাণে আত্মহত্যা! তাই করবে। না-না-না? সে ত পারে না, শক্তি হারিয়ে ফেলেছে। সে যে জননী। বক্ষে জড়িয়ে আছে যে সন্তান। বারেকারে কেঁদে উঠে 'মা! মা!' বলে।...

গঙ্গাবতী ভাল করেই বুঝতে পারলে—বৃথা তার জীবন-যৌবন, আশা ভরসা, সুখশান্তি, ব্যর্থই হল মনুষ্য জীবন। মনুষ্য-জন্ম না হলে হয়তো ভালই হতো, কে জানে, কে বুঝে পশুপক্ষীর ভাষা, ওরা শাসন করে না অপর জাতকে, —সর্দারী করে না ঠিক, কিন্তু আত্মদাহ যে না আছে কে বলতে পারে? সন্তান-সুখ কে ছিনাতে পারে—ওদের সমাজ নেই, কিন্তু মাতা-সন্তানের সম্পর্ক কত সুন্দর, কত বড় অচ্ছেদ্য। হোক না ক্ষণস্থায়ী, মানুষের মত ত' মানুষের বুক থেকে সন্তান ছিনিয়ে নেয় না, স্বামী ছিনিয়ে নেয় না, স্বামী ত' স্ত্রীর বুক কাঁটা হয়ে সারা জীবন জ্বালায় না। গঙ্গাবতী জীবতত্ত্ব জানে না, তাই ঐচ্ছ জীব হতে চায়। কেন চাইবে না—চাঁওয়টাই ত' স্বাভাবিক। চিন্তিত মুখে যখন ঐ বিশাল বট গাছটায় তাকায়—দেখে কত পাখীর নীড়। যে যাহার মত আছে। স্ত্রীপাখী সংসার

দেখে, সন্তানকে রক্ষা করে, পুরুষ পাখী রোজগার করতে বের হয়। ঐ গাছটায় কত পাখীর নীড় ডালে ডালে, কৈ পাড়াপড়সীর সঙ্গে ত' দ্বন্দ্ব হয় না; সামাজিক ব্যভিচার নেই, কুৎসাও নেই, দারিদ্র্যে কেউ সাহায্য করে বলে মনে হয় না, কিন্তু শত্রু এলে সবাই দল বেঁধে শত্রুর সঙ্গে যুদ্ধে। না অনেক পাখী ত' অপরকে খাও দেয়, যেখানে খাবার প্রচুর পরিমাণ থাকে পাখীর দলকে সংবাদ দেয়। মানুষ এমন করে না কেন? গঙ্গাবতী ভাবে, রাজ্যের কথা ভাবে, যুক্তি তর্কে বিচার করতে চায়, অবশেষে মনুষ্যজন্মের জন্ত ষিকার দেয়। নিজের কথা ভাবতে ভাবতে অপরের কথায় যায়, বিভ্রান্ত হয়, ঘুরে ফিরে আবার নিজের কথায় আসে। তার জীবনে আর চাঁদ হাসবে না, জোছনার নিশ্চ আলাে তার গায়ের ওপর এলিয়ে পড়বে না। রজনীর হানাহানা, রজনীগন্ধা গভীর রাতে বিকসিত হয়ে চুপি চুপি প্রিয়াকে ডেকে অভিসারের কথা মনে করিয়ে দেবে না; যৌবন মধুমাস কোকিল জড়িত হয়ে মাতাল মূর্ছনা জাগাবে না; সে কাল ফুরিয়ে গেছে তার, অকালে ঝরে গেছে। সে যে নারী, দাম্পত্য জীবনটাকে স্বর্গীয়, দেবতার আশীর্বাদ বলে জেনে এসেছে—বাস্তবে অভিশাপ বলে মানবে কেন? যদিও মানতে বাধ্য হচ্ছে তবু স্বীকার করবে কি নিয়মে, বিদ্রোহ যে জাগে? না মানতে চায়, না মানুক, কিন্তু বিদ্রোহ যখন পদে পদে জাগে—সকলি ব্যর্থ, বৃথা, শুধু জ্বালা, কল্পনার মরুমায়ী বলে—তখন, তখন কি বলে ভাবতে পারে সেও মানুষ; সেও জীবশ্রেষ্ঠ নর-নারীর একজন?... মুমূর্ষু রোগী যখন আশা পায় যে সে বাঁচবে, নিশ্চিত মৃত্যুতে একটু সন্দেহ জাগে—তখন তার মুখে হাসি না ফুটলেও, অন্তরালে আশার তীব্র আকাঙ্ক্ষায় ফুটন্ত হাসির চেয়ে পাণ্ডুর মুখখানা উজ্জ্বল করে তোলে। কানাইএর প্রত্যা-বর্তন গঙ্গাবতীর সারাদেহ মনপ্রাণ আশার আলোকে উজ্জ্বল করে তুলেছিল; আসন্ন বিবাহের বাধনে বাঁধা পড়বার মুখে যেমনি যুবতী নারী উত্তেজিত (excited) হয় তেমনি উত্তেজিত হয়েছিল—মুহূর্ত্তে, অতি সংক্ষেপে, সূচনাতেই আবার মিলিয়ে গেল। বাতি নিভবার পূর্বে যে উজ্জ্বল হয়ে উঠে।

গঙ্গাবতী মিলে কাজ করতে যায়, রোজগারের টাকা হাতে রাখে না, বাজার সদা করে বাড়ীতে আনে।

কানাই টাকা চায়, গঙ্গাবতী কোন উত্তর দেয় না; কানাই চুপি চুপি সারা ঘর ঘোর কোণ কোণাচ খুঁজে, জিনিষ-পত্তর হাতড়ায়, কোথাও একটি পয়সা বের করতে পারে না। ছল চাতুরী করে, ভয় দেখায়, জোর জবরদস্তি করে, কখনো টাকা নিতে সমর্থ হয় না, কখনো ছিনিয়ে নিতে সমর্থ হয় না। গঙ্গাবতী কানাইএর ভয়ে সর্বদা সতর্ক থাকে, সর্বদা সতর্ক হয়েও পারে না, কানাই পয়সা ছিনিয়ে নিয়ে যায়। গঙ্গাবতী নারী মাত্র! তাই কানাই যখন কাকুতি মিনতি করে, টাকার জন্ত হত্যে দিয়ে পড়ে, 'আজ শেষ, কাল থেকে যদি বদ খেয়াল না ছাড়ি' এই বলে কঠিন প্রতিজ্ঞা করে—যে সে মানুষের ওরসে জন্মগ্রহণ করেনি, সে কুকুর, গাধা—যা খুলী বলে বসে, তখন গঙ্গাবতী নিজেকে আর সামলাতে পারে না, মদের টাকা কানাইকে দেয়। এমনি ভাবে বোজ প্রতিজ্ঞা করে—আবার পরদিন কি দু'দিন বাদে আবার টাকা চায়, প্রতিজ্ঞা করে। গঙ্গাবতী বাধ্য হয়ে দৃঢ় হল, কানাইর কথায় কর্ণপাতও করে না। কানাই গঙ্গাবতীর ওপর অত্যাচার আরম্ভ করলে, টাকা চেয়ে যখন পায় না তখন ঘুসি, লাথি, চাবুক, লাঠি বা হাতে ঘুটে তাই দিয়েই মার চালায়। গঙ্গাবতী নিশ্চল, নিম্পন্দের মত দাঁড়িয়ে থেকে অত্যাচার সহ্য করে, একটি কথাও বলে না, একটি পয়সাও দেয় না।

কানাই এতদিন শুধু মদ, বন্ধু, গণিকা নিয়ে মত্ত ছিল, এখন একবারে নিয়ে নামলে। স্ত্রীর ওপর অত্যাচার, জুলুম, ছল চাতুরী করে সুরবিধে হচ্ছে না। গঙ্গাবতী রোজগার করে অল্প, তা দিয়ে কায়ক্লিষ্টে সংসার খরচ চালায়, তার ওপর পুত্রশোক এবং ঠেকে ঠেকে হয়েছে বড় চতুর, ধূর্ত যেন রসশূন্য শুকনো ইক্ষু—হাজার নিষ্পেষিত করলেও এক তিল রস বের হতে চায় না। হতাশ হল না, দমলো না—বন্ধুদের পরামর্শে, শ্রামজীর অহুচরের ইঙ্গিতে ঠিক করলে—স্ত্রীর সুন্দর দেহ দিয়ে রোজগার করবে। মহাসুখীতে শ্রামজীর সঙ্গে করলে এক চুক্তি। এমন মহাসুখোগ, সৌভাগ্য হাতে পেয়ে কানাই উঠে পড়ে লাগলে স্ত্রীকে উপটোকন দেবার জন্ত। শ্রামজীর টাকায় কানাই মদ খায় আর মতলব আঁটে, জল্পনা করে—ঈশ্বর—রাজি করতে পারলেই পাঁচ শত টাকা নগদ, তার ওপর গঙ্গাবতী শত শত টাকা রোজগার করবে—তখন ত'

বড়লোক হয়ে পড়বে। ভয় দেখিয়ে নানা ছলে শ্রামজীর নিকট থেকে কত টাকা আমিই বের করবো! শ্রামজী বড় কল্পন, প্রথম প্রথম বেশ টাকা দেয়, অলঙ্কার দেয়—তার পর রূপ হারালে অলঙ্কারগুলো কেড়ে রাখে; তাড়িয়ে দেয়। শালা—এ চলছে না—আমি বাবা পিছে আছি, গঙ্গাবতী আমার স্ত্রী, আমার চেয়ে পাকা খেলোয়াড়, টাকাটি হাতে দেবে ত' গা ছুঁতে পারবে।... হঠাৎ ভয় হয়, চমকে উঠে গঙ্গাবতী রাজি হবে কি না; জোর করে—স্বার্থের খাতিরে বলে—রাজি হবে না, কেন রাজরাণী হওয়ার কথা শুনলে রাজি হবে না? ওর গোষ্ঠীশুদ্ধ রাজি হবে। যা মুখে আসে বলে, কিন্তু মাতালের মনেও দৃঢ় বিশ্বাস হয় যে গঙ্গাবতী—প্রাণ গেলেও রাজি হবে না।

কানাই গঙ্গাবতীকে মারধর করে না, বাড়ী থেকে বেশী বের হয় না, ঘুরে ঘুরে গঙ্গাবতীর সঙ্গে সেধে আলাপ করে। শ্রামজীর নিকট যে টাকা আগামী পেয়েছিল তা থেকে ভাল ভাল খাবার কিনে এনে গঙ্গাবতীকে দেয়, প্রেমের খেলা খেলে জোর করে গঙ্গাবতীকে খাওয়ায়, মেয়ের জন্তে খেলনা কিনে এনে আদর যত্ন করে। গঙ্গাবতীর দুর্বল মুহূর্ত্তে নানা বিষয় বক্তৃতা দেয় যে—কেউ কারো নয়, বোঝাতে চায় সতীত্ব কিছু নয় সমাজের ফাঁকি গলদ—ঈশ্বর বলে কেউ নেই। থাকলেও তাঁকে অস্বীকার করলে মানুষের কিছু যায় আসে না। গঙ্গাবতী যে সতীত্বের দোহাই দিয়ে অযাচিত সৌভাগ্য পায়ে ঠেলে চলে এলো, কি লাভ হলো? কোন পুণ্য হলো কি, না ঈশ্বর সন্তুষ্ট হয়েছেন? যদি হতেন—তবে তার এত দুঃখ, দুর্দশা, লাঞ্ছনা কেন? ভাল লক্ষণ কি তিনটি সন্তানকে অনাহারে শুকিয়ে মারা?...গঙ্গাবতী কানাইএর হাবভাবে, কথার প্যাচে বেশ বুঝতে পারলে যে এবার একটা মস্ত বড় দুর্দশার সৃষ্টি হবে, কানাইএর মনে একটা ভয়ঙ্কর দুঃখ অভিসন্ধি আছে। বাহিরের প্রলোভনে পড়ে এবার একটা মারাত্মক খেলা খেলবে। গঙ্গাবতী ভবিষ্যতের ভয়ে কানাইকে এড়িয়ে চলে, সর্বদা গভীরভাবে থাকে, কোন কথায় হাঁ বা না বলে না, যেন সে কিছু বুঝেও না, শুনেও না, ভালবাসেও না। কানাই অর্থের মোহে নাছোড়বান্দা হয়ে পিছ ধরে রইলো। গঙ্গাবতীকে সে ভাল করেই জানে, চিনে, তাই আর ছলনা চাতুরীতে রইতে পারলে না, ধৈর্যও নাই—সোজা পথে নামলে।

স্বামীর কুপ্রস্তাবে গঙ্গাবতী শিউরে উঠে, ভয়ে জড় সড় হয়ে যায়। নারীদের উজ্জ্বল দীপ্তি মলিন হয়, চেতনা নিজেই হয়, অচেতন হয়, দাম্পত্য-ছবি ভয়াবহ হয়, নিশ্চয় অভিশাপ হয়, দেহ মন শিথিল হয়ে পড়ে। গঙ্গাবতী জড় মনে এই কথাটাই ভাবে—মানুষ পারে কি নিজের স্ত্রীকে লম্পটের কাম অনলে আহুতি দিতে? মানুষের কি এত শক্তি থাকতে পারে?

কানাই পাতালপুরীর মত ভয়ঙ্কর নীরবতায় জলে উঠে, ক্রমশঃ বলে 'হুয়েছে, রাখ বাবা! সতীপণা আমার নিকট মারতে হবে না। লোকে চলে পাতায় পাতায়, আমি চলি বাতাসে বাতাসে। কোন শালীকে আমি চিনি নে, বলুক ত' এসে আমার সামনে, দিন ক্ষণ শুদ্ধ বলে দিতে পারি।'

'সকলেই তোমাদের মত চরিত্রহীন নয়, আর হলেই যে আমাদের হতে হবে—' রাখ রাখ, আর বক্তিমের কাজ নেই। আমি সব মাগীকে চিনি। বলবো—বলবো নাকি? তোমাকে পাড়ার কোন লোকটা বাকি রেখেছে—' 'চুপ্। নিজেকে দিয়ে সবাইকে বিচার করো না। তুমি চরিত্রহীন, মাতাল, নির্দয়, কিন্তু স্বামী। স্বামী হয়ে অত বড় মিথ্যা কথা বলতে একটু দ্বিধা হয় না!' রাখ রাখ বাবা! বহু সতী দেখেছি! সতী নিয়েই আমাদের কারবার, এখন হাড়ে যুন ধরে গেছে। প্রকাশে গেলে চক্ষুলজ্জা হয়, রাত্তিরে গেলেই হয়। যেমনি করে আমায় ফাঁকি দিয়ে রাতে মজা করো। এ পাড়ার যত সব সতী দেখে—সবাই রাত্তিরে অভিসারে গিয়েছেন, এখন তোমার পালা। তুমি বর্তমানে বন্দ্য কি-না—রূপ যৌবন উছলে পড়ছে শ্রামজী বলেন; তাই রোজগার খুব বেশী হবে। টাকাকড়ি, দাসদাসী, বাড়ী, অলঙ্কার কত কি? ঈস্—!

গঙ্গাবতীর গায় আশুন জলে উঠে। উপায় নেই, প্রতিকার নেই। কথা কাটাকাটিতে শুধু জঞ্জাল বেড়েই চলে—নোংরা হয় বেশী, নারীস্ব বৃকে চেপে ভয়ে ভয়ে সরে পড়ে, টলতে টলতে যায় বহু দূর। কানাই চৌচিয়ে চৌচিয়ে বলে—বাবা! আমার চোখে ধুলো! চোখ দেখলে নাড়ী নক্ষত্র পর্যন্ত টের পাই। ডুবে ডুবে জল খাওয়া হচ্ছে। শ্রামজী বাড়ী মেরামত করে দেয়, এটা সেটা পাঠায়; আমি

অত বোকা নই যে সুন্দরীর মুখে না শুনে বিশ্বাস করবো। সব খবর রাখি, সবই বুঝি। মিছে কেন সাধুগিরি মারা হচ্ছে।'

গঙ্গাবতীর নামে কুৎসা বহুদিন রটেছিল, দিন দিন আরো খারাপ রূপে প্রকাশে ভাসতে লাগল। পূর্বে অলক্ষ্যে নানা গুজব আলোচনা হতো, এখন প্রকাশে সর্বত্র, সর্বস্থানে আলোচনা হয়। এমনি ভাবে এরা কুৎসা আলোচনা করে যে—গঙ্গাবতী যেন বস্তির কলঙ্ক, বস্তির বৃকে বসে ব্যভিচার করছে, তার ব্যভিচারে বরের মেয়ে ছেলেরা নষ্ট হয়ে যাবে। অতএব এর প্রতিকারের প্রয়োজন। এরা এমনি ভাবে গঙ্গাবতীকে কথা শোনায়—যেন এরা সকলি অতি সং চরিত্রবান—এ বস্তিতে একটাও অসতী মেয়ে নেই, যারা প্রলোভনে পড়ে পা বাড়িয়েছিল মাত্র বা পা বাড়তে যাচ্ছিল, সমাজের মাতব্বর নরনারীদের কঠিন শাসনে অসতী হতে পারে নি; মাঝে মাঝে ভয় ত দেখায় যে শ্রামজীকে ওরা আর মানবে না, চুলের মুঠি ধরে গঙ্গাবতীকে বস্তি থেকে তাড়িয়ে দেবে, বস্তির রাজ্য বাসা বেঁধে পাপ ব্যবসা করতে দেবে না।

গঙ্গাবতীর নামে কুৎসা এত অশ্লীল হতো না, বস্তির দুইলোকদের ও অসতী নারীদের মনেপ্রাণে গঙ্গাবতী জীবন মরণ সমস্যার মত হয়ে উঠতো না। একে বস্তির অসতী নারীরা নিজের কলঙ্ক পুরাণো করবার জন্য অপরের কলঙ্ক খোঁজে, তার ওপর গঙ্গাবতীর ওপর শ্রামজীর মত টাকাওয়ালা লোকের নজর পড়াতে হিংসা হলো খুব বেশী; এতদিন আত্মদাহের মত জ্বালা গোপনে বলাবলি করতে—এখন কানাইএর সাহায্য পেয়ে বেশ সুরোগ ও জোর পেলে। এসবের একটা মজা—যে গুজব খুব ভাল করে রটে, লোকে এমনি ভাবে বলাবলি করে যেন বক্তা প্রত্যক্ষদর্শী, কিন্তু যখন জিজ্ঞাসা করা হয়—সে নিজে দেখেছে কি-না বা শুনেছে কি-না—তখন বলবে যে সে দেখেনি বা শুনেনি—তবে ওমূকের নিকট শুনেছে। ওমূকে জিজ্ঞেস করলে সেও অপর একজনের নাম বলে, কেউ প্রত্যক্ষদর্শী হয় না, বিশেষতঃ যেখানে একটু ভয়ের কারণ থাকে। আরো একটু মজা যে চালাকচতুর লোকেরা বোকা লোকদের মুখ দিয়ে এসব কুৎসা রটায়, এরাও তোষামোদে সন্দেহকে নিশ্চয় সত্য বলে লোকের নিকট বলে।

কানাই গভীরভাবে লোকের নিকট বলে বেড়ায় যে, সে নিজে গঙ্গাবতীকে শ্রামজীর বাগান-বাড়ীতে দেখেছে। প্রায় রাত্তিরে শ্রামজীর মোটর আসে, গঙ্গাবতী লুকিয়ে পালিয়ে যায়, আবার শেষ রাত্তিরে বাড়ী ফেরে। যেদিন সে বাড়ী থাকে না, শেষ রাত্তিরে দিকে ঘরে ফিরে দেখেছে—তার শয্যা শ্রামজী ও গঙ্গাবতী আমোদে নিশি কাটাচ্ছে, এই নিয়ে কত ঝগড়া। শ্রামজী এর জন্ত তাকে টাকা দিয়েছিলেন। সে বাধা দেয় বলেই তার সঙ্গে গঙ্গাবতীর রাত্তির দিন ঝগড়া বিবাদ হয়। গঙ্গাবতী নাকি শিগুগিরই শ্রামজীর কেনা নতুন বাড়ীতে চলে যাবে, একটা মোটর গাড়ী পাবে, টাকা পয়সার ত' কথাই নেই।...

কানাই দুর্গাম করে—মাতাল হয়ে, ত্রুঙ্ক হয়ে, পাশও চরিত্রহীন বলে নয় শুধু, তার একটা গুট কুট অভিসন্ধি আছে। অসতী বলতে বলতে, সমস্ত লোকের নিকট থেকে নির্ঘাতন, অপমান পেতে পেতে একদিন আপনি বাধা হবে—মিথ্যাকে সত্যরূপে প্রকাশ করতে। পাগল করা জ্বালাতনে কতদিন সতী রইতে পারবে, ধিকারে স্বেচ্ছায় অসতীর পথ নেবে—আত্ম-সমর্পণ করতেই হবে। আত্ম-সমর্পণ করে যে প্রতিশোধ নিতেই হবে। মানুষ যখন শ্রেষ্ঠ সং, ভাল জিনিষে আত্ম-উৎসর্গ করে পায় না বা ধরে রাখতে পারে না—অদৃশ্য শত্রুর অক্রান্ত আঘাতে—তখন ঠিক তার উন্টোটাকে আশ্রয় করে। কানাইও ঠিক বুঝে যে গঙ্গাবতীকে ক্ষিপ্তা করতে হবে, তার মনে ধিকার জন্মাতে হবে, তাহলেই তার অভিষ্ট সিদ্ধ হবে। গঙ্গাবতীর মত নারীকে যদি একবার আসরে নামাতে

পারে—তবে সে মনের সুরে রাজার হালে গণিকা, মদ ও বন্ধু নিয়ে দিন কাটাতে পারবে।

গঙ্গাবতী অচল, অটল, মুক, বধির, চেতনাবিহীন। যেন সে হিমালয়—প্রাণও নেই, চেতনাও নেই। ঘরে ও বাইরে কোন ছুট্ট হাওয়া তাকে কাবু করতে পারে না, পারলে না। আপন মনে কাজে যায়, গভীরভাবে কাজ করে, সন্ধ্যার সময় জ্বত হেঁটে বাড়ী আসে। রাত্তায় কারো সঙ্গে বাক্যালাপও সহজে করে না। গেটের নিকট কানাই লুকিয়ে থাকে, হঠাৎ গঙ্গাবতীকে আক্রমণ করে, গঙ্গাবতীর মজুরী কেড়ে নিয়ে ছুটে পালায়। কাকুতি মিনতি শোনে না, কোলের শিশু ভয়ে চৌচিয়ে উঠে, শিশুর জন্ত ভিক্ষে চায় কিছু স্বার্জিত পয়সা, কানাই দাঁত খিঁচিয়ে বকে, ছুটে যায় বন্ধুদের সঙ্গে কুপলীতে। এ সকল ছবুত্তরা রাত্তায় হিসেব করে—কোন বন্ধু কত ছিনিয়ে আনতে পারলে। এপ্রকার নির্ঘাতিতা নারীরা ভয়ে মজুরীর পয়সা সঙ্গে আনে না, সঙ্গীদের নিকট রেখে দেয়। ওদের পাশও স্বামীরা যেদিন স্ত্রীর নিকট মজুরী পায় না, সেদিন নির্দয়ভাবে মারধর করে, রাত্তার মাঝে বিবস্ত্রা করে পয়সা অনুসন্ধান করে। কুলি রমণীরা যত চতুর হয় দৈহিক অত্যাচার তত আরো বাড়ে। রাত্তার লোক দূরে দাঁড়িয়ে মজা দেখে। পুলিশ বা ভাল লোকের নজরে পড়লে এসব হতভাগা নারী রক্ষা পায়, অবশ্য এর সব নারীই আবার স্বামীকে পুলিশের হাত থেকে বাঁচায়, অত্ন কোনদিন এমন কাজ করবে না বলে নিজেরা জামীন হয়।

(ক্রমশঃ)



শ্রীস্বধীরকুমার বন্দ্যোপাধ্যায়

(Victor Hugo রচিত "The Grand-Mother" এর অনুসরণে)

হ্যাঁগা ঠাকুরমা ? আচ্ছা তোমার ঘুম ! সারা ছুপুর ঘুরছি মোরা একলা হেণা ।
ঘড়িতে যে বাজলো ক'টা—নেইক খেয়াল দেখিইনিকো মোরা ;
ওঠো, ওঠো, শুনছো ঠাকুরমা ! নেইক কেন মুখে কোন কথা !
ঠোট ছ'খানি ঠাণ্ডা এমন কেন ? তোমার ঘুমে, তোমার মুখে
আমরা দেখি বিশ্বমায়ের স্বর্গ-রূপের ধারা ।

ঘুমও তোমার চের দেখেছি—ঠাকুর-ডাকা সেও দেখেছি—
কিন্তু তুমি এমন কেন হলে ?
যখন তুমি করতে তোমার পূজা-আরাধনা, শান্তিভরা বিশ্রামের ক্ষণে ;
তার মাঝেও শুভ্র আশীষবাণী, আমাদেরি মঙ্গলেরি তরে—শুনেছিগো
তোমার ঠোটের কোণে !

এ'ন তুমি এমন কেন হলে ?
* * * * *
চোখ দুটিতে পলক নাহি পড়ে, মাথাখানি ঢলছে নীচের দিকে ;—
বুড়ো মানুষ ! হিমের পরশ অঙ্গে বাজে বড়, ঘরের কোণে আশুন
জালা আছে—পড়ছে তা'তে ছাই ।

ঘরের প্রদীপ শীঘ্র যাবে নিবে—কি ঘুম তোমার আজকে এলো চোখে ?
রাগ করেছে ? হ্যাঁগা ঠাকুরমা ? মনে তোমার দিইছি কোন ব্যথা ?
সেই কথাটা বলেই ফেল তাই !

একি হলো ! এমন কেন হলে ! হাত দু'খানি ঠাণ্ডা তোমার কেন !
আচ্ছা এসো, আমরা মোদের তপ্তরাঙা জীবন-কণা দিয়ে—

তোমার দেহে জাগাই জীবন-জ্যোতি ।
তা'হলে তো গাইবে তুমি মোদের কাছে প্রাচীনকালের গীতি ?
বলবে তুমি তো ? পুরাকালের বীরপুরুষের মহৎজনের কথা ?
ভয়ঙ্করী রাক্ষসীদের কথা ? লুকিয়ে যারা থাকতো শুয়ে—
ধরতো মানুষ ঝড়ের মত এসে ?

বলবে কোন রাজকুমারীর কথা ? গাইবে তাহার প্রেমাস্পদের
ভালবাসার সহজ স্মৃতির গাথা ?

শিথিয়ে দেবে যত্ন করে শুদ্ধ নীতি-কথা ? স্মরণ পথে পড়লে
পরে যাহা—মনের যত ময়লা যাবে চলে ;—
পড়লে পরে মনে—দূরে যাবে অশরীরী প্রেতাত্মাদের ভয়—ভুলবো
নাকো ভগবানের ব্যাখার-মালায় কথা, বিশ্বজনে ত্রাণ করিবার কালে ।
কিন্তু তুমি পড়বে মোদের কাছে তোমার-চির-জীবন-আলো-করা
ধর্ম পুঁথিখানি ?—

যাহার পাতায় পাতায়—সোণার মত শুদ্ধ আলোক-রেখায় লেখা
আছে সাধুর জীবন-কথা, ধর্ম যাদের মর্ম-কথার মত ।
সেই পুঁথিটি পড়তে তুমি সঘন আনন্দেতে—যাহার স্নোকের মাঝে
স্মরণটি মেলে—কেমন করে পতিতদের তরে চিন্তা করে দেবদূতেরা যত !
আচ্ছা ঠাকুরমা ! এত কথা বলছি মোরা !—
তোমার মুখের ভাষা কোথায় গেলো !

ক'ঠ নীরব কেন ?
ওরে ও তাই দেখে তোরা সব ! আলোর যেন পড়ছে আবরণ—
লাগছে যেন সবই এলোমেলো—
ঘরের দেওয়াল মৌন ছুঁখে যেন !

* * * * *
জাগো, জাগো, ঘুমের থেকে ওঠো—দূর করে দাও দুষ্ট প্রেতের ছায়া—
তোমার ঘরের পবিত্রতা গ্রাসে ;—
ঐ দেখা যায় শীর্ণ-হাতের কৃষ্ণ ঘন ছায়া—ওঠো, ওঠো, উঠে বসো,
ভয় যে বড় পাচ্ছে মোদের, শুনছো ঠাকুরমা !
ঘরের আলো কখন গ্যাছে নিবে—জ্বাললে পরে হয়—মনের মাঝে
এই বায়েতে কি হারানোর ভয় যে ওঠে ভেসে ।

আজকে মোদের পড়ছে মনে তোমার কথা—
বাবা ও মা মরণ-পরশ পেয়ে—
নিরালা ঐ গীর্জা কোণের মাটির মায়ায় ঢাকা
হঠাৎ একি হলো ? তোমার চোখের নাইক কোন গতি—
মুখে নাকে নাইকো শ্বাসের লেশ !

দেহ এত হিম ও কঠোর কেন ? কোথাও কোন নাইকো বাঁচার সাড়া !
এই কি তবে শঙ্কাকারী মরণ ?
কিন্তু তোমার বিশ্রামেরি ঘুম ! কিন্ত তোমার আরাধনার ডাকা !
* * * * *
ক্লান্ত-বিষাদ-চোখে রাত্রি সারা রইলো জেগে তা'রা—
ঠাকুরমা ঐ অসাড় দেহ ধিরে ;—

স্বর্গ হতে দেবদূতদের স্নিগ্ধ আলোর রেখা—
মনে হলো পড়লো চারি পাশে ।
সারা গ্রামে নামলো শোকের ছায়া—গীর্জা-ঘড়ি বাজলো, উঠে ধীরে ;—
শুদ্ধ-বেশে ধর্ম-যাজক এলেন পুঁথি হাতে—হলেন নতজান্ন—
করযোড়ে জানিয়ে দিলেন-একটি সসীম জীবন—
গেল অসাম দেশে ।


ভারতবর্ষের পর্বত ও নদী

শ্রীবিমলাচরণ লাহা, এম-এ, বি-এল, পিএইচ-ডি


রামায়ণ, মহাভারত ও পুরাণ হইতে ভারতবর্ষের পর্বত ও নদী সম্বন্ধে যাহা জানিতে পারা যায় এই প্রবন্ধে তাহা লিপিবদ্ধ করা হইয়াছে।

হিমালয় পর্বত সুলেইমান হইতে আসাম ও আরাকান পর্বতমালা পর্যন্ত বিস্তৃত। হিমালয় অথবা হিমাদ্রি পর্বতের দক্ষিণ দিকে ভারতবর্ষ অবস্থিত। গঙ্গা, সিন্ধুনদ, কাবুল এবং সোয়াট নদী হিমালয় পর্বত হইতে উৎপন্ন হইয়াছে। মৎস্য-পুরাণের মতে কৈলাশ পর্বত হিমালয় পর্বতের একটি অংশ। মার্কণ্ডেয়-পুরাণের মতে ইহা একটি সম্পূর্ণ পৃথক পর্বত। মেরু এবং নিসাদ হিমালয় পর্বতের অন্তর্গত। গঙ্গা, সরস্বতী, সিন্ধু, চন্দ্রভাগা, যমুনা, শতদ্রু, বিতস্তা, ইরাবতী, কুহ, গোমতী, ধূতপাপা, বাহদা, দৃষদ্বতী, বিপাশা, দেবিকা, নিশ্চীরা, গণ্ডকী, কোশিকী এবং রংক্ষু—এই সমস্ত নদীগুলি হিমালয় পর্বত হইতে উৎপন্ন হইয়াছে। মার্কণ্ডেয় পুরাণের মতে গঙ্গা নারায়ণের পাদদেশ হইতে উৎপন্ন হইয়া সুরের পর্বত পর্যন্ত প্রবাহিত হইত। পরে গঙ্গা চারিটি ক্ষুদ্র শাখায় পরিণত হইয়া পূর্ব, দক্ষিণ, পশ্চিম ও উত্তর দিকে প্রবাহিত হইত। ইহার দক্ষিণ নদ ভারতবর্ষের মধ্য দিয়া প্রবাহিত হইত। মহাভারতে ও পুরাণে গঙ্গাকে “ত্রিপথগা” বলা হইয়াছে কারণ এই নদীটি তিনদিকে প্রবাহিত।

সরস্বতী নদীটি যমুনা এবং সাটলেজের মধ্য দিয়া প্রবাহিত। এক সময়ে ইহা একটি খুব বিখ্যাত নদী ছিল, পরে ইহা “বিনসন” নামক মরুভূমিতে পরিণত হয়। ইহা




গঙ্গা (দুবারাণসী)



যমুনা

সিন্ধুনদের একটি শাখা এবং সিন্ধুর পর্বতমালা হইতে উৎপন্ন। বৈদিক-যুগে সরস্বতী একটি সুপ্রসিদ্ধ নদী ছিল। চালাউর গ্রামে বিলুপ্ত হইয়া ভবানীপুরে ইহা পুনঃ উৎপন্ন হয়। ধরধর সরস্বতী নদীর নিম্নভাগের নাম। চমসোভেদ, শিরোভেদ এবং নাগোভেদ এই তিনটি স্থানে সরস্বতী নদী পুনঃ উৎপন্ন হয়। সুপ্রভা, কাঞ্চনাস্কী, বিশালা, মনোরমা, ওষবতী, সুরেণু এবং বিমলোদকা এই সাটলেজ নদী সরস্বতী নামে পরিচিত ছিল।



নর্মদা নদী

সিন্ধুদেব বর্তমানে ইন্দাস নামে পরিচিত। চন্দ্রভাগা নদীর সঙ্গমস্থানের উপরিভাগে সিন্ধুনদ বলা হইত। ডেরায়াসের বেহিস্তান শিলালিপিতে এই নদীটি হিন্দু নামে পরিচিত।

মার্কণ্ডেয়-পুরাণের মতে চন্দ্রভাগা নামে দুইটি নদী ছিল। পাঞ্জাবে চেনাব্ এবং চন্দ্রভাগা অভিন্ন। বেলাম্ এবং চেনাব্ নদীর সঙ্গম স্থানকেও চন্দ্রভাগা বলে।

পর্যন্ত এই নদটি বিতস্তা নামে পরিচিত এবং এই নদী ও ‘হাইডাম্পেস্’ অভিন্ন। বৈদিক আৰ্য্য এবং বৌদ্ধদিগের নিকট এই নদী বিতংসা নামে পরিচিত ছিল। ইরাবতী



কুম্ভ নদী

যমুনা নদী বর্তমানে তাহার পুরাতন নামে পরিচিত। এবং রাবি অভিন্ন। কুহ নদী এবং বর্তমান কাবুল নদী শতদ্রু নদী এবং বর্তমান সাটলেজ অভিন্ন। সাটলেজ ও

অভিন্ন। গোমতী নদী এবং বর্তমান গোমল নদী সম্ভবতঃ

অভিন্ন। সিন্ধু নদের পশ্চিম শাখা গোমল নামে পরিচিত। আমাদের মনে হয় যে গোমতী নদী চম্বল নদীর একটি শাখা। কাহারও কাহারও মতে ধৃতপাণা একটি প্রসিদ্ধ

বর্তমান রামগঙ্গা অভিন্ন। কনোজের নিকটে বামদিকে গঙ্গার সহিত বাহদা নদী মিলিত হইয়াছে। কেহ কেহ বলেন যে বাহদা ও ধবলা (বর্তমান ধুমেল কিংবা বুড়োরাধি)



কাবেরী নদী

নদী এবং ইহার বর্তমান নাম ধোপাপ। বারাণসীর নিকটস্থ গঙ্গার একটি শাখাবিশেষ ছিল। বাহদা নদী এবং

অভিন্ন। পাম্‌জিটার সাহেব বলেন যে দক্ষিণাপথে বাহদা নামে আর একটি নদী ছিল। মহাভারতের মতে এই বাহদা নদীতে স্নান করিয়া “লিখিত” নামে একটি ঋষির খণ্ডিত বাহু জোড়া লাগিয়াছিল। শিবপুরাণের মতে গৌরী নদী বাহদা নদীতে পরিণত হইয়াছিল।

দৃষদ্বতী নদী ব্রহ্মবর্তের দক্ষিণ এবং পূর্ব সীমানা দিয়া প্রবাহিত হইত এবং পশ্চিম সীমানায় সরস্বতী নদী প্রবাহিত হইত। মহাভারতের মতে এই নদীটি কুরুক্ষেত্রের একটি সামান্য বলিয়া পরিগণিত ছিল। দৃষদ্বতী নদী এবং চিত্রাঙ অভিন্ন। কাহারও কাহারও মতে ‘ঘগর’ নদী এবং দৃষদ্বতী অভিন্ন।

বিপাশা নদী বর্তমান বিয়াস নদী



ব্রহ্মপুত্র নদী

নামে পরিচিত। ঋষি বশিষ্ঠ পুত্রশোকে অভিভূত হইয়া নিজের হাত পা বাধিয়া প্রাণত্যাগ মানসে এই নদীতে ঝাঁপ দিয়াছিলেন। কিন্তু এই নদী তাঁহার প্রাণ বিনাশ করে নাই।

দেবিকা নদী হিমালয় হইতে উৎখিত হইয়াছে এবং দীর্ঘ নামে রাবী নদীর একটি শাখা এবং দেবিকা অভিন্ন। অগ্নিপুরাণের মতে সৌবীর দেশের মধ্য দিয়া এই নদী প্রবাহিত হইত এবং সিওয়ালিক পর্বত-মালার মৈনাক পর্বত হইতে ইহা উৎখিত হইয়াছিল। যুক্তপ্রদেশের দেবা দেবিকা অভিন্ন। সরযু নদীর দক্ষিণভাগের অপর একটি নাম দেবা এবং উত্তরভাগের নাম কালী নদী। কালিকা-পুরাণের মতে ইহা গোমতী এবং সরযুর মধ্যভাগ দিয়া প্রবাহিত। মহাভারত এবং বরাহ-পুরাণের মতে গঙ্গা, সরযু, গণ্ডক এবং দেবিকার সঙ্গমস্থলে কুমীর এবং হস্তীর কলহ হইয়াছিল।


নিশ্চীরা নদী নিশ্চীরা নামে বায়ুপুরাণে পরিচিত। নিশ্চীরা নদী এবং সীলাজন অভিন্ন। ইহার সঙ্গমস্থান ফল্গু নামে পরিচিত। ইহাই বৌদ্ধদিগের নেরঞ্জরা।

গণ্ডকী নদীর বর্তমান নাম গণ্ডক এবং ইহার তীরে বিষ্ণু যজ্ঞ করিয়াছিলেন। ইহার পুরাতন নাম ছিল শালগ্রামী ও নারায়ণী। কোশিকী নদীর বর্তমান নাম কুশী। বিহারের অন্তর্গত পূর্ণিয়া জেলার মধ্য দিয়া প্রবাহিত হইয়া গঙ্গায় পতিত হইয়াছে।

ত্রিস্রোতার বর্তমান নাম তিস্তা। ইহা ব্রহ্মপুত্র নদে মিশিয়াছে। বাঙলা-দেশের অন্তর্গত বগুড়া জেলার মধ্য দিয়া করতোয়া নদী প্রবাহিত। আপগা নদী কুরুক্ষেত্রের মধ্য দিয়া প্রবাহিত।


ভারতবর্ষের সপ্ত-কুলাচলের মধ্যে কলিঙ্গ দেশের মহেন্দ্র সর্কাপেক্ষা প্রসিদ্ধ। তাহার পর পাণ্ড্য দেশের মলয় পর্বত, সপরাস্তের সহ পর্বত, ভল্লাট দেশের শুক্তিমৎ, মাহিন্মতীর

ঋক্ষ, বিক্ষ্য এবং মধ্যভারতের অল্প পার্বত্য দেশ এবং নিষাদদিগের কার্ণিপাত্র। কাব্যমীমাংসার গ্রন্থকার রাজ-শেখর এই সাতটি কুল পর্বতকে ভারতবর্ষের অন্তর্গত বলিয়া বর্ণনা করিয়াছেন এবং তাঁহার মতে ভারতবর্ষ কুমার-দ্বীপ নামে পরিচিত ছিল। কাহারও কাহারও মতে মহেন্দ্র



চিনাব নদী

পর্বত গঙ্গামের নিকটবর্তী পূর্ববাটের অপর একটি নাম। কালিদাসের রঘুবংশে বহুবীর মহেন্দ্র পর্বতের উল্লেখ আছে এবং ইহা কলিঙ্গ দেশে অবস্থিত। রামায়ণের মতে মহেন্দ্র



বেলম নদী

পর্বত গঙ্গাম হইতে পাণ্ড্যদেশের দক্ষিণ পর্যন্ত অবস্থিত। টিনেভেলি জেলায় মহেন্দ্রগিরি নামে একটি ক্ষুদ্র পর্বত আছে। হর্ষচরিত এবং চৈতন্যচরিতামতে উল্লেখ আছে যে

মহেন্দ্র পর্বত মাহুরার দক্ষিণ পর্যন্ত বিস্তৃত। মহাত্মারতে এবং পুরাণে কতকগুলি ছোট ছোট পর্বতের উল্লেখ পাওয়া যায়, যথা ত্রীপর্বত এবং পুষ্পগিরি। অগ্নিপু্রাণের মতে কাবেরী-সঙ্গমের নিকটে ত্রীপর্বত অবস্থিত। ইহাকে ত্রীপর্বত বলিত কারণ বিষ্ণু ত্রীর উদ্দেশ্যে এই পর্বতকে উৎসর্গ করিয়াছিলেন। ভেন্কটাদ্রি, অরুণাচল এবং ঋষত নামে আরও কতকগুলি ক্ষুদ্র ক্ষুদ্র পর্বতের নামোল্লেখ



হিমালয় পর্বত

পুরাণে আছে। মহেন্দ্র পর্বতমালা হইতে যে সমস্ত নদী উৎথিত হইয়াছে তাহাদের মধ্যে পিতৃসোমা, ঋষিকুল্যা, ইক্ষুকা, ত্রিদিবা, লাক্সুলিনী এবং বংশকরা বিশেষভাবে উল্লেখযোগ্য। ত্রিসিমা, ঋষিকা এবং বংশধারিণী শুক্রিমান পর্বতমালা হইতে উৎথিত হইয়াছে। এই ছয়টি নদী ছাড়া মৎস্রপুরাণে আরও তিনটি নদীর নাম পাই—তাম্রপর্ণা,

শরবা এবং বিদলা। ঋষিকুল্যা নদী বর্তমানে পুরাতন নামে পরিচিত এবং গঞ্জাম দেশের মধ্য দিয়া প্রবাহিত। বিদ্যা পর্বত হইতে ত্রিদিবা নদী উৎথিত হইয়াছে। লাক্সুলিনী নদী এবং বর্তমান লাক্সুলীয় নদী অভিন্ন। এই লাক্সুলীয় নদীর তীরস্থ ভিজিয়ানাগ্রাম এবং কলিঙ্গপটমের মধ্যবর্তী স্থানে চিকাকোল নগর অবস্থিত। বংশকরা নদী এবং বর্তমান বংশধরা নদী অভিন্ন। এই বংশধরা নদীটি কলিঙ্গপটমের মধ্য দিয়া প্রবাহিত। মলয় পর্বতে অগস্ত্য মুনির আশ্রম ছিল। মলয় পর্বতের অপর একটি নাম মলয়কূট। ধোই প্রণীত পবন-দূতে শিখণ্ডাদ্রি নামে এই পর্বত পরিচিত। নিম্নলিখিত নদীগুলি মলয় পর্বত হইতে উৎথিত হইয়াছে; যথা, কৃতমালা, তাম্রপর্ণা, পুষ্পজা এবং উৎপলাবতী। কৃতমালা এবং বর্তমান বৈগী অভিন্ন। এই নদী মাহুরার মধ্য দিয়া প্রবাহিত। তাম্রপর্ণা নদী পাণ্ডা-দেশ দিয়া প্রবাহিত হইতে এবং বর্তমানে ইহা তাম্রবরী নামে পরিচিত। পুষ্পজা এবং উৎপলাবতী এই দুইটি নদী বর্তমানে বৈপার এবং অমরাবতী নামে পরিচিত। বৈদূর্য পর্বত পশ্চিমঘাটের উত্তরাংশে অবস্থিত ছিল। গোদাবরী, ভীমরথ, কৃষ্ণবেষা, ভূঙ্গ-ভদ্রা, সূপ্রয়োগা, বাহা এবং কাবেরী এই কয়টি নদী সহ পর্বত হইতে উৎথিত হইয়াছে। ভীমরথ ও কৃষ্ণ নদীর ভীমা নামে একটি শাখা অভিন্ন। কৃষ্ণবেষা কৃষ্ণ নামে পরিচিত। ভূঙ্গভদ্রা কৃষ্ণ নদীর একটি শাখা। সূপ্রয়োগা কৃষ্ণ নদীর পশ্চিমদিকের একটি শাখা। বাহা কিংবা বারদা কৃষ্ণ নদীর একটি শাখা। শুক্রিমান পর্বত হইতে

নিম্নলিখিত নদীগুলি উৎথিত হইয়াছে—যথা ঋষিকুল্যা, কুমারী, মন্দগা, মন্দবাহিনী, কৃপা এবং পলাশিনী। কাহারও কাহারও মতে হাজারিবাগ জেলার উত্তর দিকে শুক্রিমান পর্বত অবস্থিত। কেহ কেহ বলেন ইহাই কাথিওয়ার পর্বতমালা এবং কাহারও কাহারও মতে ইহাই সুলেইমান পর্বতমালা। গঙ্গার কিউল নামে একটি শাখা ও ঋষিকুল্যা

অভিন্ন। মন্দগা এবং মন্দবাহিনীর অপর একটি নাম মন্দগামিনী এবং গঙ্কমন্দগামিনী। জুনাগড় পর্বতমালা হইতে পলাশিনী নদী উৎথিত হইয়াছে।

ঋক্ষবৎ এবং বিদ্যা এই দুইটি কুলাচল। বিদ্যা এবং পারিপাত্র বিদ্যা পর্বতমালার অংশ বিশেষণ ঋক্ষ পর্বত হইতে নর্মদা, শোণ, মহানদ, মন্দাকিনী, দশার্ণা, তমসা, বিপাশা নদীগুলি উৎথিত হইয়াছে। বিদ্যাপর্বত হইতে শিপ্রা, পয়োক্ষী, নির্ঝিক্যা, বৈতরণী এই সকল নদী উৎথিত হইয়াছে। টলেমির মতে পুরাণের দশার্ণা এবং দোসরণ অভিন্ন। ঋক্ষপর্বত হইতে দশার্ণা উৎথিত হইয়াছে। বিদ্যা-পর্বতের পূর্বভাগ হইতে নর্মদা এবং তাপ্তী উৎথিত হইতে উৎথিত হইয়াছে—(১) শোণ, (২) মহানদ, (৩) নর্মদা, (৪) সুরথা, (৫) অত্রিজা, (৬) মন্দাকিনী, (৭) দশার্ণা, (৮) চিত্রকূট, (৯) চিত্রোৎপলা, (১০) তমসা, (১১) করমদা, (১২) পিশাচিকা, (১৩) পিঙ্গলিশ্রোণী, (১৪) বিপাশা, (১৫) বঞ্জলা, (১৬) সূমেরুজা, (১৭) শুক্রি-মতী, (১৮) শকুলী, (১৯) ত্রিদিবা, (২০) দেগবাহিনী, (২১) শিপ্রা, (২২) পয়োক্ষী, (২৩) নির্ঝিক্যা, (২৪) তাপ্তী, (২৫) নিষধাবতী, (২৬) বেঘা, (২৭) বৈতরণী, (২৮) সিনীবালী, (২৯) কুমুদতী, (৩০) করতোয়া, (৩১) মহাগৌরী, (৩২) দুর্গা এবং (৩৩) অন্তঃশিরা।

শোণ নদী নর্মদার নিকটবর্তী স্থান হইতে উৎথিত হইয়া গঙ্গায় পতিত হইয়াছে। ইহার পুরাতন নাম ছিল হিরণ্য-বাহ বা হিরণ্যবাহ।

মহানদ কিংবা মহানদী—ইহা বর্তমান মহানদী নহে।

নর্মদা—যে স্থান হইতে শোণ নদী উৎথিত হইয়াছে তাহার নিকটবর্তী স্থান হইতে ইহা উৎথিত হইয়াছে। মৎস্র-পুরাণের মতে যে স্থানে নর্মদা নদী উৎথিত হইয়াছে সেই স্থানটিকে জামদগ্নি তীর্থ বলে।

মন্দাকিনীও বর্তমান মন্দাকিন অভিন্ন। ইহা পৈম্বনী নদীতে পতিত হইয়াছে।

দশার্ণা নদী দশার্ণা দেশের মধ্য দিয়া প্রবাহিত। চিত্রকূট নদী চিত্রকূট পর্বতের সহিত সংশ্লিষ্ট। তমসা নদী ও তম নদী অভিন্ন। ইহা গঙ্গায় পতিত হইয়াছে।

করমদা—বায়ু এবং বরাহ-পুরাণের মতে ইহার নাম করতোয়া।

বিপাশা নদী এবং বর্তমান বিয়াস্ বিভিন্ন।

শুক্ৰিমতী নদী শুক্রিমান পর্বত হইতে উৎথিত হইয়াছে। শকুলি এবং শক্রি নদী অভিন্ন। ইহা গঙ্গায় পতিত হইয়াছে।

শিপ্রা নদী পারিপাত্র পর্বতমালা হইতে উৎথিত হইয়াছে।

পয়োক্ষী এবং বর্তমান পূর্ণ নদী অভিন্ন। পূর্ণ তাপ্তী নদীর একটি শাখা। চৈতন্তচরিতামৃতের মতে দক্ষিণ দিকে



বেতার পর্বত

পয়োক্ষী নামে একটি নদী ছিল এবং এই নদীটি ও ত্রিবাঙ্কুরের অন্তর্গত পূর্তি নদী অভিন্ন।

নির্ঝিক্যা নদী এবং মালওয়ার অন্তর্গত কালীসিন্ধু নদী অভিন্ন।

তাপ্তী বর্তমানে তাপ্তী নামে পরিচিত।

বৈতরণী উৎকলদেশের মধ্য দিয়া প্রবাহিত।

বৌধায়নের ধর্মহৃত্রে পারিপাত্রের উল্লেখ পাওয়া যায়। ইহাই আর্ধ্যাবর্তের দক্ষিণ সীমা। যে সকল নদী পারিপাত্র হইতে উৎথিত হইয়াছে তাহার তালিকা নিম্নে প্রদত্ত হইল :—

(১) বেদস্বতি, (২) বেদবতী, (৩) বৃত্রসি, (৪) সিন্ধু, (৫) বেঘা, (৬) আনন্দিনী, (৭) সদানীরা,

(৮) মহী, (৯) পারা, (১০) চন্দ্রধনী, (১১) বিদিশা,
(১২) বেত্রবতী, (১৩) শিপ্রা এবং (১৪) অবর্ণা ।

সিন্ধুনদ এবং কালীসিন্ধু অভিন্ন । চম্বল এবং বেটওয়ার
মধ্যস্থিত যমুনা নদীর ইহা একটি শাখা । ইহারই তীরে
বিদর্ভরাজার কন্যা লোপামুদ্রার সহিত অগস্ত্যমুনির সাক্ষাৎ
হইয়াছিল এবং পরে তাহাদের বিবাহ হইয়াছিল ।

সদানীরা কোশল এবং বিদেহের সীমারূপে বর্ণিত
আছে । কাহারও কাহারও মতে সদানীরা ও গণ্ডক
অভিন্ন এবং কেহ কেহ বলেন সদানীরা ও রাণ্ডী অভিন্ন ।

মহী নদী মালওয়া দেশ হইতে উথিত হইয়া ক্যাশে
উপসাগরে পতিত হইয়াছে ।

পারা ও পার্বতী অভিন্ন । এই পার্বতী নদী ভূপালে
উথিত হইয়া চম্বলে পতিত হইয়াছে ।

চন্দ্রধনী যমুনার একটি শাখা ।

বিদিশা বর্তমান ভিল্লা ।

বেত্রবতী বর্তমান বেটওয়ার, ইহা যমুনায় পতিত হইয়াছে ।

অবর্ণা স্থলে বায়ুপুরাণে অবস্তীর উল্লেখ পাওয়া যায় ।
রামায়ণ, মহাভারত ও পুরাণে যে সকল ক্ষুদ্র ক্ষুদ্র পর্বতের
নাম পাওয়া যায় এবং যাহাদের সহিত ঋক্ষ, বিক্ষা এবং
পারিপাত্রেয় সঙ্ঘ আছে, তাহাদের মধ্যে উর্জয়ন্ত, অমর-
কটক, চিত্রকূট, কোলাহল এবং বৈভ্রাজ পর্বতের নাম
উল্লেখযোগ্য । উর্জয়ন্ত এবং গিষ্ণার পর্বত অভিন্ন ।

অর্কুধ বর্তমানে আবু পর্বত । অমরকটক পর্বত
হইতে শোণ, মহানদী ও নর্মদা উথিত হইয়াছে । চিত্রকূট
পর্বত প্রয়াগের নিকটবর্তী স্থানে অবস্থিত । রাজগৃহের
পাঁচটি পর্বতের মধ্যে একটি পর্বতের নাম ছিল বৈভ্রাজ ।
বৈভ্রাজ এবং বৈভ্রাজ অভিন্ন । দক্ষিণ বিহারের অন্তর্গত
বাথান এবং বাতশ্বন অভিন্ন ।

অন্তর্গামী

শ্রীবিমলচন্দ্র ঘোষ

অন্তর্গামী তুমি আজ মন বুদ্ধি চিত্ত লোক
আচ্ছন্ন করেছ একি মোহে,
আমার দর্শন-শক্তি কেন এত সীমাবদ্ধ,
কেন এত অন্ধ পরমাদ ?
ক্রমশুদ্ধ জীবনের নীরস রুক্ষতা মাঝে,
কোথা হ'তে আত্ম পরসাদ
বার বার জেগে উঠে অন্তঃসার শূন্য আড়ম্বরে
অর্থহীন সমারোহে ।
আত্মারে বঞ্চনা করি উচ্ছৃঙ্খল মত্ততায়
মিথ্যার দংশন জালা সহে
কোন মতে কাটে কাল আত্মস্তরী প্রাণে চাপি,
ঘনীভূত নিত্য নিরাহ্লাদ ;
ওরে মন তাই কিরে, শত কাব্যে, ছন্দে, গানে,
ব্যঙ্গময় ক্রুর দুঃখবাদ

লিখে যাম্ আনমনে ? মৃত্যুহিম কালনদী
নিঃশব্দ কল্লোলো য় বহে,
প্রিয়ার মধুর হাত, সুন্দরী নটীর লাগু,
দাস্তময় এ নৈরাশ্র মাঝে
নাহি তোলে কোনো সুর, ব্যর্থতা মরণ বৃক্ষে
সকরণ ছায়ানট বাজে ।
হে চিত্রাঙ্গী চিন্তাসখী অন্তর প্রকৃতি মোর
বহুবর্ণ-ছন্দ-গন্ধনদী
চিদাকাশে মেঘকন্যা, মুক্তকেশে একি মায়া
সঞ্চারিলে ওগো সর্বনাশী ?
মোর সর্ব প্রাণশক্তি ঢাকিয়াছ ইন্দ্রজালে,
আর কেন ? মুক্ত কর অরি,
কাকরুক্ষ কেশদামে গ্রহি দাও হে সুন্দরী,
আত্মজ্যোতি উৎক উদ্ভাসি



ভাই বোন

মাটির দেবতা

শ্রীপ্রভাবতী দেবী সরস্বতী

(৩২)

সংসারের মধ্যে ছোট বড় অনেক পরিবর্তন ঘটে গেছে।

মা মাঝে গেছেন, স্নানির্মল মায়ের মৃত্যুর পর যতটা অসহায় হয়ে পড়বে ভেবেছিল ততটা হতে পারে নি, সে কেবল স্মরণের জন্মই।

মা ইলোক ত্যাগ করবার সময় এই আত্মভোলা ছেলেটির জন্মই বিশেষ করে অস্থির হয়ে উঠেছিলেন। সকলেরই উপায় আছে, সকলেরই লক্ষ্য আছে, নাই কেবল এই ছেলেটির।

স্মরণতা স্বয়ং এ ভার গ্রহণ করেছে, মাকে নিশ্চিতভাবে পরলোকে পথে যাত্রা করতে দিয়েছে।

আগে সে তবু ভাস্করকে কতকটা এড়িয়ে চলতো—অনেক লেখাপড়া শিখলেও বাঙ্গালীর মেয়ের যা মজাগত সংস্কার, তা সে ছাড়তে পারে নি।

কিন্তু সে সংস্কার আর রাখা চললো না—এ লোকটিকে সম্পূর্ণভাবে তাকে নিজের হাতে তুলে নিতেই হল।

স্ববিমল সম্প্রতি বম্বে বেড়াতে চলে গেছে। স্মরণতা তার সঙ্গে যায় নি, ভাস্করকে দেখা শোনা করবার জন্ম সে এখানেই থেকে গেছে।

মা মাঝে যাওয়ার পর বাড়ীর গিন্নির দায়িত্ব সবটা পড়েছে তারই মাথায়। এতদিন যদিও সংসারের সব কাজই সে করেছে, তবু সে আলগাভাবে,—এমন করে জড়িয়ে সে পড়েনি। ভয়ানক অসহ মনে হয়, তবু ত ছাড়বার ঘো নেই।

আত্মভোলা ভাস্কর—তাকে সর্বদা দেখাশোনা করা চাই। নিজের স্বামীর দিক তবু কতকটা আলগা দেওয়া যেতে পারে, লোকটি পরনির্ভরশীল নয়, কারও মুখাপেক্ষী হয়ে থাকতে পারে না। অনেক সময় নিজের সব কাজ নিজেই করে নেয়, স্ত্রী বা দাসদাসী কারও ওপর নির্ভর করে না। কিন্তু এ মানুষটি ঠিক তার উল্টো; অসুখ হলে বলে দিতে হয়, জোর করে ওষুধ পথ্যের ব্যবস্থা করতে হয়।

ভাল থাকলে তার কাপড় জামা জুতা অবিরত দেখতে হয়, ধমক দিয়ে শোওয়াতে হয়, খাওয়াতে হয়।

শিশুর মত প্রকৃতি, একেবারে সরল; স্মরণতার 'পরে নিজের ভার ছেড়ে দিয়ে পরম নিশ্চিত। মাঝে মাঝে মুখে খুসির হাসি ফুটিয়ে বলে—“সত্য বউমা, ভাগ্যে তুমি ছিলে মা, নইলে আমার উপায় যে কি হত আমি তাই ভেবে পাই নে।”

খানিক চুপ করে থেকে নিজে নিজেই বলে—“কি-ই বা আর হতো,—ভেসে যেতুম, স্থান পেতুম না। না থাকলে ও চলে হয় ত, আমি সেটা ধারণা করতে পারি নে এই মাত্র।”

এ রকম লোককে ফেলে যাওয়া বাস্তবিকই চলে না। স্ববিমল ও দাদার দিকে চেয়ে বড় যেন উৎকণ্ঠিত হয় না, স্ত্রীকে এ দিকে বিশেষ দৃষ্টি দিতে বলে, দাদার দিকে তাকিয়ে সে নিজে অনেকটা ত্যাগ স্বীকার করে চলে।

অথচ দাদার সঙ্গে তার কথাবার্তা চলে খুবই কম—দেখা হলে হঠাৎ সে এক চমৎকার দৃষ্টি তাঁর সারা দেহে বুলিয়ে নেয় মাত্র, দিন দিন সে দৃষ্টিতে উৎকণ্ঠাই বেড়ে ওঠে।

আড়ালে স্মরণতার কাছে তার অল্পযোগের সীমা থাকে না—

সে নিশ্চয়ই দাদার দিকে দৃষ্টি দেয় না। আজ যদি মা থাকতেন, দাদাকে দেখার লোক থাকত। দাদা সত্যকার যত্ন পান না বলেই তাঁর এই চেহারা হচ্ছে।

স্মরণতা রাগ করতে যায় কিন্তু পারে না। মনে হয় সত্যই হয় তো তার সেবা যত্নের মধ্যে অনেকখানি ক্রটি রয়ে গেছে, সে নিশ্চলকে খুসি করতে পারছে না।

মাঝে মাঝে অতি মলিন মুখে সে নিশ্চলের কাছে গিয়ে দাঁড়ায়—

তার মলিন মুখের পানে চেয়ে নিশ্চল জিজ্ঞাসা করে, “কি মা, দরকার আছে কিছু?”

“না—”

বলে সুরতা ফেরে—

চলতে চলতে আবার সে চমকে দাঁড়ায়, দু-পা এগিয়ে এসে গভীর ব্যগ্রতার সঙ্গে জিজ্ঞাসা করে—“আপনার শরীর কেন এত খারাপ হচ্ছে সত্য করে বলুন দেখি? আমি নিশ্চয়ই আপনাকে তেমন ভাবে যত্ন করতে পারি নে—”

নির্মল বাধা দিয়ে বলে ওঠে—“ও কথা বলো না বউমা, তুমি যত্ন না করলে এতদিন আমার যে অস্তিত্বই থাকত না। কোথায় চলে যেতুম—হয়তো লোটা কবল নিয়ে পথে পথে ঘুরে বেড়াতেই হতো—”

বলতে বলতে সে হো হো করে হেসে ওঠে—

সুরতা করুণ চোখের দৃষ্টি তার ওপর দিয়ে বুলিয়ে নেয়, এ ছাড়া তার আর কিছু করার উপায় নেই।

মেরুকে সংবাদ দেওয়ার কথা মনে হয়। সে এলে জোর করে দাঁদার যত্ন ঠিক মত করতে পারে, সুরতা সে রকম জোর করতে পারে না, পারবেও না।

এরই মধ্যে হঠাৎ সেদিন নির্মল নিজেই প্রস্তাব করলে “দু মাসের জন্য কোথাও গেলে বোধ হয় শরীরটা ভাল হতে পারে—কি বল বউমা? হয় তো কলিকাতায় থেকেই শরীরটা এত খারাপ লাগছে—কি বল?”

সুরতা ভারি খুসি হয়ে উঠল।

বললে—“তাই চলুন দিন কত। ওয়ালটেয়ারে চলুন, সমুদ্রের বাতাসে শরীরটা বেশ ভাল হয়ে উঠবে।”

ওয়ালটেয়ারে যাওয়ার ব্যবস্থা ঠিক হয়ে গেল। বসে হতে সুরতামল পত্র লিখলে সে দুই একদিনের মধ্যেই ওয়ালটেয়ারে যাচ্ছে সব ব্যবস্থা ঠিক করতে; কলকাতা হতে এদের রওনা হতে দিন দশেকের বেশী দেরী যেন না হয়।

আজকের রুটিটা সত্যই নির্মলের বড় ভাল লেগেছিল। অনেক দিন এমনভাবে রুটি নামে নি, পৃথিবী তার অনন্ত পিপাসা আজ প্রাণভরে মিটিয়ে নিচ্ছিল। গাছের পাতাগুলোর ওপরে কতদিনকার ধুলো জমে সেগুলোর সত্যকার রূপ ঢেকেছিল, রুটি ধারা সে সব ধুয়ে নিয়ে তাদের সত্যকার সৌন্দর্য ফুটিয়ে দিয়েছিল।

টপ, টপ, টপ—

গাছের পাতা হতে রুটি ঝরার শব্দটা শুনতে নির্মলের ভারি ভাল লাগে, আরামে চোখ মুদে আসে—ইজি

চেয়ারটায় হেলান দিয়ে বসে সে অবিশ্রান্ত সেই শব্দটাই শুনছিল।

মনে হল—একটা মোটর দরজায় থামল। রুটির দিনে মোটর থামলে ও থামতে পারে, হয় তো পথে খুব খানিকটা জল জমেছে। পথিকেরা হাঁটুর ওপর কাপড় তুলে কোনক্রমে প্রাণের দায়ে পথ হাঁটলেও মোটর চলবে না।

নির্মল আকাশের পানে চাইলে।

স্তরে স্তরে মেঘগুলা সেজে দাঁড়িয়েছিল চমৎকার, ওই বৃকে অতখানি জল যে সঞ্চয় করা আছে তা বোঝা যায় না—অথচ ওই মেঘগুলা জলেরই সমষ্টি মাত্র। ভারি হয়ে নামতে নামতে গলে পড়ে পৃথিবীর বৃকে ছড়িয়ে যায়।

এই না আশ্চর্য ব্যাপার, বাষ্প উঠছে পৃথিবীর বৃকে হতেই, আবার জল হয়ে ঝরে পড়ছে পৃথিবীরই বৃকে। আকাশ মহৎ—উদার, সে কারও দান নেয় না;—যে বাই পাঠাক, সে সবই আবার ফিরিয়ে দেয়।

খট খট করে একজোড়া ভারি জুতোর শব্দ শোনা গেল—অস্থির চঞ্চল।—মনে হল দরজার কাছে এসে থেমে গেল—

পরমুহুর্তে আহ্বান শোনা গেল—“বউমা—”

দ্রুত হয়ে নির্মল উত্তর দিলে, “কে—ইন্দ্রনীল? এ—বরেই আছি।

পদ্মা সরিয়ে ইন্দ্রনীল প্রবেশ করলে।

নির্মল বিস্ময়ে জিজ্ঞাসা করলে—“এই রুটিতে এমনভাবে আসার মানেরটা কি বুঝতে পারছিলেন।”

ইন্দ্রনীল একখানা চেয়ার টেনে নিয়ে বসে পড়ল, পকেট হতে রুমাল বার করে মুখ মুছতে মুছতে বললে—“দরকার পড়লেই আসতে হয় বউমা—বিশেষ দরকারে যে এসেছি, তা তো বুঝতেই পারছেন।”

নির্মল আকাশ হতে পড়ল—“মানে? তোমার কথা আমি একটাও বুঝতে পারিনি ইন্দ্রনীল।”

ইন্দ্রনীল মুহূর্তমাত্র নীরব থেকে হঠাৎ বউদার একখানা হাত চেপে ধরলে—

আর্দ্রকণ্ঠে বললে—“জীবনে মানুষ অনেক ভুলই করে থাকে বউমা, সে ভুল সুরতাবার অবকাশ তাকে দিতে হয়। আমিও অনেক ভুল করেছি, আমায় এই বারটির মত মাপ করুন।”

হাতখানা ছাড়িয়ে নেওয়ার চেষ্টা করে নির্মল বললে—
“তোমার হেঁয়ালি-ভরা কথা কিছু বুঝতে পারছি নে ইন্দ্রনীল—এ রকম করে বলার চেয়ে সাদা-সিদে ভাবে বলাই ভাল বলে মনে করি।”

একটা নিঃশ্বাস ফেলে ইন্দ্রনীল বললে—“কথা খুবই সোজা;—আপনি একবার সৈকতকে ডেকে দিন। আমি প্রতিজ্ঞা করছি আমি সত্যই তাকে আইনমতেই হোক—হিন্দুশাস্ত্রমতেই হোক বিয়ে করব।”

“সৈকত—এখানে—?”

নির্মল বিস্ফারিতচোখে ইন্দ্রনীলের পানে চাইলে।

ইন্দ্রনীল উত্তর দিলে “হ্যাঁ, কাল রাত্রে বিয়ে নিয়েই আমাদের সমাস্তর হয়েছে, রাত্রিশেষে সে এখানেই চলে এসেছে, আর কোথাও যায় নি। একটা সত্য কথা বলছি বউমা—”

সে গেল দেখে নির্মল জিজ্ঞাসা করলে—“কি সত্য কথা—?”

এক মুহূর্ত নীরব থেকে ইন্দ্রনীল বললে—“আমি সৈকতকে যথাশাস্ত্র বিয়ে করতে পারি কি?”

নির্মল জিজ্ঞাসা করলে, “কেন পারবে না?”

মুখখানা নীচু করে ইন্দ্রনীল বললে, “কেন পারব না? পারব না এই জন্ত যে আমি বিবাহিত, আমার স্ত্রী আছে।”
“তোমার স্ত্রী—”

নির্মলের যেন নিঃশ্বাস বন্ধ হয়ে এল।

সকল জড়তা কুণ্ঠা ত্যাগ করে ইন্দ্রনীল বললে, “হ্যাঁ, আমার স্ত্রী—বিলেতে যাওয়ার আগে যে মেয়েটির সঙ্গে আমার বিয়ে হয়েছিল, সে আজও আছে।”

নির্মল আড়ষ্টভাবে বসে রইল।

ইন্দ্রনীল বলতে লাগল, “একদিন শিকারে গিয়ে হঠাৎ তার সঙ্গে আমার দেখা হয়েছিল, আমি এতদিন পরেও তাকে দেখে চিনেছিলুম। শুধু সেই জন্তই সৈকতকে বিয়ে করতে পারি নি বউমা—”

নির্মল অকস্মাৎ গর্জে উঠল—“পাপিষ্ঠ—”

ইন্দ্রনীল সে কথা মেনে নিলে—“হাজার বার—লক্ষবার, আমি স্বীকার করছি। কিন্তু আজ তাই বলে সেই অপরাধে আমায় দূরে রাখবেন না বউমা, আমি প্রতিজ্ঞা করছি—আমি হিন্দুমতে ওকে বিয়ে করব, হিন্দুমতে আবার বিয়ে করতে পারা যায়।”

নির্মল নিস্তব্ধ—

অত্যন্ত কাতরভাবে ইন্দ্রনীল বললে, “সত্য আমি তাকে সে অধিকার দেব, আইনসম্মতভাবে সে আমার পরে তার দাবী প্রতিপন্ন করবে, তার সম্মান আমার নামে পরিচিত হবে। তাকে একটিবার ডেকে দিন বউমা, আমি তাকে বুঝিয়ে সব কথা বলি, সে নিশ্চয়ই বুঝবে—নিশ্চয়ই রাজি হবে।”

নির্মল ধীরকণ্ঠে বললে, “কিন্তু গোড়াতেই যে মন্ত বড় ভুল করছ ইন্দ্রনীল, সৈকত এখানে নেই, সে এখানে আসে নি। আমার কথায় বিশ্বাস কর, সে আসে নি, আসার সাহস ও পায় নি।”

ইন্দ্রনীলের মুখ অন্ধকার হয়ে গেল। সে নির্মলের হাতখানা আস্তে আস্তে ছেড়ে দিলে।

জানালায় বাইরে রুটি পড়ছিল, তখনও তার ঝন্ঝরানি গানের সুর কানে ভেসে আসছিল।

ইন্দ্রনীল বাইরের পানে চেয়ে নিস্তব্ধে বসে রইল।

(৩৩)

নির্মল অনেকক্ষণ কথা বলে নি, দারুণ বিতৃষ্ণায় তার সমস্ত অন্তরটা পূর্ণ হয়ে গিয়েছিল—সে তাই ইন্দ্রনীলের পানে একবার ফিরেও চায় নি। ভেবেছিল—তার বিরাগভাব বুঝতে পেরে ইন্দ্রনীল আপনিই চলে যাবে।

অনেকক্ষণ বাইরের পানে চেয়ে চেয়ে তার চোখ জ্বালা করছিল, সে চোখ ফেরাতেই দৃষ্টি পড়ল ইন্দ্রনীলের ওপর।

সব হারালে মানুষের মুখের অবস্থা এমনই বিবর্ণ হয়ে যায়। নির্মল খানিকক্ষণ তার পানে তাকিয়ে রইল—
অনেকক্ষণ পরে একটা দীর্ঘনিঃশ্বাস ফেলে ইন্দ্রনীল মুখ তুললে।

“কিন্তু আমি ঠিকই জেনেছিলুম বউমা, সে এখানেই এসেছে, আর কোথাও যায় নি। তার মত অবস্থায় কোন মেয়ে অমন নিরাশ্রয়ভাবে পথে বার হতে পারে না। সত্যই আমার ওর জন্ত ভারি ভাবনা হচ্ছে বউমা—”

নির্মল জিজ্ঞাসা করলে, “তার মত অবস্থা—মানে—?”
ইন্দ্রনীল স্থির-দৃষ্টি তার মুখের পরে রেখে শাস্তকণ্ঠে বললে—“দুইটি মাস পরেই সে মা হবে বউমা—”

উত্তেজিত নির্মল হঠাৎ চেয়ারটা পেছনে ঠেলে দিয়ে উঠে দাঁড়াল—

“সে মা হবে—মা হবে—আমাদের সৈকত—”

কথা আর শেষ হল না, উত্তেজনায় তার কেবল কণ্ঠস্বরই নয়—সমস্ত দেহটাই খরখর করে কাঁপতে লাগল।

ইন্দ্রনীল উত্তর দিলে—“হ্যাঁ, সৈকত মা হবে। আমি তার সন্তানের জন্মই তাকে এখন স্ত্রীরূপে গ্রহণ করতে রাজি হয়েছি, কিন্তু—”

“থাক, থাক, যথেষ্ট হয়েছে। তাকে যা অপমান করেছ সেই তার যথেষ্ট অপমান হয়েছে, তার চেয়ে বেশী অপমান আর করতে যেয়ো না তাকে স্ত্রীরূপে এখন গ্রহণ করে।”

নির্মলের কণ্ঠস্বর কাঁপছিল।

ইন্দ্রনীল একটা নিঃশ্বাস ফেললে—

“কিন্তু বড়দা, তার ভবিষ্যৎ, তার সন্তানের ভবিষ্যৎ—”

নির্মল বললে—“সে জন্ম তোমার আর ভাববার দরকার দেখছি নে। ভবিষ্যৎ কেউ কারও কোনদিন নির্দেশ করতে পারে নি—পারবেও না। মানুষ পেছন ফিরে অতীতটাকেই দেখতে পায়, স্মৃতি পানে চেয়ে ভবিষ্যৎকে দেখতে পায় না, তার দৃষ্টি সেই অন্ধকারের গায়ে ধাক্কা খেয়ে বার বার ফিরে আসে, মানুষ ওখানে হয়ে যায় একেবারে ব্যর্থ। আমার মা বলতেন—যিনি জীব দিয়েছেন, তিনিই আহার দেবেন—জীবের সামনে পথ দেখাবেন, আমি এ কথাটা সম্পূর্ণ বিশ্বাস করি ইন্দ্রনীল, তাই তোমাকেও বলছি তুমি তাদের ভবিষ্যৎ গড়বার ভার হাতে নিতে চেয়ো না, সে হবে তোমার ভীষণ বোকামী।”

খানিক চুপ করে থেকে সে আবার বললে—“তার বুকে সে অপমানের আঘাত দারুণ হয়ে বেজেছে, সেই জন্মই সে তোমার আশ্রয় ত্যাগ করেছে। সে তেজস্বিনী হয়ে অতবড় অপমানটা মানিয়ে নিতে পারলে না, পারত—যদি সে সাধারণ একটি মেয়ে হতো। তবু—তবু তোমায় মিনতি করছি—তুমি আর ও আঘাত তাকে দিতে যেয়ো না এই বিয়ের প্রস্তাব করে।”

ইন্দ্রনীলের মুখে মলিন হাসির একটু রেখা জেগে উঠে তখনই মিলিয়ে গেল—

পকেট হতে একখানা পত্র বার করে সে নির্মলের সামনে রাখলে—“পড়ে দেখুন—”

নির্মল বললে, “কার পত্র—?”

ইন্দ্রনীল উত্তর দিলে—“সৈকত লিখে রেখে গেছে—”

সে কথাটা নির্মল আগেই বুঝেছিল। পত্রখানা পড়বে না ভেবেছিল, কিন্তু শেষ পর্যন্ত মনের গতি বদলে গেল।

পত্রখানা খুলে ফেলতে দেখা গেল—নেহাৎ ছোট নয়, সৈকত অসীম ধৈর্যের সঙ্গে অনেকখানি লিখে গেছে।

সে লিখেছে—

অসীম দয়া তোমার, কিন্তু ধন্যবাদ তোমায়, তোমার দয়া আমি নিতে পারলুম না। ভেবেছিলে—যে অবস্থায় এসেছি তাতে তোমার দয়া নিতে আমি বাধ্য হব—কথাটা এক পক্ষে ঠিক, কিন্তু পারলুম না এ দয়াটুকু নিতে—বড় অসহ্য।

আজ আমার প্রথম হতে বর্তমানকালের—প্রতি দিনটির কথা মনে পড়ছে।

আমার স্মৃতির বাল্যকাল—

তখন জানতুম না ওরই স্মৃতি মনের মধ্যে এমনভাবে এঁকে বসবে। মানুষ কি তা ভাবে? দিন চলে যায়, ভবিষ্যৎ আশার আলোয় পথ দেখায়, কিন্তু ওই পথের শেষ এমন আচমকা হয়ে যায়, এমন আচমকা অন্ধকার আসে—মানুষের সারা জীবনটাই তখন ভরে যায় ব্যর্থতায়।

মানুষ জীবন ভোর পাওয়ার আশাই করে—ওইটাই হচ্ছে তার জীবন ভোর পরাজয়। অথচ তাকে কেবল দিয়েই আসতে হয়—বল, শক্তি, সাহস, সব, এমন কি দেহের রক্তকণা পর্যন্ত—তবু তার মনে আশা থাকে—সে পাবে, জীবনের যে কোন ক্ষণে—যে কোন লগ্নে সে তার প্রার্থিত বস্তু পাবে।

কিন্তু পায় কি?

চলতে চলতে হঠাৎ থেমে গিয়ে সে যখন পেছন ফিরে চায়—দেখতে পায় ছাইয়ের ওপর দিয়ে সে হেঁটে এসেছে। পেছন দিকে তবু আলো পায়, কিন্তু সামনের দিক নিষ্কণ কাল অন্ধকারে ঢাকা।

কিন্তু না, এ সব কি বলছি? রাতের কল্পনা মাত্র, কতকগুলো অসার চিন্তা মাথার মধ্যে ছুটাছুটি করে বেড়াচ্ছে, এক সঙ্গে মালার আকারে গাঁথব—আমার সাধ কি? কাজেই এ সব চিন্তা থাক, আমার নিজের কথাই বলি।

কি উদ্দাম জীবন—সুন্দর ছেলেবেলা—বাপের মেহ, ভাইয়ের ভালবাসা—ছোটবেলায় মা হারিয়েছি কি না—ওঁদের মেহ-যত্নের আর শেষ নেই। মেয়েদের সংস্পর্শে আসি নি, পুরুষদের সাহচর্যে আমি জানতুম না আমি মেয়ে—পুরুষ নই।

বোধ হল সেই দিন, যে দিন তোমায় আমি সামনে দেখতে পেলুম।

যৌবন কবে এসেছিল জানি নে, কেউ আমায় এ সম্বন্ধে সচেতন করতে চাইলেও আমার রাগ হতো। কিন্তু সেই দিনই বুঝতে পারলুম আমি মেয়ে, আমার যৌবন এসেছে।

মা গো, তখনও যদি পৌরুষত্ব ভাবটাকে জাগিয়ে রাখতে পারতুম—

কি করেছি, কোথা হতে কোথায় নেমেছি। আমার উজ্জল ভবিষ্যৎ আমি নিজের হাতে কাল করে তুলেছি, আমার সরল সহজ পথে নিজের হাতে কাঁটা বিছিয়েছি, চলতে গেলে বা আমারই পায়ে বিঁধে।

আমি চলে যাব, হ্যাঁ, ঠিক চলে যাব। মরব না এ কথা আগেই বলেছি। তোমার মত একজন খেয়ালীরা খেয়ালবশে নিজের অমূল্য প্রাণ বিসর্জন দেব না। আমি যা করেছি তার ফল আমিই ভোগ করব, শাস্তি আমি নিজেই বইব। আমার সন্তান—সে জানতে পারবে না তার বাপ কে, আমি তাকে সে পরিচয় দেব না। সে জানবে সে সমাজের বাইরে, দুনিয়ার মধ্যে থেকেও সে দুনিয়ার অপরিচিত।

কাল সকালে তুমি আমায় দেখতে পাবে না—এ ও আমার বড় শাস্তি—মুক্তির বিরাট বিপুল আনন্দ। কোথায় যাব জানি নে, কে আমায় আশ্রয় দেবে তা জানি নে—তবু জানি যাব—তবু জানি আশ্রয় কোথাও মিলবে।

খোঁজ করো না—সন্ধান মিলবে না।

জানি—দুনিয়ায় এক বড়দা ছাড়া আর কেউ আমার খোঁজ করবে না, আর যদি কেউ করে—মেজ বউদি।

একদিন ফিরব ওদেরই কাছে—ওরা ছাড়া আর কেউ নেই।

বাঁবা আছেন, কিন্তু আমার কাছে তিনি মৃত। শুনেছি তিনি সব ছেড়ে দিয়ে হরিদ্বারে গেছেন, সংস্করণ সন্ধান তাঁর জীবনে মিলেছে, ব্রহ্মকে চিনে তিনি আজ আদর্শ

ব্রহ্মজ্ঞানী। আজ তাঁর কাছে গেলেও আমার আশ্রয় মিলবে না, কেননা আমারই দেওয়া আঘাত তাঁর বুক শতধা করে দিয়েছে।

তবু মনে ভাবছি—আজ নয়, একবছর পরে আমার অভাগা শিশু যদি বেঁচে থাকে, তাকে নিয়ে একবার তাঁর কাছে ক্ষমা চাইতে যাব। দোষ আমার—পাপ আমার, নির্দোষ শিশু তো কোন অপরাধই করে নি—ওকে তিনি ক্ষমা করবেন, অভাগা শিশু দুনিয়ার ঘৃণা কুড়ালেও তাঁর কাছে ক্ষমা পাবে, এতটুকু ভালবাসা পাবে।

আর নয় থাক, মনের আবেগে কত কি মাথায়ুও যে লিখে যাচ্ছি তার ঠিক নেই। রাত বেড়ে উঠছে, আমায় এখনই বার হতে হবে।

তোমার যা কিছু সবই রেখে গেলুম। আমার পরণে যা আছে কাপড় জামা—তাই রইল।—

বিদায়।

আবার বলে যাই আমার খোঁজ নিয়ো না, আমি শূন্য মিলাতে চললুম।—

সৈকত

(৩৪)

সকল রকম আমোদ প্রমোদের মাঝখান হতে ইন্দ্রনীলের মত লোকের অকস্মাৎ অন্তর্দান হয়ে যাওয়া যেমন আশ্চর্য্যজনক তেমনই অসম্ভব।

আজ কয়টা বছর বিলেত হতে কলকাতায় ফিরে পর্যন্ত একটা দিন সে কোনও অনুষ্ঠানে যোগ দিতে বিরত হয় নি। যেখানে যা হয়েছে ইন্দ্রনীল সেখানে যোগ দিয়েছে, নিজের বাড়ীতে প্রায়ই আনন্দ উৎসবের অনুষ্ঠান করেছে। এক কথায় তার মত সদানন্দ, সদালাপী লোক অতি বিরল। সেই জন্মই সে সহজে লোকের মনের মধ্যে স্থায়ী আসন গড়ে নিতে পেরেছিল।

তার অকস্মাৎ অন্তর্দানে সকলেই তাই বিশেষ বিচলিত হয়ে উঠেছিল।—

সকলেই বাড়ীতে এসেছিলেন এবং তাকে আবার যে কোন অনুষ্ঠানে যোগদান করতে বার বার টানাটানি করেছিলেন।

এর মধ্যে বিশেষ অগ্রণী ছিল ভ্রমসা সিংহ।

আজকালকার মেয়েদের মধ্যে সে আরও খানিক এগিয়ে গেছে বললেও অত্যাঙ্কি হয় না।—বিলেতে ডান্‌সে সে খুব নাম করেছিল, অভিতাবকহীন অবস্থায় সেখানে দিনকত একটা থিয়েটারেও ঢুকে পড়েছিল—তবে বেশী-দিন তাকে সেখানে সেভাবে থাকতে হয় নি। একজন ভারতীয় ভদ্রলোক তাকে সেখান হতে উদ্ধার করেন এবং বিয়ে করে একেবারে ভারতে চলে আসেন।

এখানে আসার বছরখানেক পরে মিঃ সিংহ জন্মভূমি পঞ্জাবে মারা গেছেন।—

মিঃ সিংহ বিলেতে গেলেও তিনি ছিলেন হিন্দু ব্রাহ্মণ, ব্রাহ্মণত্বের অঙ্কার তিনি ত্যাগ করতে পারেন নি। তমসাকে বিয়ে করার আগে পর্যন্ত তার সম্বন্ধে তিনি বেশ উঁচু ধারণাই করেছিলেন, বিয়ের পর সংসার ক্ষেত্রে দাঁড়িয়ে তিনি বেশ বুঝতে পারলেন—জীবনে তিনি কি মহাভুলই করেছেন।

স্বামী স্ত্রীতে সত্যকার মিলন হয় নি, তাই তমসা রইল কলকাতায়, আর মিঃ সিংহ রইলেন পঞ্জাবে।

মিঃ সিংহ মারা যাওয়ার সঙ্গে সঙ্গে তমসা পঞ্জাবে চলে গিয়েছিল তাঁর প্রচুর সম্পত্তি দখল করবার জন্য, কিন্তু গিয়ে শুনে পেলেন—মিঃ সিংহ তার সঙ্গে বড় কম প্রতারণা করেন নি, তাঁর উপযুক্ত দুই ছেলে, পুত্রবধু এবং এক মেয়ে আছে।

ছেলেমেয়েরা বলেছিল—“আপনাকে আমাদের বাপ যখন ধর্মসম্বন্ধে বিয়ে করেছেন তখন আপনাকে আমরা মা বলে মেনে নিতে বাধ্য। আপনি স্বচ্ছন্দে আমাদের এখানে বাস করুন, আপনাকে আলাদা বাড়ী, বাঙ্গালী দাসদাসী দিচ্ছি, কোন কষ্ট হবে না।”

কিন্তু তমসা এ আবেষ্টনীর মধ্যে থাকতে রাজি হয় নি। সে কোর্টের সহায়তায় স্বামীর সম্পত্তি দখল করতে চেয়েছিল, তার দাবী অগ্রাহ হল, মাসিক দুইশত টাকা পাওয়ার চুক্তিতে রাজি হয়ে তাকে কলকাতায় ফিরে আসতে হল।—

এখন সে স্বাধীন।

আজকাল তার বাড়ীতেই যে কোন আমোদ প্রমোদের অনুষ্ঠান হয়। বিষবা তমসাকে পত্নীরূপে পাওয়ার আশা অনেকেই করেন, কিন্তু তমসা এ পর্যন্ত কারও আশা পূর্ণ

করে নি, অথচ হতাশও কাউকে করে না। তার সরল কথাবার্তা, অকৃত্রিম মেলামেশা, অটুট স্বাস্থ্য ও সৌন্দর্য্য সকলকেই তার পানে আকৃষ্ট করে রেখেছে।

ইন্দ্রনীলও দু চার দিন মিসেস সিংহের বাড়ী গেছে, তার পরেই তমসাকে তার সম্বন্ধে কিছু বেশী রকম সচেতন হতে দেখা গেছে। যদিও সে কাউকে আভাসে জানায় নি সে ইন্দ্রনীলের সমস্ত খবরই জানতে চায়—ইন্দ্রনীল তার সাক্ষ্য আনন্দোৎসবে যোগ না দিলে তার আনন্দ থাকে না—তবু অনেকেই ইন্দ্রনীলের তার বাড়ী যাতায়াত মোটেই পছন্দ করে নি।—

তমসার রূপের খ্যাতি, তার টেনিসখেলা, নাচ ও গানের প্রশংসা শুনেই ইন্দ্রনীল গিয়েছিল, ভারতীয় মেয়েদের সে যথেষ্ট পরিমাণে খেলালেও সে হয় তো এদের কোন কোন বিষয়ে এতটুকু শ্রদ্ধা করত—তমসাকে দেখে সে ভারতীয়ের আদর্শ এতটুকু তার মধ্যে দেখতে পায় নি।

সৌন্দর্য্য তার অসীম হতে পারে, নাচ গান খেলায় সে যথেষ্ট নাম নিতে পারে, কিন্তু তার অসীম পানাসক্তিই তারপরে ইন্দ্রনীলের ঘৃণা এনে ফেলেছিল।

এ দেশের মেয়েরা এমন নিলজ্জভাবে মদ খেতে পারে, এমন নিলজ্জভাবে ধূমপান করতে পারে, সেটা বুঝি সে আগে কোনদিন কল্পনাই করতে পারে নি। তমসার অতিরিক্ত বন্ধুত্ব সে তাই এড়িয়ে এল, আর তমসার দিকেও যায় নি।

এর আগে তমসা কোনদিনই ইন্দ্রনীলের বাড়ীতে আসে নি, তাই প্রথম সে যে দিন এল—সে দিন ইন্দ্রনীল বেশ একটু আশ্চর্য্য হয়ে গেল।—

সে বসতে না বললেও তমসা নিজেই তার পাশের চেয়ারখানা টেনে নিয়ে বসে পড়ল—

“বেশ মানুষ আপনি মিঃ চ্যাটার্জি, দু চার দিন গিয়ে আর ওদিকে যান না। কতদিন ডেকে পাঠিয়েছি—আপনার একটা উত্তর দেওয়ার পর্যন্ত অবকাশ হয় না।”

হাতের বইখানা টেবিলের পরে রেখে ইন্দ্রনীল অলসভাবে হাই তুলে আড়ামোড়া ছেড়ে বললে—“অবকাশ সত্যই মেলে না মিসেস সিংহ, অনেকদিনই এমনি মিথ্যা আমোদ প্রমোদ নিয়ে কাটিয়েছি, আজকাল—”

তরল হাসিতে ঠোঁট দুখানা রঞ্জিত করে তমসা বললে—

“এখন পারমার্থিক ধ্যানে মনোনিবেশ করছেন বুঝি? এ বইখানা নিশ্চয়ই আপনাকে পারমার্থিক উপদেশ দিচ্ছে—দেখতে পারি একটু?”

উত্তরের অপেক্ষা না করে বইখানা তুলে নিয়ে সে দেখলে—লেখা আছে—ধর্মতত্ত্ব।

নিতান্ত অবহেলার সঙ্গেই সেখানা সশব্দে টেবিলের পরে ফেলে সে বললে—“যত সব রাবিশ বই—আপনার মত লোকও এ বই পড়ে—সত্য এতে আমি ভারি আশ্চর্য্য হয়ে যাচ্ছি মিঃ চ্যাটার্জি। এই সব কঠোর বিষয়ের দিকে মন যায়, না এমনি দেখেই যান?”

ইন্দ্রনীলের মুখখানা হাসিতে ভরে উঠল, সে বললে—“তা যার বই কি মিসেস সিংহ। মানুষের ওপর দিকটাই দেখে আসছেন, অন্তরের দিকটা আপনার এতখানি বয়সের মধ্যে আপনি দেখতে পান নি—অর্থাৎ দেখতে চান নি।—সাইকোলজি পড়তে হয় না, চোখের সামনে নেচার ফুটে ওঠে। দেখেছেন শিশু এক রকম থাকে, সেই আবার বৃদ্ধ অবস্থায় হয় অল্প রকম, আবার বার্দ্ধক্য যখন আসে তখন সেই লোকটিই যায় একেবারে বদলে—”

বাধা দিয়ে তমসা বললে, “আপনি তাহলে বুড়ো হয়েছেন বলতে চান?”

ইন্দ্রনীল গম্ভীর হয়ে বললে, “মানুষের মনটাই হয় তরুণ, শিশু বুড়ো—দেহের বিকৃতি হয়তো না ঘটতেও পারে। নদীর স্রোতও বদলে যায় যখন পৃথিবীর বুকে ভূমিকম্প জাগে, অনেক নদ নদী এমন কি সাগর পর্যন্ত লুপ্ত হয়, আবার নতুন করে জন্মও নেয়। মানুষেরও ঠিক তাই হয় মিসেস সিংহ। আজ যাকে দেখতে পাবেন উচ্ছৃঙ্খল, অত্যাচারী, বিলাসী, কাল হয় তো দেখবেন সে সর্ব্বত্যাগী, জিতেন্দ্রিয়, সন্ন্যাসী। এমন কোন একটা ধাক্কা এসেছে অতর্কিতে—যাতে সে একেবারে বদলে গেছে, তখন সে তার পূর্বজীবনের স্মৃতিটাকে পর্যন্ত মুছে ফেলে দিতে পারলে বাঁচে—এমনই হয় অবস্থা। মানুষকে বুঝতে শিখুন মিসেস সিংহ, নিজেকে চিনতে পারবেন।”

তমসা আশ্চর্য্য হয়ে তার পানে চেয়েছিল—ইন্দ্রনীলকে সে যেন বুঝতে পারছিল না—লোকটি বড় জটিল মনে হয়।—

সে বললে, “কিন্তু সম্প্রতি যে আলোড়নটা হয়েছে তাতে

আপনার মত লোকের মনের গতি এমনভাবে বদলে যাওয়া যেন অসম্ভব বলেই মনে হয়।”

ইন্দ্রনীল মুখ তুললে—

একটু হেসে বললে, “আপাতদৃষ্টিতে তাই মনে হয় বটে। তাই তো বলছি মিসেস সিংহ, মানুষের শুধু বাইরেটাই দেখবেন না, ভেতরটা আগে দেখবেন। মাথার চুল সাদা, গায়ের চামড়া লোলা হয়ে যাওয়া, একেই আপনারা বলেন বুড়ো, কিন্তু বাস্তবিক তা নয়। অনেক লোক চামড়া সাদা মাথা লোক আছে, তাদের মন অথচ চির নবীন—বসন্ত বার মাস তাদের মনের নিকুঞ্জ বাঁধা; আবার এমন লোকও দেখা যায় মিসেস সিংহ—যাদের যৌবনেই সব উচ্ছ্বাস ফুরিয়ে যায়, যাদের জীবন হয় একেবারে ব্যর্থ—যে কোন মুহূর্ত্তে তারা খসে পড়ার প্রতীক্ষা করে। সে রকম অবস্থায় তাদের জীবনে সাহসনা দেয় এই রকম বই, এই রকম সঙ্গ, আর কিছুই তাদের কাছে প্রীতিপ্রদ হয় না।”

তমসা নীরবে বইখানা তুলে নিয়ে পাতা উল্টাতে লাগল।

অনেকক্ষণ পরে মুখ তুলে দেখলে ইন্দ্রনীল তার পানেই চেয়ে রয়েছে।

তমসা শান্তকণ্ঠে বললে, “তবু আমি জোর করে বলি মিঃ চ্যাটার্জি, সৈকতের যাওয়াটা আপনাকে এমন কিছু আঘাত দিতে পারে না যাতে আপনার তরুণ মনটা বৃদ্ধ হয়ে পড়ে। সে এসেছিল, কিছুদিন ছিল, তার পর চলে গেছে—এতে আপনার মনে আঘাত পাওয়ার কারণ এমন কিছু নেই। ও সব পাগলামী ছেড়ে দিন—চলুন আমার সঙ্গে—”

আশ্চর্য্য হয়ে গিয়ে ইন্দ্রনীল বললে—“কোথায়?”

তমসা উত্তর দিলে—“আমি একখানা এরোপ্লেন কিনছি, ইচ্ছা আছে এটায় উঠে আর একবার ইংল্যান্ড রওনা হব। জানেন-বোধ হয় এরোপ্লেন উড়ানো আমি শিখেছি, এবার নিজেই উড়িয়ে যাব ইচ্ছা আছে। চলুন, সেটা দেখে দরদাম ঠিক করে কিনে ফেলা যাক।”

ইন্দ্রনীল হাসিমুখে বললে—“এ যাত্রায় আপনার সঙ্গী হচ্ছে কে, মিঃ চৌধুরী—না মিঃ পাল—?”

হেসে উঠে তমসা বললে—“ফেপেছেন—ওঁদের সঙ্গী

করব? বাঙ্গালীর মধ্যে এমন কেউ নেই—কেবল আপনি ছাড়া—যে আমার সঙ্গী হতে পারে। না, মিছে কথা বলছিলেন মিঃ চ্যাটার্জি, এবার আমার ইংল্যান্ড যাত্রার সঙ্গী হবেন আপনিই—রাজি আছেন তো?”

ইন্দ্রনীল হাসলে মাত্র।

(৩৫)

একথা রাষ্ট্র হতে বড় বেশী দেবী হল না।

সুবিমল কিছুদিন আগে ফিরে এসেছে—নির্মল তখনও ডিজাগাপটে, সঙ্গে রয়েছে সুরতা।

নিজের জন্ম সুবিমল স্ত্রীকে আটক করে নি, সে দেশে ফিরেই জোর করে সুরতাকে সঙ্গে দিয়ে নির্মলকে দেশ-ভ্রমণে পাঠিয়েছে।

কয়েকটা দিন আগে সুরতা সুবিমলের পত্রে জেনেছিল—ইন্দ্রনীলের স্বভাব একেবারে বদলে গেছে, সে নাকি আজকাল খুব সাধুভাবে জীবন যাপন করছে।

তারই কয়দিন পরে আবার যে পত্রখানা সে পেলে তাতে জানতে পারলে—ইন্দ্রনীল মিসেস সিংহের সঙ্গী হয়ে ইউরোপ যাবে। প্রতিদিন সে এরোপ্লেনে উড়ছে, মিসেস সিংহ তাঁর বর্তমান সঙ্গীকে এরোপ্লেনে উড়ানো শিক্ষা দিচ্ছেন।

সুরতা হাসলে মাত্র।

মানুষের প্রবৃত্তি অল্পযায়ী সে চলে থাকে, জীবনের ধারা বদলে নেওয়া তাই অসম্ভব বলেই মনে হয়। হাওয়া বিপরীত দিক হতেও বয়, মানুষ চলতে জানে না বলেই হাঁপিয়ে ওঠে, চোখে মুখে ধুলো গিয়ে বিপর্যস্ত হয়ে পড়ে।

ব্যাপারটা সত্যই তাই—

ইন্দ্রনীল মাস তিন চার মাত্র সংযতভাবে থাকতে পেরেছিল, তমসার সংসর্গে পড়ে সে আবার ভেসে চলেছিল।

এবার হয়েছিল ঠিক সমান, বাধ্য-বাধকতার ভাব এর মধ্যে ছিল না। তমসার হাতে ইন্দ্রনীল নিজেকে ছেড়ে দিয়ে শান্তির নিঃশ্বাস ফেলতে চেয়েছিল, ঠিক এই সময় এসে পড়লেন সস্ত্রীক ডাক্তার সোম।

সেই আত্মভোলা লোকটি, যিনি নিজের পানে তাকাতে চিরদিনই উদাসীন।

সাহা সোম নিজের ভুল বুঝতে পেরে ফিরে গেছেন সেই স্বামীরই কাছে, স্বামীর তার সম্পূর্ণ নিজের হাতে তুলে নিয়েছেন। আজ সত্যই তিনি স্ত্রী, গৃহিণী, একটি সন্তানের জননী।

“এ কি হচ্ছে মিঃ চ্যাটার্জি, এমন করে নিজেকে ধ্বংসের পথে ভাসিয়ে দেওয়ার মানে তো কিছু বুঝছি নে।”

সাহার কথায় ইন্দ্রনীল কেবল হাসলে।

মিসেস সোম উৎকণ্ঠিত হয়ে বললেন, “না, আমি বরাবরই এ রকম উচ্ছৃঙ্খলতা পছন্দ করি নে মিঃ চ্যাটার্জি, —এ দেশের বৈশিষ্ট্য দূর করে পরের দেশের অনুকরণ মোটেই বাঞ্ছনীয় নয়। কি করছেন বলুন দেখি?”

ইন্দ্রনীল জিজ্ঞাসা করলে, “কি—?”

মিসেস সোম শান্তভাবে বললেন, “দেখুন, অনেক দেখেছি, অনেক শুনেছি, বুঝেছি—যাদের যা তাই ভাল, তার অতিরিক্ত কিছুই ভাল নয়। মনে আছে দার্জিলিংয়ে থাকতে একদিন এই সব বিষয় নিয়ে আপনার সঙ্গে কথাবার্তা হয়েছিল, আপনি সেদিন বিয়েটাকে কিছু নয় বলেই প্রতিপন্ন করতে চেয়েছিলেন, আমি সেটা মানতে চাই নি। আপনি এই যে সৈকতকে দু বছর কাছে রাখলেন, সে চলে গেল—আবার তমসাকে গ্রহণ করেছেন, বলতে চান কি এইটাই সব চেয়ে ভাল? আজ মনে করুন—সৈকতের যে সন্তান এতদিন হয়েছে, যার বয়স প্রায় এক বছর হয়ে এল—সে কি নামে নিজের পরিচয় দেবে? আদিম যুগটা নাকি সত্য ছিল, আপনারা আজ জোর করে সেই যুগটাকে মেনে নিতে চান—

সে যুগে শিক্ষা ছিল না, সভ্যতা ছিল না, বাপের বংশ ধরে পরিচয় দেবারও দরকার ছিল না। আজ আপনি বা আপনার মত আর দু-চার জন শিক্ষিত বর্কর—মাপ করবেন, কথাগুলো বড় শক্ত হয়ে যাচ্ছে—সেই যুগটাকে ফিরে আনতে চাইলেও আপনাদের ঘিরে যে সমাজ দাঁড়িয়ে

আছে—সে তো তাকে মেনে নেবে না। কুমারীর সন্তানরূপে যিশুকে লোকে মেনেছিল—তাও দু হাজার বছর আগে, আজ তা বলে কেউ মানবে না মিঃ চ্যাটার্জি। পূজা করা, উপদেশ শোনা দূরে থাক, পাশে বসাতে পর্যন্ত চাইবে না।”

ইন্দ্রনীল অগমনস্বভাবে জানালা দিয়ে বাইরের পানে তাকিয়ে রইল।

ইন্দ্রনীল একটা হালকা নিঃশ্বাস ফেললে—“আপনি ভুল বুঝছেন মিসেস সোম, তাকে পাওয়ার উপায় আর নেই, সে চিরদিনের মতই চলে গেছে। সে বার বার করে বলে গেছে—যেন তার খোঁজ করা না হয়—তার অশান্তি উৎপাদন করা আর না হয়। আমি বিশ্বাস করি মিসেস সোম, কোনদিন না কোনদিন তাকে আমি দেখতে পাব, সে দিন তার কাছে আমি ক্ষমা চাইব।”

ইন্দ্রনীল অগমনস্বভাবে জানালা দিয়ে বাইরের পানে তাকিয়ে রইল।

মিসেস সোম বলতে লাগলেন, “অসভ্য বর্কর যারা তাদের সুন্দর সরল জীবন-যাত্রা প্রণালীকে আমরা অনেক সময় উপহাস করি, আবার অনেক সময় ওদেরই প্রশংসা করি। ধরতে পারি নে কি ভাল, বুঝতেও পারি নে।

তবু এইটুকু বলে যেতে পারি—আমাদের দেশের যা, তাই ভাল—এই সুন্দর সরল অনাড়ম্বর জীবন—কি চমৎকার। বাংলার খাঁটি ছবি দেখতে পাবেন যদি পল্লীগ্রামে যান, বাংলার আদর্শ ছবি সেখানে দেখতে পাবেন। ওর সঙ্গে মিলান দেখি ইউরোপের ছবি, ওখানকার একটি মেয়ে

আর এখানকার একটি মেয়ের সঙ্গে তুলনা করুন—দেখতে পাবেন কোনটি সুন্দর। আমি নিজের ভুল বুঝেছি মিঃ চ্যাটার্জি—আমি পথ পেয়েছি—আলো পেয়েছি।—

আশা করি আপনিও পথ পাবেন—আলো পাবেন, চিরদিন সুন্দর করে আপনাকে থাকতে হবে না।”

বাংলার পল্লী—

ইন্দ্রনীলের মুখখানা দৃষ্ট হয়ে উঠে তখনই অন্ধকার হয়ে গেল।

মিসেস সোম বললেন, “আপনার সামনে আজ যে মেয়েটি এসে দাঁড়িয়েছে, সে একটা ঝড়, সাইক্লোন, অমঙ্গল। হুনিয়ার যত যা কিছু আবর্জনা অমঙ্গল—সব সে গায়ে জড়িয়ে বসে আছে, সে এই সব চারিদিকে ছড়িয়ে

দিচ্ছে। সমাজে সে এনে ফেলেছে বিশৃঙ্খলা—ধ্বংস; সে যে পথে চলবে সে পথ পুড়িয়ে ছারখার করে যাবে। মিনতি করছি মিঃ চ্যাটার্জি, আপনি সরে আসুন—

আপনি সৈকতকে খুঁজে আনুন, তাকে বিয়ে করুন, তার ছেলেকে বাপের নামে পরিচয় দিতে দিন। আপনি যে মানুষ, আপনি বর্কর নন, শিক্ষিত, সে পরিচয় দিন।”

ইন্দ্রনীল একটা হালকা নিঃশ্বাস ফেললে—“আপনি ভুল বুঝছেন মিসেস সোম, তাকে পাওয়ার উপায় আর নেই, সে চিরদিনের মতই চলে গেছে। সে বার বার করে বলে গেছে—যেন তার খোঁজ করা না হয়—তার অশান্তি উৎপাদন করা আর না হয়। আমি বিশ্বাস করি মিসেস সোম, কোনদিন না কোনদিন তাকে আমি দেখতে পাব, সে দিন তার কাছে আমি ক্ষমা চাইব।”

মিসেস সোমের ছোট ছেলেটি মেয়ে হামা দিয়ে

বেড়াচ্ছিল, ইন্দ্রনীল তার পানে চেয়ে ভাবছিল সৈকতের সন্তানের কথা।

সে এতদিন আরও বড় হয়েছে, হয় তো হেঁটে বেড়ায়। নাম-হীন, গোত্র-হীন একটি শিশু—

আর যদি সে জন্মেই মারা গিয়ে থাকে— তা হলে সৈকত বেঁচে গেছে।

গভীর রাত্রে বিছানায় ঘুম ভেঙে ইন্দ্রনীল শুনতে পায় শিশুর কান্না—

মনে হয় সৈকত একটি শিশুকে বুকে করে নিয়ে সমস্ত ঘর পায়চারী করে বেড়াচ্ছে, গুন গুন করে গান গাইছে— “ঘুমো টাঁদ ঘুমো—”

সে স্বপ্ন দেখে খোকাটি নেই, সৈকত মরা ছেলের পাশে উপুড় হয়ে তার মুখের পানে একদৃষ্টে চেয়ে আছে। তার চোখে জল যদি আসে সেও ভাল, কিন্তু সে চোখ একে-বারে শুষ্ক। মুখে কি অবর্ণনীয় যন্ত্রণার চিহ্ন।

ডাকবে সে কাকে? জগতের সকলের স্নেহবঞ্চিত সে, ভগবানের পরেও এতটুকু তার বিশ্বাস নেই।

সে বলেছে ভগবানকে ডাকে দুর্বল লোকে। যতক্ষণ মানুষের নিজের শক্তি সামর্থ্য থাকে সে নিজেকেই বিশ্বাস করে, আর কারও শক্তি মানতে চায় না—সবই অগ্রাহ করে। মানুষের নিজের শক্তি যখন ফুরিয়ে যায়, সে তখন বাঁচতে চায় আর কারও পরে নির্ভর করে—তখনই সে

মানে ভগবানকে—ঘুস দেয় পূজা-নৈবেদ্যের।

সৈকতের যে মুখ স্বপ্নে ইন্দ্রনীল দেখতে পায় দৌর্ভাগ্যের লেসমাত্র তাতে নেই। সে বেদনা পেয়েছে, তবু সে বেদনা সহ্যের শক্তি তার আছে। সে ভাববে, তবু হুইবে না— মরবে, তবু মর্যাদা হারাতে না।

জয় করবার আকাঙ্ক্ষা তার ছিল না, সে ইন্দ্রনীলকে ভালবেসে নিজের সব তাকে দিয়েছিল।

আজও রাত্রে একা বিছানায় শুয়ে ইন্দ্রনীল আর্তকণ্ঠে এবার ডাকে—“সৈকত—”

কাল মেয়েটি, তার রূপ ছিল না, ছিল সাহস, ছিল দৃঢ়তা, ছিল প্রেম।

তমসার পাশে তার স্থান হয় তো হবে না, তবু ইন্দ্রনীলের সারা অন্তর মেনে নেয় সে তমসার অনেক ওপরে, তার নাগাল তমসা পেতে পারে না।

সাম্রাট—রাত্রি বারটা পর্যন্ত তমসার সাধুচর্চা কাটিয়ে শ্রান্তদেহে ক্রান্তমনে সে যখন বাড়ীতে ফেরে, তখন তার সারা অন্তর ভরে ওঠে আর্ন্ত-হাহাকাহে—আজ যদি সৈকত থাকত।

তমসা এসেছে সৈকত থাকতে, ইন্দ্রনীল তার পানে চায় নি—তার মন ছিল ঘরের দিকে। আজ শূন্য-মনে সে বাঁপ দিয়ে পড়েছে, তীরের আকর্ষণে তবুও সে বিচলিত হয়ে সরে আসে।

ঘণায় সমস্ত হৃদয়টা ভরে ওঠে—অথচ সৈকত আসার আগে এ রকম ঘণার ভাব একটা দিন একটা মুহূর্তের জন্তও তার মনে জাগে নি। আগে যা ছিল তার কাছে আনন্দ আজ তাই হয়েছে দারুণ ঘণা।

কিন্তু তমসার কাছে না গিয়েও উপায় নেই, তাকে

যেতে হবেই। তমসার আকর্ষণ ছাড়াই, সকাল হতে সে সিন্ধুই মটর নিয়ে আসে, তাকে তুলে নিয়ে দমদমায় চলে যায় এরোপ্লেন-চালাতে।

এ যেন একটা নেশা।

নেশা ছুটলে মাতাল মনে ভাবে আর মদ খাবে না, কিন্তু সময় উপস্থিত হলে থাকতে পারে না। ইন্দ্রনীল ভেবে চলেছে—দেখছে—ধ্বংসের মধ্যে আনন্দ পাওয়া যায় কিনা।

সৈকতকে বিয়ে না করার মূলে ছিল জিদ, নিজের প্রতিষ্ঠা করবার দুর্দমনীয় আকাঙ্ক্ষা, তাতে পরাজয় ছিল না, ছিল জয়ের আনন্দ—

কিন্তু এতে আছে নিরানন্দ—পরাজয়ের দুঃসহ বেদনা, তবু একে এড়ানো যায় না;—ইন্দ্রনীল তাই ভেসে চলেছে,

শেষ পর্যন্ত দেখতে রুতসঙ্কল্প হয়েছে।

(ক্রমশঃ)

ফুজি পর্বতের উদ্দেশে


শ্রীস্বরেন্দ্রনাথ মৈত্র

(নোঙচির 'From the Eastern Sea' হইতে)

তোমার নিঃশ্বাস বায়ু পেয়েছি যে, তাই মোরা বৃষ্টি
মোদের অমর রূপ, হে হিমাদ্রি নগরাগ ফুজি !
নৈঃশব্দ সঙ্গীত তব, যে সঙ্গীতে পূর্ণ স্বরলোক।
আছে জালা, মৃত্যুভয় এ মরতে, তাই তুলি চোখ
সেই অমরার পানে, দৃষ্টি যেথা সাজ্র স্মৃৎ ঘন।
স্রষ্টার গৌরবসম্বল, হে ভূধর, প্রশস্তি কীর্তন
করি মোরা জাপানের পুত্রকন্যা তোমার উদ্দেশে,
আমাদের ছায়াগুলি একে দিই বক্ষে তব এসে,
সে উদার বক্ষঃস্থল চিরন্তন সৌভ নিলয়,
হে অমলকুন্দ-কান্তি, নিখিলের অপূর্ব বিশ্বয় !

মোরা সাগরের তীরে ভুলে যাই মৃত্যুর বারতা।
মরণ মধুর বটে, তদপেক্ষা আছে মধুরতা
বেপথল এ জীবনে। এ মরতে আমরা অমর,
হে অম্লান, হে শাশ্বত, আমরা তোমার অন্তর।

তুমি প্রতিদ্বন্দ্বী-হীন অল্পম গান্ধীর্ষ্যে শোভায়,
অগণন নদী ভালে চিত্র-লেখা সম দীপ্তি পায়
পূত ছায়াখানি তব। গিরিরাজি উর্দ্ধে তুলি শির
তোমার আদেশবাণী শুনিবারে করিয়াছে ভিড়।
চৌদিক ঘেরিয়া তব উথলয় নীল অধুরাশি ;
বুভুক্ষু শাদুল সম তীক্ষ্ণ দ্রংষ্ট্রাবলি পরকাশি'
গর্জ্জন-মুখর সিদ্ধু সহসা হারায় আর্ন্তরব,
নেহারিয়া ছায়াঘন মূর্তি তব মানে পরাভব,
সে জলদ মস্ত্র ধীরে লীন হয় নিদ্রালু মর্গবে,
স্থলিত শ্লোক স্বপ্নে শান্তি যেন পেল সে অন্তরে।



আকৃতি

মিশ্র খাঙ্গাজ—একতাল

স্বর :—দ্বিজেন্দ্রলাল

কথা ও স্বরলিপি :—দিলীপকুমার

“নীল আকাশের অসীম ছেয়ে ছড়িয়ে গেছে চাঁদের আলো”—দ্বিজেন্দ্রলাল।



শ্রীদিলীপকুমার রায়

আজ মা প্রাণের প্রতি কলি তোর তপনের চায় যে আলো :
আজ মনে হয় : তিমির-ক্ষুধাও শরণ-সুধাই বাসে ভালো।

যত দূরেই হোক তোর আকাশ,
আনে তো সে-ই মুক্তি-আভাষ,
বয় যত তোর মলয়-বাতাস

মরে মরণ, বরে কালো :

স্বপ্ন-প্রাণের মগ্ন কলি নীল করুণার চায় যে আলো ॥

প্রতিপদেই শুনি মা তোর মিলন-মণির নূপুর-ধ্বনি :
হারাই মুখর মেলায় তবু সঙ্গোপনীর আগমনী।

যতই মা তোর সিদ্ধু পানে
ধায় হৃদি নদ অকূল-টানে,—
ততই স্ফটিক-ছন্দ বানে

যায় ভেসে হিম বাঁধ নিরালো :

স্বপ্ন প্রাণের মগ্ন কলি নীল করুণার চায় যে আলো ॥

প'ড়ে মিছে মায়া'র ফেরে কাণ পাতি মা ছায়া'র ডাকে :
প্রেম-পুলিনে তাই তো বরণ-ফুল ফোটে না স্মরণ-শাখে।

আজ পিয়াসী জীবনটিরে

ঠাই দে মা তোর চরণ-তীরে,

আজ শ্রাণের অশ্রু-নীরে

নিদাঘ ব্যথা দেখ্ মিলালো :

স্বপ্ন প্রাণের মগ্ন কলি তোর করুণার চায় যে আলো ॥

II সা সা সরগমপা | পা পা - | ধপধা পগা পা | মা মা পমা | গা - নগা |
আ জ মা প্রাণে র প্র তি - ক লি - তো র ত

রা সা - | নুসা রগমা গরা | গা রা গা | সা - নুসরা | রা রা - |
প নে র চা য যে আ লো - আ জ ম নে হ য

গা রগা পা | মা মা পমা | গা রগা রগা | রা সা - | সা নুসা রগমা |
তি মি র কু ধা ও শ র গ স্ত্র ধা ই বা সে -

রগা রা গা | সা পা পা | পা পা - | ধপা পধা পা | মা মা পমা |
ভা লো - আ জ মা প্রাণে র প্র তি - ক লি

গা - রগা | রা সা - | নুসা রগমা গরা | গা রা গা | { মা পা মা |
তো র ত প নে র চা য যে আ লো - য ত -
য ত ই
নী ড প

না না সা | সা - সা | সনা রসা নুসা | রসা রণা - | ধা পা - |
দূ রে ই হোক তোর আ কা শ আ নে - তো সে ই
মা তো র সি নু ধু পা নে - ধা য হু দি ন দ
যা সী - জী ব ন টি রে - ঠা ই দে মা তো র

+ পধা পধা সা | গা সগা ধপাধ | } পগা - ধপা | ধা পা ধা | পধা পগা পা |
মুক্ তি - আ ভা য ব য য ত তো র ম ল য
অ কু ল টা নে - ত ত ই ফ টি ক ছন্ দ -
চ র গ তী রে - আ জ প্রা ব ণে র অ শ্র

মা গা - | গা গা মা | পা না - | সা নসা নসা | ধা পধা পপা |
বা তা স ম রে - ম র গ ঝ রে - কা লো -
বা নে - যা য ভে সে হি ম ধা ধ নি রা লো -
নী রে - বি ষা দ ব্য থা - দেখ মি - লা লো -

ধা - নগা | ধা ধা - | মা - পধসগা | ধা পা ধা | পমা - রগা |
ষ প্ ন প্রাণে র ম গ্ ন ক লি - নী ল ক

রা সা - | নুসা রগমা গরা | গা রা গা | সরা গমপা পা | পা পা ধা |
কু গা র চা য যে আ লো - আ জ মা প্রাণে র

+ পধা পগা পা | মা মা - | গা - রগা | রা সা - | নুসা রগমা গরা |
প্র তি - ক লি - তো র ত প নে র চা য যে

রা গা | সা সা রা | রা রা - | রগা মগা রা | রা রা - |
আ লো - প্র তি - প দে ই শু নি - মা তো র

প ড়ি - মি ছে - মা যা র ফে রে -

রা গা মা | পা ধপা রা | রগা রগা পা | মা মা পমা | গা রগা রগা |
মি ল ন ম গি র নু পু র ধ্ব নি - প্র তি -

কা ন পা তি মা - ছা যা র ডা কে - প ড়ে -
রা সা রা | রগা মগা রা | রা রা - | রা গা মা | পা ধা রা |
প দে ই শু নি - মা তো র মি ল ন ম গি র

মি ছে - মা যা র ফে রে - কা ন পা তি মা -
+ রগা রগা পা | মা মা - | মা গমা পা পা পা - | পধা পধা সা |
নু পু র ধ্ব নি - হা রা ই মু খ র মে লা য

ছা যা র ডা কে - প্রে ম পু লি নে - তাই তো -
গা গা - | ধা পধা পা | মা গরা সা | সা রগা মপা | মা মা - |
ত বু - সং - গো প নী র আ গ - ম নি -

ব র গ ফুল - ফো টে না - স্ব র গ শা থে -

এ গানটি দ্বিজেন্দ্রলালের বিখ্যাত “নীল আকাশের” গানটির ছন্দে ও সুরে রচিত। দ্বিজেন্দ্রলাল অভিনব সুরে
কী ভাবে ক্র্যাসিকাল স্বর বৈচিত্র্যের অবকাশ রাখতেন এ গানটি তার প্রকৃষ্ট প্রমাণ। এতে ছায়ানট খাঞ্চাজ দেশ
প্রভৃতির ছোট তান কম্পন মূর্ছনার অবসর প্রচুর। দ্বিজেন্দ্রগীতি-তে “নীল আকাশের” গানটির স্বরলিপির সঙ্গে এর
স্বরলিপি তুলনা করলেই প্রতীয়মান হবে এ গানটির প্রতি চরণ কী ভাবে লীলায়িত করা হয়েছে মূল সুর রেখে। বস্তুত
ক্র্যাসিকাল গানের একটি প্রধান রস এইখানেই : অর্থাৎ প্রতি চরণকে নানাভাবে গাওয়া চলে হেলিয়ে ছুলিয়ে তালফের
ক’রে রাগফের ক’রে। শুধু তানই ক্র্যাসিকাল ঢঙের একমাত্র বৈশিষ্ট্য নয়। প্রতি চরণের স্বরবিষ্ঠাস গুণী নিজের প্রেরণা
অনুসারে কম বেশি বদলাতে পারেন এখানেই তিনি স্রষ্টা হ’য়ে ওঠেন। এই সুরেই রচিত অনিলবরণের সুন্দর গান “তুই মা
আমার হিয়ার হিয়া—তুই মা আমার আঁখির আলো” গানটি সাঁহানা দেবী সম্প্রতি গ্রামোফোনে দিয়েছেন, তাতে দ্বিজেন্দ্র-
লালের এই লীলায়িত ভঙ্গির মহিমা কিছু ফুটেছে, অল্প সময়ে যতদূর সম্ভব। ইতি।
শ্রীদিলীপকুমার রায়

নৈনীতাল—দি লেক্-ল্যাণ্ড অফ ইণ্ডিয়া

শ্রীবিনয় ভট্টাচার্য

২৬শে সেপ্টেম্বর রাত্রি ১০-১০। দেৱাদুন এক্সপ্রেসে টান পড়লো। 'রিজার্ভ' করা কামরায় আমরা চলেছি ১৯ জন—১৬ জন ছাত্র, প্রফেসার অলোক সেন (ভারতবর্ষ-সম্পাদক জলধর বাবুর ভ্রাতৃপুত্র), জগদীন্দ্র বসু, আর Laboratory-in-charge দেবেন। ঘরের মায়া চিরদিনই পিছু ডাকে, তাই মনটা একবার ছলে উঠলো। এই যাবার জন্ত দুদিন ধরে কত সাজ-গোজ, কত আনাগোনা, যাকে ছাড়বার জন্ত মনের প্রতি কণা হয়েছে উন্মুখ প্রতিমুহূর্তে—সে আজ বিদায়-ক্ষণে পিছু ডাকে। মনে হলো, এই চলে যাবার পেছনে একটি অনন্ত বেদনার সুর রয়েছে, যে সুর—যাকে ছেড়ে চলে যাই—তাকে বড় করে তোলে, তোলে তাকে মহীয়ান করে।



আমাদের দল—বাঁদিক থেকে উপবিষ্ট—প্রফেসার অলোক সেন, ডাক্তার বি, সি, বোষ ও জগদীন্দ্র বসু


[ফটো—খগেন দাস

আর আমাদের যাত্রাপথ করে তোলে সুখময়, সুন্দর। ঘরের প্রতি আমরা যতই বিমুখ হই, সে বিমুখতা কত ক্ষুদ্র, তা বুঝি আমরা যখন তাকে ছাড়ি। যেমন জীবন যে কত বড় বুঝি তখন, যখন মৃত্যুর অদৃশ্যপথ দৃশ্যমান হয়ে ওঠে।

অচল গাড়ী এতক্ষণে বেশ সচল হয়ে উঠেছে। লিলুয়া স্টেশনের আলো দেখতে দেখতে মিলিয়ে গেল। দেবেন এতক্ষণে আমাদের 'Luggage' গুলোর একটা সু-ব্যবস্থা করে হাঁপিয়ে উঠেছে। Luggageতো আর কম নয়—১৯

জনের স্ট্রাকেশ ১৯টি (আকারে শীল ট্রাকের দিগুণ এবং ওজনের কথা বললে রেল কোম্পানীকে ফাঁকি দেবার জন্ত আপনারা দুর্নাম দিতে পারেন, এই ভয়ে সেটা উহ রেখে গেলুম), ১৯টি 'বেডিং,' Microscope গুলি পাঁচেক, বই গাদা খানেক। রাত্রির জিনিষপত্র অলোকবাবুর ওষুধের বাস (হোমিওপ্যাথিক থেকে এলোপ্যাথিক), আর আমাদের ধনী বন্ধুদের প্রসাধনের দ্রব্যে ভরা আর একটি করে ছোট স্ট্রাকেশ।

এর ভেতরে ১৯ জনের মধ্যে চারটে দল হয়ে গেছে: অলোকবাবুকে নিয়ে জন ছয়েক বসেছে তাস নিয়ে, বন্ধুবর শৈলেন গুপ্ত, রবি মুখার্জী প্রভৃতি জন চারেক আরও



লক্ষ্মী স্টেশনের একাংশ [ফটো—শৈলেন ধর

করছেন বাঁশী এবং গান, ও কোণে চলেছে গভীর Politics আলোচনা...আবিসিনিয়া-মুসোলিনী, সমর—শৈলেন ধর প্রমুখ কয়েকজন করছেন শোবার জোগাড়। আশ্চর্য!—মাত্র ১৯ জন—যাদের লক্ষ্য এক, যারা একই উদ্দেশ্যে, একই কামরায় একই সঙ্গে চলেছেন—তাদের মাঝেই যদি চলার পথে বিভিন্ন দলের সৃষ্টি হয়। তবে এই ভারতবর্ষের মত দেশে বিভিন্ন রাজনৈতিক মতের সৃষ্টি না হওয়াই আশ্চর্য।

সীতাভোগ-মিহিদানার আওয়াজ মিলিয়ে গেল—গেল আসানসোল, কুলটার লৌহ কোম্পানীর জলন্ত furnace দেখা যেতে লাগল—ওর সৃষ্টির প্রথম দিন থেকেই হয়তো

উদরের অগ্নি জ্বলতে আরম্ভ হয়েছে, হয়তো সমাপ্তি পর্যন্ত জ্বলতে থাকবে।

কৃষ্ণ-চতুর্দশী, রাত্রি তার সমস্ত রূপ, সমস্ত ঐশ্বর্য নিয়ে ভরে উঠেছে আজ। রাত্রির এত ঐশ্বর্য এমনভাবে কোন দিন দেখবার সুযোগ হয় নি—এত ঐশ্বর্য যে সমস্ত পৃথিবীকে তাই দিয়ে মুড়ে ফেলেছে—তবু অজ্ঞস্র আছে পুঞ্জীত হয়ে এখানে সেখানে। এ দিয়ে সে হয়তো আরো দু'তিনটে পৃথিবীকে মুড়ে ফেলতে পারে। ওর 'নীলাশ্বরীর নীল-সায়রেতে' দু'চারটে নক্ষত্র জ্বলছে—যেন কাপড়ের ওপর বসানো হয়েছে জ্বরির ফুল।

'ওরকম ভাবে মুখ বা'র করো না বিনয়, কয়লা পড়বে চোখে'—অলোকবাবুর স্বর শোনা গেল। কবিছে পড়ল বাধা শাসনের রুচ স্পর্শে, মুখ ভেতরে এনে অলোকবাবুর দলেই যোগ দিলুম—কারণ এ দলটাই এখন পর্যন্ত ভারী। খেলা বেশ চলেছে, কিন্তু মুষ্কিল স্ক্রেকশকে নিয়ে। ওর দোষ হলোই বলে উঠবে: না স্মার, ওটা আপনাদেরই ভুল; Culbertson এখানে বলেছেন...। অস্ত্র খোরাক ফুরিয়ে এলেও হাসির খোরাক যোগাচ্ছিল বেশ।

তজ্রা একটু এসেছিল, হয়তো বা ঘুম। কাণে স্ফুস্ফুড়ি লাগতে ঘুম ভেঙ্গে গেল। চেয়ে দেখি অলোকবাবু হাসছেন।... এদিকে অন্ধকার মুছে এসেছে, ভোরের আলো জেগে উঠেছে, জেগে উঠেছে আশপাশে পাহাড়ের ওপর পাখীর গান।

'নীলাশ্বরীর নীলসায়রেতে রক্ত কমল দু'টি,
প্রথম ভোরের বাতাস পাইয়া করিতেছে ফুটি ফুটি'।


দেবেন রাশি-খানেক খাবার সাজিয়ে বসে বসে চুলছে, জন ছয়েক বাদে আর সবাই কুকুড়ে-মুকুড়ে ঘুমোচ্ছে—যেন বারোয়ারী মাঠের ভাঙ্গা যাত্রার আসর।... চায়ের সঙ্গে হ'ল প্রচুর জলযোগ। সবাইকে আবার বেশ প্রফুল্ল দেখাচ্ছে। দু'পাশে বনময় পাহাড়—তারই ওপর শাল মহয়ার গাছ। দু'র পাহাড়শ্রেণীর পেছন থেকে সূর্য্যদেব উকি মারছেন।

'সুনীল গগন ঘনতর নীল অতিদূর গিরিমালা,

তারি পরপারে রবির উদয় কনক-কিরণ জালা।

মোগলসরাইয়ে ভাত-মাংস খেয়ে আমাদের ১৪জন বন্ধু হতাশ হয়ে পড়লেন। আমাদের পাঁচ জনের হতাশ হতে

হল না যেহেতু আমরা খেয়েছিলুম আঙ্গুর, আপেল, আর প্যাড়া সন্দেশ।...গন্ধার ত্রিজের ওপর উঠেছি—এর ওপর থেকে কাশী কি সুন্দর দেখায়, যেন একখানা ছবি। মোটেই মনে হয় না এর ভেতর আছে বড়বাজারের মত ছোট ছোট গলি, আর তার দু' পাশে হাটখোলার গুদামঘরের মত



লক্ষ্মী ইমামবাড়ী—ভেতরের অংশ

[ফটো—শৈলেন ধর

অন্ধকার বাড়ী। বিশ্বনাথের মন্দির দেখা গেল—নমস্কার করলুম।

ভোর থেকে চোখে পড়েছে দু'পাশে পাহাড় শ্রেণী—



ইউ-কালিপটস্ গার্ডেন, লক্ষ্মী

[ফটো—রবি চট্টোপাধ্যায়

এবার আবার সমতল ক্ষেত্র, দু'পাশে ধান ও জোয়ারের ক্ষেত্র। জোয়ার কি জিজ্ঞেস কর্তে অলোকবাবু বললেন— কেন পড়েছ তো—


বেলা বিপ্রহরে—

যে যাহার ঘরে—

সে কিছে জোয়ারী রুটী।

মাঝে মাঝে মরুভূমির মধ্যে ওয়েশিসের মত একখানি গ্রাম দেখা যায়—খেজুর, বাবলা, আর আম গাছে ঘেরা। ছেলে-মেয়েরা ছুটে আসে গাড়ীর শব্দ শুনে, মেয়েরা ঘরের পাশ থেকে ঘোমটা তুলে দেখে...

আর সময় কাটতে চায় না। ছপুর বেলা ট্রেনে কাটে ভয়ানক কষ্টে। কেউ বা ঝিমুচ্ছে, কেউ বা বসেছে তাস নিয়ে, বাঁশী নিয়ে, বই নিয়ে, সময় তো সব সময়ই যুগুচ্ছে; ওই জন্তু অলোকবাবু ওর নাম দিয়েছেন sleeping boy। মাঝে মাঝে ছ' একটা হাসির কথা ওঠে বটে, কিন্তু তাতে ভাল জমে না—সেটা টুকুরো টুকুরো হয়ে ভেঙ্গে যায়।



লক্ষ্মী রেসিডেন্সি [ফটো—খগেন দাস

বান্দরের প্রাচুর্য দেখে বোঝা গেল অযোধ্যায় এসেছি। যেমন ধূলা, তেমন বান্দর। প্রকাণ্ড প্রকাণ্ড অনেক পুরাণ ভগ্নবাহী পড়ে রয়েছে—দূরে অনেকগুলি মন্দির। মন্দিরের স্বর্ণ-চূড়া জ্বলছে সূর্যের আলোকে।

এই একদিনের Journeyতেই সবার মন হয়েছে স্তিমিত, নিরানন্দ, উৎসাহহীন। তাই ঠিক হল লক্ষ্মীতে একদিন Break Journey করা যাক। কিন্তু লক্ষ্মী যে আর আসে না। কে এর নাম দিয়েছিল দেবাদুন এক্সপ্রেস—এত গরুর গাড়ীর বেহুদ। অলোকবাবু ত বলে উঠলেন: আমাদের কি দয়া করুক লে যাতা হায়! (অলোকবাবু এখন প্রতি কথায় হিন্দী বলেন), ৩৭ মিনিট লেট করে

সন্ধ্যার ছায়ায় City of Gardenএ পৌছলুম। রাজিটা কাটল ধর্মশালায়, দিনটা কাটল টাঙ্গার ওপরে।... ইমামবাড়ী, রেসিডেন্সি, মিউজিয়াম, পশুশালা, বোটানিকেল গার্ডেন, ইউনিভারসিটি প্রভৃতির ওপর একবার চোখ বুলিয়ে নেওয়া হল মাত্র। লক্ষ্মী স্টেশনটি ভারি চমৎকার। যাক সে সব কথা এখন থাক। সে সম্বন্ধে অনেকেই বলেছেন। কিন্তু একটা কথা না বলে পাচ্ছি না। ছপুর-বেলা স্টেশনে গিয়েছিলুম চিঠি 'পোস্ট' কর্তে, শৈলেন ধর এবং সময় চ্যাটার্জী সহ। হঠাৎ একজন পুলিশ এসে আমাদের স্টেশনের বাইরে যেতে বললে। জিজ্ঞেস করলুম: ব্যাপার কি? উত্তর এল: I won't hear, you must get out. তার ইংরেজীর শ্রোতে ভেসে আমরা স্টেশনের বাইরে এলুম। জনকয়েক লালমুখ মোটরে করে চলে গেলেন। হঠাৎ দেখি সেই পুলিশটা এসে বলছে: বাবু, কুছ মনে নেহি কিজিয়ে, পুলিশকমিশনার ভী যাতা হো, উসি বাথ হাম আপকো—। জুতা মেরে গরু দান। তবে পুলিশের এই যা। সন্ধ্যায় আবার দেবাদুন এক্সপ্রেস ধরলুম, রাত্রি ১০-৪৮ মিনিটে এল বেরিলী। এখান থেকে আমাদের R. K. R.এর ছোট গাড়ীতে উঠতে হল। খাবার সময় ছিল না বলে খাওয়া হল না, রাত্রি ৪টার সময় ভাঙ্গল যুম। কিন্তু কি শীত—এ যে দারুণ! সোয়েটার র্যাপার মুড়ি দিয়ে বসতে বসতেই এল কাঠগুদাম, আমাদের Railway Terminus. প্রথম ভোরের অস্পষ্ট আলো, রাত্রিশেষের নক্ষত্রখচিত আকাশ, পরিত-শ্রেণীর মাঝে মাঝে প্রজ্জ্বলিত দীপমালা, স্টেশনের পাশের গলা নদীর ঝিরঝিরে শ্রোতের মাঝে এই অজানিত নূতন জায়গাটাকে ভারী ভাল লাগল।

‘কত অজানারে জানাইলে তুমি,

কত ঘরে দিলে ঠাই,

দূরকে করিলে নিকট, বন্ধ,

পরকে করিলে ভাই।’

এবার আমাদের ২২ মাইল পথ যেতে হবে বাসে। উঠতে হবে প্রায় ৫০০০ ফিটের কিছু ওপর। স্টেশনের গায়েই বাসষ্ট্যাণ্ড, পোস্ট-অফিস এবং একটি ধর্মশালা। যারা কৈলাস যান, তাঁদের এখান থেকে বাসে যেতে হয় আলমোড়া, তারপর অশ্বপৃষ্ঠে ও পদব্রজে।

ছুখানা বাস বোঝাই হয়ে যাত্রা করলুম। রাস্তাটি পিচের, ভারী সুন্দর। ছুখানি গাড়ী পাশাপাশি যেতে পারে। পাহাড়ের ওপরের মোটর রাস্তা হিসেবে এটা পৃথিবীর মধ্যে একটি শ্রেষ্ঠ। গাড়ী ছুটে চলেছে। মাঝে মাঝে শীর্ণকায়ী বরণা প্রথম সোণার আলোয় চিকমিক করছে, নীচে ঝাউ ও বাবলার ঘন জঙ্গল। সার বেঁধে সব খচরের পিঠে করে আলু নিয়ে আসছে। বরণার পাশে কলা গাছের ঝোপে ঝোপে ছ' একখানি কুঁড়ে ঘর চকিতের জন্তু দেখা দিয়ে মিলিয়ে যায়। পথের আঁকে বাঁকে পাইন বনের ও চীর গাছের ফাঁকে শরতের সুনীল আকাশ চোখে পড়ে—মেঘমুক্ত, নির্মল আকাশ। এ পথে চলতে বেশ লাগে। প্রতি মুহূর্তে নব নব বাঁকে নব নব সৌন্দর্য পথিকের মন ভুলিয়ে প্রলোভিত করে। অনাস্বাদিত সৌন্দর্য প্রতিমুহূর্তে হয় আস্বাদিত, আবার আসে নব সৌন্দর্য। কত অনাগত গত হল, অদৃশ্য দৃশ্যমান হল, গাড়ী চলল ছুটে। বেলা ৯টা নাগাৎ পৌছলুম নৈনিতাল। এর জন্তু দিতে হল মাথা পিছু ১৫০ বাস ভাড়া, আর ১২ টাকা টোল (Toll)। এপথে মোটরগাড়ীও ভাড়া পাওয়া যায়।

লেকের ধারে দাঁড়িয়ে একবার চারিদিকে তাকালুম। এই নৈনিতাল। একে দূর থেকে খুব সুন্দর ভেবে শান্তি পেয়েছি, ভেবেছি অমূল্য স্থান, কিন্তু আজ হাতে পেয়ে তার আর কোন মূল্যই রইল না, পাওয়া মানেই তার দর কমে যাওয়া।... শুধু পেয়েছি এই মাত্র! কিন্তু এর জন্তু এত কোতূহল, আশা-আকাঙ্ক্ষা, আনন্দ-ব্যথা মূল্যহীন হয়ে গেল। এ যেন ভূমিকা হল মূল্যহীন আসলের চেয়ে। অথচ আসলের জন্তুই ভূমিকা।

‘মার্ভেলাস্’, ‘চার্মিং’, চমৎকার! এরকম অনেকগুলো কথা বন্ধুদের কাছ থেকে শোনা গেল। সব কথাই সত্য, খুবই সুন্দর জায়গা। এরকম ‘হিল স্টেশন’ ভারতবর্ষে আছে খুব কম, কিন্তু তা সত্ত্বেও একে খুব বড় করে দেখেছিলাম, এ দূরত্বের ব্যবধান ভরিয়ে তুলেছিলাম কল্পনার রঙীন রেখায়।

হিন্দুস্থান হোটেলে উঠা গেল। বাঙ্গালীর প্রতিষ্ঠান— বিশেষ তো অবাঙ্গালীর দেশে। এখানকার কুলীরা সং এবং বিনয়ী। অসম্ভব দরিদ্র বটে, কিন্তু আপনি যা

দেবেন তাই হাসিমুখে নিয়ে যাবে। এরা পরিশ্রমী, সাহসী এবং নিরলোভ; অশিক্ষিত বটে, কিন্তু অসভ্য নয়। থাকবার জন্তু সম্পূর্ণ সাধারণ বাড়ীর ভাড়া ৩০-৫০-পড়ে। তবে বাড়ীর কর্তারা ঠকিয়ে নেবার জন্তু ভয়ানক চেষ্টা করে। বাঙ্গালী তাদের একটি মস্ত বড় শিকার।




কাঠগুদাম ব্রিজ, স্টেশনের পাশে (নীচে গলা

নদীর জল দেখা যাচ্ছে, পাশে

পাহাড় শ্রেণী) [ফটো—শৈলেন ধর

হিন্দুস্থান হোটেলটি ঠিক লেকের উপরেই। তেতলায় আমাদের জন্তু ৪খানা ঘর, ২টা বাথরুম, ১খানা রান্না-ঘর ঠিক হল—দৈনিক ৫ টাকা ভাড়া হিসেবে। ছ' তিনজনের




চীনা পিক ও সহর [ফটো—খগেন দাস

থাকবার জন্তু হোটেলে ১২ টাকায় বেশ ভাল ঘর পাওয়া যায়। রান্নার জন্তু ঠাকুর এবং একজন চাকর ঠিক হল। রোজ তাদের আট আনা হিসেবে। নিজেদের

খাবার ব্যবস্থা নিজেরা কর্তে পারলেই ভাল হয়। তাতে খরচও বাঁচে, আনন্দও হয়—আর ইচ্ছেমত খাওয়া চলে। জিনিষপত্র অবশু বিশেষ সস্তা নয়। চাল ১০ টাকা মণ, ডিম ছ' আনা কুড়ি, মাংসের সের ১৪ আনা, মাছটা পাওয়া যায় কম...দর খুব বেশী নয়। আমরা ৪৬০ আনায় সের পাঁচেক একটা রুই কিনেছিলুম। খুচরা পাওয়া মুশ্কিল। তরি-তরকারী প্রায় সবই পাওয়া যায়, দর কোলকাতার চেয়ে কিছু বেশী, বাঁধাকপি, বীট, মূলা, টমাটো বেশ সস্তা, আমদানীও প্রচুর। আলু হয় এখানে প্রচুর—অথচ তার দর কোলকাতারই মত। কারণ উৎপন্ন যা হয়, তা প্রায়ই চালান হয়ে যায়।...হোটেলে

ড্রেসিং টেবিল, একটা আলনা।...দিনটা কাটান জিনিষপত্র গোছাতে আর বিশ্রাম নিতে। আমি তো সন্ধ্যে পর্যন্ত ঘুমিয়ে কাটালুম।

...চোখ খুলে দেখি দিনের কমলাটি মুদে এসেছে, সূর্য গেছেন অস্তাচলে—কিন্তু লেকের জলে, পাহাড় শ্রেণীর ওপরে পাইন বনের শিখায় তার রক্তাভাষ রয়েছে এখনও। অনেকদিন দেখেছি দিবার বিদায়—দেখেছি মৃত্যু মার্চের শেষে সূর্য দিকচক্রবালে, সমুদ্রের তীরে। কিন্তু কখনও ভাবি নি যে এর মধ্যে দেখার কিছু আছে। আজ ক্রম-বিলীয়মান রক্তিম রেখার মাঝে বিদায়মান দিবাকে দেখতে দেখতে একটা অনন্ত বেদনার সুর জেগে উঠল।...



লেকের উত্তর পশ্চিমের দৃশ্য—ডাঙা-হিলের একাংশ


সাধারণ ছোট্ট Mealএর খরচ ১১০ টাকা, ভাল খেতে হলে ৩১০ টাকার কম হয় না। তারপর আছে 'টিফিন' খরচ। যাক্, যখনকার যা—

বাসের পেট্রলের গন্ধে ও ঝাঁকানিতে বেশ গা বমি বমি করছিল। বন্ধুবর শৈলেন ধর নেবুটেরু খাইয়ে আমায় আরোগ্য করিয়ে তবে রেহাই দিলেন।...লেকের সামনের ছোট ঘর দু'খানার একখানা নিলেন অলোকবাবু, বাকী খানা নিলুম আমরা চারটি বন্ধু—সমর, আমি, শৈলেন গুপ্ত, শৈলেন ধর। এ দু'খানা ঘরই সবচেয়ে ভাল। ঘরের মধ্যে দু'খানা খাট, একটা সোফা, একটা

ভোরের আলো যে রক্তিমরাগে রঞ্জিত হয়ে বিপুল পৃথিবীকে নিজের ঐশ্বর্য্য দিয়ে ভরে দিয়েছিল, তখন কে ভেবেছিল এর সমাপ্তি আছে! সমস্ত পৃথিবী যাকে চেয়েছিল নিজের প্রয়োজনে, তাকে পাওয়া হয়ে গেছে তার আর কোন মূল্য নেই, তার বিদায়ের ক্ষণে কারো মনে নেই এক ফোঁটা দুঃখ...কেউ ফেলছে না এক ফোঁটা অশ্রু। এমনই হয়তো হয়! মাছ যখন যোবনের শিখায় বসে থাকে তখন কার মনে হয় সে একদিন চরে যাবে। অথচ তাকে যেতে হয়; এই বিপুল পৃথিবী, নীলাকাশ, আত্মীয়স্বজন ছেড়ে যখন তাকে যেতে হয়—তখন ক'জনই বা

তার কথা ভাবে, তার জন্ত ফেলে চোখের জল। আমাকেও হয় তো একদিন যেতে হবে—ওই নীলাকাশ, পূর্বতমালা, পাইনবন, গিরিসাহুদেশে সঞ্চরণশীল মেঘদল, পৃথিবীর এই অসীম ঐশ্বর্য্যসম্ভারকে ফেলে যেতে হবে

ফেটেছে তাকে দেবেন 'গ্লিসারিণ' বার করে, অথচ এদিকে যে নিজের গা ফেটে রক্ত বেরুচ্ছে, সেদিকে লক্ষ্যই নেই। বেরোন ভয়ানক কম, খালি Collected Plant, মাইক্রোস্কোপ নিয়ে বসে আছেন, আর মাঝে মাঝে আমাদের নামে কবিতা লিখছেন। দু'একটি আমি আপনাদের উপহার দিচ্ছি :



লোক ও "ডিওপাথ হিল"

[ফটো—রবি চট্টোপাধ্যায়]

মহাকালের সীমাহারা সমুদ্রে মিশে—তখন এই যে সমর-শৈলেন-হরদেব, আর যারা আজ আমায় এত ভালবাসে, তারা ব'জনই বা আমার কথা ভাবে, ফেলবে আমার জন্ত একবিন্দু অশ্রু? এই সামান্য কটা কথায় চোখের উৎস খুলে গেল—আমি তাকে রোধ করতে পারলুম না...

অলোকবাবু ডাকলেন চা খাবার জন্ত। ওরা সবাই চা খেয়ে বিকেলেই বেরিয়েছে—আমার জন্ত হলো আবার নূতন করে। বললেন : শরীরটা খারাপ লাগছে না তো আর? 'না স্যার, ঘুমিয়ে বেশ ভালই হয়েছে।'...খানিকক্ষণ গল্প হলো। বাইরে ভয়ানক বাতাস বইতে আরম্ভ হয়েছে...ওপরের টিনগুলা যেন উড়িয়ে নিয়ে যাচ্ছে। বন্ধুরা সব একে একে ফিরছেন। বললুম : একটু বেড়িয়ে আসি, স্যার।

বেড়িয়ে আসবে! কেমন চমৎকার বেড়াবার সময়—চাঁদিনী রাত, বসন্তের মধুর হাওয়া—বস।

অলোকবাবুকে নিয়ে আর পারার যো নেই। পাছে কারুর শরীর খারাপ হয় এই ভয়ে তিনি সর্বদাই ব্যস্ত। কার মাথা ধরেছে তাকে দেবেন মাথা টিপে, কার মুখ

সুকেশচন্দ্র সরকার,
পরশে 'স্টার্ট সার্চ' তার
ছোটখাট মাছষটি বেশ।
রাখিতে নামের মানে,
চিকণীতে চুল টানে,
পরিপাটী রাখিয়াছে কেশ।

... ..

গাড়োয়ালী টুপি পরি—

পায়জামা পায়—

টগবগু বোড়া চড়ি

নবেন্দু যায়।


... ..

বোড়া চড়ি চীনাপিক

করিয়াছে জয়,

মোটর চড়িলে কিন্তু

বড় বমি হয়।




আয়ার পাথ হিল [ফটো—শৈলেন ধর]

গুঁর অল্পরোধে বসলুম বটে, কিন্তু বেশী ছ'চারজন আসার সঙ্গে সঙ্গেই আমি উঠে পড়লুম এক কাঁকে।

নৈনীতালকে প্রাচীনত্বের মর্যাদা দেওয়া যেতে পারে।

স্বন্দপুরাণে এই স্থানটি ত্রিবিষ্ণী সরোবর বা ত্রিশেখর নামে অভিহিত আছে। ত্রিবিষ্ণী বা ত্রিশেখর মানে—তিনটি ধর্মের দ্বারা সৃষ্ট সরোবর। এক সময় মুনিবরত্রয় অত্রি, পুলস্ত্য ও পুলহ কৈলাস যাবার পথে এই স্থানে উপস্থিত হন। জলের কোন উৎস বা নদী না থাকতে জলাভাবে তাঁদের অত্যন্ত কষ্ট অল্পভূত হতে লাগল। সুতরাং তাঁরা এখানে একটি ক্ষুদ্র সরোবর খনন করেন এবং এটা তৎক্ষণাৎ জলের দ্বারা পূর্ণ হয়। সেই অতি ক্ষুদ্র সরোবর থেকেই এই লেকের উৎপত্তি। বর্তমান নামটি হয়েছে নৈনীদেবী ও লেকের সংযোগে। হিন্দীতে তাল মানে বড় সরোবর। নৈনী হয়েছে নয়ন থেকে।

সে সব ছেড়ে দিয়ে ব্রিটিশ রাজত্বে আসা যাক। ১৮৩৯ খৃঃ অব্দে লেকটির প্রথম অস্তিত্ব জানা যায়। তখন এ স্থান বঙ্গজন্তুতে পূর্ণ গভীর জঙ্গলে আবৃত ছিল। শুধু তাই নয়—ভূত এবং পরীরাও নাকি এখানে বাস করত। তাই ভয়ে কেউ এদিকে আসত না। শুধু বসন্ত ও বর্ষায় রাখালেরা দল বেঁধে তাদের গৃহপালিত পশুর দলকে খাওয়ার জন্তু নিয়ে আসত, কারণ পশুর খাওয়া ছিল প্রচুর। কিন্তু দল বেঁধে এলেও তাদের ছুঁচারজনকে প্রায়ই পাওয়া যেত না, তাই তারা পূজার দ্বারা নৈনীদেবীকে



ডাঙা হিলের ওপর থেকে লেকের দৃশ্য

[ফটো—খগেন দাস]

সন্তুষ্ট করার চেষ্টা করত। তাদের এই পূজার এবং ভক্তির দ্বারা মন্দিরটি লুপ্ত না হয়ে সুরক্ষিত হয়ে আছে।

১৮৩৯ সালে Balten এবং Mr. P. Barren লেকটির

অস্তিত্ব প্রথম সভ্যজগতে প্রচার করেন। তাঁরা আলমোড়ায় এসেছিলেন শিকার কর্তে। তাঁদের দেশীয় পথপ্রদর্শকেরাই এখানে তাঁদের নিয়ে আসে। জায়গাটিকে দেখে Barren এর কি মনে হয়েছিল, সেটা তিনি "Pilgrim" নামে



চীনা মল বা খেলার মাঠ [ফটো—শেলেন ধর]


"Agra Akbar" পত্রিকায় যা লিখেছিলেন, তাই থেকে খানিকটা আমি আপনাদের উপহার দিচ্ছি :

"An undulating lawn with a great deal of level ground interspersed with occasional clumps of Oak, Cypress and other beautiful trees, continues from the margin of the lake for upwards of a mile up, to the base of a magnificent mountain standing at the further extreme of this vast amphitheatre, the sides of the lake are also bounded by splendid hills and peaks which are thickly wooded down to water's edge. On the undulating ground between the highest peak and the margin of the lake there are capabilities for a race-course, cricket ground etc. and building sites in every direction for a large town."

মধু লোভে অনেক ভ্রমরের হল আগমন, কাগজে কাগজে বেকুলো প্রচুর ছবি, তখনকার কমিশনার Mr. Lushington এর দৃষ্টি ফিরল এদিকে। ১৮৪২ খৃঃ অব্দে লাল মতিরাম সা Mr. Barren কর্তৃক অল্পকষ্ট হয়ে কয়েকখানা বাংলো তৈরী করেন। ক্রমশ এল লোকজন, বাড়ল বাড়ী, হল বাজার দোকান, অল্প খাজনার হল

'মোরসী' ব্যবস্থা, অল্প দিনেই হয়ে উঠল নগর। Sir Acmy Ramsay নৈনীতালকে তাঁর হেড কোয়ার্টার করলেন—'তারাইয়ে'র দস্যদলকে দমনের জন্তু। একটা ব্যারাক হল সৈন্যদের জন্তু। তা ছাড়া অসমর্থ (convalescent) ব্রিটিশ সৈন্যরা এসে, দখল করলেন খানিকটা স্থান, আর ক্যান্টনমেন্ট যে হল এ কথা না বললেও চলে। তবে শেষের দু'টো সহরের ওপর নয়—কিছু নীচে। ১৮৮২ খৃঃ অব্দে কাঠগুদাম পর্যন্ত রেলপথ হল। সোনায় সোহাগা! দুর্গম হল সুগম, সুদূর হল অতি নিকট, এর পর আর কি থাকতে পারে? এর পরে হল ইউ. পি, গবর্নরের গ্রীষ্মাবাস। একটা কথা বলতে

সকাল বেলায় যাত্রা করা হল Sher-Ka-Danda শিখর উদ্দেশে, প্রায় ৮০০০ ফিট উঁচু। রাস্তাটি ভারী সুন্দর! কত বনফুল ফুটে আছে দু'পাশে পাইন ও ঝাউ বনের ছায়ায়, বউ কথা কও পাখীর ডাক, পাহাড়ে পাহাড়ে তার প্রতিধ্বনি। মনটা একটা গভীর প্রশান্তিতে ভরে ওঠে। পাহাড়ের ওপর অনেক বাড়ী-ঘর আছে—চাষও হচ্ছে বহু জায়গায়। এর ওপর থেকে snow range ভারী সুন্দর দেখায়—একপ্রান্ত থেকে অপর প্রান্ত পর্যন্ত সাদা ধবধবে তুষারশ্রেণী। তুষারাবৃত শিখরগুলোর নাম জেনেছিলাম 'চীনা পিক' থেকে। সেটা যথাসময়ে বলবো। ফেরবার পথে একজন লোককে দেখে ভয়ানক আকৃষ্ট



লেকের একাংশ ও পথ। দু'দূরে চীনা পিক ও নগর দেখা যাচ্ছে

ভুলে গেছি। ১৮৮০ খৃঃ অব্দে landslip হয়। এর ফলে পুরান বাড়ী ঘরদোর অনেক নষ্ট হয়ে যায়, বহু লোকের (১৫১ জন) মৃত্যু ঘটে বটে, কিন্তু তাতে নূতন করে নগর তৈরী করার সুবিধে হয়েছিল প্রচুর।


পথ চলতে চলতে দেখি রাস্তায় ইলেকট্রিক আলোগুলা সব নিভে আসছে। কি ব্যাপার! 'পাওয়ার' হাউস বন্ধ হয়ে গেল নাকি! আলোগুলা নিবু নিবু হয়ে আবার দিব্যি জ্বলে উঠল। হোটেলের এসে শুনলুম, এটা রাত্রি ৮টার চিহ্ন, যেমন কোলকাতার বেলা ১টার চিহ্ন তোপধ্বনি।

হলুম। পাইন-ঘেরা ডালিয়া ফুলের অজস্র সমারোহের মধ্যে তাঁর বাংলোখানি। বসে বসে গীতা পড়ছেন, বছর পঞ্চাশ তাঁর বয়স। মুখখানি ভারী সুন্দর—কমনীয়তা, উজ্জল্য এবং গাভীরো ভরা। তাঁর উজ্জল চোখ দুটি আকর্ষণ করে, বিকর্ষণ করে না। বন্ধুদের ঠাট্টার ভয়ে আপাতত তাঁর কাছে যাবার ইচ্ছে স্থগিত রাখতে হল।

বিকেল ৪।০টা নাগাৎ চুপি চুপি বেরিয়ে পড়লুম সকাল-বেলাকার সেই ভদ্রলোকের উদ্দেশে। দুটি পাহাড়ীর সঙ্গে বসে গল্প করছেন, নমস্কার কর্তে ঘাড় নাড়লেন। হেসে

বললেন: কি চান? কি চান! ভদ্রলোক বাঙ্গালী তাহলে—বেশ একটু আশ্চর্য্য হলুম। কথায় কথায় নানা দেশের নানা কথা উঠল, কিন্তু তিনি নিজের সম্বন্ধে আমাদের সব সময়েই অজ্ঞাত রেখে চললেন। আচ্ছা মানুষ তো! মানুষের স্বভাবই তো নিজের কথা বলা, কিন্তু এ যে দেখছি সম্পূর্ণ উল্টো।

ভগবানের কথা উঠল শেষে—বললেন—ভগবান কি, সে সম্বন্ধে আমার কোন স্পষ্ট ধারণা নেই। আমার মনে হয়, বিশ্বের গ্রন্থিতে গ্রন্থিতে, তারায় তারায়, গ্রহে গ্রহে প্রকৃতির মাঝে যে সুন্দর রূপের, সৌন্দর্য্যের বীজ বুনেন চলেছেন তাকে পাওয়াই মানব জীবনের চরম সার্থকতা।... তাকে পেতে হয় সুন্দরের সাধনা করে, প্রকৃতিকে ভালবেসে, প্রেমের মধ্য দিয়ে। এ জন্তই সেকালের মুনিরা



গবর্নমেন্ট হাউস

তাদের আশ্রম করতেন সৌন্দর্য্যময় প্রকৃতির কোলে, যাতে প্রকৃতির সেই খণ্ড সৌন্দর্য্যকে ভালবাসতে শিখে সেই বিরাট অথও সুন্দরকে ভালবাসতে পারেন।

প্রেম ছাড়া তাঁকে তো আর পাওয়া যায় না। এ জন্তই তো কবিরা বলেছেন:

“I know
That love makes all things equal :
I have heard
By mine own heart this joyous
truth averred :
The spirit of the worm beneath the sod
In love and Worship blends itself
with God.”

প্রকৃতিই মানুষের ভালবাসার নিরীক্ষণী খুলে দেয়, তাকে সুন্দরের পথে এগিয়ে দেয়, এই সসীম রূপের মধ্য দিয়ে তাকে অসীমের পথে নিয়ে যায়। Wordsworth বলেছেন:

...Knowing that nature never did betray
The heart that loved her ; it is her
privilege

Through all the years of this our
life, to lead
From Joy to Joy : for she can so enform
The mind that is within us, so impress
With quietness and beauty and so feed
With lofty thoughts.....

প্রকৃতির সম্পদ ও নিরুজ্জ্বলতার মাঝেই তো আমরা তাকে পাই।

In solitudes
Her voice came
to me, through the
whispering woods.
And from the
fountains, and the
odours deep
Of flower, which like
lips murmuring in
their sleep
Of the sweet kisses
which had lulled
them there.

রবীন্দ্রনাথও তো এই কথা বলেছেন:

বনদেবীর ঘারে ঘারে
শুনি গভীর শঙ্খধ্বনি,
আকাশবীণার তারে তারে
জাগে তোমার আগমনী।

অনেক কথাই বলে গেলেন তিনি, একচিহ্নে পান করছিলুম। স্থলের অধিবাসীদের কাছে যে সাগরের কথা চিরদিনেরই প্রিয়।

গিরিবনে সন্ধ্যা নেমে এসেছে, ঘরে ঘরে জলে উঠেছে দীপ ছ'একটি করে, আকাশ উঠেছে সুরভায় ভরে... ছ' একজন করে প্রায় জন পাঁচেক পাহাড়ী তাঁর কাছে ওষু

নিয়ে গেল, একটি সাহেব এসেও কয়েক মিনিট তাঁর সঙ্গে কথা বলে গেলেন...একা একা এতটা পথ যেতে হবে ভেবে একটু ভয় করছিল, তিনি সেটা হয় তো লক্ষ্য করলেন, বললেন: ভয় করবে বুঝি একা যেতে—এই রুদ্—বাবুকে লে যাও তো বীচমে...

আসবার আগের দিন আবার তাঁর সঙ্গে দেখা করেছিলুম। রুদ্দের ভাঙ্গা হিন্দী মারফত শুনলুম, ভদ্রলোক এখানে আছেন প্রায় ২৫ বছর। গবর্নমেন্টের চাকরী করতেন, এখন ‘পেন্সান’ পান। বন্ধনের মধ্যে জী ছিলেন, তিনি বছর সাতেক মারা গেছেন। ছ’টি ছোট ভাই অর্ধেক, তাঁরা কানপুরে ব্যবসা করেন। ভদ্রলোক নানারকম রোগের ওষুধপত্র জানেন এবং বিনামূল্যে পাহাড়ী-দের দেন বলেই পাহাড়ীরা তাঁকে অত্যন্ত শ্রদ্ধা করে, ভালবাসে। ছ’জন ইউ-রোপীয়ানের ‘খাইসিস’ও নাকি তিনি সারিয়ে দিয়েছেন তাঁর ওই গাছগাছড়া দিয়ে।


ভয়ে ভয়ে হোটলে ঢুকছি—কিন্তু ভয়ের পরিমাণ বেশী যেখানে, বিপদও সেখানে তত বেশী। পড়লুম একেবারে জগদীন্দ্রবাবুর সামনে। বললেন: এত রাত পর্যন্ত লেকে র ধারে! তুমিই আমাদের মজাবে দেখছি। অলোক-বাবু ডাকলেন, চোখ কাণ বুজে একটা মিথ্যে উত্তর দিতে বলে উঠলেন: আজ যে Silver Fun সংগ্রহ করা হয়েছে, দেখেছ!—ওগুলো সাধারণত...এই রে!—অলোকবাবু যদি এখন ‘বোটানি’ বোঝাতে আরম্ভ করেন...। তপেশচন্দ্র বাঁচালে আমায়। বলে উঠল: চেপে যান স্মার এখন, পড়াশুনা হবে কাল সকালে। অলোকবাবু সত্য সত্যই চেপে গেলেন।

ঘরে ঢুকে দেখি বন্ধুব্রয় কঞ্চলমুড়ি দিয়ে গল্প করছেন: যে গল্প সমবয়স্ক তরুণেরা—একত্র হলে করে থাকে। দলে যোগ দিলুম।

‘আজ তো তুমি ছিলে না বিনয়, আজ যা দেখেছি...’ আগেই বলেছি নৈনীতাল সহরটির ঐতিহাসিক মূল্য খুব বেশী নয়—তার যত মূল্য লেকটিকে নিয়ে। লেকের

চারপাশে একটি সড় রাস্তা, রাস্তার পাশে ‘উইপিং উইলো’, পাইন প্রভৃতি গাছের সারি, মাঝে মাঝে গাছের তলায় বেঞ্চি পাতা। চার পাশে উঠে গেছে চারটি পাহাড়—লেকের উত্তরে—‘চীনাপিক’, পূবে Sher-ka-danda (এর সম্বন্ধে আগেই বলেছি), পশ্চিমে Deopatha আর দক্ষিণে হচ্ছে Ayarpatha.

লেকটি লম্বায় ১৫৬৭ গজ (১ মাইলের কিছু কম), চওড়ার দিকে ৫০৬ গজ, আর গভীরতায় ৯৩ ফিট। লেকের বেষ্টিত ছ’ মাইলের কিছু ওপর। লেকের প্রধান Inlet বা জলের প্রবেশ পথ হচ্ছে Deopatha পর্বতের একটি বরণা—অবশ্য বরণা তাকে ঠিক বলা যায় না, ইট দিয়ে তার ছ’পাশ গেঁথে দিয়ে তাকে বৃহৎ নর্দমা আকারে



রামজে হাসপাতালের একাংশ


পরিণত করা হয়েছে। এই জলস্রোতের উৎপত্তি স্থান যে কোথায়—তা আমরা খুঁজে বার করতে পারি নি। শুনেছি, এটা অনেক বছর থেকে আসছে। এটা ছাড়া আরো ছ’চারটে ক্ষুদ্র প্রবেশ পথ আছে বটে, কিন্তু সব সময় তা দিয়ে জল আসে না। লেকের জলের পরিমাণ সমান রাখার জন্ত দক্ষিণ পারে, নৈনীতাল পোষ্ট অফিসের নীচ দিয়ে একটি জলনির্গম পথের ব্যবস্থা করা হয়েছে, তার ফলে হয়েছে একটি ছোটখাট জলপ্রপাতের সৃষ্টি। ভারী সুন্দর এ জায়গাটা—উৎকৃষ্ট ফেনময় জলকণার ওপর যখন সূর্য্যকিরণ এসে পড়ে তখন এমন চমৎকার দেখায়...। এই জলের দ্বারা ‘বালিয়া’ নদীর সৃষ্টি এবং বালিয়া নদী গিয়ে

পড়েছে 'গলা' নদীতে। এই বালিয়া নদীর জল নিয়ে electric current তৈরী হচ্ছে। 'পাওয়ার হাউস'টি প্রায় ১০০০ ফিট নিচুতে—ছোট 'হাউস'টি। লেকের দক্ষিণ পারে নৈনীতাল বাজারের কাছে একটি sulphur Spring আছে।

'চীনা পিকটি' হচ্ছে সব চেয়ে উঁচু, ৮৫৬৪ ফিট; তার মানে ওর ওপর উঠতে হলে দু'হাজার ফিট উঠতে হয় লেকের পার থেকে। ওপরে ওঠার জন্ত 'মিউনিসিপালটির' রাস্তা আছে, ডাঙী বা ঘোড়ার সাহায্যে যাওয়া যায়। হেঁটে যাওয়া খুব শক্ত—আর হেঁটে খুব কম লোকই যায়। যারা যাবেন তাঁদের দল বেঁধে যাওয়া উচিত এবং হাতে

শিখরটি limestone ও slate পাথরের তৈরী। slate পাথরে বহু লোকের নাম লেখা রয়েছে দেখলুম, আমরাও দু'চারটে বাড়িয়ে দিলুম মাত্র।

এর ওপরে উঠা হয় Snow Range দেখার জন্ত। খুব পরিষ্কার দেখায়, সামনে বনময় পাহাড়শ্রেণী, তার মাঝে মাঝে শীর্ণকায়া জলস্রোত গৃহত্যাগী বৈরাগীর মত কোন স্তূদুরে যাত্রা করেছে। এই পাহাড়শ্রেণীর পরপারে দাঁড়িয়ে আছে তুষারময় গিরিশ্রেণী অসীমতে একটা সীমারেখা টেনে। এদের সব চেয়ে উঁচু শিখরটি নন্দাদেবী (২৫৬৬ ফিট), তারপর কামেট (Kamet ২৫৪৪৩) এবং ত্রিশূল (২৪০৬)। এখান থেকে এদের দূরত্ব যথাক্রমে ৭৫, ১০৫



নৈনীদেবীর মন্দির। প্রথমটি নৈনীদেবীর, পাশেরটি ভ্যারোর, একেবারে ছোটটি শিবের লাঠি থাকাও দরকার। মাঝে মাঝে নাকি ভালুক, নেকড়ে বা পাহাড়ী সাপের সাক্ষাৎ মেলে। আমরা ৯ জন গিয়েছিলুম, উঠতে প্রায় ২ ঘণ্টা ১৩ মিনিট লেগেছিল। রাস্তা ৬ মাইলের কিছু ওপরে। জায়গায় জায়গায় খাড়াই ভয়ানক বেশী, এক জায়গায় ১০০ গজে ৩০০ ফিট উঁচু হয়েছে। শিখরের ওপর দু'চারটে গুক এবং রডোডেনড্রুণ গাছ দেখা গেল। কে একজন বলে উঠল :

'শিখর-শাখায়'

'উদ্ধৃত যত শিখর-শাখায় রডোডেনড্রুণগুচ্ছ।'

সব দিন আবার তুষারশ্রেণী দেখা যায় না। প্রায়ই মেঘে ও কুয়াসায় ঢাকা থাকে। তখন শুধু শিখর তিনটে দেখে ফিরে আসতে হয়। পরেশ মজুমদার মশাই বলছিলেন—আমি তিন দিন গেছি, কিন্তু একদিনও

ভাল দেখতে পাই নি। আমাদের ভাগ্য সে হিসেবে ভাল বলতে হবে। যাদের এর ওপর উঠে দেখা অসুবিধে হবে, তাদের আমি Sher-ka-danda থেকে দেখতে অনুরোধ করি। তাতে বেশী কষ্ট হবে না।

Deopatha শিখর ৭৯৮৭ ফিট। এ পাহাড়টি অত্যন্ত ভয়, অসমতল এবং গভীর বনে ঢাকা। বাঁশ ও অর্কিডের গাছ অনেক দেখা গেল। এর ওপর প্রায় জায়গাতেই লেখা রয়েছে 'Beware of falling stones; পাহাড়ের চাইত্তি এমন আলাগা হয়ে রয়েছে, যে মনে হয় প্রতি মুহূর্তে পড়ে যাবে। পাহাড়টি ক্রমশ পশ্চিমে ঢালু হয়ে গিয়ে সমতলে মিশে গেছে। বাড়ী ঘর দোর খুব কম এর ওপরে।

Ayarpatha পাহাড়টি সব চেয়ে ছোট ও নিরাপদ, St. Joseph college, গবর্নমেন্ট হাউস এবং অগ্রাণ্ড অনেক বাড়ী রয়েছে এর ওপরে। St. Joseph কলেজটি এখানকার সব চেয়ে বড় কলেজ।

গবর্নমেন্ট হাউসটির কথা বেশী বলা বাহুল্য। ওখানে যতদূর ভাল করা সম্ভব ভা হয়েছে। আগে এটি ছিল Dunda Hillএ, কিন্তু সেটা নিরাপদ মনে না হওয়ায় ১৮৯৬ খৃঃ অব্দে এখানে বাড়ী আরম্ভ হয়, সেটা শেষ হয় ১৯০০ খৃঃ অব্দে।

Ayarpathaএর তলায় তালিতাল বাজার ও পোষ্ট আফিস। বাজারটি ছোট, জিনিষপত্রের দরও বেশী। নৈনীতাল বাজার এর চেয়ে অনেক ভাল—সব দিক থেকেই।

Ramsay Hospitalটি Danda Hillএর ওপর। চিকিৎসা যেমন ভাল, খরচপত্রও তেমনি কম। বাঙ্গালীর প্রবেশলাভ কষ্টকর। মাইলখানেক দূরে Manora Epidemic Hospital আছে; সেখানে সংক্রামক রোগের চিকিৎসা করা হয়।

থাইসিসের রোগীকে নৈনীতালে চুকতে দেওয়া হয় না। তাদের চিকিৎসা হয় ভাওয়ালীতে—এখান থেকে মাইল ছয়েক দূরে। সেখানে কয়েকটি যক্ষ্মানিবাস আছে। তাতেও বাঙ্গালীর প্রবেশলাভ অত্যন্ত দুঃস্বপ্ন ব্যাপার। স্বথের কথা আমাদের একজন বাঙ্গালী ডাক্তার এখানে

একটি যক্ষ্মানিবাস স্থাপন করেছেন। নিবাসটি বেশ ভাল—চিকিৎসাও উন্নতধরণের। ঘূর্ণায়মান ঘরগুলার দ্বারা রোগীকে সব সময়ই সূর্যালোক উপভোগ করান যেতে পারে। এখনও অবশ্য খুব বড় করে তুলতে পারেন নি, তবে দেশবাসীর সাহায্য পেলে অচিরেই যে এটা বৃহৎ প্রতিষ্ঠানে পরিণত হবে সে বিষয়ে কোনো সন্দেহ নেই।

আগেই বলেছি আসল সহরটি চীনাপিকের পাদদেশে। ঘরবাড়ী দোকান-বাজারে বোঝাই একেবারে। নৈনীতাল বাজারটি বেশ ভাল; এখান থেকে বাজার করাই সাধারণের সুবিধে। এর কাছেই বিস্কুট ফ্যাক্টরী, Hydro electric water works প্রভৃতি। কলের জলটি বেশ সুস্বাদু, সব সময়েই পাওয়া যায়। পথে ঘাটে, পাহাড়ে-পাহাড়ে, খানিকটা অন্তরই কল বসান আছে।

নৈনীদেবীর মন্দিরটি হচ্ছে লেকের উত্তর প্রান্তে।



চীনা পিক থেকে তুষার-শ্রেণী

পাশাপাশি তিনটি মন্দির: প্রধানটিতে নৈনীদেবীর মূর্তি। দেবীর মূর্তিটি ছোট, দেহ ঢাকা। চোখ তিনটি বেশ বড় বড় এবং সোণা দিয়ে বাঁধান। অল্প দু'টি মন্দিরের একটিতে আছেন শিব, অপরটিতে ভ্যারে (অনেকটা আমাদের হনুমানের মত)। বর্তমান মন্দিরটি দেবতাসহ পুনরায় নিৰ্মিত হয়েছে—১৮৮২ খৃঃ অব্দে আসলের জায়গায়। কারণ আসল বা পুরাতন মন্দিরটি landslip (পাহাড়খণ্ড পতন)এর ফলে নষ্ট হয়ে যায়, দেবতা যান চূর্ণ বিচূর্ণ হয়ে। পুরাতন মন্দিরটি যে কত পূর্বে স্থাপিত হয়েছিল সে সম্বন্ধে বিশেষ কিছু জানা যায় না—তবে এটা যে খুব পুরাতন সে বিষয়ে সন্দেহই নিঃসন্দেহ।


নৈনীমন্দিরের পেছনে China Mall বা খেলার মাঠ—

নৈনীতালের একমাত্র বৃহৎ সমতল ক্ষেত্র, বেটনীটি প্রায় ৬ মাইল। এটা গবর্নমেন্টের সম্পত্তি, কিন্তু রক্ষার ভার মিউনিসিপ্যালিটির ওপর। স্থানীয় ক্লাবেরা এটা মিউনিসিপ্যালিটির কাছ থেকে জমা নিয়ে থাকেন। এখানে ঘোড়ায়-চড়া থেকে; ক্রিকেট, ফুটবল, হকি প্রভৃতি সবই চলে।

পান্থান (Pankhan) দেবীর একটি মন্দির আছে Déopothaএর তলায়। দেবীর মুখখানি লালটকটকে—তার মধ্যে জিবখানিই সর্বস্ব।

ছুটি সিনেমা আছে এখানে—Capital ও Plaza। এদের মধ্যে Capital Cinemaই ভাল। টিকিট যথাক্রমে আট আনা ও ছ' আনা থেকে উঠে।

ছুটি ব্যাঙ্ক—ইম্পিরিয়াল ব্যাঙ্ক ও নৈনীতাল ব্যাঙ্ক, Lending Library, পাঁচ ছুটি স্কুল। একটি Govern-



লেকে ইয়ট (yacht) খেলা

[ফটো—খগেন দাস]

ment Carpentry Schoolও চোখে পড়ল। এ স্কুলটির 'কোর্স' তিন বছরের—ছেলে আছে মোট ৪২টি।

হোটেলের মধ্যে Metropol, Empire, Royal, Y. M. C. A. এবং Hindusthan বিখ্যাত।

এইটুকু জায়গায় চার্চের সংখ্যাধিক্য দেখে অবাক হয়ে গেলুম। ভাবলুম, সংখ্যাধিক্য বেশী কার—ধার্মিকের, না অধার্মিকের ?

শীত, বসন্ত ও বর্ষা—এই তিনটি মাত্র ঋতু এখানে। ডিসেম্বর থেকে ফেব্রুয়ারীর মাসগুলি পর্যন্ত বরফ পড়ে—সিনেমা, হোটেল, দোকান, বাজার প্রায়ই বন্ধ হয়ে যায়,

তিনভাগ লোক প্রায় নীচে নেমে যায়। স্বাস্থ্য এখানকার খুব ভাল।

লেকে নৌ-বিহার ও মাছ-ধরা বিশেষ উল্লেখযোগ্য, আর স্থলে উল্লেখযোগ্য ঘোড়ায় চড়া। লেকটিকে পারাপারের ভাড়া ৬ জনের ২২ আনা। ঘোড়া ঘণ্টায় ৬ আনা থেকে আট আনা। yacht (ইয়ট) গুলো কেবলমাত্র গুখানকার ক্লাবের সভ্যদের জন্ত।

... কবি সত্যই বলেছেন : To me high mountains are a feeling। এক একদিন যখন লেকের ধারে বেষ্টিতে একা একা বসে থাকি তখন এমন সব কথা মনে হয়... মনে হয় এই গিরিবনের শ্রামলিমার পেছনে, ওই সৌন্দর্যের অন্তরালে একজন দেবতা আছেন... যিনি পৃথিবীর এই সমস্ত সৌন্দর্যের আধার—তিনি আমাদের তাকে কাছে ফিরে যাবার জন্ত নিয়ত ডাকেন, পথ দেখিয়ে দেন...

এই মানবমণ্ডলী, ওই প্রাণীকুল, কীট-জগৎ একদিন হয় তো তাঁরই অংশ ছিল—মহাকালের সূর্যায়মান চক্রে ছিন্ন হয়ে জন্মের আরম্ভে সকলেই কীটাণুকীট হয়ে করেছিল জন্মগ্রহণ... তার পর তাঁরই দর্শিত পথে চলে... প্রেমের পথে স্নানরের সাধনা করে ওদেরই এক দল কত জন্মজন্মান্তরের মধ্য দিয়ে—সেই ক্ষুদ্র কীটাণুকীট থেকে অভিব্যক্তির পথে সরীসৃপ পশুপক্ষী হয়ে মানবজন্ম লাভ করেছে... এখনও তাদের সাধনা শেষ হয় নি, যে দিন শেষ হবে সেদিন ওই বিরাট অসীমের সাথে গিয়ে মিলন হয়ে যাবে...। তিনি তাদের সব ফিরে পেতে চান, কারণ তারা যে বিরাট তাঁরই অংশ—তাদের ছাড়া যে তিনি অসম্পূর্ণ।

আমি তাঁকে পেতে চাই না... আমি তাঁর সাথে মিশে লীন হয়ে যেতে চাই না...। যে লক্ষ কোটি বৎসর ধরে প্রেমের মধ্য দিয়ে স্নানরের সাধনা করে আজ মানবজন্ম লাভ করেছে, তাকে আমি হারাতে চাই... আবার সেই কীটাণুকীট হয়ে চাই জন্মাতে। স্নানরের সাধনা করে লক্ষ কোটি জন্মান্তরের মধ্য দিয়ে আবার মানব হয়ে জন্মাবো... আবার ফিরে যাবো সেই কীটাণুকীটে...। আমি তাঁকে পেতে চাই না, আমি শুধু চাই তাঁকে পাবার আশায় আশায় থাকতে... কোটি কোটি বৎসর... অনন্ত কোটি বৎসর... সৃষ্টির সমাপ্তি পর্যন্ত...

আমার সামনে থেকে ওই নৈনীদেবীর মন্দির অদৃশ্য হয়ে যায় ধীরে ধীরে... ওই সন্ন্যাসীদের ভ্রান্ত, অলীক বলে মনে হয়... পরপারে বনময় পাহাড় স্পষ্ট হয়ে ওঠে, বনপথে গরুর পালকে নামতে দেখি... তাদের গলার ঘণ্টা বাজে, সে ধ্বনি একটি অনন্ত সুর হয়ে এসে কাণে বাজে... তার কাছে নৈনীদেবীর ঘণ্টাধ্বনি অস্পষ্ট হয়ে যায়... কাণে প্রবেশ করে না। আমার মন বলে ওঠে :

'মুক্তিকা-ছানি' আমার দেবতা গড়ে নি কুন্তকার,
ভাস্কর আসি হানে নাই তাঁরে ছেনি ও হাতুড়ি তার ;

... ..


এ জীনে আর করিতে নারিব অস্ত্রের আরাধন,
মরমে পেয়েছি পরশ-মাণিক ! সোনা হয়ে গেছে মন !
বাণী যাবে না বিনয় : সমর এসে কাঁধে হাত দিল।
চল !

সৈন্যদল বলে : এক সের আপেল নিয়ে এলুম বিনয়
... ৬ আনা সের। তোমার ভাগে ছ'পয়সা পড়েছে।

ওগো আমার ভালবাসে... খুব ভালবাসে, কিন্তু
অনুগ্রহ করে না... এ জন্তই ওদের অত ভালবাসি।

বাঙ্গালী-বাসিন্দা এখানে খুব কম। Eastern Commandএর ইন্জিনিয়ার পরেশ মজুমদার, এখানকার S. D. O. এবং সবশুদ্ধ আরো গুটি চারেক বর আছেন। বেড়াতে ও বাঙ্গালী খুব কম আসেন। পরেশ মজুমদার মহাশয় দিব্য লোক—যেমন আমুদে—তেমনি মিশুক। আমরা গেছি শুনে তিনি নিজেকে এসে আমাদের সঙ্গে দেখা করলেন... আদর আপ্যায়িত করলেন খুব। তাঁর ভাই পো নীতীশ মজুমদার আমাদের সঙ্গেই ঘুরে বেড়াতেন। সম্প্রতি আমাদের হোটলে আরো দুজন বাঙ্গালী অতিথি এসেছেন—তার মধ্যে আমাদের কলেজের Vice-Principal Dr. B. C. Ghose ও Mrs. B. L. Chowdhury। Dr. Ghoseএর সঙ্গে আগে কখনো মিশবার সুযোগ হয় নি, এখন সুযোগ পেয়ে ধন্যহলুম। তাঁর মত লোক খুব কম দেখেছি। রোজ সন্ধ্যার পর আমাদের ঘরে এসে

বসতেন... নানা দেশের গল্প হত... বিলেতে দশ বছর কাটিয়ে ছিলেন কি রকম ভাবে, আরো কত কি ? প্রায়ই আমাদের জন্ত আপেল, আঙ্গুর, বিস্কুট, কেক প্রভৃতি পাঠিয়ে দিতেন... আমাদের সুবিধে অসুবিধের প্রতি তীব্র দৃষ্টি দিতেন। এক একদিন মিসেস বি-এল-চৌধুরী নেমস্তম্ব করতেন—গাইয়ে



নৌ-বিহার [ফটো—রবি চট্টোপাধ্যায়
বন্ধুদের গাইবার জন্ত ; Dr. Ghoseএর ঘরে আসর বসত...
দল বেঁধে সব যেতুম... গানের পর হত প্রচুর জলখাওয়া...
রবি, বিজয়, হরদেব আমাদের ঘরে এসে বসে, গল্প



তুষারপাতে নৈনীতাল

করে, বলে : ছুদিন বাদে ভুলে যাবে তো এ সব ? হরদেব
তো' বলেই বসল—

“... ছুদিন পরে যাবে চলে।

ঝিঙ্ককের ছুটি খোলা।

মাঝখানটুকু ভরা থাক
একটি নিরেট “ভালবাসা” দিয়ে,—
দুর্লভ মূল্যহীন।’



মিউনিসিপাল গার্ডেন ও লেক

[ফটো—রবি চট্টোপাধ্যায়]

বলে : না বন্ধু, এত সহজে কোন জিনিষ ভোলবার
নয়। যেখানে তোমাদের স্মৃতিটুকু রেখে দিলুম,

‘সে-নব জগতে কাল-ধারা নাই, পরিবর্তন নাই,
আজি এই দিন অনন্ত হয়ে চিরদিন রবে চাহি।’

রাত্রে শুয়ে শুয়ে ওদের সব ভবিষ্যতের আশার কথা
শুনছি। ওদের কেউ হবে ব্যারিষ্টার, কেউ বা এগ্রিকালচার
পড়তে যাবে ‘ডেনমার্ক’, কেউ বা করবে coal সম্বন্ধে রিসার্চ
বিলেত গিয়ে, ...

আমি শুধু শুনেই যাচ্ছি... শুধু...

নিশ্চয় রাত্রি। অন্ধকার—বাইরে ভেতরে একটুও
তফাৎ নেই—গাঢ় অন্ধকার। ‘উইপিং উইলোর’ কান্না
এখান থেকে বেশ স্পষ্ট শুনতে পাচ্ছি... বেশ স্পষ্ট...

বন্ধুদের আর ভাল লাগছে না নৈনীতাল, কালকেই
আগ্রা রওনা হতে হবে। বিকেলে একবার দল বেঁধে
বেড়াতে বেরলুম। প্রকৃতি যেন মাল্লুয়ের কাছে প্রিয়ার
প্রথম চিঠি—যতবারই পড়া যাক না কেন, নূতন লাগবেই।
যে রাস্তা দিয়ে কতবার গেছি, সে রাস্তা দিয়ে চলতে
আবার নূতন নূতন লাগছে। একটি ভদ্রলোক ও
একটি ভদ্রমহিলা আসছিলেন একসঙ্গে। ভদ্রলোক
‘সুট’ পরে, মহিলাটি ইউ, পি, ধরণের কাপড় পরে। কেউ

বলছে বাঙ্গালী, কেউ বা কছে ‘প্রোটেষ্ট’। তাঁরা কাছে
আসতেই তপেশবাবু বলে উঠলেন : এ্যাডিন এসেছি,
অথচ একজন বাঙ্গালীর মুখ দেখলুম না স্তার—আর এদেশে
থাকা নয়—

ওঁরা দুজনে হেসে উঠলেন...তার পর হল নমস্কার
বিনিময়—আলাপ পরিচয়। এমনিভাবে ওখানে যে কজন
বাঙ্গালী আছেন বা গিয়েছেন, তাঁদের সবার সঙ্গে আলাপ
করেছি।

বিদায়ের ক্ষণে নাথুরাম, নীতীশবাবু এসে দাঁড়ালেন।
আমাদের ঠাকুর নাথুরাম এবং ওখানকার বন্ধু নীতীশবাবু
এ ক’দিনে আমাদেরই একজন হয়ে উঠেছিলেন, ওদের যে
কখনো ছাড়তে হবে তাও ভাবিনি। আমরা হয় তো ক
বৎসর এই পৃথিবীতে বেঁচে থাকব, কিন্তু কোনদিনই হয়তো
দু’জনের মাঝে আর দেখা হবে না—আশ্চর্য্য...ওদের
বিদায় দিতে গিয়ে চোখটা আপনি জলে ভরে উঠে।

‘হায় ওরে মানব হৃদয়—

বার বার—

কারো-পানে ফিরে চাহিবার—

নাই যে সময়,

নাই নাই।’



লেখক [ফটো—সমর চট্টোপাধ্যায়]

৬-৩৩ মিনিটে আগ্রা এক্সপ্রেস ছাড়ল। Au revoir.
Good-by. এমনি দু’ একটা কথা কাণে এল। কি

তার মূল্য কতটুকু ! তার মধ্যে বেদনা নেই, আবেগ নেই,
সে শুধু কথার কথা।

‘কত যে প্রাতের আশা ও রাতের গীতি,

কত যে সুখের স্মৃতি ও দুখের প্রীতি,

বিদায় বেলায় আজিও রছিল বাকি।’

তার খোঁজ ক’জন করলে ?

এর মধ্যে সবার চরিত্রের দুর্বলতা ফুটে উঠেছে—

ফুটে উঠেছে স্বার্থপরতা, প্রভুত্ব, অহঙ্কার। প্রকৃতির

ঐর্ষ্যের অন্তরালে চরিত্রের ত্রুটির ওপর একটা মাধুর্য্য,

সরলতা, অসামান্যতা ফুটে উঠেছিল পরস্পরের মধ্যে...

একটা সখ্যবন্ধন করেছিল বিকাশলাভ—নৈনীতাল
ছাড়বার সঙ্গে সঙ্গেই সে বন্ধন গেল ছিঁড়ে, মাধুর্য্য গেল
নষ্ট হয়ে, অসামান্য হল সামান্য...যারা ছিল আপন, তারা
হল পর। নিজের মনেই বলে উঠলুম :

‘হায় রে হৃদয়,

তোমার সঞ্চয়—

দিনান্তে নিশান্তে শুধু পথপ্রান্তে ফেলে যেতে হয় !’

কাঠগুদাম স্টেশনের ডিস্ট্যান্ট সিগনালটা ক্রমশ

অস্পষ্ট হয়ে আঁধারের মধ্যে বিলীন হয়ে গেল...

আগ্রা এক্সপ্রেস তখন পূর্ণগতিতে ছুটে চলেছে...

এখনই চলিয়া যাবে ?

শ্রীসাবিত্রীপ্রসন্ন চট্টোপাধ্যায়

এখনই চলিয়া যাবে ? হে সুন্দরী, সন্ধ্যার অতিথি,

এখনও সগুনপ্রান্তে দিবসের স্তিমিত আলোক

নিঃশেষে বিদায় নিতে পারেনি ক’ ধরার মায়ায়,

সে মায়া মধুর এত—যেতে হবে তাও ফিরে ফিরে

পিছনে চাহিয়া দেখে, প্রিয়া তারে ডাকে কি না ডাকে।

স্বপ্নলোকে, মায়ালোকে, প্রিয়ারে কে দিয়া নির্বাসন

কালের শাসন মানি ফিরে যেতে চায় গৃহ কোণে ?

ব্যথা বাজবে না বুকে ? নিঃসঙ্গ ফেলিয়া যাবে মোরে ?

শেষ ঘট ভরি’ ত্রস্ত পদে ; দিবসের শেষ রৌদ্রটুকু

নারিকেলশাখার আড়ালে ঝিলিমিলি করিছে এখনও।

রাত্রি হ’তে দেবী নাই,—তবু সন্ধ্যা এখনও রয়েছে,

স্নান সন্ধ্যা তবু ত’ রয়েছে। তোমারে পেয়েছি কাছে

এর বেশী আর কিছু নাহি চাই, থাক তুমি আরো কিছুক্ষণ,

স্মৃতির ফলকে রাখ চির-লেখা এ ক্ষণ ভুঞ্জন।

সম্মুখে আঁধার রাত্রি, একা আমি তুমি নাই পাশে
বিনিদ্র নয়ন দুটি তোমারে খুঁজিয়া হ’বে সারা
একা জাগি মায়ালোকে, একা জাগে দূরে সন্ধ্যাতারা।

সন্ধ্যায় এসেছ বলে, চলে যাবে রাত্রি না আসিতে ?
এখনও আসে নি রাত্রি !—এ কেবল সন্ধ্যার আঁধার
আমারে দেখায় ভয় ;—তুমি মোরে দেবে না অভয় ?
চেয়ে দেখ নদী পারে পল্লী-বধু এখনও ফেরে নি—



বিরহ-মিলন কথা

শ্রীহীরেন্দ্র বন্দ্যোপাধ্যায়

মাধবীর আনন্দোজ্জ্বল মন গেল বিশ্বাদ হ'য়ে তিক্ত হ'য়ে। শৈবাল যে এই কারণে তাকে এমনতর কঠিন আঘাত করবে এ কথা একটাবারও তার মনে হয় নি। বরঞ্চ সে ভেবেছিল বাঙীতে এই রকম একজন মাননীয় অতিথি, শৈবাল নিজে থেকেই এ যাবার আয়োজন স্থগিত রাখতে চাইবে। শৈবালের মত যুবকের কাছ থেকে এই প্রত্যাশা করাই যে স্বাভাবিক। কারণ এমন ঘটনা আজ এই প্রথম নয়, এর আগে কতবার এমনি ভাবে অতিথি এসেছে, সে দিন হয়তো কোথাও যাবে ব'লে তারা ঠিক ক'রে রেখেছিল—সে যাওয়ার প্রয়োজন হয় তো এর চেয়েও বেশি ছিল, কিন্তু অতিথির আকস্মিক অভ্যাগমে তাদের যাওয়া হ'য়ে ওঠেনি এবং শৈবালই স্বতঃপ্রবৃত্ত হ'য়ে তাদের যাওয়া স্থগিত রেখেছিল। আর আজ সেই একই কারণে সে এমনি অবিবেচকের মত এমনতর অপ্রীতিকর ব্যাপার সৃষ্টি করতে পারলে কি ক'রে? কি ক'রে সে পারলে হৃদয়হীন হ'য়ে তাকে অপমান ক'রতে—অতিথিকে ক'রতে প্লেষ! এ যে একেবারে অপ্রত্যাশিত ও বিস্ময়কর।

কয়েক মিনিট এইভাবে বিবর্ণ নতমুখে দাঁড়িয়ে থাকবার পর মাধবী নিরানন্দ মন নিয়ে উপরে উঠতে লাগল। হৃদয় লজ্জা ও আশঙ্কায় ঢুলছে। শৈবালের তীব্রকণ্ঠে তাদের কলহের আভাষ কেউ পেয়েছে কিনা এই ভাবনা নিয়ে মাধবী ঘরে গিয়ে ঢুকল। সবিতা তারই জন্তু অপেক্ষা করছিল। বললে : 'কি হ'ল? যাবি নাকি থিয়েটারে?'

'না কাকীমা, আজ আর যাব না।'

'সেই ভাল—বাঙীতে কুটুম এসেচে তাকে ফেলে থিয়েটার যাওয়াটা ভাল দেখায় না' সবিতা মাধবীর আরক্ত মুখের দিকে চেয়ে বললে : 'গেলি নে ব'লে শৈবাল রাগটাগ করলে না তো?'

'বেশ তো—রাগ কেন করবে?'

সবিতার হঠাৎ যেন চমক ভাঙল। ব্যস্ত হ'য়ে ব'লে উঠল : 'হাঁ রাণী, শৈবাল কি চ'লে গেল নাকি? তাকে যে সকালবেলা এখানে খাবার নেমস্তন্ন করবো। আমি

জানি সে ওপরে আসবে। লক্ষ্মী মা আমার—তাকে এখুনি গিয়ে একবার ন'লে আয়।'

মাধবী পড়ল সঙ্কটে। ঈষৎ দ্বিধায় বললে : 'ক্ষতি তো রয়েছে, তাকে ব'লে দাও না কাকীমা। আর শৈবালমার কি এ বেলা খাবার সময় হবে?'

'কেন হবে না। খুব হবে' সবিতা বললে : 'তার জন্তু খাবার আয়োজন করেচি—সে না এলে চলবে কেন। যাতে আসে তার ব্যবস্থা আমিই করচি।'

সবিতা চলেই যাচ্ছিল—হঠাৎ তার নজরে পাড় ঘরের কোনে জড় করা ময়লা কাপড় জামাগুলার উপর। বিস্মিত কণ্ঠে বললে : 'এখনো এ সব ধোবার বাসি যায় নি। কতদিন থেকে বলচি ধোবাটাকে ডেকে পাঠিয়ে কাপড় জামা গুলা দিয়ে দে। তা তোর সে সময়ই হয় না। এমনি ময়লা জিনিষ ঘরে রাখতে নেই, ব্যামো হ'তে পারে।'

মাধবী হেসে বললে : 'আচ্ছা আজ দেব কাকীমা—তুমি দেখো।'

'হাসি নয় এ সব শেখা তো দরকার' সবিতা যেতে যেতে বললে : 'একদিন সংসার ধর্ম করতে যেতে হবে মনে থাকে যেন। চিরকাল এইভাবে কাটালে চলবে না।'

বিজন মাধবীর মুখের দিকে চেয়ে রসিকতা ক'রে বললে : 'স্বপ্নরুচি প্রকর্ষ-চিত্ত হওয়ার বিপদ কি দেখছেন? অনবরত সংসারের তুচ্ছ স্থূল জিনিষের দিকেও জোর ক'রে দৃষ্টিতে সজাগ রাখতে হয়।'

'মেয়ে হ'য়ে জন্মালে' মাধবী হেসে বললে : 'তা রাখতেই তো হবে। কিন্তু সত্য বলচি এ আমার মোটে ভাল লাগে না। আমি একটুও আনন্দ পাই না।'

'কিসে আপনি আনন্দ পান?'

'কিসে আবার' মাধবীর মুখ ঈষৎ রক্তাভ হ'য়ে উঠল। কুণ্ঠিতকণ্ঠে বললে : 'এই—এই ছাত্রী হ'য়ে কলেজে যেতে—লেখাপড়া নিয়ে থাকতে—আর ছুটিতে আগের মতন দেশ বিদেশে বেড়িয়ে আসতে। এক কথায় নিজের মনটার স্বাধীনভাবে ফেলে দিতে। এই আর কি।'

বিজন বললে : 'তাই করেন না কেন? করতে বাধা কি?'

'প্রধান বাধা হ'চ্ছে আমার কাকীমাটি'—মাধবী কল্পণ হেসে বললে : 'বি-এ পড়বার অহুমতি বাবার কাছ থেকে পেলাম, কিন্তু কাকীমার মত পেলাম না। তাঁকে কিছুতেই রাজি করান গেল না।'

'দিদির আপত্তির কারণ?'

'কারণ কাকীমা বলেন বেশি লেখাপড়া করলে মেয়েদের সংসার করার অনেকখানি শক্তিকর হ'য়ে যায়, আর সেটা সংসারের পক্ষে অমঙ্গলজনক। এই মাত্র শুনলেন না স্ত্রী-শিক্ষা সম্পর্কে তাঁর মতামত'—মাধবী বললে : 'এখন কাকীমা প্রাণপণে চেষ্টা করছেন এই বয়সেই আমাকে একটি নিখুঁত পাকা গিন্নী তৈরী করতে। কিন্তু আমি সংসারের কাজে কিছুতেই মন বসাতে পারি না। এমনি বিক্রী লাগে আমার। ওতো আচ্ছই—তবে কেন এখন ছুদিনকার মনের আনন্দকে এ ভাবে নষ্ট করি।'

'ওটা আর কিছুই নয়'—বিজন হেসে বললে : 'দিদি আপনাকে রিহার্সাল দিইয়ে নিচ্ছে। ছুদিন পরে যখন অভিনয় করতে যাবেন তখন যাতে আপনার অভিনয় নিখুঁত হয় তার জন্তুই দিদির এই আপ্রাণ চেষ্টা।'

কথাটা রসিকতার মত বলা হ'লেও এ যে রসিকতা নয় তা মাধবী বুঝল। তার ছদ্ম-সহানুভূতির সুরে সুর মিলিয়ে বললে : 'এটা ব্যক্তিস্বাভাব্যের যুগ। এখন প্রত্যেকে নিজের আনন্দের পথ নিজেই নির্বাচন ক'রে নেবে, একথা বড় বড় মনীষীরা জোর গলায় প্রচার করছেন। আমারও তো তাই মনে হয়। কোন মেয়ে যদি সংসারী হওয়ার চাইতে অন্ত কোন নিস্পাপ আনন্দের পথ নির্বাচন ক'রে নেয়—তবে কেন সকলে তাকে আপ্রাণ চেষ্টা করবে বাধা দিতে?'

'এ যে আমাদের দেশের অন্ধ সংস্কার—যা প্রত্যেক নরনারীর অস্থিমজ্জায় মিশে এক হ'য়ে রয়েছে' বিজন বললে : 'গতানুগতিকভাবেই এরা এই পথটাকে নারীর জীবনের একমাত্র সার্থকতা ও মঙ্গলের পথ ব'লে মেনে নিয়েছে; সেখানে টু শব্দটি করলে আর রক্ষে থাকবে না।' বিজন বললে : 'মাধবী দেবী যদি ডায়োসেনসন থেকে বিএ পাশ ক'রে নিজের পড়াশুনা এবং দেশভ্রমণ নিয়েই পরম

আনন্দে থাকেন তাহলে সবাই বলবে এ গর্হিত কাজ। ভাল হোক, মন্দ হোক, গতানুগতিকভাবে যা চিরকাল আমাদের সমাজের নারীরা মেনে এসেচে তাকে খণ্ডন করার চেষ্টা করলেই প্রথমটা কলঙ্ক আর অপঘণের বোঝায় মাথা ভারি হ'য়ে উঠবে।'

মাধবী আস্তে আস্তে বললে : 'সত্য।'

বিজন হেসে বলল : 'সত্য বলচি আপনাকে আমাদের সমাজে যে ভাবে মেয়েদের বিয়ে হয়—তা আমার কাছে তামাসা ছাড়া আর কিছুই মনে হয় না।' আমাদের বাঙলা দেশের কুমারী মেয়েরা যেন শো-কেশের পুতুল।

মাধবী কোন কথা বললে না। বিজনও নীরবে বাইরের দিকে চেয়ে রইল। কয়েকটা মুহূর্ত কাটল এমনি ভাবে। হঠাৎ বিজনের খেয়াল হ'ল—মাধবী তখন থেকে দাঁড়িয়েই রয়েছে একবার সে তাকে বসতেও অহুরোধ করে নি। লজ্জিত হ'য়ে সে বললে : 'বাঃ আপনি যে সেই থেকে দাঁড়িয়েই আছেন। বসুন।'

'এই তো বেশ আছি!'

'না তা শুনব না বসুন।'

'আচ্ছা বসচি।' মাধবী বিজনের সামনে সুখোমুগি হ'য়ে বসল।

'কোন কাজটাজ নেই তো? এখানে ব'সে গল্প করলে কাজের ক্ষতি হবে না?'

'আমার তো ভারি কাজ। আর গল্পের ভাল সঙ্গী পেলে আমার কাজের কথা ভাবতেই ইচ্ছে করে না।'

'আমাকে তাহলে গল্পের ভাল সঙ্গী ব'লে স্বীকার করছেন?'

'তা করচি।'

এ কথা সে কথার পর বিজন হঠাৎ এক সময় বললে : 'একটা কথা আপনাকে জিগ্গেস করব, কিছু মনে করবেন না?'

মাধবী একটুখানি অবাক হ'য়েই তার মুখের দিকে তাকাল। তার কণ্ঠস্বরে মুখের ভাবে মাধবী বুঝল বিজন সত্যিই তাকে কোন সীরিয়াস কথা জিগ্গেস করতে উত্তত হ'য়েছে। কিন্তু মাধবী ভেবেই ঠিক করতে পারলে না কি এমন কথা জিগ্গেস করার থাকতে পারে—যাতে ক'রে ঐ রহস্যলাপী মুখর যুবকটি তার চারপাশের নির্মল

আনন্দ হাসি কলরোলকে নিমিষে নির্বাসন দণ্ড দিয়ে দিল। কি সে কথা। মাধবী মনে মনে অত্যন্ত কৌতূহলী হয়ে শাস্তকণ্ঠে বললে : 'না—বলুন।'

বিজন বললে : 'প্রথমে ভেবেছিলাম জিগ্গেস করব না, কিন্তু এখন ভেবে দেখছি সেটা না জিগ্গেস করাটাই অভদ্রতা হবে।' বলে বিজন সোজা তার মুখের দিকে চেয়ে বললে : 'শৈবালবাবুর সঙ্গে আপনার যেখানে যাবার কথা ছিল সেখানে গেলেন না কেন জানতে পারি কি?'

মাধবী ভয়ানক বিস্মিত হ'ল। কয়েক-মুহূর্ত তার মুখের দিকে তাকিয়ে থেকে পরে বললে : 'হঠাৎ এ কথা জানতে চাইছেন কেন বলুন তো?'

বিজনের ঠোঁটে একটুখানি মুহূ হাসি ফুটে উঠল। বললে : 'কারণ আছে নিশ্চয়। এটা না জানা পর্যন্ত নিজের কাছেই আমাকে অপরাধী থাকতে হবে।'

কথাটা মাধবীর কাছে দুর্ভেদ্য ঠেকল। বিস্মিত-কণ্ঠে বললে : 'আমি তো কিছুই বুঝতে পারছি না। কথাটা খুলেই বলুন!'

'আচ্ছা খুলেই বলি' বিজন একটুখানি নড়েচড়ে ব'সে নিজেকে ঠিক ক'রে নিয়ে বললে : 'আজ মাসীমার বাড়ীতে আপনাদের নেমস্তন্ন। শৈবালবাবুর মুখ থেকে যা শুনলাম তাতে মনে হ'ল সেখানে সবাই অত্যন্ত উৎসুক হয়ে আপনাদের জন্ত অপেক্ষা ক'রে থাকবেন। আর সেখানে যাবার জন্ত আপনারাও সম্পূর্ণ প্রস্তুত হয়ে ছিলেন—তাই না?'

মাধবী ঘাড় নেড়ে বললে : 'হাঁ।'

বিজন বললে : 'আপনাদের যাওয়ার ওপরই তাঁদের সব কিছু আনন্দ নির্ভর করছে এও সত্য। কিন্তু কি এমন ঘটল যাতে সেখানে না গিয়ে নিজের এবং আরো পাঁচজনের এমন আশার আনন্দকে নষ্ট ক'রে দিলেন?'

কথাটা কৈফিয়তের মত মাধবীর কাণে গিয়ে বাজল। তার মোটে ভাল লাগল না। তার প্রশ্নের উত্তরে মাধবী শুধু বললে : 'না যাবার কারণ আছে।'

'সেইটাই তো আমি জানতে চাইছি' বিজন মাধবীর আনত মুখের দিকে কয়েক মুহূর্ত চেয়ে থেকে বললে : 'আমার কেবলই মনে হ'চ্ছে এর কারণ বোধ হয় আমি

নিজে। হঠাৎ এমনভাবে এসে প'ড়ে সকলের আনন্দকে নষ্ট ক'রে দিলাম।'

মাধবী আনত দুটি চোখ তুলে বললে : 'বেশ ধরন তাই। কিন্তু তাতে আপনার ক্ষতি হ'য়েছে কি?'

'ক্ষতি? আমার?' বিজন বললে : 'আমার আবার ক্ষতি হবে কি? বরঞ্চ ক্ষতি তো হ'ল আপনাদেরই। কিন্তু সত্য এর জন্ত আমি ভয়ানক দুঃখিত হ'য়েছি। আমার জন্ত যে পাঁচজনের আনন্দের আয়োজন নষ্ট হ'ল এই চিন্তাটার আমার এমনি অহুশোচনা হ'চ্ছে। সত্য আপনার আজ না যাওয়া মোটেই ভাল হয় নি।'

মাধবী নিজের মনের বিরক্তি চেপে যথাসম্ভব শাস্তকণ্ঠে উত্তর দেবার চেষ্টা ক'রে বললে : 'কি ভাল হ'ত! শৈবালবাবুর সঙ্গে সেখানে চ'লে যাওয়া?'

'নিশ্চয়।'

'আপনি আজ আমাদের বাড়ীর অতিথি' মাধবী বললে : 'আপনাকে ফেলে আমাদের অন্ত জায়গায় আনন্দ করতে যাওয়াই উচিত হ'ত—এই কি আপনি বলতে চান?'

'তাইতো চাই। কেন আপনি আমার জন্ত আর পাঁচজনের নিরানন্দের কারণ হ'তে গেলেন? আপনি বোধ হয় ভেবেছিলেন আপনার অহুশোচিত অতিথি সংকারের ক্রটি হবে?'

'না, তা ভাবি নি।'

'তবে?'

মাধবীর বিরক্তি এইবার ক্রোধে রূপান্তরিত হ'ল। সে আশা করেছিল তাকে ফেলে তার এই না যাওয়ার জন্ত বিজন খুব খুশি হ'য়ে তাকে অনেক ধন্যবাদ দেবে। এইটা মনে মনে কল্পনা ক'রে শৈবালের দেওয়া ক্রটি আঘাতের জালাটা কিছু পরিমাণে স্নিগ্ধ করেছিল। কিন্তু কল্পনার স্মৃতি গেল টুকরো টুকরো হ'য়ে ছিঁড়ে। এ কি অপ্রত্যাশিত আচরণ। অস্তুর দেওয়া জালা যার সাহসের দ্বারা স্নিগ্ধ করতে চাই সেই দেয় জালা বাড়িয়ে। মাধবী প্রথমটা অভিমান-ক্ষুব্ধ, পরে বিরক্ত, তারপর জ্বল হ'য়ে উঠল। এইবার সে আর প্রতিঘাত দেবার স্মরণ ছাড়লে না। বললে : 'বাড়ীতে একজন অতিথি, তাঁকে ফেলে অন্ত জায়গায় আনন্দ করতে গেলে আর যাই হোক

শিষ্টাচারের পরিচয় দেওয়া হয় না। এই শিক্ষাই আমি চিরকাল পেয়ে এসেছি।'

কথাটা বিজনকে আঘাত করল। বললে : 'তাহ'লে আমি ছাড়া অন্ত যে কেউ অতিথি হ'য়ে এলেও আপনি এই রকম করতেন?'

কথাটা নিতান্ত সামান্য। কিন্তু এই সামান্য কথাটা বিজনের সব কিছুকে নিমিষের মধ্যে মাধবীর চোখের সামনে স্পষ্ট উন্মোচিত ক'রে দিল। সে যে কি কথা তার মুখ থেকে শোনবার জন্ত এত প্রকার কৌশল করছে, ঘুরিয়ে ঘুরিয়ে তাকে করছে আঘাত—তার স্মরণ অর্থ মাধবীর কাছে আর গোপন থাকল না। আজ সে শৈবালের সঙ্গে নিমন্ত্রণ যায় নি ব'লে বিজন বিন্দুমাত্র দুঃখিত নয় বরঞ্চ পবন আনন্দিতই হ'য়েছে। তথাপি নিজের এই আনন্দকে গোপন ক'রে এই ভাব ব্যক্ত করার কারণ, বিজন মাধবীর মুখ থেকে শুনতে চায়, সে এমন ক'রে পাঁচজনের আনন্দকে নষ্ট ক'রল শুধু তারই জন্ত। সে ছাড়া অন্ত যে কোন অতিথি এলেও তার এ যাত্রাকে কোনমতেই রোধ করতে পারতো না। সে বিজনের সঙ্গ মনে প্রাণে কামনা করে এবং তার এই সাহচর্যের আনন্দ আজকের সেই সব আনন্দের চেয়ে মাধবীর কাছে অনেক বেশি উপভোগ্য ও লোভনীয় ব'লেই এমন অনায়াসে সেই সবকে অবহেলা করতে পারল। মাধবীর মুখ থেকে বিজন এটা স্পষ্ট শুনতে চায়। এ তার দুর্ভলতা। কিন্তু অপরের এই দুর্ভলতার পরিচয় পেয়ে অন্ত জনের বুকের ভেতরটা এক অনির্ভরচনীয় আবেগে এবং লজ্জায় ঢুলে উঠল। কিন্তু নিজের এই দুর্ভলতা বিন্দুমাত্র প্রকাশ হ'তে দিল না। তার কথার উত্তরে তেমনি শাস্তকণ্ঠে বললে : 'হাঁ আর যে কেউ হ'লেও ঠিক এই রকমই করতুম।'

এই অপ্রত্যাশিত কথায় বিজন খুশি হ'ল না, হ'তে পারেও না। মাধবীর কথার উত্তরে সে একটুখানি হাসল। সে হাসিতে আনন্দ না থাক কৃত্রিমতাও ছিল না। বললে : 'যাক বাঁচা গেল। ভেবেছিলাম আমার জন্তই এটা হ'ল। আমি আবিভূত হ'য়েই—'

মাধবী বাধা দিয়ে বললে : 'তা কেন হবে? আর আপনি এটাকে নিজের মধ্যে সীমাবদ্ধ ক'রে দেখছেন কেন? ব্যাপক ভাবে দেখুন!'

'আমার তাহ'লে কোন অপরাধ নেই?'

'না' ব'লে মাধবী অনেকক্ষণ পরে একটুখানি হাসল। কৌতুক স্নিগ্ধ কণ্ঠে বললে : 'এবার ছুঁতাবনা গেল তো? এখন নিশ্চিত হ'লেন?'

'হ'লাম বৈ কি' ব'লে বিজনও হাসল।

মাধবী মুহূ হেসে বললে : 'সত্য আপনার মতন সহৃদয়তা দুর্লভ। এমন ক'রে পরের জন্ত ভাবতে বড় একটা কাকেও দেখা যায় না।'

মাধবীর মুখের হাসি সবেও তার কথায় যে স্মরণ শ্লেষ ছিল তা বিজন টের পেল এবং সেও সোজাতর আরও প্রচ্ছন্নভাবে শ্লেষের উত্তর দিতে দ্বিধা করলে না। বললে : 'তা বটে। কিন্তু সেটা সব জায়গায় নয়। স্থান কাল পাত্র বিশেষে আমার সহায়তার সীমা এমনি অতিক্রম ক'রে যায় বটে।'

এই কথার উত্তর দেবার জন্ত উত্তত হ'য়ে মাধবী চোখ তুলতেই দুজনের চোখে চোখ মিলল এবং পরক্ষণেই মাধবী আরক্ত-মুখে চোখ নত করল। ইতিপূর্বে অনেকবার তাদের চোখোচোখি হ'য়েছে কিন্তু এমনতর লজ্জা সে পায় নি। কেন জানি না বিজনের সঙ্গে চোখ তুলে কথা কইতে তার বড় লজ্জা করছিল। তার মুখের কথা মুখেই রয়ে গেল। আর নীরবতার মধ্য দিয়ে কয়েকটা মুহূর্ত গেল কেটে।

তারপর মাধবী বললে : 'এতখানি সময় বাজে কথায় গেল। এবার কিন্তু গল্প বলুন।'

'আমি কি গল্প বলব। বরঞ্চ আপনি বলুন।'

'বা: আমিই তো শুনব। আপনি বলুন।'

'না—আপনি বলুন।'

'বেশ যাহোক আমি কি গল্প জানি। আপনি বলুন।'

'আমি সত্য গল্প জানি না।'

'খুব জানেন' মাধবী সেকৌতুকে বললে : 'গল্প ক'রে আপনি চমৎকার আসর জমাতে পারেন। আপনার অসামান্য গুণের মধ্যে এটি অন্ততম।'

'তাহ'লে' বিজনও হেসে বললে : 'শরৎচন্দ্রের ভাবায় ব'লতে হয় 'অনেক প্রকারের গুণগ্রামেই ইতিপূর্বে মণ্ডিত হ'য়ে উঠেছি।'

মাধবী হাসতে হাসতে বললে : 'হাঁ।'

হুজনে মুখোমুখি হ'য়ে বসে গল্প ক'রতে লাগল এবং কয়েক মিনিটের মধ্যে এই দুটি তরুণ তরুণীর আলাপ একেবারে নিবিড় হ'য়ে উঠল। বিজনের মুখে শিলঙের গল্প শুনতে শুনতে মাধবীর দুটি চোখ কৌতুহলে উজ্জ্বল হ'য়ে উঠল। শিলঙ—শিলঙ তার মনকে এক অপূর্ণ স্বপ্নরাজ্যের কথা স্মরণ করিয়ে দেয়। রবীন্দ্রনাথের লেখায় শিলঙের যে ছবি সে দেখেছে—তার রঙ জীবনে তার মন থেকে গ্লান হবে না। ভারি ইচ্ছে করে একবার তাজমহল দেখে আসি। সুন্দর ব'লে—বিস্ময়কর ব'লে—গতানুগতিকভাবে তাজকে মেনে নিতে চাই না। আমি চাই তাকে নিজের চোখে দেখতে। রবীন্দ্রনাথ, শরৎচন্দ্র, আলতুম হাক্কালি প্রভৃতি মনীষীগণ তাজকে ভিন্ন ভিন্ন দৃষ্টিতে দেখেছেন—ভারি ইচ্ছে করে দেখতে কি ভাবে এবং কোথায় এঁদের দৃষ্টিভঙ্গীর সঙ্গে আমার দৃষ্টির পার্থক্য ঘটল। এই রকম আরো কত প্রশঙ্গ এল এবং গেল। বিজন সত্য-সত্য বিশ্বিত না হ'য়ে পারল না। এতটা কল্পনা করা তার পক্ষে সম্ভব হয় নি। বিস্ময় লাগে বৈ কি। একুশ বছর বয়সের মেয়ে কিন্তু কি তীক্ষ্ণ উজ্জ্বল মার্জিত মন, সুস্বপ্ন রুচি। কোন বিষয়ে কৌতুহলের অভাব নেই, গতানুগতিক ভাবে কোন জিনিষ মেনে নিতে রাজি নয়। সব কিছু নিজের নির্ভিক এবং রসিক মনের কাছে যাচাই ক'রে নিতে চায়। বিজনের বিস্ময় শ্রদ্ধায় রূপান্তরিত হ'ল এবং কিছুক্ষণ আগে মেয়েটির প্রতি যে অবিচার করেছিল সেই কথা স্মরণ ক'রে নিজেকে যেন ছোট মনে হ'তে লাগল।

অবশেষে উঠল সাহিত্যের প্রশঙ্গ। গল্‌সোয়ার্দি বড় নাট্যকার না ঔপন্যাসিক, কিসে তাঁর শিল্প পরিপূর্ণরূপে আত্ম-প্রকাশ ক'রেছে। আচ্ছা—লোকের ধারণা কি ভুল নয় যখন তারা বলে Dolls house ইবসেনের সর্বশ্রেষ্ঠ নাটক। An enemy of the people কি ইবসেনের নাট্য-প্রতিভার শ্রেষ্ঠতম বিকাশ নয়? এই নাটকখানি পড়ে কি তাঁকে পূজা করতে ইচ্ছে করে না। দেশের ভয়াবহ মিথ্যাচারের হাত থেকে সমাজের নরনারীকে রক্ষা করবার জন্ত যেন Dr Stockman ধরল অস্ত্র। কিন্তু সেই সমাজেরই নরনারী ভুল বুঝে তাকে দেশশত্রু ব'লে অপমান করল—মির্দয়ভাবে লাঞ্চিত ও প্রতারণিত করল—অবশেষে দেশ থেকে শত্রু ব'লে ত্যাগ দিয়ে দিতে চাইল। অথচ সমস্ত

নিন্দা গ্লানি কলঙ্ক অপমান মাথায় নিয়ে, কঠিন আঘাতে ক্ষতবিক্ষত হ'য়েও একা দাঁড়িয়ে তাঁর সেই অবিচল সংগ্রামের বিরাম নেই। কি গভীর সত্যোপলব্ধি। ষ্ট্রীও-বার্গের নারী-বিষেয়ের মূলে তার ব্যক্তিগত জীবনের কোন ঘটনা ছিল কি না—তাঁর অবর্ণনীয় বীভৎস নাটক Fatherএর সেই captainএর শোচনীয় পরিণামের কথা মনে পড়লে কি গায়ে কাঁটা দিয়ে ওঠে না—এমনতর বীভৎস রসসৃষ্টির মূলা আর্টে কতখানি যার প্রভাব পড়ে মনের উপর নয়, হৃদয়ের উপর। উষ্টয়েভস্কির বিখ্যাত উপন্যাসের সেই ছবিটা কি অপূর্ণ! প্রায়াক্রমিক স্বপ্ন-পরিসর একখানি ঘরের এক ধারে টেবলের উপর একটি প্রজ্জ্বলিত বর্জিকা, তার মিটমিটে আলোয় ঘরখানি অতুত রহস্যময় ব'লে বোধ হচ্ছে। সেই স্বপ্নাঙ্গীকৃত আবছায়া ঘরে গ্লান-বর্জিকার আলোর ঠিক নীচে ব'লে ক্ষীণাঙ্গী sonia উদাত্তকণ্ঠে পড়ছে বাইবেল, আর অদূরে ব'লে হত্যাকাণ্ডী Rascalnicoff স্থির নিশ্চল নিরুদ্ধ ধাস হ'য়ে তাকিয়ে আছে soniaর গভীর তন্ময়তা-মাগান মুখের দিকে। তার আত্মা তখন পৃথিবীর ধূলা মাটির স্রোতে অতিক্রম ক'রে হয়তো কোন অনন্ত সৌন্দর্যের উদ্দেশে যাত্রা ক'রেছে। শিল্পীর নিরপেক্ষতা কি আপনি বিশ্বাস করেন? মানি—আর্টে কেমন ক'রে বলা হ'ল এইটাই সবচেয়ে বড় কথা—কিন্তু কি বলা হ'ল সেইটা কি অবহেলার?

এমনি ধরণের আলাপ আলোচনায় হুজনে এত তন্ময় হ'য়ে পড়েছিল যে তাদের এ খেয়াল নেই—এদিকে দেড়টা বেজে গিয়ে বাইরের মধ্যাহ্ন আকাশে রৌদ্র প্রখর হ'য়ে উঠেছে। বিজন যখন মাধবীকে উদ্দেশ ক'রে বলছে : 'দেখুন বর্তমান যুগে পিওর আর্টের খুব বেশি কদর নেই যদি না তার মধ্যে কিছু পরিমাণে জার্গালিসম থাকে। দৃষ্টান্ত হিসাবে নিতে পারেন বার্গার্ড শ'কে। বার্গার্ড শ'র রচনা যে সার্বজনীন সমাদর পেয়েছে—বর্তমান যুগের কোন খাটি শিল্পীর পরিপূর্ণ শিল্পসম্মত রচনা তার অর্ধেক সমাদরও পায় নি, তার কারণ আমার কি মনে হয় জানেন—' ঠিক এমনি সময় চাকর এসে জানাল যে সবিতা খাবার জন্ত অনেকক্ষণ ডাকাডাকি করছে তখন তাঁদের হুজনেরই চমক ভাঙল, বিজন লজ্জিত মাধবী

সরম-কুণ্ঠিত। চাকর চ'লে গেলে পর হুজনে সিঁড়ি দিয়ে নামতে লাগল। এই অল্প সময়ের মধ্যে তারা যে হুজনের মনকে গভীরভাবে স্পর্শ করতে পেরেছে এবং একটি বিশুদ্ধ মনস্তত্ত্ববোধ জন্মেছে হুজনের মধ্যে—এই উপলব্ধি হুজনের অন্তরে সুধাবর্ষণ করতে লাগল। বিজনের মনে এমন একটি অনির্বচনীয় রসের স্পর্শ লাগল, যার স্বাদ জীবনে কখনো পায় নি। এই স্পর্শ, এই রসের নিশ্চল ইঙ্গিত তার মনের বুকের কোরকগুলিকে একটি একটি ক'রে জাগিয়ে দিল। বাতাসে সেগুলি রজনীগন্ধার কোমল শাখার মত ছলে উঠে সমস্ত মনকে সৌরভে আকুল ক'রে তুলল। এই পৃথকু স্পর্শ হাতকোতুকে মুখের ক'রে নীচে এঃসই অকস্মাৎ মাধবী থমকে দাঁড়িয়ে প'ড়ল। চকিতে তার মুখের হাসি গেল মিলিয়ে। নীচের দালানে খেতে বসবার আয়োজন করা হ'য়েছে। পাশাপাশি দুখানি আসন পাতা রয়েছে একধারে। একখানি শূন্য, অত্থখানির উপর স্তব্ধ নতমুখে ব'লে শৈবাল, আর তারই সামনে পাখা হাতে ক'রে ব'লে সবিতা তাদেরই জন্ত অপেক্ষা ক'রে রয়েছে। কালবিলম্ব না ক'রে বিজন আসনখানির শূন্যতা পূর্ণ করল। মুহূর্তকালমাত্র পরক্ষণেই নিজেকে সংযত ক'রে মাধবী এগিয়ে গেল।

সবিতা মাধবীর মুখের দিকে চেয়ে বললে : 'এমনি গল্পে মেতেছিলি যে আমার এত হাঁকাহাঁকি ডাকাডাকি কাণেও যায় নি। বিজন আজ এসেচে ওর দোষ দিইনে, কিন্তু তোর তো এদিকে হুঁস থাকা উচিত ছিল। গল্প তো আর পালাচ্ছিল না, খাবারদাবার পর করলেই হ'ত। শৈবাল সেই কখন থেকে ব'লে আছে। এত বেলায় তোমার বড় কষ্ট হ'ল, না শৈবাল?'

'না—কষ্ট আর কি।'

'দিদি অবিচার ক'র না' বিজন বললে : 'এতে এ অধীনও দায়ী। চোখের সামনে সব দেখে ওঁর ঘাড়ে চাপাতে দেব না।'

হুজনে পাশাপাশি আহাির করছে। সবিতা পাখা দিয়ে ধীরে ধীরে বাতাস করতে করতে এটা ওটা সেটা আলাপ করছে। বিজন থেকে থেকে মাধবীকে নিয়ে করছে রসিকতা। শৈবাল স্তব্ধ নতমুখে আহাির ক'রে যাচ্ছে—আর মাঝে মাঝে সবিতার কথার উত্তর দিচ্ছে খুব

সংক্ষেপে। তার আশ পাশের হাতোজ্জ্বল মুখের আবহাওয়া থেকে নিজেকে সে কঠিনভাবে বিচ্ছিন্ন রেখেছে। এমন কি সবিতা যে প্রশ্নগুলি তাকে মাঝে মাঝে করছে সেগুলি না করলেই যেন ভাল হয়। সমস্ত লক্ষ্য ক'রে মাধবী বিবর্ণমুখে বসে রইল। তার প্রতি শৈবালের এই অবজ্ঞা এত নিষ্ঠুর এবং স্পষ্ট যে মাধবীর আহত মন অভিমানে ছলে উঠল।

সবিতা বিজনকে বললে : 'হাঁ রে শৈবালের সঙ্গে জানা-শুনা হ'ল এখন কথাটথা ব'ল! হুজনে এমন ভাবে ব'লে খাচ্চিস যেন কেউ কাকেও চিনিস নে।'

বিজনের মুখ লজ্জায় অকস্মাৎ লাল হ'য়ে উঠল। শৈবালের মত যুবকের সঙ্গে নিবিড় পরিচয় করবার জন্ত সে সত্যিই খুব উৎসুক হয়েছিল, কিন্তু শৈবালের এখনকার আচরণ ও ভাবভঙ্গীতে এমন একটা কিছু তার নজরে প'ড়ল যাতে আলাপের প্রবল উৎসুক্য আর থাকল না। আজই সকালে তাদের হুজনের পরিচয় হ'য়েছে, তারপর সেই পরিচয়ের পর যখন আবার হুজনে মিলিত হ'ল তখন শৈবাল ভদ্রতার খাতিরে একটি কথাও তার সঙ্গে বললে না—এমন ভাবে খেতে লাগল যেন তাকে সে চেনে না। এই অপ্রত্যাশিত আচরণে বিজন ক্ষুব্ধ হ'ল, দুঃখিত হ'ল এবং বাধ্য হ'য়ে তাকেও এমন আচরণ ক'রতে হ'ল যেন শৈবালের সঙ্গে তার পরিচয়ই নেই। জিনিষটা অত্যন্ত লজ্জাজনক বিজন প্রতিমুহূর্তে তা অহুত্বব করছিল। এতক্ষণ নানা প্রশঙ্গ ও টুকরো হাসি তামাসা জিনিষটাকে একটা আবরণ দিয়ে সকলের কাছে গোপন রেখেছিল অকস্মাৎ সবিতা ঐ একটা কথা দিয়ে সেই আবরণকে উন্মোচিত ক'রে তার নিলজ্জ রূপটা সকলের কাছে যেন প্রকাশ ক'রে দিল। বিজনের লজ্জার আর সীমা পরিসীমা রইল না। তার কেবলই মনে হ'তে লাগল ওপক্ষের আচরণে যত ঔদাসীন্মই প্রকাশ পাক না কেন, নিছক ভদ্রতার খাতিরে তার কি উচিত ছিল না শৈবালের সঙ্গে একটা কথাও বলা? কিন্তু ক্ষণিকমাত্র, পরমুহূর্তেই নিজের স্বভাবসুলভ রসিকতায় জিনিষটার গুরুত্ব একেবারে উড়িয়ে দেবার জন্ত বললে : 'কি ক'রে কথা কইব দিদি? ওঁর সঙ্গে কথা কইবার কি আর মুখ রেখেছি।'

সবিতা ও মাধবী বিস্মিত হ'য়ে তাকাল এবং শৈবালও একটুখানি লজ্জিতভাবে উৎকর্ণ হ'য়ে রইল—তার কথা শোনবার জন্ত।

যদিও বিজ্ঞান মনে মনে বুঝল কৈফিয়ৎটা খুব সম্ভাব্য-জনক হবে না তবু বললে : 'আমার জন্তই তো ঠুঁকে মিছি-মিছি এতক্ষণ কষ্ট ক'রে ব'সে থাকতে হ'ল। এই লজ্জায় ওঁর সঙ্গে কথা বলতে ভয়ানক বাধছিল।' শৈবালকে বললে 'সত্যি এর জন্ত আমি ভয়ানক লজ্জিত।'।

শৈবাল মৃদুকণ্ঠে বললে : 'এর জন্তে আপনার লজ্জিত হবার কোন কারণ নেই।'।

বিজ্ঞান হেসে বললে : 'কারণ আছে বৈ কি। কিন্তু তাই ব'লে দোষ সম্পূর্ণ আমার একার নয়! ওঁর মত চমৎকার গল্পের সঙ্গিনী পেয়েছিলাম ব'লেই তো এটা হল। কাজেই আমার দোষের অর্ধেক ভাগ ওঁর।' মাধবীর দিকে চেয়ে বললে : 'এর অর্ধেক দোষ আপনার ঘাড়ে নিতে রাজি? না, দক্ষ্য রত্নাকরের পরিবারবর্গের মত নিঃসঙ্কোচে ব'লে বসবেন, তোমার দোষের এক কণা ভাগও আমি নিজের ঘাড়ে নেব না।'।

শৈবালের সামনে নিজেকে খুব সংযত ক'রে মাধবী ক্ষুধা-ভাবে তাদের কথাবার্তা শুনছিল, কিন্তু আর নিজেকে সামলাতে পারলে না। বিজ্ঞানের শেষের কথায় উচ্ছ্বসিত হাসিতে ফেটে পড়বার উপক্রম করল। তাড়াতাড়ি নিজের এই অবাধ্য হাসিকে থামাবার জন্ত মুখে আঁচল চাপা দিল, তবু অবরুদ্ধ হাস্তে দেহখানা ঢুলে ঢুলে উঠতে লাগল। একটু পরে হাসির বেগটা থামলে পর বললে : 'কঁবা, কঁকে আপনার সঙ্গে কথায় পারবে।'।

সবিতা হাসতে হাসতে বললে : 'এত জানিস' শৈবালের দিকে চেয়ে হেসে বললে : 'ওঁর সঙ্গে কথায় কেউ পেরে ওঠে না। দেখচ তো কি রকম কথা বলতে পারে।'।

বিজ্ঞান শৈবালকে হেসে বললে : 'আমার একার এত বড় দোষ ক্ষমা ক'রতে হয় তো আপনার বাধত, কিন্তু এখন সেই দোষ ছুজনের ভাগে পড়েছে। আশা করি এখন সহজেই ক্ষমা করতে পারবেন?'।

কিন্তু আশ্চর্য্য—যাকে সম্বোধন ক'রে কথাগুলি বলা হ'ল তার দিক থেকে বিশেষ কোন উত্তরই এল না। মনে হ'ল এই আনন্দ এই উচ্ছ্বসিত হাসির প্রবাহ তাকে লেশমাত্র

স্পর্শ করে নি। শৈবাল নীরবে নতমুখে আহার করতে লাগল বটে কিন্তু তার বুকের ভেতরটা তখন রোষে ফোটে জ্বালায় গুড়ে বাচ্ছিল এবং যার রসিকতায় মাধবী হাসির আবেগে উচ্ছ্বসিত হ'য়ে উঠল, যার কথায় ভগিনী সবিতা ভ্রাতৃগর্বে গর্বিতা হ'ল সেই যুবকটির প্রতি তার সমস্ত মন এমনি বিমুগ্ধ হ'য়ে উঠল যে ভাল ক'রে তার কথার উত্তর পর্যন্ত দিতে তার প্রবৃত্তি হ'ল না। বিযাক্ত বিমুগ্ধ মন তার কেবলই এই আবহাওয়ার মধ্য থেকে নিজেকে বিচ্ছিন্ন করবার জন্ত জোরে তাগিদ দিতে লাগল। অসহ্য মাধবীর নির্লজ্জ হাসি—আর বিজ্ঞানের রসিকতা। মুহূর্তে শৈবালের মুখে সমস্ত আহাৰ্য্য তিক্ত বিষাদ ঠেকল। আহাৰ্য্য যতই সুস্বাদু হোক, এই বিশ্রী অসহ্য আবহাওয়ার মধ্যে তার মত শিক্ষিত উচ্চবংশীয় যুবকের গলা দিয়ে সে আহাৰ্য্য নামবে কেমন ক'রে!

একটু পরে নিজেকে সংযত ক'রে শৈবাল বললে : 'যাক ও কথা আর মিছামিছি ব'লে কি হবে।'।

বিজ্ঞান বুঝল যে কোন কারণেই হোক, শৈবাল তার সঙ্গে নিজেকে ঘনিষ্ঠভাবে জড়াতে চায় না, তাই আর তার সঙ্গে কোন কথা বলবার চেষ্টা না ক'রে আহারে মন দিল। সে তো ভদ্রতা ক'রে কথা বলেছে—তার নিজের দিক থেকে ভদ্রতার সৌজন্তের তো কোন ক্রটি হয়নি—তাই হ'লেই হ'ল।

সবিতা শৈবালের দিকে চেয়ে এক সময়ে ব'লে উঠল : 'হাঁ শৈবাল, মাছের চপটা যে সরিয়ে রাখলে? কালিয়ার বাটিতে তো হাতই দিলে না! রান্না ভাল হয় নি বুঝি।'।

'আর খেতে পারচি না কাকীমা।'।

শৈবালের সমস্ত আচরণ ও ব্যবহারে আখ্যাত পেলেও মাধবী তার সঙ্গে কথা কইবার সুযোগ খুঁজছিল। কারণ তাদের মধ্যে এ পর্যন্ত একটি কথার বিনিময়ও হয় নি, শৈবালের সঙ্গে তার এই আচরণ লক্ষ্য ক'রে পাছে তাদের কলহের কথা কেউ জানতে পারে এই আশঙ্কায় কটকিত হ'য়ে মাধবী এক কোঁশল করলে। শৈবালের কথা শেষ না হ'তেই খুব সহজভাবে হেসে বললে : 'না কাকীমা, শৈবালদার এ কথা একেবারে মিথ্যা। বিজ্ঞানবাবুর সঙ্গে খেতে ব'সে ব'লে লজ্জা ক'রে থাকে, তুমি শৈবালদাকে আলাদা বসিয়ে খাওয়ালেই তো পারতে! লজ্জায় ওঁর হয়তো পেট ভরে খাওয়াই হ'ল না।'।

কথাটা ভারি উপভোগ্য। তিনজনই একসঙ্গে হেসে উঠল। কিন্তু যাকে নিয়ে এ রসিকতা করা হ'ল, সে এর রস-গ্রহণ ক'রতে পারলে না। তেমনি স্বরূপে নতমুখে খেতে লাগল। মাধবী আড়চোখে তা কয়ে দেখলে শৈবালের মুখ পাষণের মত কঠিন হ'য়ে উঠেছে এবং আনত দুটি চোখ দিয়ে অসহ্য ক্রোধে যেন আগুন ঠিকরে পড়ছে।

অনেক জিনিষই সংসারে সবিতার চোখ এড়িয়ে যায়, এটাও গেল। সে শৈবালের কথার সূত্র ধরে বললে : 'খেতে পারবে না কি। কি এমন খেয়েচ তুমি? নাও কালিয়ার বাটি থেকে অন্ততঃ মাছটা তুলে নাও। না-ও ব'সে রইলে যে! হাঁ, তোর যে পাতে সবই প'ড়ে রইল রে, কিছুই যে খেলি নে।' সজনে-ফুল ভাজা ভালবাসিস—বেশি ক'রে দিয়েছে তাও তো ছুঁলিনে।'।

সজনে-ফুল ভাজা খেতে আমি ভালবাসি হা ভগবান এও শুনে হ'ল। তোমাদের মত লোভী নারীদের জন্ত ও বেচারী তো চিরকাল কাব্যে অপাণ্ডভেয় হ'য়ে রইল। তোমাদের লোলুপ দৃষ্টি থেকে সজনে ফুলও পরিভ্রাণ পেলো না। রান্নাঘরে ঢুকিয়ে দিলে ওঁর জাত মেরে। সেই ছুঁতে তো ছুঁই না।

'কি যে সব সময় রসিকতা করিস' ব'লে সবিতা শৈবালের দিকে চেয়ে বললে : 'ভাল কথা' আজ ছুপুর্বে তুমি এস শৈবাল—চারজনে তাস খেলব। রাণী আর বিজ্ঞান এরা দুটি হ'চ্ছে পাকা খেলোয়াড়। আজ তোমাতে আমাতে বসব। দেখি ওঁদের হারাতে পারি কি না।'।

শৈবাল মুখ না তুলেই বললে : 'আজ ছুপুর্বে আমার আসা হ'য়ে উঠবে না।'।

'কেন।'।

'কলকাতায় যাব।'।

'মাসীমার বাড়ীর মেয়েদের খিরেটারে নিয়ে যেতে হবে বুঝি?'।

'না, অচ্ছ একটা কাজে যাব।'।

'তবে ছুপুর্বে নাই গেলে। বিকেলে যেরো।'।

'না কাকীমা, আমাকে এখনি বেরতেই হবে।'।

'আজ কি না গেলেই নয়?'।

'না।'।

সবিতা নৈরাশুক্করকণ্ঠে বললে : 'আজ তাই'লে বেশ খেলা যেত। তা কাল ছুপুর্বে এস, এই চারজনে খেলব।'।

'কালও বোধ হয় আসা হ'য়ে উঠবে না। এ কদিন রোজই কলকাতায় যেতে হবে।'।

সবিতার মুখ দিয়ে আর কোন কথা বার হ'ল না।

বিজ্ঞান বললে : 'ভালই হ'য়েচে দিদি খেললে তো হারতেই! তার চেয়ে না খেলে মনে মনে ভাবা ভাল, খেললে নিশ্চয় জিততে পারতাম। কি বলেন?'

বিজ্ঞান মাধবীর মুখের দিকে চেয়ে হাসলে। সে হাসিতে যোগ দেবার মত মনের অবস্থা মাধবীর ছিল না, সে নীরব হ'য়ে রইল। সবিতা তখন আশাভঙ্গে মুহূমান, মিনিট দুই তাই নিঃশব্দে কেটে গেল। এমনি সময় ভোলা চাকর এসে দাঁড়াল সেখানে।

সবিতা মুখ ফিরিয়ে বললে : 'বাবুদের আঁচাবার জল তোরালে সব ঠিকঠাক ক'রে রাখ, আর তুই এখন এখান থেকে কোথাও যাসনে। বাবুদের খাওয়া হ'য়ে এল। ভাল কথা—হাঁ রাণী, দোতলার ঐ ঘরটা পরিষ্কার করিয়ে বিছানা পাতিয়ে সব ঠিকঠাক করিয়ে রেখেচিস তো মা? বিজ্ঞান ও ঘরটায় থাকবে।

মাধবী ভয়ানক চমকে উঠল। এ কথা তো তার একেবারেই স্বরণ নেই।

'ও কি চূপ ক'রে আছিস যে? সে কথাটা বুঝি একেবারে ভুলে গেছিস?' সবিতা মাধবীর নতমুখের দিকে চেয়ে বললে : 'তোমার মন আজকাল কোথায় প'ড়ে থাকে রাণী? কাল তোকে পই পই ক'রে ব'লে দিলুম, আজ বিজ্ঞান আসবে ঘরটা ভোলাকে দিয়ে ঠিকঠাক করিয়ে রাখিস—'

এবং সঙ্গে সঙ্গে মাধবীর পায়ের নীচেকার মাটি ঢুলে উঠল। আজ যে সকাল বেলা শৈবালের প্রতিবাদ সম্বন্ধেও কলহ ক'রে জোর ক'রে বলেছে—বিজ্ঞান যে আজ আসবে তা সে জানত না—আর সেই শৈবালের সামনেই তার সমস্ত মিথ্যা এমনি নিষ্করণভাবে প্রকাশ হ'য়ে প'ড়ল! সবিতার কথা শেষ হ'তেই শৈবাল মুখ তুলে স্থিরদৃষ্টিতে একটিবার মাত্র মাধবীর মুখের দিকে তাকাল। তার সেই

দৃষ্টির কল্পনাভীত অর্থ হৃদয়কম ক'রে মাধবী নিঃশব্দে বিবর্ণ-
মুখে ব'সে রইল। দুঃখে কোণে লজ্জায় অপমানে তার
চোখে জল এসে পড়েছিল।

অকস্মাৎ শৈবাল ব'লে উঠল : 'আজ একটা অভদ্রতা
করছি কাকীমা, মাপ করবেন—একটা জরুরি কাজে
আমাকে এখন উঠতেই হচ্ছে।'

'সে কি শৈবাল ? তোমার যে খাওয়াই হ'ল না!
কি এমন কাজ—'

'দুটো পঁচিশ মিনিটের ট্রেন এখন না উঠলে ধরতে
পারব না' শৈবাল আসন থেকে উঠে দাঁড়িয়ে বললে :

'খাওয়ার জন্ত ভাববেন না। এত বেশি খাওয়া
কোন দিন খাই নি।'

মাধবী খানিকটা তফাতে তেমনি নতমুখে বসেছিল।
আঁচিয়ে এসে শৈবাল তার পাশে দাঁড়িয়ে তোয়ালে দিয়ে
মুখ হাত মুছতে লাগল।

'শৈবালকে ঘর থেকে চাট্টি মসলা এনে দে রাগী।'

'দরকার নেই কাকীমা, মসলা আমার কাছেই আছে'
ব'লে তোয়ালেটা টাঙানো তার লক্ষ্য ক'রে ছুঁড়ে—শৈবাল
খুব নিম্নকণ্ঠে যেন স্বগত-উক্তি ক'রল : 'ওর মত মেয়ের
ছোঁয়া খেতে আর আমার প্রবৃত্তি হয় না।' (ক্রমশঃ)

অমৃত চায় নর

শ্রীকুমুদরঞ্জন মল্লিক

সংখ্যা ত নাই কতই যে কাজ তার,
বিরিট কৰ্মক্ষেত্র এ সংসার।
সত্য একটা রাজ্য তাহার গৃহ,
সুন্দর এই ভুবন তাহার প্রিয়।
কত আশা আর কতই না শঙ্কা,
বক্ষে তাহার সৃষ্টির আকাঙ্ক্ষা।
সতত যে তার অতৃপ্ত অন্তর,
অমৃত চায়, অমৃত চায় নর।

২

জ্ঞান বিজ্ঞান স্থপতি শিল্পকণা,
সুধার লাগিয়া এ কোন পথ চলা।
যুগের যুগের মহা মানবেরা আসি,—
সুধার খপর দিয়ে যায় ভালবাসি।
ক্ষতি অপ তেজ মরতে ও ব্যোমে হয়ে
সন্ধানী নর সুধার গন্ধ পায়।
দেবতা তাহার অন্তরে দেছে সুধা—
নাহিক তৃপ্তি, মানব যে চায় সুধা।

বিদ্যুৎ আজ তাহার আজ্ঞাবহ
জয় যাত্রার সংবাদ তার লহ।
আকাশ পাতালে স্থাপিয়াছে অধিকার,
করেছে সৃষ্টি সাহিত্য সন্টার।
গ্রহে গ্রহে তার আবিষ্কারের ধুম
তবে দৃষ্টির চলিয়াছে মরসুম।
তবু অতৃপ্ত শান্তি তাহার নাই।
অমৃত চাই, অমৃত তার চাই।

৪

সে ত সব পারে কিছুতেই নহে কম
তাহার সৃষ্ট দ্রব্যও অল্পমম।
প্রাণ প্রতিষ্ঠা করিতে পারে না সে,
সুধার ভাণ্ড নাই যে তার পাশে।
তাই জীবনেতে এত সন্দেহ দোল—
এত সংগ্রাম, হিংসার হিল্লোল।
সদা ধুক ধুক করিতেছে অন্তর,
অমৃত চায়, অমৃত চায় নর।

ধনসঞ্চয়ে জীবন-বীমা

শ্রীসাবিত্রীপ্রসন্ন চট্টোপাধ্যায়

প্রয়োজন কি ?

জীবন-বীমার সার্থকতা কি ?—বিশেষ করিয়া আমাদের
দেশে ইহার ব্যাপক প্রসারের প্রয়োজন উপলব্ধ হইতেছে
কেন—এ সকল কথা চিন্তা করিতে গেলে পারিবারিক
প্রবন্ধের অমর-লেখক স্বর্গীয় ভূদেবচন্দ্র মুখোপাধ্যায়ের "অর্থ-
সঞ্চয়" নামক প্রবন্ধের কথা মনে পড়ে।

ভূদেবচন্দ্র ছিলেন বাঙ্গালা দেশের পারিবারিক মঙ্গল-
বিধানের পুরোহিত—তাঁহার লেখায়, আচার-আচরণে ও
ব্যক্তিগত দৃষ্টান্তে তিনি তাঁহার আদর্শ প্রচার করিয়া
গিয়াছেন!—আজিও পর্যন্ত—এই অদৃষ্টপূর্বক 'প্রগতি'র
যুগেও তাঁহার সে আদর্শ হইতে বাঙ্গালী সমাজ যে সর্বতো-
ভাবে বিচ্যুত হয় নাই এ কথা জোর করিয়া বলা যায়।

সমাজের যে শক্তির উদ্বোধনকল্পে ভূদেবচন্দ্র সঞ্চয়ের
কথা ধরবার উল্লেখ করিয়াছেন, তাহাকেই আজকাল
আমরা অর্থনৈতিক বা আর্থিক সঙ্গতি বা উন্নতি বলিয়া
অভিহিত করিতেছি।

ভূদেবচন্দ্র বলিয়াছেন—“ভবিষ্যদর্শন ও সঞ্চয়ের
উপায়োদ্ভাবন দ্বারা আমাদের সমাজে শক্তিসঞ্চয়ের
প্রয়োজন।” ভূদেবচন্দ্রের নিজের “ভবিষ্যদর্শন” ছিল—
তিনি তাই সমাজের গোড়াপত্তন হইতে আরম্ভ করিয়া
তাঁহার ক্রমোন্নতি ও স্থিতির মূলে বাঙ্গালীর আর্থিক সঙ্গতি
ও সংস্থানের একান্ত প্রয়োজন অনুভব করিয়াছিলেন।
কোনও সমাজের কল্যাণ-সৌধ গঠনের ভিত্তিমূলে সঞ্চয়ের
পাকা মাল-মশলা জোগান দিবার উপায়ই বা কি—তাহাও
তিনি চিন্তা করিয়া গিয়াছেন।

বাঙ্গালী সংসারের দুর্গতি, তাহার পারিবারিক দুঃখ-
দারিদ্র্য ও শোচনীয় উপায়হীনতা তাঁহাকে বিচলিত
করিয়াছিল—আজ তাই জীবন বীমার প্রয়োজন ও
সার্থকতার বিষয় চিন্তা করিতে গিয়া—সম্মিলিত
পারিবারিক জীবনে সর্বদা আস্থাবান সেই চিন্তাশীল
বাঙ্গালীর কথা শ্রদ্ধা-সহকারে স্মরণ করিতে হয়।

বাঙ্গালীর অমিতব্যয়িতাকে লক্ষ্য করিয়া সঞ্চয়-
অভ্যাসের প্রতি তাহার অবজ্ঞা ও আধ্যাত্মিক নিরপেক্ষতায়
হতাশ হইয়া ভূদেবচন্দ্র বলিয়াছেন,—

“এই জন্তই দেখিতে পাই, কেহ বহু বৎসর ধরিয়া মোটা বেতন
পাইয়াও লোকান্তর গমন করিলে তাঁহার স্ত্রীপুত্রাদির ভরণ-পোষণের জন্ত
চাঁদার বহি বাহির হয়। এই জন্তই দেখিতে পাই, কোনও আয়বান
ব্যক্তি একখানি প্রকাণ্ড বসত বাটার কতকদূর প্রস্তুত করিয়া মৃত হইলে
তাঁহার ছেলেদিগকে ঐ বাটার ইট কাঠ বেচিয়া খাইতে হয়। এই
জন্তই দেখিতে পাই, খুব স্বচ্ছল পুরুষ যেই গেলেন, অমনি দেনার দায়ে
তাঁহার ঘটি বাটি পর্যন্ত নিলামে উঠে! এই জন্তই প্রশংসাবাদ শুনিতে
পাই—“অমকের অত আয়, কিন্তু সঞ্চয় এক কড়াও নাই” “অমুক স্বয়ং
ধনগ্রস্ত হইয়াও দান করিয়া ফেলেন, বলেন, ছেলেদের জন্ত কিছু না
রাখাই ভাল; ধনবানের পুত্ররা প্রায়ই মন্দ এবং অকর্মণ্য লোক হয়।”

জগত সম্পর্কে আধ্যাত্মিক মনোভাব বা ঔদাসিন্য
অসংসারী বা সন্ন্যাসীর পক্ষে ভাল—কিন্তু বাঁহারা সংসারী,
স্ত্রীপুত্র পরিবার লইয়া বাঁহারা সংসার ধর্ম পালন করিতে
প্রতিশ্রুত, তাঁহাদের পক্ষে এই প্রকার “অমিতব্যয়িতার
প্রশংসাবাদ সমাজের পক্ষে মঙ্গলকর নহে; যাহা কিছু
আয় হয়, সকলই ব্যয় করিয়া ফেলা গৃহস্থধর্মের
অনুকূলাচরণ নহে।”

সঞ্চয়ের মূলনীতি

জীবন-বীমার মূলনীতিও তাই;—পরিবারের জন্ত সঞ্চয়
করিয়া যাওয়া লোকতঃ-ধর্মতঃ আমাদের কর্তব্য।
সেই সঞ্চয়ের সহজ উপায় উদ্ভাবিত হইয়াছে জীবন-
বীমায়।

জীবনের বিভিন্ন ক্ষেত্রে, পরিবার প্রতিপালন ও
সংরক্ষণের দায়িত্ব প্রত্যেক মানুষের আছে। পুত্রকন্টার
ভরণপোষণ ও শিক্ষার ভার, কন্যাকে সংপাত্রে দান
করিবার দায়িত্ব পিতামাতার, বৃদ্ধ পিতামাতার প্রতি-
পালনের ভার যোগ্য সন্তানের—এইরূপ জীবনকালে এবং
জীবনান্তে স্ত্রীর সর্ববিধ ব্যয়ভার বহন করিবার কর্তব্য

স্বামী—ইহাই সংসার-জীবনে মনুষ্যের দাবী এবং এই দাবী মিটাইবার সহজ উপায় জীবন-বীমা করিয়া নিয়মিত-ভাবে সঞ্চয় করা। যাহার যেমন প্রয়োজন, যাহার যেমন সঙ্গতি, সেই অনুসারে সঞ্চয় করিবার সুযোগ একমাত্র জীবন-বীমাতেই পাওয়া যায়।

গৃহস্থকে যে কিছু কিছু সঞ্চয় করিতে হয় একথা সকল দেশের বিজ্ঞ লোকেই বলিয়া থাকেন। ইংরাজ দার্শনিক মহামতি বেকন বলিয়াছেন—“উপার্জনের অর্ধেক সঞ্চয় কর।” সঞ্চয় ব্যতিরেকে লক্ষ্মীমস্ত হইবার উপায় নাই; পারিবারিক শান্তিও অমিতব্যয়ীর পক্ষে লাভ করা সম্ভব নহে। যিনি “যত্র আয় তত্র ব্যয়” করেন, সংসার-জীবনে সফলতা লাভ করা তাঁহার ভাগ্যে ঘটয়া উঠে না।—ইহা ত আমরা আমাদের ঘরে ঘরে প্রত্যক্ষ দেখিতেছি।

মনীষী ভূদেবচন্দ্র শাস্ত্রজ্ঞ ছিলেন। তিনি শাস্ত্রানুশাসন বিশেষভাবে অনুশীলন করিয়াছিলেন। আমাদের শাস্ত্র বলিতেছেন—

“ভবিষ্যৎকালের জন্ম আয়ের সিকি জমা রাখিবে, অর্ধেক নিত্য-নৈমিত্তিক ক্রিয়াকলাপ করিবে, আর সিকি ধার দিয়া হুদে বাড়াইবে।”

ভূদেবচন্দ্র যখন বাঙ্গালী গৃহস্থের সঞ্চয়ের কথা বলিয়াছেন, শাস্ত্রকার যখন হিন্দুর উপার্জিত অর্থের ব্যয়ভাগ দেখাইয়াছেন, তখন জীবনবীমার তথ্যের কথাই তাঁহার অজ্ঞাতে বলিয়া গিয়াছেন—কারণ প্রত্যেক উপার্জনশীল ব্যক্তির উপার্জনের আংশিক সঞ্চয় সম্পর্কে জীবন-বীমার নীতিও এইপ্রকার। কেন না, জীবনবীমা একাধারে আমাদের সঞ্চয় এবং লক্ষ্মী ব্যাপারে সুবিধা ও লাভের ভাগী করিয়া থাকে। সম্পাদিত জীবন-বীমায় সঞ্চিত একটা নির্দিষ্ট টাকা বাঁচিয়া থাকিলে আমি এককালীন পাইয়া ভোগ করিয়া যাইতে পারিব এবং মেয়াদী সময়ের আগে আমার যদি মৃত্যু হয়, আমার বীমার টাকা আমার জীপুত্রপরিবার পাইবে;—সঞ্চয়ের এই সান্ত্বনা ও শান্তি লাভের সুযোগ দেয় জীবন-বীমা,—বীমা তহবিলের লক্ষ্মী কারবারে আমার প্রদত্ত টাকার অংশতঃ হুদের ভাগীদারও আমি। নিজের আর্থিক সঙ্গতির এই শক্তি মানুষকে বড় করে—পরিবারকে, গোষ্ঠীকে আত্মমর্যাদাসম্পন্ন করিয়া তোলে—জাতিকে আর্থিক সম্পদের পথে ক্রমশঃ অগ্রসর করিয়া দেয়। জীবনবীমার স্বপ্ন তবুই হইতেছে এই।

অবস্থা ভেদে ব্যবস্থা

কিন্তু সকল লোকের আর্থিক অবস্থা সমান নহে এবং সেই কারণেই সকলের পক্ষে সমপরিমাণ সঞ্চয় সম্ভব হইতে পারে না। তাই, ব্যক্তি ও অবস্থা বিশেষে সাধ্যানুযায়ী সঞ্চয়ের ব্যবস্থা দিয়া মানব-সংহিতা রচয়িতা ভগবান মনু বলিয়াছেন,—

“তিন বৎসর খরচের যোগ্য, অথবা এক বৎসরের যোগ্য, তিন দিনের যোগ্য, অন্ততঃ একদিনের যোগ্য ধাতু সঞ্চয় করিবে।”


অতএব দেখা যাইতেছে শাস্ত্রনির্দেশ অনুসারে আমাদের সকলেরই কিছু না কিছু সঞ্চয় করা কর্তব্য।

“যে দিন আনে সে প্রতিদিন সঞ্চয় করিবে, যে মাসে আনে সে প্রতি মাসে সঞ্চয় করিবে, যে বর্ষে আনে সে প্রতি বর্ষে সঞ্চয় করিবে। কিন্তু কিছু সঞ্চয় সকলকেই করিতে হইবে। আর একটি নিয়ম এই যে, খরচের পূর্বভাগে সঞ্চয় করিবে, খরচের শেষভাগে নয়।”

জীবনবীমার তথ্য নিরূপণ বা সঞ্চয়ের “উপায়োদ্ভাবন” সম্পর্কে যাহারা চিন্তা করিয়াছেন, চিন্তাকে ব্যর্থক্ষেত্রে সুপ্রয়োগ করিবার জন্ম ব্যাপ্ত আছেন, সেই বীমাবিদ পণ্ডিতগণও মানুষের বিভিন্ন অবস্থার জন্ম বিভিন্ন প্রকার বীমার ব্যবস্থা করিয়াছেন। ৫০০ টাকা হইতে যেখানে ৫০ লক্ষ টাকা সঞ্চয় করিবার সুযোগ আছে, বয়স এবং মেয়াদ বা কাল অনুসারে চাঁদার তারতম্য রক্ষা করিয়া যেখানে সঞ্চয়ের সৌকর্য্য সাধন করা হইতেছে, সেখানে শাস্ত্র, বিজ্ঞান ও মানবধর্মের প্রতি সতর্ক দৃষ্টি রাখিয়াই কল্লিগণ আপনাদের কর্মপদ্ধতি নিয়ন্ত্রিত করিতেছেন।

পারিবারিক দায়িত্ব

উপযুক্ত সঞ্চয়শীলতার অভাবে আজ বাঙ্গালী সমাজ নানাভাবে দুর্বল হইয়া পড়িতেছে। “অভাবে স্বভাব নষ্ট” এই প্রবচন বাঙ্গালীজীবনে অনেক ক্ষেত্রেই সত্য হইয়া উঠিতেছে। আজ আমরা স্বাধিকারলাভের জন্ম যে প্রাণপাত চেষ্টা করিতেছি—তাহার সাফল্যের জন্ম বাঙ্গালী পরিবারকে আত্মস্বতন্ত্র করিয়া সুদৃঢ় আর্থিক ভিত্তির উপর সংস্থাপিত করা চাই। দরিদ্র পরিবার সমাজকে রুগ্ন, আশা ভরসা ও উৎসাহহীন করিয়া জাতির স্বন্ধে দুর্বল ভার হইয়া পড়িতেছে, আর্থিক সংস্থানে



শিল্পী—শ্রীমতী মণি দেবী

গ্রাম্য স্বর্ণকার

Bharatvarsha Half-tone & Printing Works

সমাজের পুনর্জীবন দান করা ছাড়া জাতির অভ্যুত্থানের আর কোনও উপায় নাই।

মনের ধর্মের দিক দিয়া, সমাজ ও পরিবারের সংহতি ও সংস্থিতি সাধনের দিক দিয়া—ভূদেবচন্দ্র বলিতেছেন—

“সংস্কৃত অর্থে কদাপি নিজের মনে করিতে নাই, বাণ্ডবিক উহা সম্পূর্ণরূপে নিজস্ব নহে। তুমি যাহা রোজগার করিতেছ তাহাতে তোমার পরিচয়ের অংশ আছে। তুমি যাহা সঞ্চয় করিতেছ, তাহাতেও উহাদের অংশ আছে। তুমি সঞ্চয়ের ধন যদি পারিবারিক বিশেষ প্রয়োজন সিদ্ধি প্রচ করিয়া ফেল, তবে কিয়ৎ পরিমাণে পরম্পাপহারী হইবে।”

“পরম্পাপহারী” কথাটি এখানে বিশেষভাবে প্রণিধান-যোগ্য। সমাজে অবিবেচক ও অবিমিশ্রকারী লোকের অভাব নাই। নিজের সুখ ও আরামের জন্ত, পরিবারবর্গকে নিঃসম্বল করিয়া রাখিয়া যাইবার দৃষ্টান্ত ও আমাদের সমাজে

অনেক দেখিতে পাওয়া যায়। উপার্জনক্ষম অভিভাবকদের মৃত্যুতে বাঙ্গালীর ঘরে ঘরে যে দারিদ্র্য দুঃখের হাহাকার উঠিতেছে তাহাত আমরা নিত্যই শুনিতেছি। ইহা হইতেই আমাদের পারিবারিক দায়িত্ব স্মৃতিত হইতেছে। দায়িত্ব এড়াইয়া চলা মনুষ্যত্বের পরিচায়ক নহে। পরিবার সৃষ্টি করিয়া তাহাদিগকে পথে বসাইবার অধিকার আমার নাই। যাহারা পারিবারিক দায়িত্ব এড়াইয়া আত্মসর্বস্ব জীবন যাপন করিয়া সুখী হইতে চায়—ধর্ম ও সমাজের চোখে তাহারা নিন্দনীয়। সমাজকে দুর্বল করিয়া তাহারা ক্রমশঃ জাতিকেও পঙ্গু ও বিপন্ন করিয়া তোলে। কল্যাণ কর্মের সূচনা ও পরিণতির উপর জাতীয়তার সুদৃঢ় ভিত্তি স্থাপিত করিতে হইলে সঞ্চয় তথা জীবনবীমার প্রয়োজন ও সার্থকতা সম্বন্ধে আজ প্রত্যেক বাঙ্গালীকে অবহিত হইতে হইবে।

মনের অন্তরালে

শ্রীসত্যেন্দ্রনাথ মৌলিক এম-এ, বি-এল

শ্রামল এবার অনেক চেষ্টার পর তার বাবার কাছ থেকে মত পেল—তাদের গাঁ কুসুমপুর বাবার। সামনেই বড়দিনের ছুটি, কলেজ দশ বার দিন বন্ধ। তাই শ্রামল তার বাবাকে সিমলাতে লিখেছিল—একটা দিন কলেজের ছুটিতে বাড়ী যেতে চাই। এখন শীতে ওখানে অসুখ বিসুখ নেই; তা ছাড়া সেখানে কদিনই বা থাকব’। একবার ভারী দেখতে ইচ্ছে করে নিজেদের গাঁ-টাকে। সেই কবে যে গিয়েছি দেশের বাড়ীতে তা ভাল করে মনেই পড়ে না। আশা করি এবার অমত হবে না আপনার।

শ্রামলের বাবা জগদীশবাবু থাকেন সিমলা। সরকারী ডাকবিভাগে মস্ত বড় চাকরে—মাইনে হাজারেরও ওপর। বছরের বেশীর ভাগ সিমলাতেই কাটে, দিল্লীতেও থাকতে হয় কিছুদিন করে। শ্রামল তার একই মাত্র ছেলে, আর মেয়ে সীতা। শ্রামল প্রেসিডেন্সিতে পড়ে বি-এ,—থাকে হিন্দু হোস্টেলে। আর সীতা থাকে বাপ মার কাছে—কখনও দিল্লী, কখনও সিমলা। জগদীশবাবু তাঁর ছেলেকে “বইয়ের

পোকা” করতে না চাইলেও তাঁর মনে একটা গোপন আকাঙ্ক্ষা ছিল গোড়া থেকেই। তাই তিনি শ্রামলকে বই নিয়ে বসে থাকতে দেখলেই সুখী হতেন বেশী। বিশ্ব-বিদ্যালয়ের দুটো পরীক্ষাতেই শ্রামল খুব উঁচু স্থানই অধিকার করেছিল, তাই বি-এ ক্লাসে ভর্তি হবার সাথে সাথে জগদীশ বাবু শ্রামলকে লিখতে শুরু করেছেন—সময় নষ্ট কোর না একটুও। বি-এ তে ইকনমিক্সে প্রথম শ্রেণীতে প্রথম হওয়া চাই। অবশ্য শ্রামলের পক্ষে প্রথম হওয়াটা অসম্ভব কিছু নয়, কিন্তু তবুও পরীক্ষার দু-বছর আগে থেকেই তার বাবার অমনি ধরণের আদেশে মনটা দমে যায় অনেকখানি।

এবার সে ঠিক করেছে বাড়ী যাবেই। এতদিন তো তার বাবা যেতে দেন নি মোটে, পরীক্ষা আর পড়াশুনার জন্ত। কলকাতা থেকে কতদূরই বা তাদের বাড়ী। মাত্র একটা বেলা আর একটা রাতের পথ। মনে পড়ে কবে সেই ছোট বেলায় সে মায়ের সাথে গিয়েছিল তাদের গাঁয়ে। তখন সে বাসায় পড়ে মাষ্টারের কাছে। গাঁয়ের ছবিখানি

স্বপ্নের মতই মনে পড়ে তার মাঝে মাঝে। কলকাতার এ কোলাহল থেকে কদিন দূরে সরে যেতে তার ইচ্ছে করে খুব। সিমলা আর দিল্লীতেও তার মোটেই ভাল লাগে না। সেখানে ও পথে ঘাটে, চাল-চলনে, কেমন একটা কৃত্রিমভাব—কেমন একটা মার্জিত রুচির আবহাওয়া। এ সব তার কাছে লাগে অসহ্য। তাই এবার সে তার বাবা আর মাকে অনেক আগে থেকেই লিখেছে—খার্ডইয়ারে কদিনের জন্ত বাড়ী গেলে পড়াশুনার মোটেই ব্যাঘাত হবে না, বরং মনটা তার ভাল হবে অনেকখানি। কি জানি কেন জগদীশবাবুও এবার অমত করেন নি। তবে লিখেছেন—সাতদিনের বেশী থেক না ওখানে, অসুখ বিসুখ হতে পারে। ওখানকার জল-হাওয়া সহ্য নাও হতে পারে তোমার—সাবধানে থেক। শামলের তাই এবার ভারী আনন্দ—নিজেদের গাঁয়ের বাড়ীতে যাবে।

শেষ রাতে ট্রেন থেকে নেমে শামল আলো-আঁধারে ঢাকা ষ্ট্রীমার ঘাটে এসে বিস্মিত মুগ্ধ হয়ে দাঁড়ায়। শীতের কনকনে ঠাণ্ডা বাতাস পদ্মার বুক বেয়ে এসে তীব্র লাগছে। সাদা স্বচ্ছ ধূয়ার মত কুয়াসায় ঢেকে আছে চারিদিক, আর তারই মাঝে এক একখানা ষ্ট্রীমার বাতি নিবিয়ে দাঁড়িয়ে আছে যাত্রীর আশায় ভোর হ'তে তখনও কিছুটা বাকী।

শামল ষ্ট্রীমারের দোতালায় একটু জায়গা করে নিল নিজের জন্ত। যে সব যাত্রী আগ-রাতে বা মাঝ রাত্রে এসেছে তারা পাটাতনের ওপর বিছানা ক'রে দিব্য নাক ডাকিয়ে ঘুমুচ্ছে। রাতের আঁধারে চারিদিক আচ্ছন্ন। শেষ-রাতের আকাশে তখনও কয়েকটা তারা জ্বলছে মিটমিট করে। পূর্বের আকাশটা বেশ লাল হ'য়ে উঠেছে। চারিদিকের কুয়াসা অনেকটা তরল হ'য়ে এল। বাইরে খুবই ঠাণ্ডা। ক্যানভাসের পুরু ঢাকনা ফেলে দেওয়া চারদিকে। শামল একটা কোনে একটু খোলা জায়গায় গিয়ে রেলিও ধরে বাইরের পানে চেয়ে আছে। এ যেন প্রকৃতির শীতল স্নিগ্ধ আর একটা রূপ! মৌন জগতে প্রকৃতির এ অপূর্ব লীলা দেখতে দেখতে শামল তন্ময় হ'য়ে চেয়ে থাকে বাইরের পানে।

ভোর হবার সাথে সাথে চারদিক অনেকটা ফসাঁ হ'ল। গাঢ় কুয়াসা অনেকটা তরল হয়ে ছড়িয়ে গেছে সবদিকে।

নদীর জল প্রচণ্ডভাবে আলোড়িত ক'রে সশব্দে ষ্ট্রীমার তার যাত্রা শুরু করে দিল। শামলদের গাঁয়ের ঘাটে ষ্ট্রীমার এসে লাগবে বেলা ন'টায়।

কত গ্রাম পেরিয়ে নদীর ধার দিয়ে ষ্ট্রীমার চলেছে। বহু দূরের তাল সুপুরি খেজুর গাছে ঘেরা গ্রামটা ক্রমেই কাছে এসে পড়ে—আবার সেটা ছাড়িয়ে ষ্ট্রীমার চলে দূরের পানে। কোথাও আবার নদীর পাড় দিয়ে দিগন্ত বিস্তার্ত মাঠ—ধান সব কাটা হয়ে গেছে, এখনও চিহ্ন তার স্পষ্ট। কোথাও নদীর পাড়েই চাষীর কুটার—তাদের সরল অনাড়ম্বর জীবনযাত্রার রূপ স্পষ্ট হয়ে ওঠে শামলের চোখে। ছেলে-মেয়েরা নগ্ন পায়ে মলিন বসনে পাড়ে দাঁড়িয়ে হাত নাড়তে থাকে ষ্ট্রীমারের যাত্রীদের দিকে। কোথাও আবার কৃষক বঁধু ছেঁড়া-কাঁথা কঞ্চল বাইরে রোদে এনে মেলে দেয়। নদীতে জেলেরা ছোট ছোট ডিম্বিতে মাছ ধরছে। ষ্ট্রীমারের জলের আলোড়নে তাদের ছোট ছোট ডিম্বি ভীষণভাবে দুলাতে থাকে—তারা তাদের কাজ করে চলে আপন মনে, ভয় বা ভাবনার চিহ্নও নেই কোনখানে। মাঝে মাঝে দু-একখানা বড় বড় নৌকা পাল তুলে ধীরে ধীরে গমনে চলেছে।

শামল অবাকবিস্ময়ে মুগ্ধনয়নে এ সব দেখে। দেখে দেখেও তার দেখবার আশ মিটছে না মোটে। কখন যে তাদের গাঁয়ের ঘাটে ষ্ট্রীমার এসে লেগেছে বুঝতেই পারে নি। যাত্রী জনকয়েক তাদের মোট নিয়ে ষ্ট্রীমার থেকে বাট অবধি পেতে দেওয়া সরু তক্তার ওপর দিয়ে পাড়ে উঠেছে। শামলও নেমে প'ড়ে স্ট্রটেকেশ মুটের মাথায় দিয়ে।

শামল ঘাটে এসে দাঁড়াতেই বেশ বলিষ্ঠ সবল একটা ছেলে—মাজার কাপড় বাঁধা, ঘাড়ের ওপর ছিটের একটা সার্ট, খালি পা, গায়ে ডোরাডুরি হাতকাটা ফতুয়া, শামলের কাছে চট করে এসেই জিজ্ঞেস করে—শামল, চিন্তে পারি আমাকে? শামল নিরুত্তর, ছেলেটির মুখের পানে তাকিয়ে থাকে অবাক হ'য়ে। কোন দিন একে দেখেছে বলে মনে পড়ে না। ছেলেটি বলে—বাঃ রে, এরি মধ্যে ভুল গেলি! আমি যে তোমার কাছদা—তোমার চেয়ে দুবছরের বড়। সেই যে কতদিন আগে ছোটবেলা একবার এসেছিলি, আমার তো বেশ মনে আছে তোমার কথা।

শামল এবার বুঝতে পেরে বলে—ওঃ তুমিই তা হলে

কাহ্না! কিছু মনে কর না ভাই, সে তো অনেকদিনের কথা—চেহারাও বদলে গেছে তোমার খুব।

—তা, এবার চল নৌকায় উঠি। ঐ বিলটার মধ্য দিয়ে আধ মাইলটেক গেলেই বাড়ীর ঘাটে উঠব।

শামলের কাহ্নাদা স্ট্রটেকেশ নিজের ঘাড়ে ফেলে শামলকে নিয়ে নৌকায় উঠল। তারপর নিজেও গিয়ে দাঁড় ধরে বসে বললে—চলবে, চরণ—চালিয়ে চল, দাঁড়ে আমিই বসছি। শামলদের নৌকা কুম্ভমপুর গাঁয়ের দিকে চলল।

কুম্ভমপুর গাঁয়ে শামলদের পৈতৃক বাড়ী। বাড়ীতে জ্যাঠামশাই থাকেন আর সবাইকে নিয়ে। তিনিই গাঁয়ের জ্যোতি-জি সব দেখাশুনা করেন। শামলের বাবা জগদীশ-চন্দ্র মেজ। ছেলে পড়িয়ে, স্কুলে মাষ্টারি ক'রে, তখনকার দিনে এম-এ পাশ করেন। আপন চেষ্টায় ডাকবিভাগে তাঁর একটা চাকরী হয়। তারপর ভাগ্যজোরে আপন কর্মক্ষমতার তিনি আজ ডাকবিভাগের এত বড় চাকরে। ছোট ভাই হৃদীকেশ—লেখাপড়া বিশেষ কিছু হয় নি। এ গাঁয়ের কাছেই পাটের আপিসে কি একটা চাকরী করত। বছর কয়েক হ'ল বিধবা পত্নী ও তিনটি ছেলে মেয়ে রেখে কলেরায় মারা যায়। এরা সব বাড়ীতে থাকে। তাছাড়া পিসিমা আছেন বাড়ীতে কত্রী হয়ে বিশ বছরেরও ওপর। তিনি নিঃসন্তান বালবিধবা। জ্যাঠামশায়ের দুই ছেলে, চার মেয়ে। বড় ছেলে বলাই রেলের কি একটা চাকরী করে। ছোট ছেলে কানাই আজ বছর তিনেক চেষ্টা করেও ম্যাট্রিক পাশ করতে পারছে না। কানাই শামলের চেয়ে বছর দুইয়ের বড়। বলাইয়ের বিয়ে হয়েছে কিছুদিন হল। জগদীশচন্দ্র বছর দশ বার বাড়ীতে আসতে পারে না। সরকারী চাকরী—ছোট কম। তা ছাড়া আসতে হলেই সপরিবারে আসতে হয়। পত্নী অরুণাদেবীর গীতা হবার পর যে অসুখ হয়েছিল তা থেকে আজ পর্যন্ত সুস্থ হ'তে পারেন নি। তাই ছোট পেলৈ তাঁকে নিয়ে বছর কয়েক হল স্বাস্থ্যকর স্থানেই যেতে হয় হাওয়াবদলের জন্ত। জগদীশবাবু চাকরীর প্রথম থেকে বাড়ীর খরচ দিয়ে আসছেন নিয়মিতভাবে। তা ছাড়া সংসারের নানা দায় দৈন্তে মোটা টাকা দিতে হয় তাঁকেই। তাই বাড়ী না এলেও বাড়ীর সংসারের সাথে তাঁর সন্ধক আজও আছে অটুট।

কুম্ভমপুরের বিলের মধ্য দিয়ে শামলদের নৌকা প্রায়

বাড়ীর কাছে এল। বাড়ীর নিচেই ঘাট। বাড়ীর সবাই ও গাঁয়ের আর পাঁচজন দাঁড়িয়ে আছে ঘাটের পাড়ে। সেখানে বেশ একটা জটলা।

শামল বলে—কাহ্নাদা, এমন একটা নদীকে তোমরা বিল বল কেন! এত বেশ একটা নদী।

কানাই ঠোঁট উন্টে বলে—দুঃ, এ আবার একটা নদী! তবে হ্যাঁ, বর্ষাকালে এটা একটা নদী হয় বটে, যেমন শ্রোত, তেমনি ডাক। বছর কয়েক হল এ বিলে কুমীরও আসছে।

নৌকা এসে ঘাটে লাগল। শামলের জ্যাঠামশাই হুঁকা হাতে সবার আগে দাঁড়িয়ে আছেন—সাদা ধবধবে দাড়ি—বুক অবধি পড়েছে। শামল দেখেই চিনতে পারেন তাঁকে। এসে পায়ের ধূলা নিয়ে প্রণাম করে। জ্যাঠামশাই তার মাথায় হাত রেখে করেন—নীরব আশীর্বাদ। পিসিমা এগিয়ে আসেন। সেই শামল, মায়ের কোলের ছোট ছেলেটি! আজ কত বড় হয়েছে! কেমন ফুটফুটে পরিষ্কার পাতলা চেহারা! কেমন মিষ্টি মুখখানা! শামল পিসিমাকে প্রণাম ক'রে পায়ের ধূলা মাথায় নেয়। পিসিমা ছোট ছেলের মত আদর করে—তার মাথায় চুমা খেয়ে—বলেন—বঁচে থাক বাবা। তার পর এক এক ক'রে প্রণম্যদের প্রণাম করে শামল সবার সাথে বাড়ীতে উঠে আসে।

শামলের এতটা কাল বাপ মার কাছে, আর মেস হোষ্টেলেই কেটেছে। তাই এত আপন জনের মধ্যেও তার জড়সড় ভাবটা যায় না। আর বরাবরই সে একটু মুখ-চোরা। বেশী কথাবার্তা, আলাপ আলোচনা করতে পারে না কোনদিন। তবুও বেশ ভালই লাগে এদের সবাইকে। আর ভাগ্যিস কাহ্নাদা ছিল, তাই রক্ষে। তা না হলে হয়ত সবার সাথে আলাপ-সালাপ করাও তার পক্ষে মুস্কিল হোত। পিসিমা তো কেবল বলেন—লজ্জা কর না শামল, আমরা তো তোমার আপন জন, এত তোমাদেরই ঘর বাড়ী—কোন অসুবিধে হলে বল। তোমরা সহরে থাক—কত অসুবিধে না জানি হবে।

—না পিসিমা, আমার মোটেই অসুবিধে হচ্ছে না—বরং খুবই ভাল লাগছে সব, সহরের চেয়ে অনেক ভাল, শামল কোন রকমে কথা কটা বলে।

শ্রামল কাহ্নদাকে কাছ ছাড়া করে না। কাহ্নদাকে নিয়ে বসে গিয়ে বাইরের ঘরের উত্তর দিককার বারান্দায়। ঠিক নদীর পাড়েই ঘরখানা। পাড় থেকে অনেক উঁচু করে গের্গে তোলা হয়েছে। ঠিক তারই নিচে হাতকয়েক দূরে নদী। কাহ্নদা বলে—বর্ষাকালে নদীর জল বারান্দা অবধি আসে। এই বারান্দায় বসে ছিপ দিয়ে তারা সবাই মাছ ধরে। শ্রামল শুনে অবাক হয়ে যায়।

শ্রামল বারান্দায় বসে যতদূর চোখ যায় শুধু তাকিয়ে থাকে। দূরে ওপারে ঘন আম-কাঁটাল-দেবদারু গাছের বন দেখা যায়। মাঝে মাঝে বাঁশের ঝাড়। স্পপারি, তাল, আর খেজুর গাছ। তারই ফাঁকে ছ' চারটে মেটে ঘরের চাল দেখা যায়।

শ্রামল বলে—এটা কি গাঁ কাহ্নদা?

—ঐ যে ঘরগুলো একটু একটু দেখা যায়, ও গাঁয়ের নাম পলাশদিয়া—তার পাশেই রামপুর, তারপর গৌঁসাইহাট, কানাই এমনি একটার পর একটা নাম করে যায়।

শীতের চক্চকে রোদ নদীর জলের ওপর পড়েছে। স্নিরঝিরে বাতাসে নদীর জল কেঁপে কেঁপে বয়ে চলেছে। মাঝে মাঝে দু একখানা জেলের নৌকা মাছ ধরে ফিরছে। শ্রামলের ভারী ভাল লাগে এ সব দেখতে। বলে—কাহ্নদা, ভারী সুন্দর এ নদীটা।

কানাই এ কথা শুনে শুধু হাসে।

জ্যাঠামশাই সব সময় কেবল সবাইকে সাবধান করেন—দেখ, শ্রামলের যেন কোন অনিয়ম না হয়। সহরে থেকে অভ্যাস—এখানে অনিয়ম হলেই অসুখ হবে। শ্রামল নদীতে স্নান করতে চায় সবার সাথে। সবার তাতে ঘোর আপত্তি। জ্যাঠামশাই বলেন—চাকর জল এনে দিক, তুমি বাড়ীতেই স্নান কর। শ্রামল জেদ ধরে—নদীতেই স্নান করবে কাহ্নদাদের সাথে। কিন্তু সঁাতারও জানে না, ভাল করে ডুব দিতেও পারে না। শ্রামলের খাবার জল ফুটিয়ে রাখা হয়েছে আলাদা করে। শ্রামল ভাবে, এ সব বাড়াবাড়ি—আর সবার যা সয় আমারই বা তা সহ্যই না কেন? কানাই তো রাগ করেই বলে—পিসিমা, ওকে জাঁচলের কোনে বেঁধে রেখে দাও—আলো বাতাস লাগবে না, বেশ ভাল থাকবে। পিসিমাও চড়াঙ্গরে বলেন—তোমার মত তো গৌঁয়ার গোবিন্দ না রে। তিন তিন

বারেও একটা পরীক্ষার পাশ দিতে পারলি না। তোর যা সয়, ওর কি তাই সহ্যইবে।

—বেশ, আমি গৌঁয়ার আমিই আছি, তোমাদের তাতে কি? বলে রাগ করে কানাই চলে যায়।

দুপুরে গাঁয়ের এ-বাড়ী ও-বাড়ীর পিসিমা, মাসিমা, কাকীমা ও আর সবাই আসেন রায়বাড়ীর মেজ বোয়ের ছেলে শ্রামলকে দেখতে। শ্রামলের ভারী লজ্জা করে এদের সামনে আসতে।

সন্ধ্যাবেলা শ্রামলদের বাইরের ঘরে বসে গাঁয়ের বুড়োদের বৈঠক। ঢালা ফরাসটায় সবাই এসে এক এক করে জমা হয়। তারপর চা, পান আর তামাক চসতে থাকে রাত দশটা অবধি। এ নিয়ম অনেকদিন থেকে চল আসছে। এখানেও শ্রামলের ডাক পড়ে। এদের অনেক কথারই উত্তর তাকে দিতে হয়।

বিকেলের দিকে কাহ্নদার সাথে বেড়াতে বের হয় শ্রামল। বলে—আজ চল কাহ্নদা, মাঠের দিকে যাই। চারিদিকে কেবল মাঠ আর ওপরে খোলা আকাশ—আমার বেশ ভাল লাগে তার মাঝে দাঁড়িয়ে থাকতে। কানাই বলে—তা হলে চল, অদূর না যুরে চৌধুরীবাড়ীর খিড়কির পেছন দিয়ে গিয়ে মাঠে উঠি। দুজনে চলতে থাকে।

বেত আর বাবলার ঝোপে ঢাকা সরু পাথর-চলার পথ, দিনের বেলাই অন্ধকার। কানাই বেতের কাঁটা সরিয়ে পথ করে আগে আগে চলতে থাকে, শ্রামল চলে পেছনে পেছনে। কিছুদূর আসতেই মস্ত বড় একটা দীঘি। দীঘির জল আর দেখা যায় না—এত কচুরিপানা, সেগুলা আর আগাছায় ভরা। দীঘির উঁচু পাড়গুলো ভেঙ্গে সমান হয়ে গেছে মাটির সাথে। পাড় দিয়ে আসতে একটা ধারে দেখে—একটি তের চোদ্দ বছরের মেয়ে দুটো খালি বাটি ধুচ্ছে দীঘির ঘাটে। তারই পাশ দিয়ে শ্রামলদের পথ। শ্রামল অবাক হ'য়ে যায় মেয়েটিকে দেখে। পাড়াগাঁয়ে কারও এমন গায়ের রং থাকতে পারে—লাল টকটকে! আর কি সুন্দর মুখশ্রী! পরণে আধ-ময়লা তাঁতের কাল রংয়ের সাড়ি, কোমরে তার জড়ানো জাঁচল। শ্রামল একটু পেছন ফিরে চেয়ে দেখে মেয়েটিকে। মেয়েটিও

হাতের কাজ তুলে বিস্মিত বড় বড় চোখ দুটা তুলে শ্রামলের দিকে চায়। শ্রামল ভাবে, গাঁয়ে সেনতুন তাই ছেলে বড়া সবাই তো তার দিকে এমনি করে চেয়ে থাকে। তারা তখন মাঠের ধারে এসে পড়েছে।

শ্রামল বলে—কাহ্নদা, ও মেয়েটি কাদের? ঐ যে দীঘির ঘাটে বাসন মাজছিল।

—কে রে ঐ উষী, ও তো চৌধুরীদের মেয়ে।

—ওর নাম বুঝি উষী?

—মাম তো ওর অতসী, সবাই উষী বলেই ডাকে। ভারী ভাল মেয়ে, বাড়ীর সব কাজ ঐ অতটুকুন মেয়েই তো করে।

—পাড়াগাঁয়েও এমন গায়ের রং আর চেহারা থাকতে পারে কাহ্নদা, আমি কিন্তু তা ভাবি নি কোন দিন।

—ও আর কি রে, ওর দিদি লতিকে যদি দেখতে—তবে বলতে হ্যাঁ, সুন্দরী বটে! যেমন রং তেমনি মাথার চুল! উষীর চেয়ে দেখতে অনেক সুন্দরী সে।

—তার বুঝি বিয়ে হয়ে গেছে?

—হ্যাঁ, আর বছর শ্রাবণ মাসে। ওরা খুব গরীব কিনা, তাই দোজ-বরে দিয়েছে বিয়ে। তা জামাইটি মন্দ হয় নি, বয়সও এমন বেশী নয়। আগপক্ষের একটি মাত্র ছ-বছরের ছেলে আছে। জামাই মাষ্টারি করে, সংসারে আর কেউ নেই।

—আচ্ছা, তোমাদের ঐ কি বলে, উষীর বাবা কি করেন?

—কি আর করবেন। আগে কি একটা বিশ পঁচিশ টাকার চাকুরী করতেন বিদেশে, তা ছেড়ে ছুড়ে দিয়ে এসে বছর কয়েক হল বাড়ীতেই আছেন। সামান্য জোত জমি আছে তাই দেখাশুনা করেন। আর গাঁয়ের পোষ্ট-মাষ্টারী করেন তাতে পান মাসে বার টাকা। তা দীঘুখুড়ো লোক খুব ভাল। এমন সরল তা আলাপ করলে বুঝতে পারবি। এখন এই উষীর বিয়ের জন্ত ব্যস্ত হয়েছেন।

—অতটুকুন মেয়ের বিয়ে! বল কি কাহ্নদা!

—আরে খুঁজতে খুঁজতেই তো বছর দু-তিন যাবে। টাকা তো আর দিতে পারবেন না। মেয়ে দেখে যে দয়া করে নেবে।

—তাঁ এত সুন্দরী মেয়ে, ওর জন্ত ভাবনা কি?

—না রে তাই—সুন্দরী হলে হয় না, টাকা চাই। কানাই বিজ্ঞের মত কথাকটি বলে মাথা নাড়তে থাকে।

ক্রমে সন্ধ্যা হয়ে আসে। সবুজ শ্রামল মটর কলাই আর শর্ষের ক্ষেত আবছা হয়ে আসে—চাষীদের শীতের সন্ধ্যার খড়-পোড়ানো ধুয়োয়। বিস্তীর্ণ সবুজ মাঠ নীরব জাঁধার হ'য়ে পড়ে। কানাই বলে—চল শ্রামল, এবার ফিরি। শ্রামলের এ সন্ধ্যা নীরবতার মধ্যেও উষীর মুখখানা বার বার মনে পড়তে থাকে। আহা, ভারী মিষ্টি মুখখানা তার! কেমন সরল সুন্দর চোখদুটি! উষীদের বাড়ীর ধার দিয়ে ফিরতে রান্নাঘরে দেখে একটি মাটির প্রদীপ জ্বলছে টিপ্‌টিপ্‌ করে, আর সারা বাড়ীটা অন্ধকার।

সন্ধ্যাবেলা বাড়ীতে পিসিমা শ্রামলকে নিয়ে কত পুরাণ গল্প করে—সেই তাদের ছেলেবেলাকার কথা। সেই কবে তার বাবা জগদীশ তখন স্কুলে পড়ে—একদিন দুপুরবেলা ঐ দক্ষিণদিকের পিটুলি আমগাছ থেকে পড়ে গিয়েছিল। পড়েছিল ছায়ের গাদায় তাই রক্ষা। তা না হলে সেদিন একটা কি যে কাণ্ড হত! ভারী দুষ্ট ছিল সে। একবার বর্ষাকালে ভরা নদীতে জগদীশ গিয়েছিল সঁাতার দিতে। তারপর মাঝ নদীতে গিয়ে আর আসতে পারে না। হাত পা অবশ হয়ে যায় আর কি! এমন সময় ভাগ্যি ও বাড়ীর নটুদা নৌকা করে আসছিল। সেই তুলে নেয় ওকে নৌকায়। তা না হলে সেদিন যে কি হত—ভাবলে এখনও গা কাঁটা দিয়ে ওঠে। পিসিমা এমনি ধরণের কত কথাই যে বলে যান।

আবার পরদিন বিকলে কাহ্নদা বলে—চল, নদীর দিকে বাওয়া যাক আজ। শ্রামল রাজি হয় না, বলে—মাঠের দিকই আমার বেশ লাগে। এমন খোলা এত বড় মাঠ আর দেখি নি কাহ্নদা।

—তবে চল, ঐদিকেই যাই।

আবার সেই বেত বাবলার ঝোড় ঠেলে চৌধুরীদের দীঘির পাড় দিয়ে মাঠের দিকে চলল তারা। আজ আর উষীকে দেখা গেল না ঘাটের পাড়ে।

শ্রামল এদিক ওদিক তাকিয়ে কাহ্নদার পেছনে পেছনে

চলল। মনটা তার দমে গেছে—আর বেড়ান'র উৎসাহটাও কমে গেছে অনেকখানি। মাঠের নীরব সৌন্দর্য আর তার কাছে ভাল লাগছে না। কাহ্নদাকে উবীর কথা কিছু জিজ্ঞেস করতে লজ্জাও করছে খুব। যদি বুঝতে পারে তার আগ্রহটা। অল্প কিছু যদি মনে করে। মাঠের আল ধরে একটু দূর এগিয়েই শামল বলে—চল কাহ্নদা, না হয় আজ নদীর দিকেই যাই।

—ঐ না বলনি, মাঠই তোর ভাল লাগে খুব।

—তা লাগে বৈকি, তা চল না আজ নদীর দিকেই যাওয়া যাক।

—তা হলে চল।

দুজনে চলতে থাকে। কাহ্ন বলে—চল, এবার ঘোপের মধ্যে দিয়ে না গিয়ে বাড়ীর ওপর দিয়ে যাই। চৌধুরীদের বাড়ী পেরিয়ে ভট্‌চাজ বাড়ীর পাশ দিয়ে গিয়ে নদীর ধারে উঠব।

চৌধুরী বাড়ীর কাছে আসতেই ভেতর থেকে কে যেন বললে—কে রে, কাহ্ন নাকি? এর মধ্যেই ফিরছিল যে।

—এই যে ন' কাকীমা, শামলের খেয়াল আজ আবার নদীর দিকে যাবে। সহরে ছেলে কিনা, নদী মাঠ দুইই ভাল লাগে ওর।

একটি মহিলা বাড়ীর ভেতর থেকে সদর দরজার কাছে এগিয়ে এলেন। আধ ময়লা সাড়ি পরণে—শান্ত স্নিগ্ধ মুখশ্রী।

শামলের মার কথা মনে পড়ে। উনি বলেন—আয় না শামলকে নিয়ে বাড়ীর ভেতর। ওকে সেই মার কোলে কতটুকু দেখেছি। কদিন যেতেই পারি নি তাদের ওদিকে।

শামলকে নিয়ে কাহ্ন এসে উঠানের মাঝে দাঁড়ায়। শামল ন' কাকীমাকে প্রণাম ক'রে পায়ের ধূলা মাথায় নেয়। ন' কাকীমা শামলের মাথায় হাত রেখে বলেন—বঁচে থাক বাবা দীর্ঘজীবী হ'য়ে, দেশের মুখোজ্জল কর। উষি—ও উষি, একটা মাহুর পেতে দে না তোর দাদাদের বসতে—বলতে বলতে ন' কাকীমা নিজেই যান ঘরের ভেতর মাহুর আনতে। উষী এসে মেটে ঘরের মেঝেতে একটা মাহুর পেতে দিয়ে যায়। তারপর ন' কাকীমা কত কথাই বলে যান। নিজেদের স্মৃষ্কুঃখের কথা, শামলের মার কথা—তার সাথে কত আলাপই ছিল সেই বৌ-কালে।

আজ হয়ত তার মনে মেই কিছুই। ভারী দেখতে ইচ্ছে করে তাকে—কেমন হয়েছে এখন। একবার এলে বেশ দেখা-শুনা হোত। গীতাকে তো দেখেনই নাই। দেখতে কেমন হয়েছে সে? মার মত মুখ আর রং পেয়েছে না কি? কত বড় হয়েছে এখন? এমনি কত কথাই বলতে থাকেন তিনি। শামলও ছু-চারটে কথার উত্তর দেয়। উষী দরজার কাছে বসে সব শুনছে। দেখতে দেখতে রাত হ'য়ে গেল। ন' কাকীমা ঘরের তৈরী খাবার দিয়ে তাদের মিষ্টিমুখ করিয়ে বলেন—তা ও এসেছিলে বলে তোমার গরীব কাকীমার সাথে দেখাটা হল। যাওয়ার আগে আর একদিন এস।

সেদিন সন্ধ্যে হতেই কানাই তোড়জোড় শুরু করেছে। ঘোষবাড়ীতে ভাসান যাত্রা, শীঘ্র খাওয়া-দাওয়া সেরে যেতে হবে। ছু-কাঠির নরহরি চক্কতির দল ও অঞ্চলে প্রসিদ্ধ। শামল বলে সেও যাবে। পিসিমা ভো হসেই খুন, বলেন—তুই যেয়ে কি করবি। ওকি তোর ভাল লাগবে। ক'লকাতায় কত ভাল থিয়েটার যাত্রা দেখেছিস। জ্যাঠামশাই বলেন—এ ঐ কেনেটার কাজ। ওকে মিছিমিছি রাত জাগিয়ে অস্থখ করাবে, তে ছাড়বে না, শামলের গিয়ে কাজ নেই ওখানে। কিন্তু শামল জেদ ধরেছে সে যাবেই। শেষে ঠিক হয়—কিছুটা দেখে কানাই শামলকে বাড়ীতে পৌঁছে দিয়ে যাবে।

দুজনে বের হয় ঘোষ-বাড়ীর উদ্দেশে—যাত্রা দেখতে। উঠানে সামিয়ানা খাটান' হয়েছে। ছুটা গাঙ্গ লাইট জ্বলছে ছুধারে। ঘরের বারান্দায় গাঁয়ের মেয়েদের জায়গা করা হয়েছে? একধারে দুখানা বেঞ্চ পেতে দিল শামলদের বসবার জন্ত—ঘোষদের ছোট ছেলে পঞ্চু। সবাই শামলকে দেখে কানাকানি শুরু করে দিল—রায়দের মেজ কর্তার ছেলে, ক'লকাতা থেকে এসেছে, ভারী বিদ্বান, কেমন ছবির মত চেহারা। এদের দু'একটা কথা শামলের কাণে আসছিল। শামল এদের দৃষ্টির আড়ালে একদিকে জড়সড় হয়ে বসেছে। ওদিকের বারান্দায় শামল চাইতেই দেখে—ও কে, উষী না? ঠিক উষীই তো। খামে হেলাম দিয়ে বসেছে ভাই বোনদের নিয়ে। আর তারই দিকে

যেন চেয়ে আছে। শামল তাকাতাই চোখ ঘুরিয়ে নিল অক্ষয়দিকে। আবার একবার শামল দেখে—উষী ওরই সমবয়সী কোন বাড়ীর একটি মেয়েকে তারই দিকে আঙ্গুল দেখিয়ে কি যেন বলছে। শামল আরও কবার উষীর দিকে চেয়ে দেখল—উষী তারই দিকে চেয়ে ত্যাছে একদৃষ্টে। যাত্রা হচ্ছে শামলের আর সেদিকে খেয়ালই নেই। কাহ্নরা কিন্তু মহানন্দে যাত্রা শুনছে আর হাসছে। শামলের মন চল গেছে অল্প রাজ্যে। উষী ওকে এত কি দেখছে? কেন অমন করে চেয়ে আছে শামল ভেবেই পায় না? শামলেরও যেন কেমন বেশ ভাল লাগে ওকে দেখতে। শেষ রাত্রে যাত্রা ভাঙ্গল। শামলের খেয়াল হোল তখন, আহা! আরও কিছুক্ষণ যদি হত যাত্রাটা। উষীর কথা ভাবতে ভাবতেই শামল বাড়ী ফিরে আসে। সে রাতে আর শামলের ঘুম হয় না।

সেদিন শামল কাহ্নকে ধরল, আজ সাঁতার শিখবেই। কাহ্ন তো সব সময়ই প্রস্তুত। দুজন নদীর ঘাটে এসে দাঁড়াতেই দেখল, উষী নদীর ঘাটে তার ছোট ছোট ভাই বোনদের স্নান করিয়ে দিচ্ছে। নিজেও স্নান করবে বলে এসেছে। কাহ্ন উষীকে দেখেই জিজ্ঞেস করল—কি রে উষী, বীরুর কোন খবর এল? বীরু উষীর দাদা। একবছর হল ম্যাটিক পাস করে বেকার বসে আছে। আজ দশ বার দিন হল তার বোন সতীর স্বশুরবাড়ী গিয়েছে। গিয়ে কোন চিঠিপত্র বা খবর দেয় নি। উষী বলে—কই কাহ্নদা, আজ সকালের উজান স্তীমারেও তো দাদা এল না—চিঠিও দেয় নি কোন। মা তো ভেবে অস্থির।

উষীকে দেখেই শামলের সাঁতার শেখার উৎসাহ দপ করে নিবে গেছে। কাহ্ন বলে—কি রে শামল, কোমর জলে দাঁড়িয়েই কি সাঁতার শিখবি? এগিয়ে আয় না। শামল কোনমতে বলে—না কাহ্নদা, আজ থাক কাল শিখব। উষীর চোখ মুখে হাসির ঝলক। কাহ্ন বলে—তোর যত সব লজ্জা—লজ্জা করলে কি সাঁতার শেখা যায়। সে দিন কোমর জলেই কোনমতে ডুব দিয়ে শামল বাড়ী ফিরল।

দেখতে দেখতে কি করে যে এগারটা দিন কেটে গেল শামল তা বুঝতেই পারে না। সিমলা থেকে শামলের বাবা চিঠি লিখেছেন—কলেজ খুললে একদিনও দেবী কর

না। তবুও শামল বলে—আর কটা দিন থেকে যাই পিসিমা। পিসিমার চোখ ছল ছল করে ওঠে, বলেন—আহা! বাড়ীর ছেলে বাড়ীতে থাকবি তার আবার কি? কিন্তু জ্যাঠামশাই কিছুতেই রাজী হন না, বলেন—জগদীশ রাগ করবে। ওকে তো জান' চিরটা কাল—কেমন একপুঁয়ে। ওর কথা না শুনলে আর কোনদিন হয়ত শামলকে আসতেই দেবে না গাঁয়ের বাড়ীতে। কথাটা খুবই সত্য। তাই ঠিক হয় কাল বিকেলের স্তীমারে শামল যাবে।

সেদিন সকালবেলা কানাই বলে—চল শামল, ঘটক ঠাকুর্দার সাথে একবার দেখা করে আসি। শুনলাম আজ কদিন ধরে জরে বড্ড কষ্ট পাচ্ছেন। গাঁয়ের মাহুষ তোরও তো একবার দেখা করা উচিত।

—ঘটক ঠাকুর্দা আবার কে কাহ্নদা?

—শিবদাস ভট্‌চাজের নাম শুনেছিস? তারই ছেলে হরিদাস ভট্‌চাজ। এদের তিন পুরুষ থেকে ঘটকালি করে আসছে। ঘটক ঠাকুর্দার বাবার তো শুনেছি কত রাজা, মহারাজা, জমিদারদের ঘর থেকে ডাক আসত—আর ওর ঘটকালি করবার ক্ষমতাও ছিল খুব। ওর বাবা নাকি সবসুদ্ধ দশ হাজার একটা বিয়ের ঘটকালি করে মারা যান। সেকালে শিবদাস ভট্‌চাজকে চিনত না—এমন লোক এ অঞ্চলে খুব কমই ছিল।

—তারই ছেলে বুঝি তোমাদের এই ঘটক ঠাকুর্দা?

—হ্যাঁ রে, তারই একমাত্র বংশধর।

—ইনি আজ পর্যন্ত কটা বিয়ের ঘটকালি করেছেন?

—জানিস না বুঝি, ঘটকালিতে ওদের অত নাম—কিন্তু তবু হরিদাস ভট্‌চাখ্যা ঘটকালি করে নি জীবনে। কেন জানিস? শুনেছি সে এক ভারী দুঃখের কথা। শিবদাস ঘটক তখন বেঁচে ছিল। ছেলের বিয়ে ঠিক করল বেশ অবস্থাপন্ন লোকের ঘরে, খুবই স্নন্দরী একটি মেয়ের সাথে। শিবদাসের অবস্থাও তখন গাঁয়ের মধ্যে ছিল সবচেয়ে ভাল, আর ছেলেও এণ্ট্রান্স ক্লাসে পড়ত। গাী শুদ্ধ বরষাত্রী নিয়ে ছেলের বিয়ে দিতে গিয়ে শিবদাস শোনে যে সেদিন সকালবেলাই বিয়ের কনে হঠাৎ কুয়ার পাড়ে পা পিছলে পড়ে যেয়ে মাথায় ঘে আঘাত পেয়েছে তাতেই অজ্ঞান হয়ে আছে। বিয়ে বাড়ীতে তখন কানাকাটি

পড়ে গেছে। মেয়ের জ্ঞান আর হল না। বিয়ের রাতেই মেয়ে গেল মারা। বরযাত্রীরা বর নিয়ে আবার ফিরে এল। সেই থেকে ঘটক ঠাকুর্দা প্রতিজ্ঞা করেছেন যে বিয়েও করবেন না, আর ঘটকালিতেও নেই।

কাহ্নু আমলকে নিয়ে ঘটক ঠাকুর্দার বাড়ীতে আসে। জীর্ণ একতলা বাড়ী। সংস্কার অভাবে বাইরের দিকটা নোনা ধরেছে, ফাটলে জায়গায় জায়গায় পাকুড় গাছ আর আগাছা গজিয়ে উঠেছে। বাড়ীর ভেতরে উইয়ের টিপি, মাকড়সার জাল, ঝুল আর কালীতে ভরা। একা মাহ্নু কোন দিকই বা দেখেন। তায় কদিন আবার অস্থখে পড়ে আছেন! দুজনে ঘরের ভেতর গিয়ে দেখে—জীর্ণ তক্তপোষের ওপর মলিন বিছানা। তাতে বসে ঘটক ঠাকুর্দা তামাক টানছেন চোখ বুজে। মুখখানা শুকনো, মাথায় সামান্য কগাছা রক্ষ চুল, চোখের পাতা দুটো অস্বাভাবিক ফোলা। হাত পাগুলো সরু, কিন্তু পেটটা উচু। কাহ্নুদের দেখে বলেন—কি রে কাহ্নু, আজ কদিন অস্থখে পড়ে আছি খোঁজও নিস না একবার বুড়ো ঠাকুর্দার।

—ঠাকুর্দা, কিছু মনে কর না, আমল এসেছে, ওকে নিয়ে ভারী ব্যস্ত ছিলাম একদিন।

আমল ঠাকুর্দাকে একটা প্রণাম করে। ঠাকুর্দা আশীর্বাদ করে বলেন—জন্মভূমির মুখোজ্জল কর। জগদীশের ছেলে তুই, তোর সব খবরই তো এ বুড়ো ঠাকুর্দা রাখে। জগদীশ ছিল আমার খেলার সাথী। ভারী ভাব ছিল ওর সাথে। বিদেশেই কাটাল' জীবনটা, দেশে আর এলই না। তা তুই এসেছিস দেশ দেখতে, কেমন না? কেমন লাগছে—তোর পাড়া গাঁ? ঘটক ঠাকুর্দা কথা বলতে থাকেন। ভারী ভাল লাগে আমলের শুনতে তার কথা-গুলো। দেশ বিদেশের অনেক খবরই ঠাকুর্দা রাখেন। সারাটা জীবন তো দেশ বিদেশেই ঘুরে কাটল'। এই সরল লোকটির সাথে জানা বিষয়ে তর্ক করতে আমলের লজ্জা করে না একটুও। ঠাকুর্দাও মুখ খুলেছেন। এক এক করে সমাজের অনেক প্রশ্নই তর্কের মধ্যে উঠতে থাকে। কথায় কথায় আজকালকার মেয়েদের কথা উঠল। ঠাকুর্দা বলেন—পাড়াগাঁয়ের মেয়েও অনেক সুন্দরী ও বিছরী আছে। তবে তাই, কলেজে পড়া মেয়েদের মত মেয়ে এখানে পাবেন না।

আমল বলে—হ্যাঁ, ঠাকুর্দা ঐ সেদিন দীঘির ঘাটে বেশ সুন্দরী একটি মেয়ে দেখলাম। পাড়াগাঁয়ে এমন মেয়ে থাকতে পারে তা কোন দিন ভাবি নি।

ঠাকুর্দা কাহ্নুকে জিজ্ঞেস করেন—কে রে কাহ্নু?

কানাই বলে—আমল ঐ উইীর কথা বলছে।

—ও উইী, তা তাই এমন লক্ষী মেয়ে আর পাবি নে। যেমন রূপ তেমন শূণ, তবে লেখাপড়াটা পাড়াগাঁয়ে আর অত কি ক'রে শিখবে।

আমল বলে ফেলে—কই ঠাকুর্দা, ভাল করে তার চেহারাটা তো দেখি নি, দুএকদিন দেখেছি তাও দূর থেকে।

—দেখিস নি? আচ্ছা দাঁড়া।

বাইরে তিন চারটি ছোট ছোট ছেলে খেলা করছিল; ঠাকুর্দা তাদের একজনকে ডেকে বলেন—যা তো বে টেপু, উইীদিদিকে গিয়ে বল যে ঠাকুর্দা ডাকছে শীঘ্র এস। ঠাকুর্দা যেন আপন মনেই বলতে থাকেন—উইীদিদি আমার এত রূপ আর এত শূণ যে রাজার ঘরে পড়লেও মানিয়ে যায়—কিন্তু বড় গরীব ওরা।

পেছন দরজা দিয়ে উইী এসে ঘরে ঢুকেই আমলদের দেখে একটু লজ্জা পায়, বলে—ঠাকুর্দা আমায় ডেকেছে?

—আয় না দিদি এগিয়ে, এদের দেখে লজ্জা কি তোর। উইী ঠাকুর্দার কাছে যায়। ঠাকুর্দা আমলকে দেখিয়ে বলেন—ও কে চিনিস? আমল ততক্ষণ উঠে দাঁড়িয়েছে। উইী অল্প একটু হেসে মাথা নাড়ে।

ঠাকুর্দা বলেন—ওকে প্রণাম করিস নি বুঝি? যা লক্ষী দিদি আমার, ওকে প্রণাম কর।

উইী কি বুঝল সেই জানে। ধীরে এগিয়ে গিয়ে ঝুপ করে একটা প্রণাম করে। আমল লজ্জায় বলে—থাক থাক। উইী উঠে দাঁড়াতেই ঠাকুর্দা হাসতে হাসতে বলে ফেলেন—বাঃ কী সুন্দর মানিয়েছে তোদের! যেন শিব পার্বতী। উইীর মুখ জবাবুলের মত টকটকে লাল হয়ে ওঠে একথা শুনে। এক ছুটে বেরিয়ে যায় পেছন দরজা দিয়ে। আমল বলে—ঠাকুর্দা, এটা কি করলে? ও হয় তো—কি না জানি মনে করছে?

ঠাকুর্দা বলেন—উইী দিদিকে আমার বিয়ে করবি তাই? আচ্ছা, আমিই লিখব জগদীশকে সব কথা শুধিয়ে। আমার কথা সে কেলতে পারবে না।

ঠাকুর্দার কাছ থেকে বিদায় নিয়ে আমলরা বাসায় ফিরে আসে। বাসায় এসেই কাহ্নু টেঁচিয়ে পিসিমাকে ডেকে বলে—ও পিসিমা, ঘটক ঠাকুর্দা তো আমলের বিয়ে ঠিক করে ফেলল ওবাড়ীর উইীর সাথে। পিসিমা তো হেসেই অস্থির, বলেন—কাহ্নুটার কথার ছিঁরি দেখ! বিয়ে ঠিক কিনা উইীর সাথে! আমলের পাশ করা বৌ ঘরে আসবে। ও যেমন বিদ্বান, তেমন বৌ না হলে কি বিয়ে! আর তা না—কোথাকার এক পাড়াগাঁয়ে গরীবের মেয়ে। হরিদাস ঘটকেরও আর খেয়ে দেয়ে কাজ নেই! বুড়ো ব্যয়সে ভীমরতি ধরেছে। বংশের ধারা যাবে কোথায়!

আমল বলে—কেন পিসিমা, মেয়েটি তো বেশ!

বৌদিদি সকলকে শুনিয়ে বলেন—ওঃ ঠাকুরপো, তোমারই বুঝি মনে ধরেছে! উইীর ভাগ্য ভাল। তাই তো বলি, এত সাত তাড়াতাড়ি ঘটকের কাছে যাওয়া কেন? আমল লজ্জায় এর কোন উত্তর দিতে পারে না। সারাদিন বাড়ীতে এই কথারই আলোচনা চলল। শেষ পর্যন্ত জ্যাঠামশাই শুনলেন এ কথা। কোন কিছু বললেন না তিনি।

আজ আমল কলকাতা যাবে। নদীর ঘাটে সবাই এসেছে নৌকায় উঠিয়ে দিতে। পিসিমার চোখে জল। বৌদি, জ্যাঠিমা, কাকীমা ও বোনদের চোখ ছল ছল করছে। পিসিমা বলেন—আবার আসিস পূজার ছুটিতে। আমলেরও মনটা ভাল লাগছে না। কেমন যেন মায়া পড়ে গেছে সবার ওপর! আর উইীর কথা মনে পড়লেই প্রাণটা যেন কেমন করে ওঠে। ঘাটে উইীর মাও এসেছেন, কিন্তু উইী নেই। যাবার বেলা একবার দেখতে পেলেন বেশ হত! কাহ্নু নৌকা ছেড়ে দিল। যতদূর দেখা যায় আমল দেখতে লাগল' গ্রামখানাকে। নদীর পাড়ে গাছ-পালায় বেরা ছোট্ট একখানা গাঁ। ঘাটে তখনও সবাই দাঁড়িয়ে আছে।

ধীরে ধীরে কাছ নৌকা আসতেই আমল কাহ্নুদাকে চুপি চুপি বলে—তুমি তাই বাড়ীতে কাউকে বল না, আমি উইীকেই বিয়ে করব। বি, এ পাশ করে যে

ভাবেই হোক মার কাছ থেকে মত নেব। মা অমত করবেন না। কানাই কি বুঝল' সেই জানে। কোন কথা না বলে আমলের দিকে চেয়ে চুপ করে রইল। আমল বললে—চিঠি দিও তাই, সবার খবর দিয়ে।

তারপর আবার সেই ক'লকাতা। আমল এসে হোষ্টেল, কলেজ, আর পড়াশুনা নিয়ে পড়ল। কিন্তু কেমন যেন ফাঁকা ফাঁকা লাগে সব। উইীর মুখখানা সব সময়ই মনে পড়ে। কেন এমন করে সে চাইত তার পানে! কি দেখত চেয়ে চেয়ে—আমল তা বুঝে উঠতেই পারে না! মনটা তার যেন গাঁয়ের আশে-পাশেই ঘুরছে। এমনি করে একটার পর একটা দিন যায়। মধ্যে কাহ্নুর দুখানা চিঠি পেয়েছে সে। উত্তরও দিয়েছে। কিন্তু কিছুদিন হল পড়াশুনার চাপে কাহ্নুদার চিঠির আর উত্তর দেওয়া হয় নি। কিন্তু উইীর কথা মনে পড়ে তার খুবই সব সময়।

দুটা বছর কেটে গেছে। আমল আর কাহ্নুর কোন খোঁজখবর পায় না। আর একটা মাস তার যে কি করে কেটেছে তা কেবল সেই জানে। দুনিয়ার কোনও খবরই সে রাখবার অবসর পায় নি পরীক্ষার চাপে। কেবল বই, আর পড়াশুনা। বি, এ পরীক্ষার ফল বের হল। ইক'নমিক্সে আমল প্রথম শ্রেণীতে প্রথম হয়ে পাশ করেছে। জগদীশবাবুর আনন্দ আর ধরে না। ছেলের চাইতে তিনিই যেন খুসী হয়েছেন বেশী। ছেলেকে কাছে ডেকে তিনি বলেন—আমল, এবার আই, সি, এস, এর জন্ম প্রস্তুত হও। এটা আমার অনেক দিনের ইচ্ছা। তুমি আই, সি, এস, এ সফল হলে সে ইচ্ছা আমার পূর্ণ হবে।

পিতৃ-আজ্ঞা। আমল ক'লকাতা এসে ইক'নমিক্সে এম, এ ক্লাসে ভর্তি হয়ে বাড়ীতে আই, সি, এস, এর জন্ম প্রস্তুত হতে লাগল'। আসছে বছর আই, সি, এস দেবে। এবারও তাকে দুনিয়ার সব কথা ভুলে গিয়ে বইয়ের মধ্যে ডুব দিতে হল। বি, এ পরীক্ষার পর ভেবেছিল যা হোক এবার কিছুদিন ছুটি। তখন উইীর মুখখানাও উঁকি বুঁকি মারছিল তার মনের কোনে। কিন্তু সে সব মনের মধ্যেই চেপে তাকে আবার বইয়ের মধ্যেই আপনাকে মিশিয়ে দিতে হল।

শ্রামলের আই, সি, এস পরীক্ষা হয়ে গেল। ফলও বের হোল তার কিছুদিন বাদে। শ্রামল প্রতিযোগিতায় বিশিষ্ট স্থান অধিকার করে নির্বাচিত হয়েছে। এবার বিলেতে যেতে হবে কিছুদিনের জন্ত। জগদীশবাবু শ্রামলের সাফল্যের খবর পেয়ে সত্য সত্য এবার এত আনন্দিত হয়েছেন যে জীবনে এর চেয়ে বেশী আনন্দ তিনি কোনদিন আশা করেন নি।

শ্রামল তার বাবাকে বললে—আর তো কটা দিন বাদেই দেশ ছেড়ে যেতে হবে। এবার একবার দেশের বাড়ীতে গিয়ে সবার সাথে দেখা করে আসি। শ্রামলের বাবা সানন্দে সম্মতি দিলেন। ছেলেকে অদেয় এখন তাঁর কিছুই নেই। সে যা চাইবে এখন তাই দিতে পারেন তাকে। তাই শ্রামল আবার প্রায় চার বছর পরে তাদের কুমুমপুর গাঁয়ের বাড়ীতে চলল। আজ তারও প্রাণে আনন্দ—আবার উষীকে দেখবে। এবার তাকে জীবনের সাধা করে পেতে চাইলেও তার বাবা অমত করবেন না হয়ত। উষীর সরল স্নন্দর মুখখানা বারবার শ্রামলের মনে পড়তে লাগল। এতদিন তো পৃথিবীর কোন জিনিষই ভাববার তার অবসর ছিল না।

আবার শ্রামল গাঁয়ের বাড়ীতে এসেছে। বাড়ীতে আর সবাই আছে কিন্তু তবুও তার কাছে সব খালি খালি লাগে—এক কাহ্নদার জন্ত। কাহ্নদা আজ বছর দুই হল এক কাপড়ের মিলে কাজ শিখতে চলে গেছে। পূজার সময় কদিনের জন্ত কেবল বাড়ী আসে। মাইনে বলতে পায় মোটে কুড়ি টাকা। কিন্তু জরে ভুগে ভুগে অমন সবল চেহারা শুকিয়ে কাঠ হয়ে গেছে। পিসিমা কাহ্নর কথা বলে কত দুঃখ করতে লাগলেন।

বিকেলের দিকে শ্রামল নদীর ধারে কিছুদূর হেঁটে বাড়ীতে ফিরে এল। গাঁয়ের সে সৌন্দর্য্য, সে সবুজ শোভা—আজ আর তার চোখে পড়ে না। উষীর কথা থেকে থেকে মনে হয়। কিন্তু কাহ্নদা নেই—কাকেই বা জিজ্ঞেস করে তাদের কথা। একা একা কোথায়ই বা যাবে সে? তাই ফিরে আসতে হল সন্ধ্য হবার আগেই।

চারিদিকে বেশ ফুটফুটে জ্যোৎস্না উঠেছে। পিসিমা মাতুর পেতে সবাইকে নিয়ে বসেছেন বারান্দায়। তিনি ঘর সংসারের কথা বলছেন, গাঁয়ের কথা বলছেন, আরও

কত কি? শ্রামল বলে—পিসিমা ষটক ঠাকুর্দা এখানে আছেন তো এখন?

—ও মা তুই শুনিস নি বুঝি! আর বছর আষাঢ় মাসে দু তিন দিন জরে ভুগেই তিনি মারা গেছেন। আহা, এমন কি-ই বা ব্যেস হয়েছিল! একেবারে বিনে চিকিৎসায় মারা গেলেন। অস্থখে কে বা দিত পথ্য, আর কে বা করত শুশ্রুসা। এতখানি ব্যেস পর্যন্ত একটা বিয়েও করল না।

শ্রামলের খুবই দুঃখ হল ষটক ঠাকুর্দার জন্ত। বেশ লোকটি ছিল। মনটা তার ছিল উচু। গাঁয়ের সবার জন্তই ভাবনা ছিল তার।

উষীদের কথা শুনে শ্রামলের ভারী ইচ্ছে হয়, কি কিছুতেই সে কথা মুখ ফুটে বলতে পারে না। শেষে আমতা আমতা করে কোন মতে জিজ্ঞেস করে—আচ্ছা পিসিমা, ঐ সেই চৌধুরীদের বাড়ীর সবাই ভাল আছে তো?

—ও বাড়ীর উষী তো এসেছে আজ কদিন হল শ্বশুরবাড়ী থেকে। তুই বুঝি ওর বিয়ের কথা শুনিস নি? প্রায় তিন বছর হল ওর বিয়ে হয়ে গেছে। একটা ছেলেও হয়েছে ও বছর কার্তিক মাসে। জানাট কোথায় যেন চাকরী করে। দেখতে শুনে মন্দ নয়। এ বিয়ের জন্ত দীহু চৌধুরী ভিটে-বাড়ী, জমি-জমা, নরহরি সাং কাছে বন্ধক রেখেছে। দীহু চৌধুরীর ছেলে বীরকে দেখিস নি বুঝি? সে বিয়ের পর প্রতিজ্ঞা করে বাড়ী থেকে যায় যে, এ দেনা শোধ করতে না পারলে আর দেশে আসবে না। টাটানগরে এক কারখানায় চাকরী পেয়েছে সে। মাস মাস দশ পনের টাকা করে নরহরি সাংকে পাঠায় দেনার জন্ত। হুদে আসলে অনেক টাকা শোধ করে ফেলেছে।

শ্রামলের মনটা ব্যথায় টন্ টন্ করে ওঠে। সেই ক'বছর আগে দেখা স্নন্দর কচি মুখখানা তার মনে পড়ে। মনে পড়ে সেই একদিন বিকেলে প্রথম দেখা দীঘির ঘাটে—বাসন মাজছে কোমরে আঁচল জড়িয়ে। হাতের কাগ ফেলে কেমন বিস্মিত সলজ্জ নয়নে চেয়েছিল তার দিকে। ষটক ঠাকুর্দা তো উষীর স্নমুখেই বলে ফেলেছিলেন তারো বিয়ের কথা। এতে কি ওর মনে একটুও ছাপ পড়ে নি।

অনেক আশা করেই শ্রামল এবার চার বছর পরে দেশে এসেছে। উষীর সে চার বছর আগে দেখা মুখখানা আজও মনের মধ্যে আঁকা রয়েছে। এক বছর তার পড়া-শুনার মধ্য দিয়ে যে কি করে কেটেছে সে তা নিজেই জানে না। শুধু মনটা তার বদলায় নি একটুও।

শ্রামলের আর ভাল লাগে না পল্লীর সবুজ শোভা। সব মুছে গিয়ে এসেছে একটা বিরাট শূন্যতা। এখন যেন গাঁ ছেড়ে যেতে পারলে বাঁচে। তাই কাল সে যাবে।

আজ দুপুরে যুম থেকে উঠে ঘরের বাইরে আসতেই দেখে বারান্দায় পিসিমা বসে কার সাথে যেন আলাপ করছেন। শ্রামল সেদিকে না তাকিয়ে সরে যাচ্ছিল। এমন সময় কে যেন ডাকলে—শ্রামলদা।

শ্রামল দাঁড়াল। একটা মেয়ে, কোলে তার ফুটফুটে একটা ছেলে, পরণে চণ্ডা লাল পেড়ে সাড়ি, কপালে বড় সিঁড়রের ফোঁটা, সিঁথিতে সিঁড়ুর। মেয়েটি কোলের ছেলেকে বসিয়ে উঠে এল।

শ্রামল দেখলে এই সেই চার বছর আগের দেখা উষী! আরও বেশী স্নন্দরী হয়েছে সে দেখতে। রং তার যেন ফেটে পড়ছে। ঠোঁট দুখানি পানের রংয়ে লাল। দেখলে সে উষী বলে চেনাই যায় না। চোখের সে সরল সলজ্জ চাউনি আর নেই—মুখখানি হয়েছে আরও বেশী স্নন্দর, চোখ টি স্থির, অচপল। উষী এসে শ্রামলের পায়ে হাত দিয়ে ংগাম করে দাঁড়ায়, বলে—শ্রামলদা চিনতে পাবলে?

শ্রামল বড় বড় চোখে চেয়ে থাকে, কোন কথা বলতে পারে না সে। উষী হেসে ওঠে বলে—বাঃ রে! এরি মধ্যে ভুলে গেলে। পিসিমা বলেন—ও যে ওবাড়ীর উষী রে, চিনতে পারলি না?

শ্রামল চিনতে পেরেছে অনেক আগে, কিন্তু বলতে পারছে না কিছু। তার মনে হয় উষীর তো কোন ব্যথা নেই প্রাণে, দিব্য হাসিখুসি! তা হলে বেশ স্নখী হয়েছে সে। শ্রামল মনে একটু যেন শান্তি পায়, কিন্তু ব্যথাও লাগে কম না। কোন মতে সে পাস কাটিয়ে বাইরে চলে আসে।

তার পর দেশ ছেড়ে বিদেশে পাড়ি দেবার দিনটিতেও সবার সাথে পাড়াগাঁয়ের একটা জীর্ণ দীঘির ধারে দেখা পল্লীবালায় সরল মধুর মুখখানি—আর স্নিগ্ধ সলজ্জ চোখ দুটি—মনের কোণে ভেসে ওঠে। সেই উষীর এ নতুন রূপ যেন সে মনে নিতে পারে না নিজের মনের মধ্যে। কত তর্ক ওঠে তাকে নিয়ে—কত প্রশ্ন জাগে মনের ভেতর। সত্যই কি উষী স্নখী হয়েছে? একটুও কি মনে হয় না তার কথা? এ কি শুধু চোখেরই দেখা, প্রাণে কি একটুও লাগেনি এর ছাপ। বার বার মনে পড়ে কেমন করে উষী চাইত তার দিকে! আজও শ্রামলের দেহ-মন পুলকিত হয়ে ওঠে পল্লীবালায় সরল সলজ্জ চাউনি স্মরণ করে।

জাহাজ চলতে থাকে সাগরের বুকে আপন বেগে অধীর হয়ে।



ভারতীয় চিত্রকলার তৃতীয় বার্ষিক প্রদর্শনী

শ্রী অজিতকুমার মুখোপাধ্যায়

শ্রী অতুল বসু প্রমুখ প্রসিদ্ধ শিল্পীগণের অধিনায়কত্বে কলিকাতা যাহুঘরে ভারতীয় চিত্রকলার তৃতীয় বার্ষিক প্রদর্শনী এইবার অপূর্ণ সাফল্যমণ্ডিত হইয়াছে, ইহা দেশের এবং শিল্পীগণের



বালির নদী

— এম-ড্রেপার



ধোপার ঘাট — মিসেস এইচ. এ. এ. এডমণ্ডসন

পক্ষে খুবই আশার কথা—ইহাতে সন্দেহ নাই। কিন্তু এইরূপ চিত্রকলা প্রদর্শনী আমাদের দেশে সম্পূর্ণ নূতন এবং নব-প্রতিষ্ঠিত হইলেও শিল্পদর্শনের অনুরূপ এই প্রদর্শনীগুলি এখনও অনেক নিম্নস্তরে থাকায় দেশের শিল্পীগণ এবং দেশবাসী বিশেষ দুইটি হিসাবে ক্ষতিগ্রস্ত হইবেন।

প্রথমতঃ শিল্পীদের পক্ষে কিছু বলিবার পূর্বে প্রাচীন ভারতে চিত্রকলা কিরূপ সমাদর পাইত সে সম্বন্ধে কিছু আলোচনা হওয়া প্রয়োজন। ঐতিহাসিক প্রমাণ যতদূর পাওয়া যায় তাহাতে দেখিতে পাই ভারতবর্ষে চিত্রকলার সম্যক উপলব্ধি প্রথম বর্ষ হইতেই উদ্ভূত হয়। ধর্মের উদ্দেশ্যে অথবা ধর্ম-প্রচারের জন্ত চিত্রকলা বিচিত্র সম্ভারে নিত্য-নূতন ভাবে সৃষ্ট হইতে থাকিলেও শিল্পী এখানে নিজস্ব প্রতিভা স্ফুরণের সুযোগ তেমনভাবে পায় নাই। সে সময়ে শিল্পীর 'অর্ডার' কাজের মত রাজা-মহারাজার জন্ত গতর খাটাইয়া অথাত অজ্ঞাত অনাদৃত হইয়া নীরবে মৃত্যুকে বরণ করিয়া লইয়াছে। তাহাদের প্রতি ভার স্ফুরণ দেশবাসীর দেখিবার সুযোগ কোন দিন আসে নাই বলিয়াই আর পর্যন্ত পটুয়ারা গ্রামে গ্রামে বাঁচিয়া রহিয়াছে, কিন্তু পাহাড়পুর, অজন্তা, ইলোরা, মহাবলীপুরম্, খজুরাহো ও কোণারকের শিল্পীদের নাম ভারতবর্ষে ইতিহাসে আজ একেবারে নিশ্চিহ্ন।

কিন্তু আজ দেশে শিল্পীরা যে উচ্চ স্থান পাইতেছেন এবং জনসাধারণ


তাঁহাদের শিল্পকলাকে প্রদ্বার চক্ষে দেখিতে আরম্ভ করিয়াছেন উহা সম্পূর্ণ পাশ্চাত্যের অবদান—একেবারে অস্বীকার করিলে চলিবে না। এই মনোভাব উত্তরোত্তর বৃদ্ধি করিবার জন্ত উভয় পক্ষেরই যথেষ্টা চেষ্টা করা উচিত এবং এইরূপ চিত্রকলা-প্রদর্শনীই উহার একমাত্র প্রকৃষ্ট পন্থা।

কিন্তু দুঃখের বিষয় অধিকাংশ ভারতীয় চিত্রকলার প্রদর্শনীর কক্ষে প্রবেশ করিলেই প্রথমে চোখে পড়িয়া থাকে চিত্র প্রদর্শনের অভাব। দ্বিতীয়তঃ প্রদর্শনীগুলির প্রতি বিখ্যাত শিল্পীদের উদাসীনতা এবং অসহযোগিতা; তৃতীয়তঃ মনকে বিশেষভাবে পীড়া দেয় চিত্র-নির্বাচন। এই সব কারণে জনসাধারণের চিত্রকলার সহিত ঘনিষ্ঠভাবে পরিচিত হইবার আরও ব্যাঘাত ঘটবে।

এতদিন প্রদর্শনীর অভাবের জন্তই হউক অথবা যে কারণেই হউক—প্রাচীনকালে যেমন জনসাধারণ অজন্তা প্রভৃতি শিল্পকলার সহিত সম্যকভাবে পরিচিত হইবার সুযোগ না পাওয়ায় কেবলমাত্র লোকশিল্পের সহিত পরিচিত ছিল তেমননি আজ দেশবাসী উহার চেয়ে অতি নিকৃষ্ট চিত্রকলাকে লইয়া সন্তুষ্ট রহিয়াছে—ইহা একটি জাতির পক্ষে কলঙ্কের কথা সে বিষয়ে কোন সন্দেহ নাই। স্তব্ধ বাহাতে মাসিক পত্রিকায় ছাপা ছবির মোহ কাটাওয়া উঠিতে পারা যায় সেইরূপ ব্যবস্থা এবং সুযোগ জনসাধারণকে এই প্রদর্শনীগুলির মধ্য দিয়া শিল্পীদের দেওয়া উচিত। কিন্তু দুঃখের বিষয় অনেক সময়েই প্রদর্শনী-গুলি দেখিয়া মনে হয় যেন উ হা র ই পুনরুল্লেখ হইতেছে মাত্র। ইহা শিল্পীদের এবং দেশবাসীর পক্ষে খুবই ক্ষতিকর।

ইহা ব্যতীত আর একটি গুরুতর সমস্যা ভারতীয় চিত্রকলায় দেখা দিয়াছে। ইহা শিল্পী শ্রীসুধাংশুকুমার বায়ের চোখে ধরা পড়িয়াছে দেখিয়া আমরা খুবই সন্তোষলাভ করিয়াছি। তিনি লিখিয়াছেন, “ইউরোপের চিত্র-জগতে পুরাতন ও আধুনিক-পন্থীদের মধ্যে একটা বিরাট সংগ্রাম চলেছে। আধুনিক-পন্থীরা পুরাতন-পন্থীদের

অনেক দোষ ধরেছেন—পক্ষান্তরে পুরাতন-পন্থীরা একটু এগিয়ে পরামর্শ দিয়েছেন—আধুনিক-পন্থীদের ছবি ‘ওয়েষ্ট



একখানি পোষ্টার—শিল্পী—জহর সেন

পেপার বাস্কেটে’ ফেলে দাও।” সারা ইউরোপীয় চিত্রকলার রসাস্বাদন যারা কর্তে চান, বলা বাহুল্য তাঁরা এই ছুটে



তৃষ্ণার্ভ—গোবর্দ্ধন

মতের কোনটাই না মেনে নূতন পুরাতন উভয়-পন্থীর ছবিকেই খতিয়ে দেখবেন।

ভারতবর্ষে কিন্তু সমস্তটি একটু ঘোরাল। এখানে নূতন পুরাতনের দ্বন্দ্ব নেই; আছে পূর্ব ও পশ্চিম-পন্থীর দ্বন্দ্ব। ইহা পদ্ধতিগত স্বাতন্ত্র্য রক্ষার কোন্দল—প্রতিভার ক্রমবিকাশের দ্বন্দ্ব নয়।

আমাদের দেশের চিত্রকলায় আধুনিক-পন্থীর সঙ্গে পুরাতন-পন্থীর দ্বন্দ্ব বা সংঘর্ষ বলে কিছুই আশা কর্তে



অবনীন্দ্রনাথের প্রোট্রেট — প্রবোধেন্দুনাথ ঠাকুর

পারি নে; কারণ 'আধুনিক' নামে কোন চিত্র-শিল্পের সৃষ্টিই আমাদের দেশে হয় নি। যাই হোক ভারতীয় শিল্পের সঙ্গে ভারতীয় চিত্রকলার পরিচয় ঘটাবার মূলে বাধা সৃষ্টি করেছে— এই পদ্ধতিগত স্বাতন্ত্র্য বেধে। ভারতবর্ষে যেমন নিছক ভারতীয় ও নিছক ইউরোপীয় পদ্ধতিতে ছবি আঁকেন এমন দু'টি চিত্রকরের দল রয়েছে, তেমনি এই উভয় পন্থার মধ্যে

ভাল মন্দ বিচারের ও তুলনামূলক আলোচনার জন্ত দুইটি পক্ষপাতমূলক সমালোচকমণ্ডলীরও সৃষ্টি হ'য়েছে। কেউ নিছক ভারতীয় পদ্ধতিতে অঙ্কিত চিত্রকে ছ'চক্ষের বালি মনে করেন। কেউ বা ভারতীয় চিত্রের পৃষ্ঠপোষক হ'য়ে ওঠেন। কিন্তু এ দু'টোর কোনটাই স্বাস্থ্যের লক্ষণ নয়। আমাদের উচিত কোন প্রকারে পক্ষপাততৃষ্ণ না হ'য়ে ছ'রকম পদ্ধতির চিত্রেরই রসগ্রহণের চেষ্টা করা এবং উভয় সম্প্রদায়ের শিল্পীদেরও উচিত জনসাধারণকে তাদের ছবির অপক্ষপাতমূলক আলোচনার সুযোগ দেওয়া।"

ইহা যে কত বড় সত্য কথা—আশা করি উহা আর বিশদভাবে বুঝাইয়া না বলিলেও চলিবে। তাহা হইলে বর্তমানের এইরূপ বিভক্ত পদ্ধতিগত বৈষম্য প্রতিষ্ঠিত প্রদর্শনীগুলির পরিবর্তে জনসাধারণ বৈচিত্র্যময় নিত্য-নূতন রস সৃষ্টির অপূর্ণ সমাবেশ দেখিয়া স্ফূর্তি রূপের পরিচয় দিতে সমর্থ হইবেন। তখনই সার্থক লাভ করিবে ভারতীয় চিত্রকলার রূপ এবং শিল্পীদের অন্তরলোকের চিত্র-চেতনাময় মানসমূর্তি—সে তখন বড় জলাশয় হইতে মুক্ত হইয়া আপন বেগে বাধা-বিলম্বের অতীত স্রোতধিনীর মত নিত্য-রসে নিজেকে সৃষ্টি করিয়া ছুটিয়া চলিবে।

শিল্পীদের এই সার্থক প্রচেষ্টায় দেশ-বাসীর এতটুকু কার্পণ্য দেখাইলে চলিবে না। সম্পাদকগণের পত্রিকার জন্ত চিত্র নির্বাচনে অধিকতর মনোনিবেশ করিতে হইবে যাহাতে দেশবাসী সহস্র

সহস্র কাকের কলরব হইতে একটি কোকিলের শব্দ শুনিয়া মোহিত হইতে পারে এবং নিজেদের স্বস্থ মনের ও জাতিগত ভাবের স্ফূর্তির "ষ্টাণ্ডার্ড" উঁচু করিতে সমর্থ হয়। যেমন জাপানে প্রত্যেক স্কুলে প্রত্যেক ছেলেমেয়েদের শিল্প সম্বন্ধে প্রাথমিক শিক্ষা দেওয়া হয়, প্রত্যেক ছেলে-মেয়েকে বুঝাইয়া দেওয়া হয় কি করিয়া প্রকৃতির সৌন্দর্যকে

অমূল্য, উপভোগ, উপলব্ধি করা যাইতে পারে—ঠিক তেমনি তবে আমাদের দেশের প্রত্যেক ছেলেমেয়ের বুঝাইয়া দিবার ব্যবস্থা করিতে হইবে। শুধু স্কুলের ছেলেমেয়েদের জন্ত নয়।



ভারতীয় জীবনের একটি চিত্র — সারদা উকীল


সমগ্র জনসাধারণকে শিল্প-রসিক করিয়া তুলিবার জন্ত দেশব্যাপী প্রচেষ্টা চাই। ইউরোপে প্রত্যেক সহরে, এমন কি প্রত্যেক ছোট ছোট নগরীতে মিউনিসিপ্যাল আর্ট গ্যালারি আছে, যেখানে বড় বড় শিল্পীদের ভাল ভাল চিত্র সম্বন্ধে রাখিয়া দেওয়া হয়। এই সব আর্ট গ্যালারি প্রতিদিন খোলা থাকে, দর্শনী নাম-মাত্র—অধিকাংশই বিনামূল্যে। এই সমস্ত শিল্পাগারের কল্যাণে প্রথমতঃ হইয়াছে শিল্পের সংরক্ষণ—যাহার ফলে আমাদের দেশের মত অকালে চারুশিল্প, লোকশিল্প ধ্বংসপ্রাপ্ত হয় নাই, দ্বিতীয়তঃ

—দেশের মধ্যে শিল্প-বিকাশ ও শিল্পাত্মতার অল্পকূলে পারিপার্শ্বিক অবস্থার সৃষ্টি হইয়াছে, তৃতীয়তঃ সাধারণো শিল্পরস গ্রহিতার বিস্তার হইয়াছে। এই সমস্ত শিল্পাগার ব্যতীত অসংখ্য যাদুঘর, শত শত শিল্প-পরিষদ, শিল্পসভা ও শিল্পীদের ক্লাব আছে—যেখানে প্রতিনিয়ত শিল্পীদের সঙ্গে জনসাধারণের ভাবের আদানপ্রদান চলিতেছে। এইরূপ ভাবে আমাদের দেশেও শিল্পপ্রসারের দিকে অধিকতর মনোনিবেশ করিতে হইবে।

কলিকাতার 'একাডেমি অফ ফাইন আর্টস্' উহার তুলনায় ক্ষুদ্র হইলেও এই সুযোগের সৃষ্টি করিতে পারিবেন বলিয়া আশা করা যাইতেছে।

এইবার প্রদর্শনীতে যে সমস্ত চিত্রের সমাবেশ হইয়াছে তাহাকে মোটামুটিভাবে ৪টি পর্যায়ে বিভক্ত করা যায়। (১) ভারতীয় পদ্ধতিতে অঙ্কিত চিত্রাবলী (২) ভারতীয় (৩) ইউরোপীয় পদ্ধতিতে অঙ্কিত চিত্রাবলী (৪) পুরাতন ইউরোপীয় চিত্রকরদের চিত্রাবলী।

প্রদর্শনীতে ভারতীয়-পদ্ধতিতে অঙ্কিত চিত্রের সংগ্রহ দেখিলে মনে হয় 'দুধ ফেলিয়া জলের সংস্থান'। ইহার কারণ ভারতীয় পদ্ধতির শিল্পাচার্য্য অবনীন্দ্রনাথ, গগনেন্দ্রনাথ, নন্দলাল, ক্ষিতীন্দ্রকুমার, বীরেশ্বর সেন, অসিতকুমার, দেবীপ্রসাদ, ধারেন্দ্রকৃষ্ণ প্রভৃতি কেহই চিত্র প্রদর্শিত করেন নাই। অবশ্য যামিনী রায়ের নূতন পন্থায় অঙ্কিত ১৫খানি



কাঠ-কয়লায় অঙ্কিত একখানি চিত্র — অবনী সেন

এবং পুরাতন পন্থায় অঙ্কিত ১খানি চিত্র প্রদর্শিত হইয়াছে। যামিনীবাবুকে 'মা ও মেয়ে' ছবিখানির জন্য প্রদর্শনীর সর্বশ্রেষ্ঠ পুরস্কার 'ভাইসরয় মেডেল' দেওয়া হইয়াছে। কিন্তু এই 'মা ও মেয়ে' চিত্রখানির ভাব ও ব্যঞ্জনা যামিনীবাবুর পটুয়া শিল্পের পন্থায় অঙ্কিত অল্পতম 'মা ও সন্তান' চিত্রখানি হইতে অনেক দুর্বলতর; এই চিত্রখানির মধ্যে শিল্পীর সাধনার একাগ্রতা এবং চিত্রের ধর্মের উপর অকপট শ্রদ্ধা দেখিতে পাওয়া যায়। 'মা ও সন্তান' বলিতে কোটি কোটি নরনারীর হৃদয় যে ভাবে আন্দোলিত হয় সেই চিত্তাশক্তির গভীরতায় এই চিত্রখানি অতুলনীয়।



মা ও সন্তান নৃত্য — রমেশনাথ চক্রবর্তী

চিত্রাঙ্কনে কোথাও দুর্বল কল্পনার অথবা অর্থহীন অত্যুগ্র বর্ণবিভাসের স্থান নাই। কিন্তু দুঃখের বিষয়, যামিনী বাবুর তুলিকায় পল্লী-শিল্পের নিজস্ব ভঙ্গী ও প্রতিভায় অঙ্কিত বলিয়াই বোধ হয় এই চিত্রখানিকে প্রথম পুরস্কার দিতে কর্তৃপক্ষ সাহস করেন নাই।

শিল্পী শ্রীরমেশনাথ চক্রবর্তীর 'পদ্ম-চয়ন', 'মা ও সন্তান' নৃত্য', মনীন্দ্রভূষণ গুপ্ত, সারদা উকীল, প্রমোদ চট্টোপাধ্যায় প্রভৃতি শিল্পীর চিত্রাবলী দেখিলে দেশীয় কলা-

বিজ্ঞানের অঙ্কন প্রণালীতে রসস্থষ্টির গভীরতা কিরূপ পরিষ্কারভাবে ফুটিয়া উঠিয়াছে তাহা বুঝা যায়।

তরুণ শিল্পীদের মধ্যে চিত্তামণি কর, আর্থার ঘোষ, কিরণময় ধর, এম, এল, দত্তগুপ্ত, তারক বসু, শীলা বন্দ্যোপাধ্যায় প্রভৃতির চিত্রগুলি উল্লেখযোগ্য। চিত্রাচারিত পথ ত্যাগ করিয়া বিষয়বস্তুর উপাদানকে ব্যাপকভাবে লইয়া বাঙ্গালীর দৈনন্দিন জীবনের নানা দৃশ্য ও ঘটনাকে ইহারা চিত্রকলায় যে রূপ দান করিতে উদ্যত হইয়াছেন উহা আশা করি আধুনিক বঙ্গীয় চিত্রকলায় এক অনবদ্য রসের সন্ধান যোগাইতে সমর্থ হইবে। তাঁহাদের অঙ্কন প্রথায় দেবদেবীর বা যক্ষের যতটা স্থান আছে—তাহার চেয়ে বেশী চোখে পড়িয়া থাকে বাঙ্গালার মাঝি, ভিক্ষুক, গাড়ে-য়ান, আউলবাউল, ঝাড়ুদার, কুলীমজুর, মেছুনী, দোকানদার প্রভৃতি। সামান্ত্রের ভিতর দিয়া বিরাটের এই যে উপলব্ধি—ইহা আধুনিক বঙ্গীয় চিত্রকলায় এক নতুন অধ্যায় স্থষ্টি করিলে তাহাতে সন্দেহ নাই।

প্রদর্শনীতে ভাস্কর্য্য বিভাগের সংগ্রহ মোটেই উৎকৃষ্ট হয় নাই। বিশেষভাবে আনন্দদান করিবার মত দুই তিনখানি ভাস্কর-মূর্তি চখে পড়িয়া থাকে কি না সন্দেহ। শিল্পী সুধীররঞ্জন পাণ্ডগীরের পরিপুষ্ট মনের প্রকাশ ভঙ্গীতে উদ্ভাসিত কোন মূর্তিই নাই। তবে তাঁহার নতুন কাজের কয়েকখানি মূর্তি বেশ ভাল হইয়াছে। প্রদর্শনীতে আরও বেশী এবং

উৎকৃষ্ট ভাস্কর্য্য নিদর্শনের ব্যবস্থা করা সম্ভব।

ইহার পরেই ইউরোপীয় পদ্ধতিতে অঙ্কিত চিত্রের বিভাগ চোখে পড়িয়া থাকে। ইউরোপীয় পদ্ধতির চিত্র প্রায় বাঙ্গালী, বম্বেবাসী ও ভারতপ্রবাসী ইউরোপীয় অনেক শিল্পী দ্বারাই অঙ্কিত হইয়াছে। ইহার মধ্যে শিল্পী ললিত-মোহন সেন তাঁহার 'বর্ষা মেয়ে' চিত্রখানিতে সামঞ্জস্যময় খুব সাহসিক-বর্ণ প্রলেপের পরিচয় দিয়াছেন—তাঁহার এই ধরণে অঙ্কিত চিত্রগুলি প্রায়ই খুব জীবন্ত স্ফুর্তি লাভ করিয়া

থাকে। মুক ও বধির শিল্পী শ্রীবিমানবিহারী চৌধুরী অঙ্কিত 'রঙিন সেকচ' ও ক্ষিতীশ বন্দ্যোপাধ্যায়ের ইটালীয়ান-প্রথায় অঙ্কিত তৈলচিত্রগুলি সকলের দৃষ্টি আকর্ষণ করিয়াছে। শিল্পী মতুল বসু তাঁহার অঙ্কিত প্রতিকৃতিগুলিতে যে বিশেষ সৌন্দর্য্যবর্ণ অল্পভব করিয়া বর্ণের আলোকচ্ছায়ায় সামঞ্জস্যময় রূপ উদ্ভাসিত করিয়াছেন তাহাতে তাঁহার গভীর রসাত্মকতার পরিচয় পাই। ইহাদের কম্পোজিসন বিদেশী হইলেও চিত্রের টেকনিক সম্পূর্ণ তাঁহাদের নিজস্ব। এই সংমিশ্রণের ফলেই তাঁহাদের এই চিত্রগুলির প্রত্যেকটি রচনা বিশেষ উদ্দেশ্য ও ভাব লইয়া আপন অস্তিত্বের সাক্ষ্য দিয়াছে। অবনী সেনের চিত্রগুলিতে সতেজ ও স্নেহের ভাবের প্রকাশ আছে।

কিন্তু দুঃখের বিষয় এবার 'পোষ্টার' চিত্র খুবই কম। আধুনিক যুগে 'পোষ্টার' শিল্পের প্রভূত উন্নতিসাধন হইয়াছে, কিন্তু আমাদের দেশের শিল্পীরা এখনও ঠিক তেমন-ভাবে এই শিল্পটিকে গ্রহণ করেন নাই। এখন দেশে ইহার চাহিদা বেশ বাড়িয়া গিয়াছে, তরুণ শিল্পীদের এদিকেও অধিকতর মনোযোগ প্রদান করা সম্ভব। প্রদর্শনীতে

পোষ্টার চিত্রে জহর সেনকে পুরস্কার প্রদান করিয়া কর্তৃপক্ষ স্মবিবেচনার কাজ করিয়াছেন। ইহা ব্যতীত ইউরোপীয় পদ্ধতিতে অঙ্কিত আরও কয়েকখানি চলনসই চিত্র থাকিলেও বোধহই হইতে যে সব ছবি আসিয়াছে তাহার মধ্যে কোন বিশেষত্ব নাই—একেবারে সাধারণ চিত্র বলিলেও অত্যাঙ্কিত হইবে না।

অধিকাংশ পুরাতন ইউরোপীয় চিত্র মহারাজা প্রচোৎ-কুমার ঠাকুর ও পাইকপাড়ার রাজশেঠ দিয়াছেন। যদিও মহারাজা ঠাকুর প্রভৃতি তাঁহাদের সংগৃহীত ইউরোপীয় চিত্রকরদের অঙ্কিত চিত্রের কয়েকটি নমুনা দেখিবার সুযোগ দিয়া ধন্যবাদভাজন হইয়াছেন, কিন্তু আমাদের মনে হয় বেশী এই সব চিত্র আর প্রদর্শিত না হওয়াই উচিত। ইউরোপীয় গ্যালারীর পৃথিবীবিখ্যাত চিত্রগুলি দেশবাসীর স্বচক্ষে দেখিবার সৌভাগ্য না আসিলে উহা উৎকৃষ্ট মাসিক পত্রিকায় দেখিয়াই সন্তুষ্ট থাকিতে হইবে নতুবা প্রদর্শনীতে টাঙ্গান পুরাতন ইউরোপীয় চিত্রগুলি হইতে আরও মূল উৎসদের এবং অতি আধুনিক পরীক্ষিত চিত্রের প্রদর্শনের ব্যবস্থা করা উচিত।

ইংরাজী শিক্ষায় ধনি-সমস্যা

অধ্যাপক শ্রীকালিদাস ভট্টাচার্য্য বি-এ

সম্প্রতি কলিকাতা বিশ্ববিদ্যালয়ের প্রবেশিকা পরীক্ষা সম্পূর্ণরূপে মাতৃভাষায় গৃহীত হইবে এইরূপ সিদ্ধান্ত হইয়াছে। তদনু-সারে যে সকল বিভিন্ন বিষয় এ পর্যন্ত ইংরাজী ভাষার ভিতর দিয়া শিক্ষা দেওয়া হইত তাহা বাঙ্গালী এবং অত্যাঙ্ক মাতৃভাষায় (উর্দু, অসমীয়া বা হিন্দী) তর্জমা করিয়া ও প্রয়োজন মত পুস্তকাদি রচনা করিয়া কাজ আরম্ভের বিশেষ আয়োজনও চলিতেছে। স্বর্গীয় শ্রম জগতের মুখোপাধ্যায় মহাশয়ের জীবনব্যাপী যত্ন ও চেষ্টা তাঁহার পরবর্ত্তী কর্মীদের অন্তরে জীবিত থাকিয়া আজ যে ফলে পরিণত হইতে চলিয়াছে তাহা বাঙ্গালার বিশেষ সৌভাগ্য ও গৌরবের কথা তাহাতে সন্দেহ নাই।

ভাষাই জাতির প্রাণ। মাতৃভাষা লোপ পাইলে, নিজস্ব জাতীয় জীবন বলিয়া আর কিছুই থাকে না। বিদেশী ভাষার প্রভাবে আমাদের মাতৃভাষা ক্রমশঃ প্রাণহীন হইয়া পড়িতেছিল; এমন সময়ে এই

লুপ্তপ্রায় ভাষার তথা জাতীয়শিক্ষাপদ্ধতির পুনরুদ্ধারের বিশিষ্ট চেষ্টা দেশের ভবিষ্যতকে স্পষ্টভাবে গড়িতে পারিলে বলিয়া বিশেষ আশা করা যায়। অত্যাঙ্ক বিদেশীয় জাতির মধ্যেও এইরূপ শিক্ষা প্রণালীই প্রচলিত আছে এবং তাহা জাতীয় সমৃদ্ধির যথেষ্ট সাহায্য করিয়াছে। জাপানের এত দ্রুত উন্নতির একটি প্রধান কারণ—মাতৃভাষার উপর শিক্ষার ভিত্তি স্থাপন। জাপান বেশ বৃদ্ধিপ্রাপ্তি ছিল যে, বিদেশীভাষার সাহায্যে শিক্ষা দিয়া আধুনিক জগতের সমকক্ষ হইয়া চলা অসম্ভব এবং সেইজন্মই বিশিষ্ট নবীশদের দ্বারা বিভিন্ন বিষয়ের তর্জমা ও পুস্তক রচনা করাইয়া শিক্ষার ব্যবস্থা করিয়াছিল। বিশ্বভাষা (Lingua Franca) হিসাবে প্রয়োজনমত ইংরাজী গৌণভাবে স্কুল ও কলেজে শিক্ষা দেওয়ার ব্যবস্থা আছে মাত্র। অবশ্য এ ভাবের শিক্ষা দ্বারা জাতীয় উন্নতি স্বাধীন দেশে যতটা সহজসাধ্য ও সম্ভবপর, পরাধীন দেশে মোটেই ততটা নহে। তাহা হইলেও এই বর্ত্তমান সুযোগকে সর্বান্তঃকরণে বরণ

করিয়া ভাষা ও জাতির ক্রমোন্নতির চেষ্টা আমাদের সকলকেই করিতে হইবে।

মাতৃভাষায় অশাস্ত্র সকল বিষয় শিক্ষা দেওয়া ছাড়া বিশ্ববিদ্যালয় কমিটি আরও স্থির করিয়াছেন যে, স্কুলগুলিতে ইংরাজী ভাষাও বিশিষ্ট শিক্ষক দ্বারা প্রকৃতভাবে শিক্ষা দেওয়ার ব্যবস্থা করা হইবে এবং প্রয়োজনমত শিক্ষকদিগকে এ বিষয়ে বিশেষ ট্রেনিং দেওয়া হইবে। ইংরাজী শিক্ষা দেওয়ার জন্ত যে পারদর্শী ও অভিজ্ঞ শিক্ষক নিযুক্ত করা হইবে বলিয়া কমিটি সিদ্ধান্ত করিয়াছেন তাহা সর্বতোভাবে সমীচীন ও প্রশংসনীয়। এ পর্যন্ত স্কুলগুলির উচ্চ চারিটি শ্রেণিতে সমস্ত বিষয় ইংরাজীতে শিক্ষা দেওয়া হইতেছে; ফলে কেবল ইংরাজী শিক্ষার জন্ত বিশেষ ব্যবস্থা না থাকিলেও ভাষায় অল্প-বিস্তর দখল প্রত্যেকেরই হইত। তবে বিশেষজ্ঞ দ্বারা শিক্ষা দেওয়ার দিকে বিশেষ দৃষ্টি না থাকায় উচ্চারণ ও অশাস্ত্র ব্যবহারিক ত্রুটি থাকিয়া যাইত। কিন্তু এখন সকল বিষয় মাতৃভাষায় শিক্ষা দেওয়ার দরুণ এক দিকে যেমন মাতৃভাষার বিশেষ উন্নতি হইবে, অন্য দিকে তেমনি বিশেষ ব্যবস্থা না থাকিলে ইংরাজীর সূচক শিক্ষা মোটেই সম্ভবপর হইবে না। যে কোন বিদেশী ভাষা শিখিতে হইলে সেই ভাষার ধ্বনি ও উচ্চারণ সম্বন্ধে বিশেষজ্ঞ দ্বারা শিক্ষা হওয়াই প্রয়োজন, নচেৎ বিদেশী ভাষা শিক্ষার যে উদ্দেশ্য তাহা সর্বতোভাবে সফল হইতে পারে না। ধ্বনি ও শব্দের উচ্চারণ বিশুদ্ধভাবে আয়ত্ত করিতে না পারিলে, কোন বিদেশীর সঙ্গে আলাপ আলোচনা মোটেই সম্ভব বা সহজ হয় না; অন্ততঃ যতদিন সেই বিদেশীয় অশুদ্ধ উচ্চারণের সঙ্গে সম্যকভাবে পরিচিত না হইয়া উঠেন। কোন নবাগত ইংরাজকে Fan (পাতা) কথাটি বলা হইলে তিনি স্বভাবতঃই Pan (পাত্র) বুঝিবেন, তাহার কারণ আমরা স্কুল কলেজে যেভাবে ইংরাজী শিক্ষা পাইয়া থাকি তাহাতে ইংরাজী ভাষার যে সকল ধ্বনি (Sounds of the letters) বাঙ্গালা বা সংস্কৃত ভাষার বর্ণমালার অন্তর্গত নয় তাহাদের বিশুদ্ধ উচ্চারণ শিক্ষা দেওয়া হয় না। নবাগত ইংরাজটির বুঝিতে না পারার কারণ—ইংরাজী বর্ণমালার 'F'এর ধ্বনি বাঙ্গলায় নাই এবং তৎপরিবর্তে আমরা 'ফ'এর ধ্বনি ব্যবহার করিয়া থাকি; আর এই 'ফ'এর ধ্বনি অনেকটা ইংরাজী 'P'এর ধ্বনির ন্যায়। পরে ধ্বনিতত্ত্ব (Phonetics) সম্বন্ধে আলোচনা করিয়া দেখাইতে চেষ্টা করিব যে ইংরাজী বর্ণমালার কোন কোন ধ্বনি আমাদের আংশিক ও সম্পূর্ণভাবে অশুদ্ধ উচ্চারণ হইয়া থাকে।

এইরূপ বিশুদ্ধভাবে ইংরাজী শিক্ষা দেওয়া সম্বন্ধে হয়ত বিভিন্ন মত থাকিতে পারে। কেহ বা বলিতে পারেন বিদেশী ভাষা শুদ্ধভাবে শিখিবার জন্য আমরা এত কষ্ট স্বীকার করিব কেন? বিভিন্ন জাতিগুলি কি ইংরাজী বিশ্বভাষা হওয়া সত্ত্বেও বিশেষভাবে শিক্ষা না করিয়া তাহাদের জাতীয় ভাষার দ্বারা কাজ চালাইতে সমর্থ হয় না? সেইরূপ আমরাও বিশেষভাবে ইংরাজী শিক্ষা না করিয়া কেবলমাত্র বাঙ্গলা দ্বারা কেন সকল কাজ নির্বাহ করিতে সমর্থ হইব না? কথাগুলি কিয়ৎ পরিমাণে ঠিক হইলেও আমাদের ইংরাজী শিক্ষা অন্ততঃ এ সময়ে

নির্ভর প্রয়োজন। কেন না আধুনিক জগতের বিভিন্ন বিষয়ে জ্ঞান জন্ম ইংরাজী পুস্তক ব্যতীত আমাদের আপাততঃ কোনই উপায় নাই; এ ছাড়া রাজভাষা হিসাবে ইহার কতক পরিমাণে প্রয়োজন আছে। সে জন্য যখন শিখিতেই হইবে তখন অন্ততঃ যদি সাধ্যাতীত না হয়, তাহা হইলে ভাষা যথার্থ ও শুদ্ধভাবে শিখি না কেন! বিশেষ শুদ্ধভাবে ইংরাজী শিখিতে হইলে উক্ত ভাষা ভাষীর দ্বারা শিক্ষা হওয়াই ইহার প্রকৃত উপায়, কিন্তু এখানে শুধু যে সে ব্যবস্থা হওয়া সম্ভবপর নয় তাহা নহে, বিশেষ প্রয়োজনও নাই। কেবলমাত্র বিদেশীয় বাহারা এ বিষয়ে শিক্ষকতা করিবেন পূর্বে তাহাদেরই ইংরাজী বর্ণমালার ধ্বনিতত্ত্ব বিষয়ক শিক্ষার ব্যবস্থা হওয়া অবশ্য কর্তব্য, কেন না পূর্বে হইতে এইরূপ ব্যবস্থা থাকিলে ইংরাজী উচ্চারণে এতটা অশুদ্ধতা আমাদের মধ্যে প্রবেশ করিতে পারিত কি না সন্দেহ।

অধিকাংশ জাতির মধ্যেই দেখা যায় যে, ভিন্ন ভাষার যে ধ্বনিসমূহ নিজ ভাষার বর্ণমালার মধ্যে নাই তাহা আয়ত্ত করিতে গিয়া প্রায়ই শুদ্ধভাবে উচ্চারিত হয় না। যেমন ইংরাজেরা "তুমিকে টুমি", ফরাসীরা "ব্যাড (bad)কে ব্যাদ", জার্মানীরা "টি (tee)কে জী", চীনারা "রুপী (rupee)কে লুপী", জাপানীরা "রিয়েরী (really)কে রিয়েরী, এবং আমরা Fanকে Pan বা water কে ওয়াটার ইত্যাদি বলিয়া থাকি। ধ্বনির এইরূপ অশুদ্ধতা কোন কোন জাতি স্বল্প চেষ্টায় শুদ্ধ করিয়া লইতে সমর্থ হয়, আর কোন কোন জাতির পক্ষে বিশেষ চেষ্টার প্রয়োজন হয়। এই যে একই ধ্বনির উচ্চারণ কোন জাতির পক্ষে সহজ ও অন্যের পক্ষে কঠিন অথবা তাহার অবশ্য যথেষ্ট কারণ আছে। এ সম্বন্ধে বিস্তৃতভাবে আলোচনা সামান্য প্রবন্ধে সম্ভব নয়; কেবল বিষয়োপযোগী কারণ দেখাইলেই এখানে যথেষ্ট হইবে বলিয়া মনে করি।

সাধারণতঃ কোন একটি জাতি কয়েকটি ভিন্ন ভাষার মধ্যে হয়ত একটি ভাষার ধ্বনি অতি সহজেই আয়ত্ত করিয়া প্রায় শুদ্ধভাবে উচ্চারণ করিতে সমর্থ হইল; অন্য কয়টির হয়ত কিছু কষ্টে এবং অপরটির হয়ত কোন কোন ধ্বনি মোটেই উচ্চারিত হইল না। ইহার প্রধান কারণ, যে ভাষার ধ্বনি স্বল্প কষ্টে উচ্চারিত হইল তাহার বর্ণমালার ধ্বনিসমূহ নিজ ভাষার ধ্বনিসমূহের সঙ্গে সমধর্মিত্বের দিক দিয়া প্রায় এক বা সামান্য পৃথক, এবং যে ভাষার ধ্বনি আয়ত্ত করা কিছু কষ্টসাধ্য বা অসম্ভব মনে হইল সেই ভাষার বর্ণমালার কোন কোন ধ্বনি নিজ ভাষার বর্ণমালার মধ্যে ত নাই—এতদ্ব্যতীত সেই সেই বর্ণের উচ্চারণ অশুদ্ধ ধ্বনি বলিয়া মনে হয়। দৃষ্টান্তস্বরূপ যেমন আমরা উর্দুর 'জলাসা' শব্দটি ইচ্ছা করিলেই শুদ্ধভাবে বলিতে পারি—কেন না 'স' ধ্বনি আমাদের বর্ণমালায় বর্তমান এবং তাহার প্রকৃত উচ্চারণ আমরা জানি ও প্রয়োজন মত 'আন্তে, বাস্তবিক' প্রভৃতি শব্দে শুদ্ধ উচ্চারণ করিয়াও থাকি; কিন্তু উক্ত 'জলাসা' শব্দে 'স'এর উচ্চারণ নিত্য ত্যাগিতব্যবশতঃ বর্ণের মৌলিক ধ্বনির দিকে লক্ষ্য না রাখিয়া উহার বিকৃত ধ্বনি 'শ' ব্যবহার হইয়া থাকে। যদিও বাঙ্গালার 'স'এর

এইরূপ বিকৃত উচ্চারণ আর কটু শুনায় না, কারণ ধ্বনি-বিজ্ঞান মতে উচ্চারণ-প্রাদেশিকত্বের (provincialism in tongue) এবং সহজ উচ্চারণ (easiness in articulation)এর দিক দিয়া এইরূপ পরিবর্তন কখন কখন অবশ্যস্বাভাবিক ও গ্রহণীয়। কিন্তু আবার উর্দুর 'গুল' কথাটি বলিতে বিশেষ চেষ্টা ও অভ্যাসের প্রয়োজন—যেহেতু বাঙ্গালী বর্ণমালায় ঐ জাতীয় কোন ধ্বনি-নির্দেশক বর্ণ নাই। সেজন্য সেই ভাষাভাষী অথবা ধ্বনিতত্ত্ব বিশেষজ্ঞ দ্বারা শিক্ষিত হইতে পারিলে ভিন্নভাষার সহজ ও কঠিন ধ্বনিগুলি আয়ত্ত করা মোটেই অসম্ভব হয় না।

ভাষার সমৃদ্ধি ধ্বনি সংখ্যার পরিমেষত্ব ও পরিপূর্ণতার উপর বিশেষভাবে নির্ভর করে। সংস্কৃত ভাষা অপরাপর ভাষা হইতে এ কারণে বিশেষভাবে উন্নত এবং বাঙ্গালাভাষাও ঐ ধ্বনিসমূহের অধিকারী হওয়ায় প্রকৃত চিন্তাশীল ব্যক্তিদের চেষ্টায় এত শীঘ্র বিশেষ উন্নতির পথে অগ্রসর হইতে সমর্থ হইয়াছে। অতীতকালে ইংরাজীর বর্ণ-সংখ্যা অত্যন্ত অপরিমেষ বলিয়া—ভাষার ক্রমোন্নতির সঙ্গে সঙ্গে ধ্বনি সংখ্যা বর্ণসমূহের সংখ্যা হইতে বিশেষভাবে বৃদ্ধি পাওয়ায় মৌলিকবর্ণসমূহ ব্যতীতও wh, th (this), th^s (this), sh, ch s^s (zh—Pleasure), ng এবং স্থানে স্থানে বর্ণমালার সমধর্মি থাকা সত্ত্বেও n—Pn, Kn; s—Ps, f—Ph প্রভৃতি ধ্বনির জন্ত একবর্ণ বা যুক্তবর্ণের (diagraph) দ্বারা প্রকাশিত হইয়াছে। স্বরবর্ণের প্রায় প্রত্যেক ধ্বনিটিই বিভিন্ন শব্দে একাধিক ধ্বনি লইয়া বর্তমান—'a' একটি মাত্র বর্ণ হইলেই—Cat (ক্যাট), Call (কল), Car (কার), Cane (কেন) প্রভৃতি বিভিন্ন ধ্বনি লইয়া প্রকাশ। ইংরাজীতে c, q ও x ক্রমাগত K ও S, K, এবং K+S ও G+Zএর সমধর্মি হওয়ায় ছািকিগণটি বর্ণের মধ্যে মাত্র তেইশটি বর্ণ থাকা সত্ত্বেও প্রয়োজনমত হয়ত ধ্বনি সংখ্যা বাড়িয়াই যাইবে, আর আমাদের বর্ণমালার ধ্বনি সংখ্যা নিজ ভাষাকে সমৃদ্ধ করিবার জন্ত পরিমেষ হওয়া সত্ত্বেও তাহার ধ্বনি সংখ্যা ক্রমশঃ হ্রাস করিয়া মাতৃভাষাকেও দুর্বল করিতেছি, এতদ্বিন বিদেশীয় ভাষার ধ্বনি শুদ্ধভাবে উচ্চারণ করিবার পথও রুদ্ধ করিতেছি। "ই ও ঈ", "উ ও উ" বর্ণসমূহের আর পৃথক উচ্চারণ হয় না; "অন্তস্থ য ও অন্তস্থ ব" বর্ণ দুইটির মৌলিক ধ্বনি সম্পূর্ণরূপে হারাইয়াছি এবং তাহার ফলে হইয়াছে কি Fill (ই) ও Feel (ঈ) এবং Book (উ) Food (উ) প্রভৃতির স্বরবর্ণগুলিকে মাত্রা পার্থক্য না রাখিয়া একই ভাবে উচ্চারণ করিতে হয়; আর water—বটার এর পরিবর্তে ওয়াটার ও yes—য়স এর পরিবর্তে জ়য়েস বলিয়া সারিতে হয়। এ ছাড়া যে সকল ধ্বনি বাঙ্গালায় নাই অথচ বাঙ্গালা সাহিত্যে সেই সকল ধ্বনিযুক্ত শব্দ নির্বিন্যাসে স্থান পাইতেছে কিন্তু তাহাদের উচ্চারণ শুদ্ধতার দিকেও আমাদের কোনরূপ চেষ্টা বা যত্ন পরিলক্ষিত হয় না। Examination, Fit, Third, Bus প্রভৃতির Z, F, th, u ধ্বনি খুব কম লোকেরই শুদ্ধ উচ্চারণ হইয়া থাকে। এতদ্ব্যতীত উচ্চারণ বিকৃতির ত অভাবই নাই—persist (পারসিস্ট)কে পা-ছিষ্ট,

actual (এ্যাকচুয়ল)কে একচুয়ল, Examination (এগজা (2) মিনেশন)কে এ্যাগজামিনেশন ইত্যাদি। যাহা হউক, এইরূপে বিভিন্ন কারণে বিদেশীয় ধ্বনি ও শব্দ যখন সকল—ভাষাতেই স্থান পায় এবং তাহার স্বাভাবিক গতি রোধ করিবার যখন কোনও উপায় নাই—তখন যে সকল নূতন ধ্বনি নিজ ভাষায় হৃদৃঢ়ভাবে স্থান পাইতেছে, তাহা চেষ্টা ও যত্ন দ্বারা শুদ্ধ করিয়া লওয়া উচিত নয় কি?

যে কোন ভিন্ন ভাষার কোন বিশিষ্ট ধ্বনি নিজভাষার একটি ধ্বনির সঙ্গে সমধর্মিত্বের স্রষ্ট হইলেও অতি সূক্ষ্ম পার্থক্যও তাহাতে বর্তমান থাকে। অনেকক্ষেত্রে হয়ত কেবলমাত্র ধ্বনিটি শুনিয়া এই প্রভেদ বুঝিতে পারা যায় না—কিন্তু ভাষার ব্যবহারের বিশিষ্ট ধারায় ইহার প্রকাশ পায়। এই পার্থক্যের জন্মগত স্বাভাবিক কারণ অত্যন্ত সূক্ষ্ম—জাতি, ব্যক্তি, রক্ত ও শ্বাসের গুণ-পরিমাণ ও গতি, বাক্য ও শ্রবণ যন্ত্রের গঠন, স্থান এবং আবহাওয়া প্রভৃতি বিভিন্ন বৈশিষ্ট্যের উপর নির্ভর করিয়া নিয়ন্ত্রিত। কোন জাতির ধ্বনিতে অনুমানিকের রেশ, কাহারও শ্বাসের উষ্ণতা, কাহারও বা ধ্বনি কণ্ঠ-ধ্বন-ময় প্রভৃতি ভিন্ন ভিন্ন ভাব পরিলক্ষিত হয়।

নান্য কৃত্রিম উপায়ে ভিন্ন ভাষা শিখিলেও এই পার্থক্যের স্বাভাবিক বৈশিষ্ট্য থাকিয়া যাইবেই। এতদ্ব্যতীত অনেকক্ষেত্রে ভিন্ন ভাষার ধ্বনির সমতার সামান্য অভাবকে অগ্রাহ করিয়াও শিক্ষা করা প্রয়োজন হয়, নচেৎ প্রায় সকল ধ্বনিরই আমূল পরিবর্তন ব্যতীত গতান্তর থাকে না। সাধারণতঃ আমরা মনে করি—ইংরাজীর প্রায় সকল ধ্বনিই বাঙ্গালার বিভিন্ন ধ্বনির সমধর্মি—কিন্তু বাস্তবিক পক্ষে মোটেই তাহা নয়। পার্থক্য প্রায় সকল ধ্বনিতেই আছে—এ ছাড়া ইংরাজীতে বাঙ্গালা হইতে কতকগুলি সম্পূর্ণ ভিন্ন ধ্বনিও বর্তমান।

ধ্বনিতত্ত্বের বিচারমতে বাঙ্গালার সহিত তুলনায় ইংরাজীর ধ্বনিগুলিকে তিনটি ভাগে বিভক্ত করিতে পারা যায়।—প্রথম সূক্ষ্ম পার্থক্যযুক্ত, দ্বিতীয় সমতার সামান্য অভাবযুক্ত এবং তৃতীয় সম্পূর্ণ ভিন্ন ধ্বনি। প্রথম ও দ্বিতীয় ভাগের সূক্ষ্ম পার্থক্য ও সমতার সামান্য অভাবকে অগ্রাহ করিয়া শিক্ষা করা ছাড়া বোধ হয় উপায় নাই—আর তৃতীয় ভাগের জন্ত নির্দিষ্ট পন্থা অবলম্বনে চেষ্টা ও যত্ন দ্বারা ধ্বনির শুদ্ধতা আয়ত্ত করা প্রয়োজন। প্রবন্ধে সংক্ষেপে ও স্ববিধার জন্ত প্রথম ও দ্বিতীয় ভাগের ধ্বনিসমূহের জন্ত বিশেষভাবে ধ্বনিতত্ত্ব বিচার না করিয়া সামান্য আলোচনাই যথেষ্ট; আর তৃতীয় ভাগের ধ্বনিগুলিকে সম্যক বুঝিবার জন্ত প্রয়োজন মত প্রতিকৃতি (diagram) তুলনামূলক ব্যাখ্যা দ্বারা ধ্বনিতত্ত্বের বিশদ আলোচনা প্রয়োজন। প্রবন্ধের মূল উদ্দেশ্য ধ্বনির সমস্যা ও তাহার বিচার—সে জন্ত একই ধ্বনির জন্ত শব্দে বিভিন্ন বর্ণের ব্যবহার এবং উচ্চারণ ও উহার বিশিষ্টতা, মাত্রাভেদ (accent) প্রভৃতির দৃষ্টান্ত উল্লেখ প্রবন্ধের কলেবর বৃদ্ধি করিয়া লাভ নাই। ইংরাজী পুস্তকের বর্ণ বিস্তার অসম্পূর্ণ ও অবৈজ্ঞানিক—সেই হেতু বর্ণের দিকে লক্ষ্য না রাখিয়া ধ্বনির বিজ্ঞানসম্মত রচনা এখানে বর্ণিত হইবে।

প্রথমভাগ

স্বরধ্বনি :—a—অ (all), a—আ (Path), e—ঐ (eve),—

o—উ (do), e—এ (end), o—ও (obey), a—এ্যা (mar) এবং যুগ্মধ্বনি (diphthong)—i—আই (isle) ।

a in man এই “এ্যা” ধ্বনিটি বাঙ্গালা বর্ণমালার অন্তর্গত না হইলে ও ইহাতে আমরা স্বাভাবিক ভাবেই উপার্জন করিয়াছি। বাঙ্গালায় বহু শব্দে লিখিত ‘এ’ থাকিলেও তাহার প্রকৃত ধ্বনি না দিয়া— এক, দেখ, বেলা প্রভৃতি শব্দে “এ্যা” ধ্বনি দেওয়া হয়।

ব্যঞ্জনধ্বনি :—h, b, d, g, m, n, S (c), Sh, ng, l, r, ch, J (g) ক্রমাগত হ, ব, ড, গ, ম, ন, স, শ, ঙ, ল, র, চ, জ এর সমধ্বনি।

মূলে ch ও J—t+sh ও d+zh ভাবের ব্যঞ্জন-যুগ্মধ্বনি (consonantal diphthongs) হইলেও এরূপ ব্যবহার আর হয় না।

কোন কোন ধ্বনিতাত্ত্বিকের মতে ch, J, sh ধ্বনি তিনটি উচ্চারণ জন্য ওষ্ঠদ্বয় সামান্য গোলাকৃতি (slightly protruded) হওয়া উচিত, কিন্তু অন্যান্য ধ্বনিতাত্ত্বিক এইরূপ গঠনকে (formation) বিকৃত (affected) বলিয়া নির্দেশ করেন। “r”এর ধ্বনি ইংরাজীতে দুইভাবে সাধারণত ব্যবহৃত হয়। একরূপ বাঙ্গালা ‘র’এর ন্যায় বা

স্বল্পকম্পিত (slightly trilled), আর দ্বিতীয় রূপে ‘r’এর কম্পিত ভাব থাকে না। এই অকম্পিত ‘r’এর জন্য জিহ্বা গঠনস্থানে যায় মাত্র কিন্তু কোনরূপ কম্পন না দিয়া ফিরিয়া আসে এবং শব্দে ‘r’এর পূর্ববর্তী “আ” স্বরধ্বনিটি দীর্ঘভাবে উচ্চারিত হয়—arm (আ—ম), Car (কা—র) প্রভৃতি। r এর ধ্বনিও কেহ কেহ বিকৃতভাবে ওষ্ঠদ্বয় গোলাকৃতি (Fro ruded) করিয়া দিয়া থাকেন।

দ্বিতীয় ভাগ


স্বরধ্বনি :—i—ই (sit) এবং u—উ (pull); যুগ্মধ্বনি

(diphthongs) :—ou—আউ (thoü), এবং oi—অই (oil);

ঈষৎ যুগ্মধ্বনি (semi-diphthongs or glide sound) :—

a-e—এই (age) এবং O—ও উ (old)

বাঙ্গালায় ই, ঐ এবং উ, ঊ ক্রমাগত ঐ এবং উ ধ্বনিতেই পরিণত— হইয়াছে, নচেৎ i এবং u এর ধ্বনির জন্য চিন্তা করিতে হইত না।




ঐ—e (eve)

ই—i (sit)

e (eve)—ঐ উচ্চারণের জন্য গঠন হইতে জিহ্বা সামান্য নামাইয়া স্বর দিলে যে ধ্বনি পাওয়া যাইবে তাহাই i—ই (sit) এর প্রকৃত

শব্দ ধ্বনি। ওষ্ঠদ্বয়ের অবস্থা স্বাভাবিকভাবেই থাকিবে। গঠনের পার্থক্য উপরের প্রতিকৃতি হইতে বুঝিতে পারা যাইবে।



উ—o (do)

উ—u (pull)

o (do)—উ উচ্চারণের গঠন হইতে জিহ্বার পশ্চাৎভাগ সামান্য নামাইয়া ও সেই সঙ্গে ওষ্ঠদ্বয়ের গোলাকৃতি ফাঁক সামান্য বড় করিয়া স্বর দিলে যে ধ্বনি পাওয়া যাইবে তাহাই u (pull)—উ এর প্রকৃত শব্দ ধ্বনি। উপরের তুলনামূলক প্রতিকৃতি হইতে পার্থক্য সম্যক বুঝিতে পারা যাইবে।

ou—আউ এবং oi—অই যুগ্মধ্বনি দুইটির কোন আয়োজন নাই—কেন না ধ্বনি কয়টি ভিন্নভাবে পূর্বেই বর্ণিত হইয়াছে।

এই—a-e (age) এবং ওউ—o (old) এই দুইটি ঈষৎযুগ্ম ধ্বনির জন্ম ক্রমাগত এ এবং ও পূর্ণমাত্রায় ধ্বনি দিয়া ই এবং উ উচ্চারণ স্থানে জিহ্বা পৌঁছিতে মাত্র। এই কারণে ই এবং উ বর্ণদুটি এ এবং ও হইতে ছোট করিয়া লেখা হইয়াছে। এই ঈষৎযুগ্মধ্বনিদুটি আমরা মোটেই শুদ্ধভাবে দিই না এবং তাহার পরিবর্তে কেবলমাত্র এ এবং ও দিয়া থাকি।

ব্যঞ্জন ধ্বনি :—P, T, K (Q) এর জন্ম আমরা ক্রমাগত প, ট ও ক ধ্বনি দিয়া থাকি। প, ট, ও ক হইতে উক্ত ধ্বনিগুলি অধিক শ্বাসযুক্ত। কোন কোন অভিধানে বা ধ্বনিতাত্ত্বিক দ্বারা বর্ণগুলির উপরে h চিহ্ন দিয়া Ph, Th, Kh এইভাবে শ্বাস নির্দেশিত হইয়াছে। P, T, K, অনেকটা ফ, ঠ ও থ এর স্থায়—পার্থক্য এই যে ফ, ঠ ও থ এর শ্বাস (breath) বর্ণগুলির ধ্বনির সহিত জড়িত অবস্থায় পশ্চাৎবর্তী স্বরধ্বনির সঙ্গে মিলিত হয়, কিন্তু P, T, ও K ধ্বনি কয়টির শ্বাস পশ্চাৎবর্তী স্বরধ্বনির সঙ্গে মিলিত হইবার পূর্বেই সামান্যক্ষণ স্থায়ী হইয়া শ্রুত হয়। যেমন—

ফ্যান—ফ্যান (ভাতের মাড়);

Pan (Phan)—ফ—গান (পাত্র) । (—শ্বাস চিহ্ন) ।

Q এর মূলধ্বনি K র স্থায়—antique, etiquette প্রভৃতি শব্দে K ধ্বনিই শ্রুত হয়। Q বর্ণটি u ব্যতীত ব্যবহৃত হয় না এবং Q এর পরে u এর ধ্বনি ব্যঞ্জনান্ত বলিয়া Quit, quantity প্রভৃতি শব্দে K+W অথবা K+wh ধ্বনিভাবে উচ্চারিত হয়। (w এবং wh এর ধ্বনি তৃতীয়ভাগে থাকিবে।)

X ব্যঞ্জনান্ত যুগ্মধ্বনি K+S ও G+Z দুইভাবে উচ্চারিত হয় (Z এর ধ্বনি তৃতীয় ভাগে থাকিবে)।

তৃতীয় ভাগ

স্বরধ্বনি :—U in but, O in hot, এবং E in her ধ্বনি তিনটি বাঙ্গালায় আদৌ নাই এবং ইহাদের পরস্পরের মধ্যে পার্থক্য এত সামান্য যে সেই হৃদয় পার্থক্য বজায় রাখিয়া বিদেশীয়ে পক্ষে আয়ত্ত করা কঠিন। এতদ্ব্যতিরিক্ত অস্তিত্বঃ u in but এর ধ্বনি আয়ত্ত করিয়া ও তদনুযায়ী অল্প ধ্বনি দুইটি সমধ্বনিভাবে ব্যবহার করিলেও কিয়ৎ পরিমাণে শুদ্ধতা বজায় থাকিবে এবং এমন কি কোন ইংরাজের পক্ষেও বুঝিতে কষ্টকর হইবে না।

U in but এই ধ্বনিটির জন্ম ‘আ’ উচ্চারণের গঠন হইতে জিহ্বা সামান্য উপরে উঠাইয়া ও ওষ্ঠের ফাঁক সামান্য কমানিয়া স্বর দিলে যে ধ্বনি পাওয়া যাইবে তাহাই ইহার প্রকৃত শব্দ ধ্বনি। বাঙ্গালায় কোন কোন ভাষায় কথায় এই ধ্বনিটির শুদ্ধ উচ্চারণ হইয়া থাকে—যেমন, ‘বস, তোমার আর যেতে হবে না।’ এই ‘বস’ শব্দটির ‘ব’ ধ্বনির সঙ্গে যে অমিশ্রিত আছে সেই স্বর ধ্বনিটিই প্রায় U in but এর ধ্বনি। এই ধ্বনিটির প্রকৃত প্রতিকৃতি দিতে পারিলে ভাল হইত কিন্তু X—Ray Photograph ব্যতীত পরিষ্কারভাবে বোঝান কঠিন বলিয়া রেখা প্রতিকৃতি দেওয়া হইল না।

ব্যঞ্জনধ্বনি :—Y এবং W স্বর ও ব্যঞ্জন দুই ভাবেই ব্যবহৃত হয়। ব্যঞ্জনবর্ণের ব্যবহারেও পূর্ণব্যঞ্জন (ure Consonantal) ধ্বনি না দিয়া অর্ধস্বর ধ্বনি (Semi-Vowel) দেয়।

‘ঈ’ অথবা long ‘e’ ধ্বনির গঠন হইতে জিহ্বা আরও তালুর মনিকটে স্থাপন করিয়া স্বর দিলে ঘর্ষণযুক্ত যে ধ্বনি পাওয়া যায় তাহাই y এর প্রকৃত ব্যঞ্জনান্ত ধ্বনি।

উ অথবা long ‘oo’ উচ্চারণজন্ম গঠন হইতে জিহ্বার পশ্চাৎ ভাগ উপরে উঠাইয়া এবং সেই সঙ্গে ওষ্ঠদ্বয় অপেক্ষাকৃত কুঞ্চিত (narrow) করিয়া স্বর দিলে ঘর্ষণযুক্ত যে ধ্বনি পাওয়া যাইবে তাহাই w এর প্রকৃত ব্যঞ্জনান্ত ধ্বনি।


Wh ধ্বনির জন্ম w গঠনের কুঞ্চিত ওষ্ঠদ্বয়ের মধ্য দিয়া অ-স্বরান্ত (non-vocal) শ্বাস দিলে যে ধ্বনি পাওয়া যায় তাহাই ইহার প্রকৃত ধ্বনি। অনেক ধ্বনিতাত্ত্বিক এই ধ্বনিটিকে—hw (oo) ভাবেও প্রকাশ করিয়া থাকেন এবং অনেক ক্ষেত্রে h এর স্থায় ধ্বনিও দেয়—যেমন, whose—hooze, whole—hole প্রভৃতি।

Z in Zinc ধ্বনিটির গঠন সম্পূর্ণ S (স) এর গঠনের অনুরূপ, কেবলমাত্র Z এর জন্ম শ্বাসকে স্বরান্ত (Vocalized) করিতে হইবে।

Z in azure অথবা S in measure প্রভৃতির ধ্বনি Z বা S স্বরান্ত (Vocalised) হইতে উৎস বা শ্বাসযুক্ত—সেজন্ম ধ্বনিটিকে ‘Zh’ যুক্ত বর্ণদ্বারা নির্দেশ করা যায়। এই Zh এর ধ্বনি Sh (শ) ধ্বনিটিকে স্বরান্ত (Vocalized) করিলেই ইহার প্রকৃত ধ্বনি পাওয়া যাইবে।

F এবং V ।

নিম্ন ওষ্ঠের উপরে উপরের দন্তসমূহ স্থাপন করিয়া শ্বাস দিলে ঘর্ষণযুক্ত যে শ্বাস ধ্বনি শ্রুত হয় তাহাই F এর প্রকৃত শব্দ ধ্বনি। Fh (Phantom), gh (rough), U (lieutenant)—F ধ্বনির সম ধ্বনি ভাবে উচ্চারিত হয়।



V, F ধ্বনির স্বরান্ত (Vocalized) রূপ।

Th’ (think) এবং th (this)

th’ ধ্বনির গঠন প্রায় বাঙ্গালা ত বর্ণের ধ্বনির গঠনের স্থায়, পার্থক্য এই যে ‘ত’ এর জন্ম জিহ্বা উপরের দাঁতের সঙ্গে সম্পূর্ণ আবদ্ধ থাকে, আর th’ ধ্বনি দিতে জিহ্বা ও দাঁত এর মধ্যে সামান্য পাতলা ফাঁক থাকিবে এবং তাহা দ্বারা ঘর্ষণযুক্ত যে শ্বাস বাহির হইবে তাহাই th’ এর প্রকৃত শব্দ ধ্বনি।

th, th’ এর স্বরান্ত (Vocalized) ধ্বনি।

ভিন্ন ধ্বনির জন্ম লিখিত রূপ পৃথকভাবে না থাকিলে তাহার শুদ্ধতা বজায় রাখা অত্যন্ত কঠিন। নিজভাষার বর্ণমালা হইতে ভিন্ন ধ্বনির জন্ম প্রতিবর্ণ নির্দেশ করিলে ভিন্ন ধ্বনি শুদ্ধভাবে শিখিয়াও ক্রমশঃ তুলিয়া যাইবার সম্ভাবনা থাকে। এতদ্ব্যতিরিক্ত নিয়মিতভাবে শিক্ষা না করিয়া বাঙ্গালার নির্দেশিত বর্ণের সাহায্যে শিক্ষা করিলে শুদ্ধ অশুদ্ধের বিচার মোটেই সম্ভব হয় না। ইহা ব্যতীতও নানা কারণের স্বাভাবিক প্রভাবেও আসিবার সম্ভাবনা আছে। সেজন্ম যতদূর সম্ভব বর্ণের রূপ প্রয়োজন মত পরিবর্তন বা নূতন করিয়া লওয়াই উচিত।

প্রথম বিভাগের ধ্বনিসমূহের জন্য বাঙ্গালায় সমধ্বনি আছে। দ্বিতীয় বিভাগের স্বরধ্বনি “i এবং u” এর জন্যও ই এবং উ বর্তমান। P, T, K (Q) এবং X এর জন্য ক্রমাগত ফ, ঠ, থ এবং থ্‌স্‌ ব্যবহার করিতে পারিলে ধ্বনির শুদ্ধতা এবং লিখিত বর্ণের সঙ্গে কিয়ৎপরিমাণে সামঞ্জস্য থাকিত।

তৃতীয় বিভাগের ধ্বনি সমূহের জন্য সম্পূর্ণ নূতন বর্ণ প্রয়োজন। এই সব ধ্বনির জন্য বাঙ্গালায় যে সকল নির্দেশক বর্ণ ব্যবহৃত হয় তাহাদের সঙ্গে কোনরূপ নূতন চিহ্ন দিয়া বর্ণ তৈয়ারী হইতে পারে। যাহাতে অন্য বর্ণের সহিত ব্যবহারে কোনরূপ ব্যাঘাত না ঘটে সেজন্য w ব্যতীত বাঙ্গালার নির্দেশক বর্ণের নীচে একটি চিহ্ন ব্যবহার করা হইবে। যথা—u—অ, y—ঐ, w—ব, Z—জ, zh—ঝ, F—ফ, v—ভ, th—থ, th—দ।

ভাষা শিক্ষায় ধ্বনির শুদ্ধতা একান্ত প্রয়োজন। আমরা ইংরাজী শিখি এবং তাহাতে দখলও ভালই হয়। কিন্তু ধ্বনির শুদ্ধাশুদ্ধতা সযত্নে জ্ঞান না থাকায় শিক্ষায় যথেষ্ট ত্রুটি থাকিয়া যায়। এই শিক্ষায় যে সময় ব্যয়িত হয়, ইংরাজী ধ্বনিতত্ত্ব সযত্নে জ্ঞান থাকিলে, তাহা ধ্বনির শুদ্ধতা আয়ত্তের পক্ষে অত্যন্ত পরিমেষ। বাঁহারা শিক্ষকতা করিবেন তাঁহাদের আন্তরিক চেষ্টা ও যত্ন এ বিষয়ে কৃতকার্য হইবার একমাত্র উপায়।

প্রবন্ধের উদ্দেশ্য ইংরাজী ধ্বনির শুদ্ধতা সযত্নে নির্দেশ করা মাত্র, সেজন্য এই সংক্ষিপ্ত প্রয়াসের মধ্যে বিষয়ের সম্পূর্ণতা বা অন্যান্য উচ্চারণ-গত জটিলতার সমাধান কেহ যেম আশা না করেন।

যাহা কাব্য নহে

শ্রীমতিলাল দাস এম-এ, বি-এল্

(১)

পত্নীর রোগ-শয্যার পাশে সুরেশ জাগিয়া আছে।—
সারাদিনের হাড়-ভাঙা খাটুনি ক্রান্ত চোখ ছটিকে তন্ত্রাতুর
করিয়া তোলে।

গত জীবনের ছবি মনে জাগে। তরুণী সপ্তদশী লীলা—
আর সে এম-এ ক্রান্তের পত্নী। রূপ, যৌবন, কাব্য ও
গান জটলা করিয়া আসে।

বিহগ কুজনের মত প্রেমের অশ্রান্ত গুঞ্জন। রাত্রির
ভিতর অন্ততঃ দশবার জিজ্ঞাসা করে “তুমি আমায়
ভালবাস?” লীলা কৌতুক করিয়া বলে “না”। মান
অভিমানের পালা চলে।

চলচ্চিত্রের ছবির মত সেই ছবি জাগে। বার বার
কাণে কাণে কত যে কথা—কত যে কৌতুক, কত যে
ছল, কত লুকোচুরি—এক কথায় সে ছিল কাব্য, আর—

সত্যকার জীবন—রসহীন নিৰ্মম অভিশাপ। এম-এ
পাশ করিয়া আজ দশ বৎসর সুরেশ মাষ্টারি করে। তিন
মাইল দূরে স্কুল—রোজ হাঁটিয়া যায়, হাঁটিয়া আসে।
খাতায় লেখে পঞ্চাশ টাকা—পায় চল্লিশ। শেলি, ব্রাউনিং,
টেনিসনের যুগ গেছে। দিনের পর দিন ছেলের শিখায়
গণিত, ইতিহাস, ভূগোল। লীলা চার পাঁচ ছেলের মা
হইয়া শেষ সন্তান প্রসব করিয়া মৃত্যু-শয্যায় পড়িয়াছে।

কি যে রোগ কেহ জানে না। হরকুমার কম্পাউণ্ডারি
শিখিতে গিয়াছিল—সেখান হইতে ফিরিয়া H. M. B.
নাম দিয়া ডাক্তার সাজিয়াছে—সাতখানি গ্রামের সে-ই
ধমস্তরী।

তাকে তাকে ঔষধের শিশি সাজানো—এলোপ্যাথি ও
হোমিওপ্যাথি দুই ঔষধেই চিকিৎসা চলে। সুরেশ নিরুপায়,
দূর সম্পর্কের এক পিসি ছেলেগুলিকে আগলায়—সে পত্নীর
সেবা শুশ্রূষা করে।

নিদ্রায় চোখ ভাঁড়িয়া আসে। তবু জাগিতে হয়, কিন্তু
ভালবাসার যে শৌর্য—শরীরের আবেদনকে সে জয় করিতে
পারে না। কাতর চোখ বুজিতে চায়।

না, সুরেশ আর পারে না; এমন করিয়া সেবার
সৌধীনতা তাহার সহে না। ইহার চেয়ে—

ভাবিতে ও বলিতে লজ্জা এবং সঙ্কোচ। কিন্তু তথাপি
মন ভাবে।

এত যত্ননা না দিয়া লীলা মরুক।

তাহার সকল ইন্দ্রিয় বিকল হয়। মনের প্রবুদ্ধ ও
অপ্রবুদ্ধ চৈতন্যে দ্বন্দ্ব চলে, কিন্তু এই ইচ্ছাকে সে কিছুতেই
দমন করিতে পারে না।

কখন যে চিন্তা শ্রোতে শমতা হইয়া সে নিদ্রাতুর হইয়া
পড়িল, সুরেশ নিজেই তাহা জানে না।

যুমাইয়া যুমাইয়া সে স্বপ্ন দেখে। দুঃসহ জীবনের
ছবিবার ব্যথার কি বিপরীত ছবি।

সে গিয়াছে স্বর্গলোকে। কি সুন্দর ছবি—যেদিক
চায় সেদিকেই সুন্দরের ছড়াছড়ি। গন্ধ ও গান মনকে
শীতল করে—আনন্দ অফুরন্ত, ভাণ্ডার অফুরন্ত।

সে পারিজাতের বিকচ ফুল পাড়ে, মালা করে, মালা
করিয়া গলায় পরায়। কার? সে যেন লীলা—কিন্তু
লীলাও নয়—চির-তরুণী চির-সুন্দরী সে—সে যেন নারীর
চিরন্তন লীলা—

লীলার আর্ন্তনাদ তাকে জাগায়। ক্ষীণ ও বেদনামখিত
কণ্ঠ—“দেখ আমার বুকটা জলে যাচ্ছে।”

অভ্যাসমত সে ঔষধের তাকের দিকে হাত বাড়ায়—
লীলা কাতরভাবে বলে—“ঔষধ না—আমি গেলে
ওদের দেখো”—বলিয়াই ভাবের আতিশয্যে লীলা অচেতন
হইয়া পড়ে।

মৃত্যুর অপরিচিত পদধ্বনি—

আকাশে তারা জাগে—লীলা বেলফুলের কেয়ারি
করিয়াছিল তাহার গন্ধ আসে—। তবু শঙ্কায় মন
ভরে।

সুরেশের ব্যাকুল বেদনায় জগতের কোনই ব্যথা নাই।
সে পিসিকে ডাকে। ধীরে ধীরে জীবন মিলাইয়া যায়।

জীবন্ত খোকা-খুকুর হাহাকার—কিন্তু লীলার শব্দেহ
নীরব ও নিঃসাড়।

(২)

রমেশ বলে “তোমার কাছে এ আশা করতে পারি নে
তাই—বৌদি মরতে না মরতে—”

সসঙ্কোচ প্রশ্ন। বন্ধুর মুখের দিকে উদাস দৃষ্টি ফেলিয়া
সুরেশ বলে—“তা সত্য, কিন্তু...”

“কিন্তু কি?”

“আমার পাঁচ পাঁচটি ছেলেমেয়ে—এদের দেখে কে?
পিসি ত বাড়ী যাওয়ার ছুটিস দিয়েছেন—এখন উপায়?”

“উপায়ের কথা পরে ভাবব, কিন্তু তোমার কাছে—এটা
কি প্রচণ্ড নিৰ্মমতা বলে মনে হচ্ছে না?”

সুরেশ চুপ করিয়া থাকে। বন্ধুর আনন্দ-ভাস্বর মুখের
দিকে তাকায়, পর বলে—“আমিও তোমার মত ভাবতাম,
কিন্তু জান কি, সমস্তই একটা প্রচণ্ড তামাসা—”

“কি তামাসা?”

“সমস্তই—আমাদের কাব্য ও ধর্ম, আমাদের আশা
ও আকাঙ্ক্ষা—উদ্বেগহীন সংগ্রামের মধ্যেই জীবনের
চলা ফেরা—”

“তাহলে তুমি বিয়ে করছ?”

“করছি বই কি, খেতে পাবে না অথচ কেউ আশ্রয়
দেবে না—পরসার দাসদাসী ওদের দেখবে না—”

“তাই বিনা পরসার দাসী আনতে যাচ্ছ—যে তোমার
পদসেবাকে পুণ্য মনে করবে—এই ত?”

সুরেশ আন্তে আন্তে বলে—“রাগ করিস নে, জীবনকে
তলিয়ে দেখলে তোর অনেক কাব্যই উল্টে যাবে। ফুল যে
রূপ ও গন্ধ দেয়, সে মৌমাছিকে ভুলাবার জন্ত—”

রমেশ বলে—“না, তুই পণ্ডিত, তোর সঙ্গে তর্কে
পারব না—কিন্তু এ কাজ একান্ত পাশবিক বলে মনে হয়।”

সুরেশ বেদনা-বিহ্বল ধীরতায় উত্তর দেয়—“আমরা যে
আদবেই পশু, সে কথা ভুললে চলবে কেন?”

“না আমি শুনতে চাই নে—পরলোক থেকে সতীলক্ষ্মী
তাকিয়ে দেখবে—তার ঐকান্তিক ভালবাসার এই শেষ
পরিণাম?”

“পরলোক, জানিস তাই—ওটা মস্ত একটা ফাঁকি—”

রমেশ লাফাইয়া ওঠে।

সুরেশ বলে—“আমি অনুভব করেছি। লীলার রোগ-
শয্যায় যখন সেবার শ্রান্তি আমাকে উদ্ভ্রান্ত করে তুলছিল—
আমি ওর মৃত্যু কামনা করছি—তখন স্বর্গ দেখতে পেলাম—”

রমেশের ঔৎসুক্য প্রকট হইয়া ওঠে।

“সত্য—একটুও মিথ্যে নয়। ছনিয়ায় জাগায় পরলোক
একটা মিথ্যার প্রলাপ—”

“হয়েছে, আর নয়”—বলে রমেশ বিদায় লয়।

(৩)

বিবাহ হইয়াছে।

নববধূর নাম ক্ষমা। কিন্তু তার প্রকৃতি ঠিক উল্টা।
পাঁচ পাঁচটির হাঙ্গামা মা-ই পোহাইতে পারে না—ক্ষমা না
পারিলে দোষ দেওয়া যায় না।

মেয়েটি বড়, সেই তাই বোনগুলিকে আগলায়।

সুরেশকে পুনরায় যৌবনের ভাণ করিতে হয়। অস্বচ্ছল
সংসারেও প্রসাধন কিনিতে হয়।

কিন্তু কি উপায়?

ক্ষমার সাধ-আহ্লাদ ত আর শেষ হয় নাই।

তাই খিটিমিটি লাগে।

ছোট মেয়েটির জর। অঘোর অচেতন—

ক্ষমার সেদিকে দৃষ্টি নাই। অতি-দূর সম্পর্কের নিমাই
আসিয়াছিল—তাহাকে লইয়া সে ফষ্টি নষ্টি করে।

সুরেশ আসিয়া দেখে। কলহের পক্ষিল আবার্ত জাগে।
মেয়েটি বিনা চিকিৎসায় ও বিনা শুশ্রূষায় যায়।

সুরেশ পারে না। অভাব ও অনাটন—রোগ, শোক
ও দারিদ্র্য সবাই যেন তাহার পিছনে লাগিয়াছে।

তার উপর রূপসী পত্নীর জন্ত হিংসা ও সন্দেহের
দাবানল।

ক্ষয় অলক্ষ্যে কবে আরম্ভ হইয়াছিল কেহ জানে না।
তিলে তিলে প্রাণশক্তিকে ধ্বংস করিয়া সে যেদিন প্রকট
হইল, সেদিন যাহা কিছু পুঁজি ছিল তাহা চিকিৎসায়
নিঃশেষ হইল।

তারপর একদিন যাহা ঘটে তাহাই ঘটিল। সুরেশ
অতি নাবালক দুইটি ছেলে ও দুইটি মেয়ে এবং ভোগ-
সমুৎসুক পত্নীকে রাখিয়া সংসার খেলায় বিদায় নিল।

নিঃস্বল নিরুপায় সুরেশ ভবিষ্যতের জন্ত কিছুই রাখিতে পারে নাই।

সুরেশের মৃত্যু তাই আকস্মিক না হইলেও অতি নিদারুণ দুর্ভেদবের মত দেখা দিল।

(৪)

সংসার যে কেবল নির্মম তাহাই বা বলি কিরূপে। স্কুলের ছেলেরা শোক-সভা করিয়া নয় টাকা তের আনা চাঁদা তুলিয়া পাঠাইয়াছে। যে আনিয়াছিল সে চার আনা ভালমাছবি বলিয়া আদায় করিয়া নিয়া চলিল।

সংসারে সহানুভূতি আছে।

কিন্তু ক্ষমা—সে মনে করে এই জগৎ বিকট দৈত্যের বিকট অভিশাপ।

জীবনে আশা ও আনন্দের পুষ্প মুকুলিত হয় নাই।

বৃদ্ধের তরুণী ভার্যা সে। কিন্তু সেখানে অধিকারের চেয়ে সে পাইয়াছে অভাবের লাক্ষণ।

তাহার সমস্ত অন্তর বিদ্রোহী হইয়া ওঠে।

পড়শীরা বলে—শ্রদ্ধ কর। ঘটা করিয়া শ্রদ্ধ না করিলে কি হয় কে জানে? সে দিন মাধু পিসী রাতে পথে ফিরিতে গা ছম ছম করিয়া ঘুরিয়া পড়িয়াছিল। আবছায়া—কিন্তু মাধু পিসি দিব্য করিয়া বলিয়াছে—“সে সুরেশের আবছায়া।”

পড়শীদের উপদেশ—উপদেশ নয়। আদেশের মত তাহাকে মানিতে হয়। দরিদ্রের যাহা কিছু ছিল তাহা দিয়া পরলোকগত আত্মার সদগতি করিতে হয়।

ক্ষমা জগার ঠাকুমাকে বলিয়াছিল—“কিন্তু আমরা খাব কি?”

জগার ঠাকুমা জবাব দিয়াছিল—“জীব দিয়েছেন যিনি—আহার দিবেন তিনি, তাই বলে কি সুরেশ জনবিন্দু না পেয়ে তৃষ্ণায় কাঠ হয়ে গাছে গাছে ঘুরে বেড়াবে?”

অকাট্য যুক্তি। তিলোৎসর্গ ও বৃষোৎসর্গ যথানিয়মে হয়।

ক্ষমার চোখে মৃত্যুর পর পড়ে অন্ধকার যবনিকা। সেখানে সে কিছুই দেখে না। তাহার প্রেম জন্মে নাই, কাজেই প্রেমের মিথ্যা কল্পনা দিয়া সে সুরেশের তৃষিত বেদনা অনুভব করিতে পারে না।

তথাপি যুগ-যুগান্তরের সনাতন সংস্কার—ঋষিদের

কল্পিত সংস্কার—তাহাকে সে বিড়ম্বনা বলিবে কোন দুঃসাহসে। শ্রদ্ধ হইল, কিন্তু তাহাদেরও শ্রদ্ধের বাকি রহিল না কিছু?

(৫)

যিনি জীব দিয়াছেন তিনি আহার দেন কই, ছোট ছোট ছেলেমেয়েকে রমেশ নিয়া গিয়াছে।

বড় মেয়েটি, বড় ছেলেটি—আর ক্ষমা। কচুশাক আর ভাত—তাহাও জোটান দায় হইয়া ওঠে।

পরনের কাপড়-জীর্ণ ও শীর্ণ হইয়া যায়। কাপড় নাই—বাহির হইবার উপায় কোথায়।

উপায়—ভিক্ষা বা দাসীত্ব। কোনটাই স্থলভ নহে। প্রলোভন আসে।

কামনার।—আদিম কামনার, যে কামনা সমস্ত বুদ্ধিক ব্যাহত করিয়া অপ্রতিহত হইয়া চলে—সেই জীবনের আকর্ষণ—ক্ষমার মনে সংস্কারের বেদনা জাগে।

অভাবের নির্মম তাড়না সে বোধকে ক্ষীণ করে। লাজনা আর কামনা তাহাকে যুগপৎ বিহ্বল করিয়া তোলে।

প্রলোভনই জয়লাভ করে।

প্রলোভনের পথ মসৃণ। ক্ষমা ভাসিয়া যায়।

গ্লানি আছে অবশ্য, কিন্তু হয়ত একটি আদিম পাশবিক আনন্দ আছে।

কথা কাণে কাণে প্রচার হইয়া পড়ে।

ক্ষমা ভাবে—আর ভাবে।

কেহ গালি দেয়।

“সে কেন গলায় দড়ি দিয়া মরে না?”—যে কোনও দিন ডাকিয়াও জিজ্ঞাসা করে নাই—গালি দিবার সময় তাহার কণ্ঠই শতমুখ হইয়া ওঠে।

ক্ষমা কথা কহে না।

কি হইবে, কি করিবে কিছুই বুঝিয়া পায় না।

কুৎসার আক্রমণ স্পষ্ট, কিন্তু বেদনা অতি গভীর। ক্ষমা তাই মৃত্যুকে আলিঙ্গন করিল।

বাড়ীতে একটি আমের গাছ ছিল। সেখানে সে গলায় দড়ি দিয়া মরিল।

ফাল্গুনের আশ্রমকুলের সৌরভ হয়ত তাহার জ্বালা জুড়াইল।

রাতে কেহ জানিল না।

ভোরের আলো জলিল। দিকে দিকে জীবনের সাড়া জাগিল। ছেলে মেয়ে দুটি উঠিয়া ক্ষমাকে দেখিয়া ডুকরিয়া কাঁদিয়া উঠিল—“মা! মা!”

অতলম্পর্শ সে কামা।

কেহ সে কামা শোনে না—না শোনে দুঃখীর ভগবান, না শোনে সমাজ, না শোনে রাষ্ট্র।

দিগন্ত মুখর করিয়া সে কামা বহিয়া চলে।

নিষ্পাপ, শুচি ওই শিশু দুইটির কান্নার উত্তর কে দেয়? ভাগ্য? দুর্ভেদ? বিধাতা—না শয়তান?

জীবনের রথ বহিয়া চলে—আশা, আলো ও আনন্দ জাগে। কিন্তু উহাদের কামা থামে না—; আশাহীন—অনির্বাণ—নিরন্তর বেদনা; তবু রথ থামে না—সে চলে; কে পিষ্ট হইল, কে আশ্রয় পাইল—রথ তাহা দেখে না।

জোনাকীর জন্মকথা

শ্রীনরেন্দ্র দেব


‘জোনাকি পোকা’ না ব’লে ‘জোনাকী’ বললুম এই—জন্ত যে ‘পোকা’ ‘মাকড়’ আখ্যাগুলোর মধ্যে কেমন যেন একটা হয় এবং অশ্রদ্ধেয় ভাব উঁকি মারে। অথচ, আমাদের ভাষার এমনই মারপ্যাচ যে, ঐ ‘পোকা’ কথাটুকু বাদ দিলেই কেবলমাত্র ‘জোনাকী’ শব্দটি বেশ একটু মধুর, রহস্যময়, কোতুলোদ্দীপক এবং মর্যাদা-সম্পন্ন হয়ে ওঠে!

অবশ্য সংস্কৃতভাষায় জোনাকীর অসংখ্য ভাল ভাল নাম আছে—যেমন খছোত, খছোতিকা, দীপমক্ষিকা, জ্যোতিরিন্দ্রল, প্রভাকীট, কীটমণি ইত্যাদি। কিন্তু পাড়ার পরিচিত ছেলে পটলার নাম প্রছোতকুমার ব’লে যেমন তাকে আমরা চিনতে পারি নি তেমনি সর্বজনিত জোনাকীর কোন পোষাকী নাম এখানে ব্যবহার না করাই বোধ হয় ভাল।

আমাদের অতিপ্রাচীন মহাবুদ্ধ প্রপিতামহদের আমলে নাকি বিষধর ভূজঙ্গ পর্যন্ত ‘পোকা’ ব’লেই গণ্য হ’ত। অর্থাৎ, যে কোন সরীসৃপজাতীয় প্রাণী মাটিতে মুখ খুঁড়ে বৃকে হেঁটে চ’লত—তারা যত বড় বা যত ছোটই হোক না, সাবেক কালের কর্তারা তাদের ঘৃণাভরে ‘কীট’ ব’লেই উল্লেখ ক’রতেন। কাজেই, ‘গুটিপোকা’ ‘শুয়ো-পোকা’ থেকে সুরু ক’রে বৃশ্চিক ও সর্প পর্যন্ত সকল সরীসৃপই ‘কুমিকীটের’ আয় একটা হীনজাতির অন্তর্ভুক্ত হয়ে পড়েছিল।

‘জোনাকী’কে তাজিল্যভরে আমরা ‘পোকা’ বলে


উল্লেখ করি বটে, কিন্তু, প্রাণীতত্ত্ববিদেরা বলেন—‘জোনাকী’ কীট বা সরীসৃপ নয়। ওরা ‘ফডিং’ বা ‘পতঙ্গ’ শ্রেণীভুক্ত! অবশ্য, একথা ঠিক যে শ্রী-জোনাকীর দল, যাদের আলোর দীপ্তিই সব চেয়ে বেশী, তাদের আকৃতি কিন্তু মোটেই পতঙ্গ-সদৃশ নয়! কারণ তাদের পৃষ্ঠদেশে পক্ষপুট তো নেইই—এমন কি পাখী না চাকা এক জোড়া শক্ত খোলাও তাদের পিঠে নেই, সেটা সাধারণতঃ এই জাতীয় পতঙ্গদের একটা প্রধান বিশেষত্ব!



জোনাকীর ডিম—(চিত্রে স্বাভাবিক অবস্থার চেয়ে আট গুণ বড় ক’রে দেখান হয়েছে। প্রত্যেক ডিমটি সৌরলোকের জ্যোতিষ্কের মতই জল্ জল্ করে)

চৈতালী সন্ধ্যায় গ্রাম্যপথে তরকুঞ্জের পত্রপুঞ্জ ঘিরে লক্ষ লক্ষ দীপকণার সেই রহস্যময় সন্ধ্যারতি আমরা অনেকেই মুগ্ধনয়নে চেয়ে দেখেছি। হয়ত’ কত কোতুলোচ্ছল তরুণী তাঁদের অঞ্চল ফাঁদে এই চঞ্চল-দ্যুতি

পতঙ্গদের বন্দী ক'রে আনন্দ পেয়েছেন, কত না অল্পসন্ধিসা-
ব্যাকুল বালক ঐ আলোক-কণার রহস্য উৎস সন্ধান ক'রে



শৈশবকোষে জোনাকী—
(ডিম ফুটে জোনাকীর
বাচ্চা এই কুমি সদৃশ
আকারে বেরিয়ে
আসে।
ছবিতে
স্বাভাবিক
আকৃতির চার গুণ
বড় করে দেখান হয়েছে)

ফিরেছে! কিন্তু একথা বোধ হয় জোর ক'রেই বলা যেতে
পারে যে তাদের মধ্যে অতি অল্প জনেই জানে—স্ত্রী-
জোনাক ও পুং জোনাকের পূর্ণ পরিচয়। অথচ এ
পরিচয় পাওয়া এমন কিছু ছুরছুর বা ছুঃসাধ্য নয়।
জোনাকীবহুল স্থানে যাঁরা বাস করেন তাঁরা যদি সন্ধ্যা
রাত্রে বাতায়ন উন্মুক্ত রেখে গৃহকোণে একটি দীপ জ্বলে
দেন, ক্ষণকালের মধ্যেই তাঁদের কক্ষাভ্যন্তরে ত্রীযুক্ত জোনাক
মহাশয় এসে প্রবেশ করবেন। কিছুক্ষণ তিনি দীপের
চারিদিকে উড়ে উড়ে নৃত্য ক'রে যখন ক্লান্ত হ'য়ে বিশ্রাম
নেবেন, সেই স্তম্ভে তাঁর সঙ্গে পরিচিত হওয়া অত্যন্ত
সহজ।

পরিণতদেহা স্ত্রী-জোনাকের আলোর দীপ্তিই যদিও
সবচেয়ে উজ্জ্বল দেখায়, তাহ'লেও আলোর অস্তিত্ব এই
পতঙ্গের অঙ্গে সকল অবস্থাতেই বিদ্যমান থাকে। এমন
কি ডিম্বাকারে সবে মাত্র যখন তারা ভূমিষ্ঠ হয়, তখনই
সেই ক্ষুদ্র ক্ষুদ্র গোলাকার ডিমগুলির ভিতর থেকেই মূহ
আলোক রশ্মি বিচ্ছুরিত হয়। শ্রাবণ আরম্ভেই জোনাকীরা
ডিম পাড়তে সুরু করে; তাদের মাঝামাঝি ডিমগুলি
ফুটে কুমির মত ক্ষুদ্র বাচ্চা হয়। এই বাচ্চাগুলোও অল্প

একটু আলো দেখিয়ে বিকমিক করে। পক্ষোদ্যমে
পূর্বাভাস পর্যন্ত ধীরে ধীরে এদের অবয়ব বৃদ্ধির সঙ্গে সঙ্গে
আলোর জ্যোতিও বাড়তে থাকে।

আমরা অনেকেই হয়ত জানি নি যে গেঁড়ি গুগুনি
শামুকের আজীবনের শত্রু হ'চ্ছে জোনাকী পোকা। এদের
অস্থিহীন দেহের স্নিকোমল মাংসপিণ্ডই জোনাকীর জীবন-
ধারণের একমাত্র সম্বল! এ ছাড়া অপর কিছু খাওয়া
তাদের নেই! কিন্তু শামুকের মত অতিমাত্রায় স্পর্শ-
সচেতন প্রাণীকে আয়ত্ত করা জোনাকীর পক্ষে যে কতদূর
কঠিন কাজ এটা সহজেই অসম্ভব। একটা সুরু হুতার
ঈষৎ ছোঁয়া লাগলেই যে শামুক বিদ্যৎবেগে তার খোলার
মধ্যে ঢুকে আত্মগোপন করে, তাকে ভক্ষ্যরূপে ব্যবহার
করা এক দুঃসাধ্য ব্যাপার। কিন্তু জোনাকী ডিম ফুটে
বেরতে না বেরতেই এই অসাধ্যসাধনে আত্মনিয়োগ করে।
শামুকের পশ্চাদ্ধাবন ক'রে তারা প্রায় আধখানা খোলার
মধ্যে ঢুকে পড়ে। শামুক তখন নিজের খোলার মধ্যে
বন্দী, বেরবার উপায় নেই! জোনাকীর বাচ্চারা তাকে
কোনঠাসা ক'রে তাদের আহা-পর্ক সুরু ক'রে এবং
শামুকের খোলাটি নিঃশেষে চটে খেয়ে—তবে ছেড়ে দেয়।
অসংখ্য শূন্য শামুকের খোল যা আমরা ঘাটের ধারে পুকুর
পাড়ে বেড়ার পাশে দেখতে পাই, তার প্রত্যেকটির এই
শোচনীয় পরিণামের জন্ত জোনাকীরাই সম্পূর্ণ দায়ী।
যে সব শামুকের স্বাভাবিক মৃত্যু ঘটে তাদের খোলাটি
নিঃশেষ করে পিপীলিকার দল।

জোনাকীর অঙ্গে আলো জ্বলে কেন? সে




কৈশোর কোষে জোনাকী—
শৈশব কোষ বর্জন ক'রে
বেরিয়ে আসে জোনা-
কীর বাচ্চা এই
কৈশোর কোষের
আকারে। এটি পুং
জোনাকের কোষ—কারণ
কাঁধে ডানার কাঠাম রয়েছে।

আলো সম্ভব হয় কেমন ক'রে? এ প্রশ্নের আজও কোন
সন্তোষজনক উত্তর পাওয়া যায় নি। অনেকেই অনেক

রকম ব'লেছেন বটে, কিন্তু তার কোনটাই সঠিক ব'লে
মেনে নেওয়া চলে না। প্রাণী ও উদ্ভিদ রাজ্যে যেখানেই
মাগুয কোন কিছুর মধ্যে আলোক বা একটা দীপ্ত দৃষ্টি
বিকীর্ণ হ'তে দেখেছে সেখানেই তারা সেটাকে স্ক্রক-প্রভা
(Phosphorescence) ব'লে ব্যাখ্যা ক'রতে চেষ্টা
করেছে; কিন্তু আধুনিক বিজ্ঞান অধ্যুষিত যুগে ওটা
নিশ্চয়রূপে গ্রাহ্য হয় নি। প্রাণী বা উদ্ভিদের এই দীপ্তি
বা জ্যোতির যথার্থ কারণ নির্ণয়ের জন্ত এখনও অল্পসন্ধান
চলেছে। এই আলোকের উদ্দেশ্য বা প্রয়োজনীয়তা সম্বন্ধে
কেউ কেউ অনুমান করেন যে পক্ষযুক্ত পুরুষ জোনাকীরা
যাতে পক্ষহীন স্ত্রী জোনাকীদের সহজেই খুঁজে নিতে পারে,
তারই জন্ত এই আলোর ব্যবস্থা। হ'তে পারে হয়ত এ
একটা কারণ, কিন্তু সেটাই যে মুখ্য উদ্দেশ্য নয়—তার
সবচেয়ে বড় প্রশ্ন হ'চ্ছে জোনাকীর ডিমের ভিতরেও
আলো জ্বলে কেন? কুমির মত ক্ষুদ্র বাচ্চাগুলোরও এ
আলো বয়ে বেড়াবার সার্থকতা কি? তা'ছাড়া প্রাণী-
তত্ত্ববিদেরা এটা বেশ নিশ্চিতরূপেই জানতে পেরেছেন যে
এদের স্ত্রীপুরুষের মিলন ব্যাপারে আলোকের সাহায্য
যতটা প্রয়োজন না হোক এদের পরস্পরের গায়ের গন্ধের
আকর্ষণই এদিক দিয়ে বেশী কাজ করে। তাঁরা পরীক্ষা
ক'রে দেখেছেন যে একটা স্ত্রী জোনাককে টেবিলের উপর
ঢাকা দিয়ে লুকিয়ে রাখলেও একাধিক পুরুষ জোনাকের
কাছে তার অস্তিত্ব অগোচর থাকে না এবং তারা এসে
ঠিক সেই জায়গায় ঘুরে বেড়ায়! সুতরাং দেখা যাচ্ছে
যে নারী জোনাকের অঙ্গসৌরভেই পুরুষ জোনাক
আকৃষ্ট হয় বেশী!

স্ত্রী জোনাকের আকৃতি জোনাকের বাচ্চাঅবস্থার
সেই কুমি-সদৃশ সৌষ্ঠবেরই হুবহু অল্পরূপ। প্রভেদের মধ্যে
তারা কেবল অপেক্ষাকৃত বড় দেখতে! জোনাক বাচ্চার
আকৃতি অবিকল শূঁয়া-পোকামত। তফাতের মধ্যে
কেবল যা একটু বেঁটে এবং গায়ের রোঁয়া নেই।
নইলে, ঠিক সেই তাদের মতই পাকানো-পাকানো গোল
গোল টুকরো টুকরো স্তরবিভক্ত শরীর, যেন কে
টুকরোগুলো জোড়া লাগিয়ে ছেড়ে দিয়েছে! কাজেই,
এরা দেহটাকে যে ভাবে ইচ্ছা সঙ্কুচিত ও প্রসারিত ক'রতে
পারে এবং যে দিকে ইচ্ছা অনায়াসে বঁকাতে পারে। এই




পুং জোনাকী—(কৈশোর-কোষও বর্জন ক'রে বেরিয়ে
এসে পুং জোনাকী এই বিচিত্র রূপান্তর গ্রহণ
ক'রে) উপরে মুণ্ড, (বাহির করা অবস্থা)
বামে—কঠিন আবরণে আবৃত পক্ষ
—পূর্ণাবয়ব জোনাক। দক্ষিণে—
জোনাকের বুক পেট ও
পশ্চাদ্দেশ এবং
প্রান্তদীপ!)

শুঁড়ের গোছার সাহায্যেই জোনাকীর বাচ্চারা গেঁড়ি ও
শামুকের মধ্য ও পিচ্ছিল খোলার উপর হামাগুড়ি দিয়ে

উঠতে পারে! খোল থেকে শামুক তার দেহটি যেই বার ঝাড়াতেই খোলের উপর থেকে এক মুহূর্তে পিছলে বা ক'রে—অমনি পৃষ্ঠাকৃৎ জোনাকীর বাচ্ছারা পিছন থেকে হড়কে নীচেয় পড়ে যেত। জোনাকীর বাচ্ছাগুলোর মুখু তাকে আক্রমণ করে! তিন জোড়া স্থম্ম পা নিয়েও সে দেখতে পাওয়া যায় কেবল খাগার সময়! নইলে অন্য



স্ত্রী জোনাকী—(স্ত্রী-জোনাকের পক্ষ নেই এবং আকারেও তারা শৈশব কোষের মূর্তি থেকে যে খুব বেশী রূপান্তরিত হয়, তা নয়। স্ত্রী-জোনাকের লাঙুল প্রান্তেও দীপ এবং পুং জোনাকী অপেক্ষা তার জ্যোতি উজ্জলতর)



জোনাকীর আলো—(সন্ধ্যার অন্ধকারে অরণ্য প্রান্তে জলে উঠেছে জোনাকীর রহস্যময় দীপ!)

শামুকের মস্তণ খোলের উপর চড়তে পারে না। এই ঝুঁড়ের গুচ্ছ না থাকলে তারা শামুকের একটুখানি গা

জোনাকদের পাখা হয় না এবং পুরুষ জোনাকদের পাখা থাকে—এই একটা স্থূল পার্থক্য থাকায় পক্ষোদগমের

সময় তারা মুখটা শরীরের প্রথম স্তরের মধ্যে ঢুকিয়ে নিয়ে পড়ে থাকে। বাইরে থেকে দেখা যায় না।

বাচ্ছা জোনাকী ক্রমে যখন বড় হয়, তাদের পূর্ণ পরিণতি লাভের ঠিক অব্যবহিত পূর্বাভাস—অর্থাৎ পক্ষোদগমের আগে তারা কিছুদিন একেবারে নিষ্ক্রিয় হয়ে পড়ে। শরীরটাকে যথা-সম্ভব গুটিয়ে নিয়ে তারা পাশ ক্রিরে বা কাত হয়ে শুয়ে থাকে। সেই সময় তা দে র সেই শিশুকোষের (Grub skin) চামড়া পাশ থেকে ফাটতে শুরু হয় এবং ধীরে ধীরে তাদের সেই রুমি আবরণ বা শিশুকোষ খসে গিয়ে তারা এক নূতনরূপ লাভ করে। অবশ্য এই রূপান্তরের জন্ত তাদের রীতিমত পরিশ্রম করতে হয়। চামড়া ফাটতে শুরু হলেই তারা অনবরত সমস্ত শরীরটা সম্বুচিত ও প্রসারিত করতে থাকে এবং সেই আক্ষেপের ফলে তাদের রুমি খোলাটা খসে পড়ে ও তারা সেই শিশুকোষ থেকে নব কলেবরে বেরিয়ে আসে। কিন্তু সেটাও তাদের পূর্ণ অবয়ব নয়; সেটাকে তাদের কৈশোর-কোষ (chrysalis stage) বলা যেতে পারে। কারণ তখনও তাদের পাখনা এবং তার ঢাকনা দেখা যায় না। তা'ছাড়া পক্ষোদগমের পূর্বে এদের স্ত্রী-পুরুষের কোন যৌন প্রভেদও চ'খে পড়ে না। পক্ষোদগমের পর তবেই এদের স্ত্রী ও পুং চিহ্ন লক্ষ্যগোচর হয়। তবে স্ত্রী

পূর্বাভাসেও অর্থাৎ কৈশোর-কোষেও এদের স্ত্রীপুরুষ ভেদ সহজেই ধরতে পারা যায়; কেন না, পাখনা না গজালেও তার একটা কাঠামো পুরুষ জোনাকদের কৈশোর কোষাবয়বে সংলগ্ন আছে দেখা যায়।

পাখনা সম্পূর্ণভাবে গজাতে মাত্র দিম পনের সময় লাগে এবং এই পনেরদিনের মধ্যে তাদের কৈশোর কোষাবয়বের অভ্যন্তরেও আর একটা বিরাট পরিবর্তন চলতে থাকে। আর একবার তাদের এই দ্বিতীয় খোলসটাও অর্থাৎ কৈশোর-কোষ বিদীর্ণ হয়ে যায় এবং তার ভিতর থেকে এবার পূর্ণাবয়ব জোনাকী আবিভূত হয়।

পূর্বেই বলেছি যে কৈশোর কোষ পুরুষ জোনাকের সঙ্গ একজোড়া পক্ষপুটের কাঠাম থাকে। এদের যে পরিবর্তন ঘটে তা যথার্থই বিচিত্র। এরা বেরিয়ে আসে একেবারে একজোড়া স্থম্ম পেলব পক্ষপুট ও তার উপরের কঠিন আবরণে তাদের কোমল অঙ্গটি আবৃত করে। অনেকে হয়ত মনে করবেন পাখনার উপর আবার একজোড়া এই ঢাকনার প্রয়োজন কি ছিল? ওটা নেহাৎ বাহ্যিক মাত্র! কিন্তু এদের সেই অতি স্থম্ম পেলব পক্ষদ্বয় যঁরা একটু মনোযোগ দিয়ে নিরীক্ষণ করবেন তাঁরাই বুঝতে

পারবেন যে একে অক্ষতভাবে রক্ষা ক'রতে হ'লে একজোড়া পুরু শক্ত ঢাকনা একেবারে অত্যাবশ্যক, নচেৎ সামান্য আঘাতেই তা ছিন্ন হ'য়ে যেতে পারে। ভগবানের সৃষ্ট এই বিচিত্র জগতে পশুপক্ষী, বৃক্ষলতা, মানুষ ও কীটপতঙ্গ কোন কিছুই অনাবশ্যক বাহ্যিক এতটুকু নেই। যার যা আছে তার সব কিছুই এক একটা উদ্দেশ্য, প্রয়োজন ও নির্দিষ্ট কার্য আছে। স্ত্রী-জোনাকের আকার বড় হওয়া ছাড়া তার গঠনের আর বিশেষ কিছু পরিবর্তন দেখা যায় না।

জোনাকীর অঙ্গে আলো থাকা সত্ত্বেও সে কেন আলোর দিকে ছুটে আসে? এ প্রশ্ন স্বতঃই মনে উদয় হ'তে পারে। প্রাণীতত্ত্ববিদেরা বলেন এর কারণ আর অত্মকিছুই নয়, দীপ্ত আলো দেখে নিরোধ পুরুষ-জোনাকেরা তাকে কোন অসামান্য রূপসী স্ত্রী জোনাকী মনে ক'রে তার সঙ্গলাভের জন্ত ছুটে আসে এবং বহুক্ষণ তার চারপাশে নৃত্য ক'রে তার মন হরণের জন্ত প্রাণপণে চেষ্টা করে। কিন্তু দীপের আলো সে প্রেম নিবেদনের কোনই প্রত্যুত্তর দেয় না। জোনাকী তখন ক্লান্ত হ'য়ে ভূমিতল আশ্রয় করে এবং হয়ত তাদের এই ভুলের জন্ত মনে মনে অহুতাপও করে!

জ্যোতিরিন্দ্রনাথ ঠাকুর

শ্রীফণীন্দ্রনাথ মুখোপাধ্যায়

কলিকাতা সহরে যে পরিবারটি গত শতাধিক বৎসর কাল বিত্তা ও অর্থগৌরবে গৌরবান্বিত হইয়া সমগ্র বাঙ্গালার— এমন কি সমগ্র ভারতের মুখ উজ্জল করিয়া রাখিয়াছে, যে বংশে মহর্ষি দেবেন্দ্রনাথ ঠাকুর জন্মগ্রহণ করিয়া পাশ্চাত্য সভ্যতার পক্ষ হইতে জাতিকে উদ্ধার করিবার চেষ্টা করিয়া গিয়াছেন, যে বংশের তিলকস্বরূপ শ্রীযুক্ত রবীন্দ্রনাথ ঠাকুর জ্ঞান ও পাণ্ডিত্যে আজিও সমগ্র জগতের নিকট ভারতের স্থান অন্ধান করিয়া রাখিয়াছেন, এবার আমরা প্রচ্ছদপটে সেই বংশের এক উজ্জলরত্ন জ্যোতিরিন্দ্রনাথ ঠাকুর মহাশয়ের চিত্র প্রকাশ করিলাম। ইতিপূর্বে ১৩৩১ সালের মাঘ মাসে 'ভারতবর্ষ'র প্রচ্ছদপটে মহর্ষি দেবেন্দ্রনাথ

ঠাকুরের এবং ১৩৩৯ সালের পৌষ মাসে তাঁহার দ্বিতীয় পুত্র সত্যেন্দ্রনাথ ঠাকুরের চিত্র প্রকাশিত হইয়াছে।

জ্যোতিরিন্দ্রনাথ মহর্ষি দেবেন্দ্রনাথের পঞ্চম পুত্র। মহর্ষির ৯ পুত্র ও ৪ কন্যা প্রায় সকলেই কোন না কোন ক্ষেত্রে খ্যাতি অর্জন করিয়াছিলেন। তন্মধ্যে রবীন্দ্রনাথকে বাদ দিলেও প্রসিদ্ধ দার্শনিক দ্বিজেন্দ্রনাথ, সত্যেন্দ্রনাথ, হেমেন্দ্রনাথ, জ্যোতিরিন্দ্রনাথ ও স্বর্ণকুমারী দেবীর নাম বাঙ্গালীমাত্রেই নিকট সুপরিচিত।

১২৫৫ সালের ২২শে বৈশাখ জ্যোতিরিন্দ্রনাথের জন্ম হয়। সে সময়ে ইহাদের বাড়ীতে একটি পাঠশালা ছিল; তথায় এক গুরুমহাশয়ের নিকটেই সকলকে বিদ্যারম্ভ করিতে হইত।

তাহার পর বাড়ীতে মাষ্টারের নিকট ইংরাজি পড়া আরম্ভ হয় ; সে সময়ে তাঁহার স্নেহদাদা হেমেন্দ্রনাথ তাঁহার অভিভাবক হন ; হেমেন্দ্রবাবু জ্যোতিবাবুকে মুগুর-ভাঁজা, ডন-ফেলা প্রভৃতি অনেক রকম ব্যায়াম অভ্যাস করাইতেন এবং ক্রীড়াচ্ছলে তাঁহাকে সম্ভরণ-বিছাও শিখাইয়াছিলেন। বাঙ্গালা ও ইংরাজীতে বাড়ীতে এইরূপে প্রাথমিক শিক্ষা লাভ করিয়া তিনি, স্কুলে ভর্তি হইলেন ; প্রথমে সেন্ট পলস স্কুল, তাহার পর মণ্টেগুর একাডেমী ও তাহার পর হিন্দু স্কুল। স্কুলের শিক্ষার প্রতি জ্যোতিবাবুর একটা বিতৃষ্ণা জন্মিয়াছিল ; স্কুলের পড়ায় তিনি একেবারেই মন দিতে পারিতেন না। তিনি যে সময়ে হিন্দু স্কুলের পঞ্চম শ্রেণীর ছাত্র, তখন তাঁহার উপনয়ন হয় ; সে সময়ে তিনি রাসে বসিয়া ছবি আঁকিতেন ; একবার তিনি মাষ্টার জয়গোপাল শেঠের যে ছবি আঁকিয়াছিলেন, তাহা দেখিয়া সকলেই চমৎকৃত হইয়াছিলেন। ঐ সময়ে তিনি অগ্রজ সত্যেন্দ্রনাথের সহিত লর্ড সিংহের পিতৃব্য প্রতাপনারায়ণ সিংহের মণিরামপুরস্থ বাড়ীতে বাইয়া প্রতাপবাবুর একখানা ছবি আঁকিয়াছিলেন ; সকলেই মুক্তকণ্ঠে বালক জ্যোতিরিন্দ্রনাথের অঙ্কন-নৈপুণ্যের প্রশংসা করিয়াছিল।

বাল্যকালে জ্যোতিবাবু একবার সত্যেন্দ্রনাথের সহিত কৃষ্ণনগরে সুপ্রসিদ্ধ ব্যারিষ্টার মনোমোহন ঘোষের বাড়ীতে বাইয়া কিছুদিন তথায় বাস করিয়াছিলেন।

শৈশবাবস্থাতেই তিনি নিজেদের অভিনয়ের জন্ত একখানি নাটক রচনা করিয়াছিলেন ; পুরাতন “সংবাদ প্রভাকর” হইতে কতকগুলি কবিতা জোড়াতাড়া দিয়া এই “অদ্ভুত নাট্য” পুস্তক খাড়া করা হইয়াছিল। মনোমোহন ঘোষ মহাশয় সে সময়ে তাঁহাদের বাড়ীতেই বাস করিতেন ; তখনই রাষ্ট্রীয় উন্নতিসাধনের দিকে তাঁহার প্রবল ঝোঁক ছিল এবং সে উদ্দেশ্যে তিনি মহর্ষির অর্থসাহায্যে “ইণ্ডিয়ান মিরর” নামক একখানি ইংরাজি সংবাদপত্র প্রকাশ করিয়াছিলেন।

হিন্দু স্কুল হইতে জ্যোতিবাবু ব্রহ্মানন্দ কেশবচন্দ্র সেন মহাশয়ের প্রতিষ্ঠিত ‘কলিকাতা কলেজ’ নামক স্কুলে ভর্তি হন ও সেখান হইতে এন্ট্রাস পরীক্ষা পাশ করিয়া প্রেসিডেন্সি কলেজে ভর্তি হন। কলেজে বিহারীলাল গুপ্ত ও রমেশচন্দ্র দত্ত তাঁহার সহপাঠী ছিলেন। স্কুলে ব্রহ্মানন্দ

কেশবচন্দ্র, ভাই প্রতাপচন্দ্র মজুমদার, ডবলিউ, সি, ব্যানার্জির পিতৃব্য ঠাকুরবন্দ্যোপাধ্যায়, তারকমাথ পালিত প্রভৃতি শিক্ষকদিগের নিকট তিনি শিক্ষালাভ করিয়াছিলেন। কলেজে রাজকৃষ্ণ বন্দ্যোপাধ্যায়, কৃষ্ণকমল ভট্টাচার্য প্রভৃতির নিকট তাঁহাকে খড়িতে হইয়াছিল। কলেজে দ্বিতীয় বার্ষিক শ্রেণীর পাঠ শেষ করিবার পর তিনি ফি জমা না দিয়া, কাহাকেও কিছু না বলিয়া সত্যেন্দ্রনাথের সঙ্গে বোম্বায়ে পলাইয়া গিয়াছিলেন। সত্যেন্দ্রনাথ তখন সিভিল সার্ভিস পাশ করিয়া আসিয়া বোম্বায়ে কার্য্য করিতেছিলেন। বোম্বাই অবস্থানকালে জ্যোতিবাবু সেতার বাণ্ড শিক্ষা করিয়াছিলেন।

কলিকাতায় ফিরিয়া জ্যোতিরিন্দ্রনাথ কৃষ্ণবিহারী সেন, গুণেন্দ্রনাথ ঠাকুর, অক্ষয়চন্দ্র চৌধুরী ও যদুনাথ মুখোপাধ্যায়কে লইয়া একটি নাট্য-সমিতি গঠন করেন এবং মাইকেলের কৃষ্ণকুমারী নাটকে নিজে জননীর ভূমিকা অভিনয় করিয়াছিলেন। পরে ‘একেই কি বলে সত্যতা’ নাটকে জ্যোতিবাবু সার্জেন সাজিয়াছিলেন। তাঁহাদের নাট্য-সমিতির অল্পরোধে ‘কুলীনকুল সর্বস্ব’-রচয়িতা পণ্ডিত রামনারায়ণ তর্করত্ন মহাশয় ‘নবনাটক’ রচনা করিয়া দিয়া ৫ শত টাকা পুরস্কার লাভ করিয়াছিলেন। ঐ নাটকখানি দর্শকগণকে এত মোহিত করিয়াছিল যে তাঁহাদের অল্পরোধে একাধিক রজনী ‘নবনাটক’ অভিনীত হইয়াছিল।

যে সময়ে নবগোপাল মিত্র মহাশয়ের উদ্যোগে ও গুণেন্দ্রনাথ ঠাকুরের আত্মকূল্যে বঙ্গদেশে প্রথম হিন্দুমেল্লা নাম দিয়া জাতীয় শিল্পপ্রদর্শনী হয়, তখন জ্যোতিবাবু জাতীয় ভাবের কবিতা লিখিয়া তথায় পাঠ করিয়াছিলেন।

‘কিঞ্চিৎ জলযোগ’ নামক একখানি প্রহসন রচনা করিয়া জ্যোতিরিন্দ্রনাথ সাহিত্যক্ষেত্রে প্রবেশ করেন ; ইহাই তাঁহার রচিত সর্বপ্রথম গ্রন্থ। ত্রাশাশাল থিয়েটারে বইখানি অভিনীত হইয়াছিল।

জ্যোতিবাবু স্ত্রী-স্বাধীনতার পক্ষপাতী ছিলেন ; গঙ্গার ধারে কোন বাগানবাড়ীতে সস্ত্রীক অবস্থানকালে তিনি নিজের স্ত্রীকে নিজেই অস্বারোহণ শিখাইয়াছিলেন ; তাহার পর দুইটি আরব ঘোড়ায় দুইজনে পাশাপাশি চড়িয়া জোড়াসাঁকোর বাড়ী হইতে গড়ের মাঠ পর্য্যন্ত প্রত্যহ বেড়াইতে যাইতেন ও ময়দানে বাইয়া দুইজনে সবেগে ঘোড়া ছুটাইতেন।

জমীদারী পরিদর্শন উপলক্ষে কটকে বাইয়া বাসকালে তিনি ‘পুরুবিক্রম’ নামক নাটক রচনা করেন ; তাহা গ্রেট ত্রাশাশাল থিয়েটার ও বেঙ্গল থিয়েটারে অভিনীত হইত। কটক হইতে কলিকাতা আসিয়া জ্যোতিবাবু ‘সরোজিনী’ রচনা করেন। কলিকাতার সাধারণ থিয়েটারে বইখানি অভিনীত হইলে নাট্যকার বলিয়া জ্যোতিবাবুর খ্যাতি রটিয়া গিয়াছিল।

তিনি ‘মানভঙ্গ’ নামক যে গীতিনাট্য রচনা করিয়াছিলেন ‘ভারত সঙ্গীত সমাজ’ স্থাপনের পর পরিবর্তিত করিয়া ‘পুনর্বসন্ত’ নামে তাহা প্রকাশিত হইয়াছিল।

জোড়াসাঁকোর বাড়ীতে ‘কালমৃগয়া’ অভিনয়কালে জ্যোতিবাবু দশরথের ভূমিকা গ্রহণ করিয়াছিলেন। ‘বাস্তবিক-প্রতিভা’য় তিনি কোন পাঠ গ্রহণ করেন নাই, তাঁহার উপর সঙ্গীত ও কনসার্টের ভার ছিল।

অত্যন্ত ঝোঁক গিয়া কিছুদিন জ্যোতিবাবুর শিকারের ঝোঁকটাই প্রবল হইয়া উঠিয়াছিল। প্রতি রবিবারে সদলবলে তিনি শিকারে বাহির হইতেন। শিকারের জায়গা ছিল ধাপার মাঠ। বাঙ্গালীদের মধ্যে সংসাহস বদ্ধিত করিবার জন্ত তিনি বন্দুক-ছোড়া ও শিকারের প্রবর্তন করিতে গিয়াছিলেন।

জ্যোতিবাবুর উদ্যোগে কলিকাতায় ‘সঙ্গীবনী-সভা’ নামে একটি সমিতি স্থাপিত হয়। জাতীয় হিতকর ও উন্নতিকর সমস্ত কার্য্য করাই সভার উদ্দেশ্য ছিল—বুদ্ধ রাজনারায়ণ বসু সভার অধ্যক্ষ ছিলেন। সভা হইতে সার্কজনিক একটি পোষাক চালাইবার চেষ্টা ব্যর্থ হইয়াছিল। শিল্প বাণিজ্যের প্রসার উদ্দেশ্যে সভার উদ্যোগে সর্বপ্রথম দেশলাইএর একটি কল প্রতিষ্ঠিত হয়। অনেক আয়াসে ও বহু অর্থব্যয়ে কয়েক বাক্স দেশলাই প্রস্তুত হইয়াছিল বটে, কিন্তু তাহা সাধারণের পক্ষে ক্রয়সাধ্য বা ব্যবহারোপযোগী হয় নাই। সভায় এক নূতন কাপড়ের কল আনা হইয়াছিল। একখানি গামছা ছাড়া ঐ কলে আর কিছুই প্রস্তুত হয় নাই।

রবীন্দ্রনাথ যখন ‘বালক’ নামে একখানি মাসিকপত্র প্রকাশ করেন তখন জ্যোতিবাবু তাহাতে মুখ-সামুদ্রিক (Physiognomy) ও শির-সামুদ্রিক (Phrenology) সম্বন্ধে অনেকগুলি প্রবন্ধ লিখিয়াছিলেন।

ইহার পর জ্যোতিবাবু আর একটি সভা স্থাপন করেন। দেশের শিল্পবাণিজ্যের উন্নতিসাধনের জন্ত তাহা স্থাপিত হয় নাই—বাঙ্গালা ভাষার উন্নতিই তাহার উদ্দেশ্য ছিল। সভার নাম হইল—‘কলিকাতা সারস্বতসম্মিলনী’। সভার উদ্দেশ্য ছিল তিনটি—(১) বঙ্গভাষার অভাব মোচন (২) বঙ্গীয় গ্রন্থ সমালোচনা করিয়া বঙ্গসাহিত্যের উন্নতিসাধন ও উৎসাহবর্দ্ধন (৩) বঙ্গ-সাহিত্যালুসীগীদিগের মধ্যে পরস্পর সৌহার্দ্য স্থাপন। রাজেন্দ্রলাল মিত্র মহাশয় সভার প্রথম সভাপতি হইয়াছিলেন—কিছুদিন পরে সভা বন্ধ হইয়া গিয়াছিল।

জ্যোতিবাবু মধ্যে মধ্যে পাবনা ও কুষ্টিয়া অঞ্চলে জমীদারী দেখিতে যাইতেন ও শিলাইদহের কুঠীতে বাস করিতেন। সে সময়ে প্রায়ই তিনি পাখী শিকার করিয়া আত্ম-বিনোদন করিতেন।

এই সময়ে জ্যোতিবাবু হাটখোলায় এক পাটের আড়ত খুলিয়াছিলেন। অংশীদার ছিলেন—তাঁহার ভগিনীপতি জানকীনাথ ঘোষাল। দুইজনে প্রতিদিন সকালে হাটখোলায় গিয়া অফিস করিতেন, কিন্তু পাটের রাজার খারাপ হওয়ায় ঐ কাজ বন্ধ করিতে হয়। ব্যবসায় যে লাভ হইয়াছিল সেই টাকা লইয়া জ্যোতিবাবু শিলাইদহে নীলের চাষ আরম্ভ করেন। নীলেও বেশ লাভ হইয়াছিল ; কিন্তু জার্মানী হইতে কৃত্রিম নীল আমদানী হওয়ায় এদেশে নীলের বাজার খারাপ হইয়া যায় ও জ্যোতিবাবু টাকা লইয়া কলিকাতায় চলিয়া আসেন।

এই সময়ে কলিকাতা হইতে খুলনা পর্য্যন্ত রেলপথ নিশ্চিত হইয়াছে। জ্যোতিবাবু সরোজিনী, বঙ্গলক্ষ্মী, স্বদেশী, ভারত ও লর্ড রিপন নামক ৫খানি জাহাজ ক্রয় করিয়া খুলনা হইতে বরিশাল পর্য্যন্ত যাত্রী বহনের কার্য্যে নিযুক্ত করেন। সময় সময় জাহাজগুলি মাল লইয়া কলিকাতায় আসিত। ঐ সময়ে তিনি জাহাজেই বাস করিতেন। প্রথম প্রথম বরিশালবাসীরা স্বদেশী কোম্পানীর স্তিমারেই চড়িত। কিন্তু একটি বিদেশী কোম্পানীর জাহাজ বাইয়া তথায় প্রতিযোগিতা আরম্ভ করিল—ফলে ভাড়া কমিয়া যাওয়ায় উভয় পক্ষেরই লোকসান হইতে লাগিল। সেই সময়ে জ্যোতিবাবুর একখানি মালপূর্ণ জাহাজ কলিকাতার গঙ্গায় ডুবিয়া যায়—তাহাতে তিনি হতাশ

হইয়া পড়েন ও রাজা প্যারীমোহন মুখোপাধ্যায়ের পরামর্শে ৪খানি জাহাজ ও কোম্পানীর সকল সরঞ্জাম বিদেশী কোম্পানীকে বিক্রয় করিয়া ফেলেন। ঐ সময়ে সার ভারতবর্ষে পালিত মহাশয় জ্যোতিবাবুর সব পাওনাদারকে ডাকিয়া ঋণ মিটাইবার ব্যবস্থা করিয়া তাঁহাকে ঋণমুক্ত করিয়া দিয়া প্রকৃত বন্ধুর কার্য্য করিয়াছিলেন।

বাঙ্গালা দেশে সঙ্গীতশিক্ষা, সঙ্গীতঅধ্যাপনা, তাহার প্রচার এবং বাঙ্গালার অভিজাত ও মধ্যবিত্ত লোকদের মধ্যে সঙ্গীত স্থাপন উদ্দেশ্যে জ্যোতিবাবু কলিকাতায় চাঁদা সংগ্রহ করিয়া 'ভারতসঙ্গীতসমাজ' প্রতিষ্ঠা করেন। সঙ্গীত সমাজের সহিত জ্যোতিবাবুর সম্বন্ধ যখন খুব ঘনিষ্ঠ, তখন দোয়ার্কিন-দিগের ব্যয়ে 'বীণাবাদিনী' নামে তিনি সঙ্গীতবিষয়ক একখানি মাসিকপত্র সম্পাদন করেন—বৎসর দুই চলিয়া উহা বন্ধ হইয়া যায়। পরে ত্রিপুরার মহারাজা রাধাকিশোর মাণিক্য বাহাদুরের অর্থসাহায্যে জ্যোতিবাবু 'সঙ্গীত-প্রকাশিকা' নামে সঙ্গীতবিষয়ক আর একখানি মাসিকপত্র বাহির করেন। মহারাজা বাহাদুরের মৃত্যুর পর ঐ কাগজও বন্ধ হইয়া যায়।

মধ্যে তিনি আবার কিছুদিন বোম্বায়ে সত্যেন্দ্রনাথের নিকটে বাইয়া বাস করিয়াছিলেন। তথায় তিনি মারাঠি ভাষা শিক্ষা করেন এবং 'বাসির রাণী' নামক গ্রন্থ রচনা করেন। তথায় তিনি 'হিত-বিপরীত' নামক একখানি ক্ষুদ্র নাটকও রচনা করিয়াছিলেন।

সহজ ও সরল প্রণালীতে কল্পে গানের স্বরলিপি লিখিত হইতে পারে সেইদিকে জ্যোতিবাবুর দৃষ্টিই প্রথম আকৃষ্ট

হইয়াছিল। প্রথম প্রথম 'ভারতী'তে তিনি সংখ্যামাত্রিক স্বরলিপি পদ্ধতি প্রকাশ করিতেন। পরে তাহা অপেক্ষা সহজ, সরল ও শিক্ষার্থীর বোধগম্য করিবার জন্ত তিনি আকার-মাত্রিক স্বরলিপি আবিষ্কার করেন। সেগুলি ঐ সময়ে 'সাধনা'তে প্রকাশিত হইত। এই শ্রেণীকৃত পদ্ধতিই এখন সর্বসাধারণে গৃহীত ও প্রচলিত।

সঙ্গীত সমাজের সংস্রবে থাকিতে থাকিতেই তিনি সংস্কৃত নাটকগুলিকে বঙ্গভাষায় অনুবাদ করিয়া ফেলেন। ১৮০৬ হইতে ১৩১১ সালের মধ্যেই যথাক্রমে "অভিজ্ঞান-শকুন্তলা" (১৩০৬), "উত্তর চরিত", "মুদ্রা-রাক্ষস", "রত্নাবলী", "মালতী মাধব" (১৩০৭), "প্রবোধ চন্দ্রোদয়", "বেণী সংহার", "মহাবীর চরিত", "মালবিকাগ্নিমিত্র", "বিক্রমোর্কশী", "চণ্ড-কৌশিক" (১৩০৮), "নাগানন্দ" (১৩০৯), "বিদ্যশাল-ভঞ্জিকা", "ধনঞ্জয়-বিজয়" (১৩১০), "কপূর-মঞ্জরী" ও "মুচ্ছকটিক" (১৩১১) অনুবাদিত ও প্রকাশিত হয়।

তাঁহার রচিত "মিলিতানা", "বসন্তলীলা", "অশ্রুমতী", "অবতার", "মার্কাস ওরিলিয়াসের আত্মচিন্তা" প্রভৃতি নাটকও এককালে প্রসিদ্ধি লাভ করিয়াছিল।

জ্যোতিবাবু স্বাস্থ্যলাভের জন্ত ইতিপূর্বে কয়েকবার রাঁচী গিয়াছিলেন; রাঁচী তাঁহার খুব ভাল লাগিয়াছিল। সে জন্ত তিনি তথায় মোরাবাদী পাহাড়ের উপর 'শান্তিদাম' নিৰ্মাণ করিয়া শেষ জীবনে তথায় বাস করিয়াছিলেন।

১৩৩১ সালের ২০শে ফাল্গুন তারিখে রাঁচীতেই তিনি পরলোকগত হইয়াছেন।

স্থান ভ্রষ্ট

শ্রীহরেন্দ্রমোহন ভট্টাচার্য্য

চাচর চিকুর রাজি নারীর মস্তকে
সহস্র নরের চিত্ত করে আকর্ষণ।

সহস্র নারীর কেশ শিরোভ্রষ্ট যবে
একটি মানব-প্রাণে না আনে স্পন্দন ॥



বঙ্গপঞ্জিকা-সম্বন্ধ ও সূক্ষ্মলগ্ন নিরূপণ

শ্রীহরেন্দ্রকুমার চক্রবর্তী

রাজা-মন্ত্রী

দেশে রাজা বা রাজপ্রতিনিধি না থাকিলে যেমন অরাজকতা উপস্থিত হয় বর্তমানে জ্যোতিষশাস্ত্রের কোন সর্বজনমান্য নিয়ম না থাকায় ইহার অবস্থাও হইয়াছে তদ্রূপ। কোন কোন পঞ্জিকাকারের মতে রবি রাজা বৃহ মন্ত্রী আবার কেহ বা বৃহ রাজা শনি মন্ত্রী বলিয়া প্রচার করিতেছেন। এই বৈমাত্র্য হেতু কোম পঞ্জিকার উপরই আস্থা স্থাপন করা যাইতে পারে না। যেহেতু একই সময়ে একই দেশে বিভিন্ন রাজা ও মন্ত্রী হইতে পারে না—ইহা ধ্রুব সত্য। ভাবাবিশেষে এক জলেরই বিভিন্ন নাম, যথা—সলিল, প্রাণ, বাসি, অপ, ওয়াটার ইত্যাদি হইয়া থাকে। সেইরূপ পঞ্জিকাকারগণও যদি একই রাজা ও মন্ত্রীকে ইহাদের লোক-প্রসিদ্ধ বিভিন্ন নামে নির্দেশ করিতেন তবে কোন প্রশ্নই উঠিতে পারিত না। কিন্তু তাহা না করিয়া বিভিন্ন গ্রহকেই একই বৎসরে একই চক্রবর্তী এক রাজা বা মন্ত্রী পদ দিয়া বহু রাজা ও বহু মন্ত্রীর অবতারণা করিয়া অরাজকতা বা অরাজকতার সৃষ্টি করিয়াছেন। এই জন্তই জ্যোতিষশাস্ত্র হইতে শিক্ষিত সমাজের আস্থা চলিয়া যাইতেছে। ভবিষ্যতে এরূপ করিয়া যাহাতে প্রাচীন জ্যোতিষশাস্ত্রের অবমাননা না হয় তৎপ্রতি পঞ্জিকা প্রণেতাগণের দৃষ্টি আকর্ষণ করিতেছি।

প্রতীয়মান সূর্য্য

আমরা যে সূর্য্যের কিরণ পাই উহাকে প্রতীয়মান সূর্য্য বা স্পষ্ট সূর্য্য (Apparent Sun) বলে। প্রতীয়মান সূর্য্যের প্রাত্যহিক গতি দ্বারা যে সময় নির্ণয় করা হয়—অর্থাৎ সূর্য্যের পর্য্যবেক্ষণ নইয়া যে সময় নির্ণয় করা হয় তাহাকে প্রতীয়মান সৌরকাল (Apparent time) বলে। কাল্পনিক সূর্য্যের প্রাত্যহিক গতি দ্বারা যে সময় নির্ণয় করা হয় তাহাকে মধ্যম সাবন কাল (Mean time) বলে। প্রতীয়মান সৌরকাল হইতে মধ্যম সাবন কাল কখনও বেশী, কখনও বা কম হইয়া থাকে এবং ইহাদের অন্তরকে সমীকরণ বলে।

কাল্পনিক সূর্য্য

প্রতীয়মান সূর্য্য বিষুবরেখার (equator) লম্বভাবে না ঘুরিয়া কল্টিবৃত্তের (ecliptic) উপর দিয়া আবর্তন করে এবং পৃথিবীর কক্ষের (Orbit) অসম-কেন্দ্রতা হেতু প্রতীয়মান সূর্য্যের গতি সমান নহে; সেইজন্ত প্রতীয়মান সূর্য্যের উদয় হইতে পরদিন সূর্য্যোদয় পর্য্যন্ত যে দিন (Apparent solar day) তাহার পরিমাণ সমান থাকে না অর্থাৎ সূর্য্য হইতে পৃথিবী সর্বদা সমদূরবর্তী না থাকায় প্রতীয়মান সৌর দিবসের পরিমাণ সমান থাকে না। ঘটিকা-যন্ত্র দ্বারা এরূপ অসমান গতি প্রদর্শন করা অস্ববিধা হয় বলিয়া একটি কাল্পনিক সূর্য্য (Mean

Sun) বিষুবরেখার উপর দিয়া সমভাবে আবর্তন করিতেছে—বলিয়া ধরিয়া লওয়া হইয়াছে। কাল্পনিক সূর্য্য ঘুরিতে ঘুরিতে কোনও দ্রাঘিমা ছাড়িয়া পুনরায় সেই দ্রাঘিমায় উপস্থিত হইতে যে সময় লাগে, তাহাকে মধ্যম সাবন দিন, মীন টাইম বা স্থানীয় সময় বলে। এই সময়ই জ্যোতিষ গণনা-কার্য্যে ব্যবহৃত হইয়া থাকে; প্রতীয়মান সূর্য্যের উদয় ও কাল্পনিক সূর্য্যের উদয়ের সময়ের যে তারতম্য হইয়া থাকে তাহাকে সমীকরণ (equation of time) বলে। (The difference between the right ascension of the true sun and that of the mean sun is known as equation of time.)

আদি বিন্দু

সূর্য্য, গ্রহ ও নক্ষত্রাদির অবস্থান নিরূপণ করার জন্ত বিষুবরেখা ও গ্রিগউইচের দ্রাঘিমায় সমান্তর নভোমণ্ডলীয় বিষুবরেখা (celestial equator or equinoctial) ও নভোমণ্ডলীয় দ্রাঘিমা (celestial meridian) নামক আরও দুইটি রেখা কল্পনা করিয়া লইতে হয়। প্রায় ২৬৫ দিনে পৃথিবী সূর্য্যকে বেষ্টিত করিয়া বৃত্তাভাস পথে ঘুরিয়া আসে, সূর্য্য এই বৃত্তাভাসের একটি মধ্য বিন্দু (Focus)। পৃথিবীর এই ভ্রমণ পথ উত্তর-পূর্ব কোণ হইতে দক্ষিণ-পশ্চিম কোণে বিস্তৃত, ইহা নভোমণ্ডলীয় বিষুবরেখার সহিত ২৩½ ডিগ্রী কোণে অবস্থিত। নভোমণ্ডলীয় বিষুবরেখা এবং পৃথিবী যে দুই বিন্দুতে অবচ্ছেদ করে, তাহার উপরের বিন্দুকে মেঘের আদি বিন্দু (First point of Aries) বলে। মেঘের আদি বিন্দু হইতে সূর্য্য, গ্রহ ও নক্ষত্রাদির রাইট এসেনশান (Right ascension) গণনা করা হয়।

রাইট এসেনশান

মেঘের আদি বিন্দু হইতে সূর্য্য বা কোনও গ্রহনক্ষত্র যতটুকু পূর্ব দিকে সরিয়া থাকে অর্থাৎ মেঘ রাশি দ্রাঘিমা পার হইয়া গেলে সূর্য্য বা কোনও নক্ষত্র যতক্ষণ পরে সেই দ্রাঘিমায় উপর আসিয়া থাকে, সেই সময়টুকুকেই রাইট এসেনশান বলে।

সৌরজগৎ

গ্রহ, উপগ্রহাদি সমস্তই বৃত্তাভাস পথে সূর্য্যের চতুর্দিকে ঘুরিয়া বেড়াইতেছে, সূর্য্য এই বৃত্তাভাসের একটি মধ্যবিন্দু। সূর্য্য, গ্রহ ও উপগ্রহাদি লইয়া যে জগৎ কল্পনা করা হয়, তাহাকেই সৌর জগৎ বলে।

দিবা, রাত্রি, এবং সূর্য্যনক্ষত্রাদির

উদয়াস্তের কারণ

গ্রহ, উপগ্রহাদি এবং সূর্য্য ও নক্ষত্রসমূহ পৃথিবী হইতে সমদূরবর্তী নয় এবং একই তলের উপরেও স্থাপিত নয়। সমুদয়ই শূন্যের উপর

মূলিতেছে, কিন্তু অনেক দূরে থাক। নিবন্ধন এই শৃঙ্খলায় প্রতাপন হইতেছে। বোধ হইতেছে যে, সমুদ্রই একটি গোলাকার খিলানের উপর স্থাপিত রহিয়াছে; এষ্ট খিলানটিকে আকাশ বলে। আকাশের দিকে দৃষ্টিপাত করিলে বোধ হয় যে, সূর্য ও নক্ষত্রসমূহ পূর্ব দিক হইতে পশ্চিম দিকে চলিয়া যাইতেছে। কিন্তু বাস্তবিক পক্ষে তাহা নহে; সূর্য ও নক্ষত্রসমূহ অচল। পৃথিবী আপন মেরুদণ্ডের চতুর্দিকে বিষুবরেখার লম্বভাবে পশ্চিম দিক হইতে পূর্ব দিকে ঘুরিয়া যাইতেছে। আমরাও পৃথিবীর সঙ্গে সঙ্গে ঘুরিতে ঘুরিতে যখন কোনও নক্ষত্র বা সূর্যকে চক্রবালের উপরে দেখিতে পাই, তখন তাহার উদয় বলি এবং যখন পশ্চিম দিকে চক্রবালের নীচে যাইতে দেখি, তখন তাহার অস্ত বলি। এইরূপ ঘুরিতে ঘুরিতে যতক্ষণ আমরা সূর্যকে দেখিতে পাই, ততক্ষণকে দিবা এবং যতক্ষণ সূর্যের কিরণ পাই না ততক্ষণকে রাত্রি বলি। পৃথিবীর সকল স্থানেই একই সময়ে দিবা বা রাত্রি হয় না এবং সকল নক্ষত্রই একই সময়ে উদয় হইয়া একই সময়ে অস্ত যায় না। দিবা রাত্রিতে ক্রমে উদয় হইতেছে, ক্রমে অস্ত যাইতেছে। দিবা ভাগে সূর্যের প্রথর কিরণের জন্ত আমরা নক্ষত্রাদি দেখিতে পাই না।

সূর্যোদয় ও সূর্যাস্ত

প্রত্যহ পূর্ব দিকের ঠিক এক জায়গা হইতে সূর্যোদয় হয় না। বর্তমান ১৩৪২ বাৎ মনের ৭ই চৈত্র (২০শে মার্চ) ও ৮ই আশ্বিন (২৫শে সেপ্টেম্বর) যে দুই দিন উষ্ণ মণ্ডলের (Torrif Zone) সর্বত্র দিবা রাত্রি সমান হইবে সেই দুই দিন সূর্য ঠিক পূর্ব দিক হইতে উদিত হইবে অর্থাৎ বিষুবরেখার উপর উদিত হইবে। অয়ন বা ক্রান্তিপাত (equinox) নভোমণ্ডলীয় বিষুবরেখাকে (celestial equator) ঠিক বিপরীতভাবে প্রায় ২৩°-২৮' কোণ করিয়া যে দুই বিন্দুতে অবচ্ছেদ করে, তাহার এক বিন্দুকে বাসন্তী ক্রান্তিপাত (Vernal equinox) কহে। কারণ চৈত্রমাসে সেই বিন্দুতে সূর্যোদয় হয়। অপর বিন্দুকে শারদীয় ক্রান্তিপাত (Autumnal equinox) কহে, যেহেতু আশ্বিন মাসে ঐ বিন্দুতে সূর্যোদয় হয়। ২১শে মার্চ হইতে সূর্য প্রত্যহ বিষুবরেখা হইতে একটু একটু উত্তরে উদিত থাকে; এইরূপ হইতে হইতে ২২শে জুন সূর্য বিষুবরেখা হইতে ২৩½ ডিগ্রী উত্তরে অর্থাৎ কর্কটক্রান্তির (Tropic of cancer) উপর উদিত হয়, সেই দিন উত্তর গোলার্কে সর্বাপেক্ষা বড় দিন—সুতরাং দক্ষিণ গোলার্কে সর্বাপেক্ষা ছোট দিন। তাহার পর সূর্য আবার বিষুবরেখার দিকে আসিতে থাকে ও ২৫শে সেপ্টেম্বর শারদীয় ক্রান্তিপাতের উপর সূর্য উদিত হয় ও সর্বত্র দিব্যরাত্রি সমান হয়। ২৩শে সেপ্টেম্বর হইতে সূর্য প্রত্যহ বিষুবরেখা হইতে একটু একটু দক্ষিণে উদিত হইতে থাকে; এইরূপ হইতে হইতে ২৪শে ডিসেম্বর সূর্য বিষুবরেখা হইতে ২৩½ ডিগ্রী দক্ষিণে অর্থাৎ মকরক্রান্তির (Tropic of capricorn) উপর উদিত হয়। সেইদিন দক্ষিণ গোলার্কে সর্বাপেক্ষা বড় দিন ও

উত্তর গোলার্কে সর্বাপেক্ষা ছোট দিন। তাহার পর সূর্য আবার বিষুবরেখার দিকে আসিতে থাকে ও ২০শে মার্চ বাসন্তী ক্রান্তিপাতের উপর সূর্য উদিত হয় এবং সর্বত্র দিব্যরাত্রি সমান হয়। ইহাতে বুঝা যাইতেছে যে বিষুবরেখা হইতে ২৩½ ডিগ্রী উত্তরে ও ২৩½ দক্ষিণে এই সীমানার মধ্যেই সূর্যোদয় হয়। কাজেই অক্ষাংশের তারতম্য অনুসারে সূর্যোদয়েরও তারতম্য হইয়া থাকে অর্থাৎ সকল দেশের অক্ষাংশ (Latitude) সমান নহে, এই হেতু সকল স্থানে একই সময়ে সূর্যোদয় হয় না। সূর্যাস্তও এই নিয়মেই হইয়া থাকে। (The sun-rise and sun-set of different places vary directly as the latitude; of course this will have no effect on those places where the time is observed from a particular meridian within that area.)

লোকাল টাইম

যখন যে জাতিমার উপর দিয়া কালনিক সূর্য অতিক্রম করে সেই সময় হইতেই সেই স্থানের লোকাল টাইম (স্থানীয় সময়) গণনা করা হয়। কালনিক সূর্য বিভিন্ন সময়ে বিভিন্ন জাতিমা অতিক্রম করা নিবন্ধন আমরা পৃথিবীতে অসংখ্য লোকাল টাইম পাইয়া থাকি বটে, কিন্তু যদি বাস্তবিক পক্ষে তাহা ব্যবহৃত হইত, তবে সময়ের একটা বিশৃঙ্খলতা সৃষ্টি হইত। যদি প্রত্যেক দেশের সহরেই গ্রামে স্ব স্ব স্থানীয় সময় ব্যবহৃত হইত তবে আমাদিগকে একস্থান হইতে অল্প স্থানে যাইতে হইলে আমাদের ঘড়ীর সময় পরিবর্তন করিতে হইত। বঙ্গদেশের কেহ ব্রহ্মদেশে যাইয়া তাহার ঘড়ীর সময় মিলাইয়া দেখিলে ইহার সত্যতা অনুভব করিতে পারিবেন। এই সমস্ত কারণে সমসাময়িক ক্রমে গ্রীণ-উইচের জাতিমাকে স্ট্যান্ডার্ড জাতিমা ও ডিগ্রী নির্দেশ ক্রমে তাহার পূর্বে ও পশ্চিমে ১৮° ডিগ্রী ধরিয়া ৩৬° ডিগ্রীর মিল করা হইয়াছে। গ্রীণ-উইচ হইতে যে সময় গণনা করা হয় তাহাকে স্ট্যান্ডার্ড টাইম, গ্রীণ-উইচ মীনটাইম বা ইংলণ্ডের লোকাল টাইম বলা হয় এবং সে সময় হইতেই অগ্ৰাণ্ড স্থানের লোকাল টাইম গণনা করা হয়। পৃথিবী যখন তাহার মেরুদণ্ডের উপর দিয়া সমভাবে ঘুরিতেছে এবং জাতিমাও যখন পৃথিবী বেষ্টিত করিয়া গ্রীণ-উইচের জাতিমা হইতে পূর্বে ও পশ্চিমে সমভাবে মাপ করা হইয়াছে, কাজে কাজেই ইহা স্বতঃসিদ্ধ যে গ্রীণ উইচ মীনটাইমও যে কোন স্থানের লোকাল টাইমের যে তারতম্য তাহা গ্রীণ-উইচের জাতিমা ও সেই স্থানের জাতিমার তারতম্যের সমান। (The difference between Greenwich mean time and the local time of any place is equal to the longitude of that place i, e, to say the local time of different places varies directly as the longitude.)

অনেক স্থান ব্যাপিমা কোনও একটি জাতিমা নির্দেশ ক্রমে সেই জাতিমা হইতেই ঐ সমস্ত স্থানের লোকাল টাইম গণনা করা হয় এবং তাহাকেই সেই স্থান বা দেশের স্ট্যান্ডার্ড টাইম বলা হয়। আধুনিক সহর কলিকাতা (জাতিমা ৮৮°-২০'-২' মিনিট পূর্ব ও অক্ষাংশ ২১°-৩৫' উত্তর) স্ট্যান্ডার্ড টাইমকে বঙ্গদেশের স্থানীয় সময় বলিয়া

নির্দেশ করা হইয়াছে। আবার সিংহলের (জাতিমা ৮২°-৩৫' মিনিট পূর্ব) স্থানীয় সময়কে ভারতবর্ষের স্ট্যান্ডার্ড টাইম ধরিয়া লওয়া হইয়াছে। সেজন্ত বঙ্গদেশের স্থানীয় সময় ভারতবর্ষের স্ট্যান্ডার্ড টাইম হইতে ২৩°-২০'-৮" সেকেন্ড বেশী। তার বিভাগের, পোষ্ট অফিসের ও রেলওয়ের ঘড়ীতে যে সময় দৃষ্ট হয় তাহা ভারতবর্ষের স্ট্যান্ডার্ড টাইম ও অগ্ৰাণ্ড ঘড়ীতে যে সময় দৃষ্ট হয় তাহা বঙ্গদেশের স্থানীয় সময়—কাজেই বঙ্গদেশে আমরা দুইটি সময় পাইয়া থাকি। বঙ্গদেশের লোকাল টাইম ভারতবর্ষের স্ট্যান্ডার্ড টাইম হইতে কেহ বা ২৩°-২৪" কেহ বা ২৪' বেশী ধরিয়া গণনা করিয়া থাকেন। ইহা ভুল; উল্লিখিত কারণে নিঃসন্দেহ রিভে ২৩°-২১" সেকেন্ড ধরিয়া গণনা করাই সমীচীন বলিয়া বিবেচিত হয়।

বঙ্গদেশের স্ট্যান্ডার্ড টাইম জাতিমা ৯৭°-৩০' পূর্ব ও অক্ষাংশ ২০° ডিগ্রী উত্তর ধরিয়া একটি কালনিক স্থানের জন্ত নির্দেশ করা হইয়াছে। ব্রহ্মদেশের সর্বত্রই সেই সময় ব্যবহৃত হইয়া থাকে। ব্রহ্মদেশের স্ট্যান্ডার্ড টাইম ভারতবর্ষের স্ট্যান্ডার্ড টাইম হইতে ১ ঘণ্টা বেশী—কারণ এই দুই স্থানের দূরত্ব ১৫° ডিগ্রী। (The standard time of Calcutta which is the local time of Bengal is reckoned from the meridian E 88°-20'-2" and the Standard time of India from the meridian E 82°-30'. Hence the Calcutta local time is 23'-20'-8" seconds in advance of the standard time in India. Similarly the standard time in Burma is reckoned from the meridian E 97°-30'. Hence the standard time in Burma is one hour in advance of the standard time in India.) জ্যোতিষ শাস্ত্রের গণনা কার্যে কোন কোন পঞ্জিকাকারক নবদ্বীপের জাতিমাকেই স্বদেশীয় মধ্যরেখা বলিয়া ধরিয়া লইয়াছেন বলিয়া বিবেচিত হয়। কিন্তু তাহা না করিয়া কলিকাতার জাতিমাকেই স্বদেশীয় মধ্যরেখা ধরিয়া গণনা করাই সমীচীন বলিয়া মনে হয়, যেহেতু বঙ্গদেশের সর্বত্রই কলিকাতার স্থানীয় সময় ব্যবহৃত হয়।

দিবামান ও রাত্রিমান

সকল পঞ্জিকাতেই সূর্যোদয় ও সূর্যাস্তের যে সময় ধরিয়া দিবামান ও রাত্রিমান গণনা করা হইয়াছে তাহাও অনুসন্ধান করি।

সূক্ষ্ম-লগ্ন নিরূপণ

লগ্ন নিরূপণ করার নিয়ম সকলেই বিদিত আছেন বটে, কিন্তু পুনরাবলোচনা করার কারণ নিম্নে প্রকাশ করা হইতেছে। লগ্ন নিরূপণ করা সম্পূর্ণ—সূর্যোদয় ও সূর্যাস্তের উপর নির্ভর করে। ঘটিকাযন্ত্রে সূক্ষ্ম সময় পাওয়া যায়। যদি বিশুদ্ধভাবে সূর্যোদয় ও সূর্যাস্ত নিরূপণ করা না হয় তবে লগ্নমান যে ভুল হইবে তাহাতে কোন সন্দেহ নাই। মৎসদেশীয় অনেক আচার্যের সঙ্গে আলোচনাক্রমে দেখা যায় যে, কোন কোন আচার্য্য সকল স্থানের জন্তই—পঞ্জিকার লিখিত সূর্যোদয় ও সূর্যাস্ত ধরিয়া লন, আবার কেহ বা কলিকাতার সূর্যোদয় ও সূর্যাস্তের সঙ্গে কলিকাতার পূর্বদিকের স্থানগুলির জন্ত পঞ্জিকায় দেশভেদে অক্ষাংশ ও সময়নির্ণয়ের যে তালিকা প্রদত্ত হইয়াছে তদনুসারে কলিকাতায় ১২টার সময় যে স্থানে যত সময় বেশী দেখান হইয়াছে তাহা কলিকাতার সূর্যোদয়ের সঙ্গে যোগ করিয়া সেই—স্থানের সূর্যোদয় নির্ণয় করিয়া থাকেন। এই উভয় প্রণালীই ভুল। যেস্থানের সূর্যোদয় বা সূর্যাস্ত নির্ণয় করিতে হইবে উক্ত তালিকায় ১২টার সময় সে স্থানে যত সময় দেখান হইয়াছে তাহা ১২টা হইতে যত সময় বেশী তাহা

কলিকাতার সূর্যোদয় ও সূর্যাস্ত হইতে বাদ দিয়া, আবার যে স্থানে ১২টা হইতে যত সময় কম দেখান হইয়াছে তাহা কলিকাতার সূর্যোদয় ও সূর্যাস্তের সঙ্গে যোগ দিয়া স্থান বিশেষের সূর্যোদয় ও সূর্যাস্ত নির্ণয় করিলেই বিশুদ্ধভাবে নিরূপিত হইবে। কারণ পূর্বেই বলা হইয়াছে যে, বঙ্গদেশের সর্বত্রই কলিকাতার স্থানীয় সময় ব্যবহৃত হইয়া আসিতেছে। কাজেই বিভিন্ন অক্ষাংশের জন্য সূর্যোদয় ও সূর্যাস্তের যে তারতম্য হইয়া থাকে তাহা ধর্তব্য নহে। ইহা সহজেই অনুমান করা যাইতে পারে যে, কলিকাতার পূর্বদিকের স্থানসমূহের পূর্বে ও কলিকাতার পশ্চিমদিকের স্থানসমূহে পরে সূর্যোদয় হয় বলিয়া কলিকাতায় যখন ১২টা—তখন কলিকাতার পূর্বদিকের স্থানসমূহের ১২টা হইতে বেশী সময় ও পশ্চিমদিকের স্থানসমূহে ১২টা হইতে কম সময় দৃষ্ট হয়। এই বেশী কম কলিকাতা হইতে জাতিমার দূরত্বানুযায়ী প্রতি ডিগ্রীতে ৪' মিনিট হিসাবে হইয়া থাকে; ব্রহ্মদেশের জন্য উক্ত নিয়ম ব্যবহৃত হইবে না। যেহেতু ব্রহ্মদেশের সর্বত্রই ব্রহ্মদেশের স্ট্যান্ডার্ড টাইম ব্যবহৃত হইয়া থাকে। ব্রহ্মদেশবাসী বাঙ্গালীদের সুবিধার্থে ব্রহ্মদেশের (জাতিমা পূর্ব ৯৭°-৩০' ও অক্ষাংশ উত্তর ২০° ডিগ্রী) দৈনিক সূর্যোদয় ও সূর্যাস্ত বাহ্যতে পঞ্জিকায় সন্নিবেশিত করা হয় তৎপ্রতি পঞ্জিকাশ্রণতাদের দৃষ্টি আকর্ষণ একান্ত বাঞ্ছনীয়। ব্রহ্মদেশের যে স্থান হইতে স্ট্যান্ডার্ড টাইম ধরা হয় সে স্থান হইতে রেঙ্গুন ৫°-২০' ও আকিয়াব ১৮°-২৪' দূরে অবস্থিত; কাজেই ব্রহ্মদেশের যে স্থান হইতে স্ট্যান্ডার্ড টাইম ধরা হয় সে স্থানের সূর্যোদয় ও সূর্যাস্তের সঙ্গে উক্ত সময় যোগ দিলে যথাক্রমে রেঙ্গুন ও আকিয়াবের সূর্যোদয় ও সূর্যাস্ত নির্ণীত হইবে।

লগ্নমান

কোন পঞ্জিকাতেই আকিয়াবের অয়নাংশ শোধিত লগ্নমান দেওয়া হয় নাই। কেবলমাত্র রেঙ্গুনের লগ্নমান দেওয়া হইয়াছে। উক্ত লগ্নমান আকিয়াবের জন্মও কেহ কেহ ব্যবহার করিয়া থাকেন। তাহা সম্পূর্ণ ভুল। যেহেতু রেঙ্গুনের অক্ষাংশ ১৬°-৪৬' উত্তর। আকিয়াবের অক্ষাংশ ২০°-৮' উত্তর বিধায় প্রায়ই পুরীর অক্ষাংশের নিকটবর্তী, কাজেই স্থূলভাবে পুরীর লগ্নমান ধরিয়া গণনা করা যাইতে পারে। অক্ষাংশভেদে সূর্যোদয়ের ন্যায় লগ্নমানেরও তারতম্য হইয়া থাকে। কাজেই নিম্নে আকিয়াবের লগ্নমান দেওয়া গেল।

মেঘ	৪১১১৪৪	সিংহ	৫২৩১০	ধনু	৫১৮১৪৭
বৃষ	৪১৫৪৪৫	কন্যা	৫১৯১২	মকর	৪১৩৪৪৮
মিথুন	৫১৩১৪৫	তুলা	৫১২১৪৫	কুম্ভ	৩৫২১১৩
কর্কট	৫১৩১৫৬	বৃশ্চিক	৫১৩৮৩৭	মীন	৩৫০.৪১

লগ্নের উদয় অস্ত

পঞ্জিকায় কলিকাতার লগ্নমান ধরিয়া দৈনিক লগ্নের উদয় অস্ত লিপিবদ্ধ করা হইয়াছে বলিয়া প্রতীয়মান হয়, কাজেই সকল স্থানের লগ্নমানের জন্য সেই উদয় অস্ত ধরিয়া গণনা করা ও যুক্তিসঙ্গত নহে। বিশুদ্ধ লগ্নমান গণনা করিতে হইলে যে দিন যে স্থানের লগ্নমান ধরিয়া গণনা করিবে, সেই দিন সেই স্থানের লগ্নমান ধরিয়া উদয় অস্ত নির্ণয় করিয়া লওয়াই শাস্ত্রসঙ্গত। উল্লিখিত বিষয়গুলি প্রচার-উপযোগী মনে করিয়াই প্রচার করা হইতেছে। ইহাতে যদি একজন লোকও উপকৃত হন, তবেই পরিশ্রম সার্থক মনে করিব।

শ্রীকৃষ্ণচৈতন্য ও জাতিভেদ

রায় শ্রীরমাপ্রসাদ চন্দ বাহাদুর

"It is fatal to fly straight at him with ready-made analogies. We must see him in his own atmosphere.

Gilbert Murray.

মহাপ্রভু শ্রীকৃষ্ণচৈতন্য (শ্রীচৈতন্য) একাধারে গোড়ীয় বৈষ্ণবের আরাধ্য দেবতা এবং ভক্তিসাধনের ক্ষেত্রে প্রধান আদর্শ। অবৈষ্ণব বাঙ্গালীরা তাঁহাকে আদর্শ ভক্তরূপে গভীর শ্রদ্ধা করেন। শ্রীচৈতন্য বৈষ্ণব-ধর্ম প্রচার করিয়া বাঙ্গালার ইতিহাসে এক নব যুগের অবতারণা করিয়া গিয়াছেন। এই যুগের স্রষ্টার কীর্তির সম্যক পরিচয় প্রদান করা বাঙ্গালার ইতিহাসলেখকের একটি প্রধান কর্তব্য। বাঙ্গালার যে সকল ধর্মসংস্কারক আবির্ভূত হইয়াছেন, তন্মধ্যে শ্রীচৈতন্য যে সর্বাপেক্ষা প্রভাবশালী স্মৃতির সর্ব প্রধান। এই বিষয়ে মতবৈধের অবসর নাই। অনেক ঐতিহাসিক তাঁহাকে সমাজসংস্কারকরূপেও প্রতিষ্ঠিত করিতে চাহেন। জাতিভেদের উচ্ছেদসাধনের চেষ্টা সমাজসংস্কার ক্ষেত্রে তাঁহার প্রধান কীর্তি বলিয়া কথিত হয়। শ্রীচৈতন্য জাতিভেদের বিরোধী ছিলেন কি না ইহা লইয়া পণ্ডিতগণের মধ্যে বর্তমানে যে বাদানুবাদ উপস্থিত হইয়াছে "ভারতবর্ষের" পাঠকগণ তাহা অবগত আছেন। এই বাদানুবাদে সাক্ষাৎসম্বন্ধে হস্তক্ষেপ না করিয়া আমি এই প্রস্তাবে বিষয়টি আলোচনা করিব। ঐতিহাসিক হিসাবে শ্রীচৈতন্য একজন বিরাট আদর্শ (representative) বাঙ্গালী। স্মৃতির মাছুষ শ্রীচৈতন্যকে চিনিতে না পারিলে বাঙ্গালী আপনাকে ভাল করিয়া চিনিতে পারিবে না।

বৃন্দাবনদাস "চৈতন্য ভাগবতে" লিখিয়াছেন—

ভক্তিবিদ্যা প্রভুর জিজ্ঞাসা নাহি আর।

ভক্তি-রুসময় শ্রীচৈতন্য অবতার ॥

(অন্ত্য ৯।১৫৫)

ধর্মের তিন মার্গ—কর্ম, জ্ঞান, ভক্তি। কর্মমার্গে বৈদিক

যাগযজ্ঞের অনুষ্ঠান বিহিত হইয়াছে। জ্ঞানমার্গে দুই শাখা, বৈদিক এবং অবৈদিক। বৈদিক জ্ঞানমার্গে ব্রহ্ম-জ্ঞানসাধন বিহিত হইয়াছে। বৌদ্ধ জৈন প্রভৃতি ধর্ম অবৈদিক জ্ঞানমার্গের অন্তর্গত। বৈদিক কর্মমার্গে এবং জ্ঞানমার্গে জাতিভেদানুসারে অধিকারী ভেদ করা হইয়াছে। শ্রী এবং শূদ্র যাগযজ্ঞের অনুষ্ঠান এবং উপনিষদোক্ত ব্রহ্ম-বিদ্যার অনুশীলনের অধিকারী নহে, স্মৃতিশাস্ত্রে যাহা দিগকে অনুলোমজ এবং প্রতিলোমজ শব্দর জাতি বলা হইয়াছে তাহার তাৎপর্য, নীচ জাতির লোকও ভক্তি-সাধনের অধিকারী ভেদ নাই এবং ভক্ত যে জাতীয় হউক না কেন সকল জাতির পূজ্য। "হরিভক্তিপরায়ণ চণ্ডাল দ্বিজশ্রেষ্ঠরূপে গণনীয়" (চণ্ডালোৎপি দ্বিজশ্রেষ্ঠঃ হরিভক্তিপরায়ণঃ) এই প্রবচনে জাতিভেদ সম্বন্ধে ভক্তিমার্গের অভিমত ব্যক্ত হইয়াছে। ইহার তাৎপর্য, নীচ জাতির লোকও ভক্তি-সাধনের অধিকারী এবং সে ভক্তি লাভ করিতে পারিলে শ্রেষ্ঠ ব্রাহ্মণের তুল্য পূজনীয়। জাতিভেদ সম্বন্ধে গোড়ীয় বৈষ্ণব সম্প্রদায়ের বিধি-ব্যবস্থা জানিতে হইলে গোপালভট্টের "হরিভক্তিবিলাস" দেখিতে হইবে। শ্রীচৈতন্য স্বয়ং কোন গ্রন্থ রচনা করিয়া যানেন নাই। তিনি গ্রন্থ রচনার ভার দিয়াছিলেন রূপ, সনাতন, গোপাল ভট্ট আদি গোস্বামীগণের উপর। গোড়ীয় বৈষ্ণবগণের অনুসরণীয় স্মৃতিবিবন্ধ "হরিভক্তিবিলাস" সংকলন করিয়া গিয়াছেন গোপালভট্ট এবং স্বয়ং সনাতন গোস্বামী তাহার টীকা লিখিয়াছেন। গোপালভট্ট "হরিভক্তি-বিলাসের" প্রথম বিলাসে অধিকারী নির্ণয়ে প্রথমতঃ এই বচনটি উদ্ধৃত করিয়াছেন—

তান্নিকেষু চ মন্ত্রেষু দীক্ষায়াং যোষিতামপি।

সাধ্বীনামধিকারোহস্তি শূদ্রাদীনামধি সন্ধিয়াং ॥

তান্ত্রিক মন্ত্রে ও দীক্ষায় সাধ্বী স্ত্রী ও সধুকী শূদ্রাদির অধিকার আছে।

শূদ্রাদি শব্দের দ্বারা এখানে শূদ্র এবং দ্বিজ ভিন্ন আর সকল জাতিই বুঝাইয়াছে। গোপালভট্টের শ্রীরামের মন্ত্ররাজের উদ্দেশে উক্ত অগস্ত্যসংহিতার বচনে এই কথা পরিষ্কার করিয়া বলা হইয়াছে। যথা—

শুচিব্রততমাঃ শূদ্রা ধার্মিকা দ্বিজসেবকাঃ।

স্ত্রিয়ঃ পতিব্রতাস্চাত্তে প্রতিলোমানুলোমজাঃ ॥

লোকাশ্চণ্ডালপর্যন্তাঃ সর্বেহ্যপ্যত্রাধিকারিণঃ ॥

পবিত্রবতবান্, ধর্মনিষ্ঠ, গুরুসেবা পরায়ণ শূদ্রগণ, পতি-পরায়ণ স্ত্রীগণ এবং অস্ত্রান্ত প্রতিলোমজ ও অনুলোমজ চণ্ডাল পর্যন্ত সকলেই ইহাতে অধিকারী হইতে পারেন।*

এদের "দ্বিজসেবক" বিশেষণ হইতে দেখা যায়, এই বচনে সাধন-ভজন সম্বন্ধে সকল জাতির সমান অধিকার বিহিত হইলেও অস্ত্রান্ত বিময়ে জাতিভেদের ভিত্তি বর্ণাশ্রম ধর্মের অনুসরণের বিধি স্থচিত হইয়াছে। পারলৌকিক মঙ্গল বর্ণাশ্রমধর্মের প্রধান লক্ষ্য। পারলৌকিক ব্যাপারে জাতিভেদ উপেক্ষা করিয়া লৌকিক ব্যাপারে তাহার অচরণ এ কালের ঐহিকসর্ব্বস্ব (secularist) লোকের নিকট বিস্ময়কর মনে হইতে পারে। কিন্তু সে কালের ধর্ম-সংস্কারকগণ ঐহিক ব্যাপার সম্বন্ধে উদাসীন ছিলেন; তাঁহারা পারত্রিক ব্যাপারে জাতিভেদ অস্বীকার করিলেও ঐহিক ব্যাপার সম্বন্ধে জাতিভেদের বিরুদ্ধাচরণ করেন নাই।

"হরিভক্তিবিলাসে" বৈষ্ণব শ্রাদ্ধ বিহিত হইয়াছে। এই শ্রাদ্ধের প্রধান কার্য, যে অন্ন বিষ্ণুকে নিবেদন করা হইয়াছে বিষ্ণুর সেই প্রসাদ পিতৃগণকে নিবেদন করা। বৈদিক শ্রাদ্ধে ব্রাহ্মণভোজনের তায় বৈষ্ণব শ্রাদ্ধে বৈষ্ণবভোজ-নের ব্যবস্থা আছে। কিন্তু এখানেও ব্রাহ্মণবৈষ্ণবের প্রতি পক্ষপাত দেখা যায়। যথা—

ব্রহ্মপুরাণে শ্রীব্রহ্মবচন—

শঙ্খাঙ্কিততনুর্বিপ্রো ভুঙ্তে যস্ত চ বেষ্মনি।

তদন্নং স্বয়মশ্নাতি পিতৃভিঃ সহ কেশবঃ ॥

ব্রহ্মপুরাণে ব্রহ্মা বলিতেছেন, যে ব্রাহ্মণের শরীর শঙ্খের

* 'শ্রীহরিভক্তিবিলাস,' শ্রীযাত্রণ কবিরত্ন সম্পাদিত, গুরুদাস চট্টোপাধ্যায় প্রকাশিত, কলিকাতা, ১৩১৮ বঙ্গাব্দ, ৩৮ পৃঃ।

চিত্র-ভূষিত সেই ব্রাহ্মণ যে গৃহে ভোজন করেন, পিতৃগণের সহিত স্বয়ং বিষ্ণু (সেই গৃহে) অন্ন ভোজন করেন।

গোপালভট্ট প্রধানতঃ পুরাণের বচন অনুসারে বৈষ্ণবের ক্রিয়াকলাপের ব্যবস্থা দিয়াছেন। শ্রীচৈতন্যের সময়ে গোড়ীয় বৈষ্ণব সমাজে কি আচার প্রচলিত ছিল এবং তিনি স্বয়ং কিরূপ আচরণ করিতেন তাহার পরিচয় পাওয়া যায় তাঁহার প্রামাণিক জীবনচরিত বৃন্দাবনদাসের "চৈতন্যভাগবতে" এবং কৃষ্ণদাসকবিরাজের "চৈতন্য-চরিতামৃতে"। শ্রীচৈতন্যের ধর্ম প্রচার আরম্ভ করিবার পূর্বাধিই যে গোড়ীয় বৈষ্ণবেরা হরিভক্তের জাতি বিচার করিতেন না, ঠাকুর হরিদাসের জীবনী তাহার প্রধান দৃষ্টান্ত। "চৈতন্য ভাগবতের" আদিখণ্ডের ষোড়শ অধ্যায়ে হরিদাসের পূর্ব বৃত্তান্ত বর্ণিত হইয়াছে। তিনি জাতিতে যবন বা মোসলমান ছিলেন। যবন শব্দে আদৌ যবন (Ionian) গ্রীকদিগকে বুঝাইত। তারপর পশ্চিম দিক হইতে আগত অনেক আক্রমণকারীকে যবন নামে অভিহিত করা হইয়াছে। হরিদাস ঠাকুরের মোসলমান নাম কি ছিল আমরা জানি না এবং তিনি কি উপায়ে যে বৈষ্ণব-ধর্মে দীক্ষিত হইয়াছিলেন তাহাও জানা যায় না। তিনি যশোহর জেলার অন্তর্গত বুড়ন গ্রামে * জন্মগ্রহণ করিয়া-ছিলেন এবং বৈষ্ণবধর্ম গ্রহণ করিবার পর ফুলিয়া-শান্তিপুরে গঙ্গাতীরে আসিয়া বাস করিয়াছিলেন। সেইখানে তাঁহার শান্তিপুরনিবাসী অধৈত আচার্যের সহিত মিলন হইয়াছিল। তারপর মোসলমান মুলুকের পতি (ফৌজদার?) স্বধর্ম ত্যাগের জন্ত হরিদাসকে কি কঠোর সাজা দিয়াছিলেন তাহা সকলেই জানেন। বৃন্দাবনদাস হরিদাসের প্রতি মুলুকপতির যে উক্তি লিখিয়াছেন তাহার কয়েকটি পংক্তি এই প্রসঙ্গে উল্লেখ করা যাইতে পারে—

আমরা হিন্দুরে দেখি নাহি খাই ভাত।

তাহা ছাড় হই তুমি মহাবংশজাত ॥

জাতি-ধর্ম লজ্জি কর অল্প ব্যবহার।

পরলোকে কেমনে বা পাইবা নিস্তার ?

না জানিয়া যে কিছু করিলা অনাচার।

সে পাপ যুচাহ করি কল্মা উচ্চার ॥

* গোড়ীয় মঠ হইতে প্রকাশিত "শ্রীশ্রীচৈতন্য ভাগবত", ৩৩৯ পৃঃ, টীকা।

নিমাই পণ্ডিত গয়া হইতে ফিরিয়া আসিয়া যখন সঙ্কীর্ণন এবং নামপ্রচার করিতে আরম্ভ করিয়াছিলেন তখন অদ্বৈত আচার্য্যের সহিত হরিদাস ঠাকুর তাঁহার সঙ্গে যোগদান করিয়াছিলেন এবং মৃত্যু পর্য্যন্ত তাঁহার সঙ্গেই ছিলেন। নিমাই পণ্ডিত কাটোয়াতে শ্রীকৃষ্ণচৈতন্য নামধারণ এবং সন্ন্যাসগ্রহণ করতঃ তিন দিন অনাহারে রাত্ৰ দেশে ভ্রমণ করিয়া গঙ্গা পার হইয়া নিত্যানন্দের সহিত শান্তিপুরে অদ্বৈত আচার্য্যের ঘরে উপস্থিত হইয়াছিলেন। অদ্বৈত শ্রীচৈতন্যের এবং তাঁহার ভক্তগণের আহ্বারের প্রচুর আয়োজন করিলেন এবং পূজা ও আরতি সমাপ্ত করিয়া অভ্যাগতগণকে আহ্বার করিবার জন্ত ডাকিলেন।

দুই ভাই আইলা তবে করিতে ভোজন।

গৃহের ভিতরে প্রভু করেন গমন ॥

দুই ভাই এখানে শ্রীচৈতন্য এবং নিত্যানন্দ। অদ্বৈত মুকুন্দ এবং হরিদাসকেও শ্রীচৈতন্যের সহিত আহ্বার করিতে ডাকিলেন।

মুকুন্দ, হরিদাস, দুই প্রভু বোলাইল।

ষোড়হাতে দুই জন কহিতে লাগিল ॥

মুকুন্দ বলে, মোর কিছু কৃত্য নাহি সরে।

পাছে মুঞি প্রসাদ পামু, তুমি যা হ ঘরে ॥

হরিদাস বলে, মুঞি পাপিষ্ঠ অধম।

বাহিরে এক মুষ্টি পাছে করিমু ভোজন ॥

শ্রীচৈতন্যের আহ্বার শেষ হইলে অদ্বৈত তাঁহার পদসেবা করিতে চাহিলেন। তখন—

সঙ্কুচিত হঞা প্রভু বলেন বচন ॥

বহুত নাচাইলে তুমি, ছাড় নাচন।

মুকুন্দ হরিদাস লইয়া করহ ভোজন ॥

তবে ত আচার্য্য সঙ্গে লঞা দুই জনে।

করিল ভোজন, ইচ্ছা যে আছিল মনে ॥

(চৈতন্যচরিতামৃত, মধ্য, তৃতীয় পরিচ্ছেদ)

হরিদাস ঠাকুরের দৈন্ত্য বিফল হইল। তিনি অদ্বৈত আচার্য্যের এবং মুকুন্দের সঙ্গে এক পংক্তিতে ভোজন করিতে বাধ্য হইলেন। কিন্তু সাধারণ মোসলমানের সঙ্গে বৈষ্ণব ব্রাহ্মণের এইরূপ পংক্তি ভোজনের কোন প্রমাণ নাই।

শ্রীচৈতন্য যখন নীলাচলে (পুরী) গেলেন, গোড়ীয়

ভক্তগণের সঙ্গে হরিদাস ঠাকুর তথায় উপস্থিত হইলেন। পুরীতে পৌছিয়া ভক্তগণ জগন্নাথ দর্শন না করিয়াই শ্রীচৈতন্যের বাসার দিকে চলিলেন এবং সেইখানে (কানী মিশ্রের ভবনে) একে একে তাঁহার সহিত সাক্ষাৎ করিলেন। মুরারিগুপ্ত বাহিরে দণ্ডবৎ হইয়া পড়িয়াছিলেন। শ্রীচৈতন্য অনুসন্ধান করিলে বহু ভক্ত গিয়া তাঁহাকে ধরিয়া আনিল।

মুরারি দেখিয়া প্রভু আইলা মিলিতে।

পাছে ভাগে মুরারি লাগিল কহিতে ॥

মোরে না ছুঁইহ, প্রভু, মুঞি ত পামর।

তোমার স্পর্শযোগ্য নহে এই কলেবর ॥

প্রভু কহে, মুরারি, কর দৈন্ত্য সম্বরণ।

তোমার দৈন্ত্য দেখি মোর বিদীর্ণ হয় মন ॥

এত বলি প্রভু তারে কৈল আলিঙ্গন।

তারপর আরও কয়েকজন ভক্তের সহিত সাক্ষাৎের পর শ্রীচৈতন্য জিজ্ঞাসা করিলেন, “কাঁহা হরিদাস।” হরিদাস তখন রাজপথপ্রান্তে দণ্ডবৎ হইয়া পড়িয়াছিলেন। ভক্তগণ ধাইয়া গিয়া হরিদাসকে বলিলেন, “প্রভু তোমায় ডাকিতে চাহে, চলহ স্বরিত।” তখন—

হরিদাস কহে, আমি নীচ জাতি ছার।

মন্দির নিকটে যাইতে মোর নাহি অধিকার ॥

নিভূতে টোটা-মধ্যে স্থান যদি পাও।

তাহাঁ পড়ি রহো, একলে কাল গোঙাও ॥

জগন্নাথ সেবকের মোর স্পর্শ নাহি হয়।

তাহাঁ পড়ি রহোঁ, মোর এই বাঞ্ছা হয় ॥

শ্রীচৈতন্য এই সংবাদ পাইয়া হরিদাসের নিকট গেলেন এবং দণ্ডবৎ পতিত হরিদাসকে আলিঙ্গন করিয়া উঠাইলেন।

হরিদাস কহে, প্রভু না ছুঁইও মোরে।

মুঞি নীচ অস্পৃশ্য পরম পামরে ॥

শ্রীচৈতন্য কহিলেন, আমিও তোমার তুল্য পবিত্র নহি,

দ্বিজ-শাসী হইতে তুমি পরম পাবন।

এই প্রসঙ্গে কৃষ্ণদাস কবিরাজ শ্রীমদ্ভাগবত হইতে একটি (৩৩৩৮) শ্লোক উদ্ধৃত করিয়াছেন। এই শ্লোকের প্রথম দুই চরণ—

অহো বড় ঋপচোহতো গরীয়ান

যজ্জিহ্বাগ্রে বর্ততে নাম তুভ্যম্ ॥

হে ভগবন, বাঁহার মুখে তোমার নাম উচ্চারিত হয় সে ঋপচ হইলেও শ্রেষ্ঠ।

শ্রীচৈতন্য হরিদাসঠাকুরকে এক বাগানে লইয়া গিয়া বলিলেন,

এই স্থানে রহি কর নাম সংকীর্ণন।

প্রতি দিন আসি আমি করিব মিলন ॥

মন্দিরের চক্র দেখি করিহ প্রণাম।

এই ঠাঞি তোমার আসিবে প্রসাদার ॥

(চৈতন্যচরিতামৃত, মধ্য, একাদশ পরিচ্ছেদ)

হরিদাস ঠাকুরের যেমন অদ্বৈতের মত গৃহস্থ বৈষ্ণবের সহিত পংক্তি ভোজনে বাধা ছিল না, তেমন জগন্নাথের মন্দির প্রবেশেরও বাধা ছিল না। কিন্তু তিনি দৈন্ত্য-বশত নিজেকে জগন্নাথসেবকেরও অস্পৃশ্য জ্ঞান করিলেন, এবং মন্দির হইতে দূরে রহিলেন। দীন ভক্ত হরিদাস মন্দির চুড়ার চক্র দেখিয়াই কৃতার্থ হইতেন। বৈষ্ণব সুলভ দৈন্ত্য বশতঃ কেবল অস্পৃশ্য জাতির বৈষ্ণব অস্পৃশ্য থাকিতে চাহিতেন না, ব্রাহ্মণ এবং করণ জাতীয় বৈষ্ণবও আপনাদিগকে অস্পৃশ্য জ্ঞান করিয়া আনন্দ লাভ করিতেন। উদ্ভিটার করণ জাতি ব্রাহ্মণের অস্পৃশ্য নহে। শ্রীচৈতন্য যখন করণ রামানন্দ রায়ের পিতা ভবানন্দ রায়কে আলিঙ্গন করিলেন, তখন—

ভবানন্দ রায় বলিলেন—

আমি শূদ্র, বিষয়ী অধম।

মোরে তুমি স্পর্শ, এই ঈশ্বর লক্ষণ ॥

(চৈতন্যচরিতামৃত, মধ্য, ১০।৪)

বৈষ্ণবোচিত দৈন্ত্যের চরম উদাহরণ সনাতন গোস্বামী। রূপ-সনাতনের পূর্বপুরুষের বিবরণ তাঁহাদের ভ্রাতৃপুত্র জীব গোস্বামীর “লঘুতোষিণী” গ্রন্থে লিখিত হইয়াছে। নরহরি চক্রবর্তী “ভক্তিরঙ্গাকরে” এই বিবরণ উদ্ধৃত এবং বাঙ্গলায় অনুবাদ করিয়াছেন। রূপ-সনাতনের পূর্বপুরুষ কর্ণাটদেশীয় ব্রাহ্মণ ছিলেন। সনাতন (সাকর মল্লিক) এবং রূপ (দেবীর খাস) গোড়ের সুলতান হুসেন সাহর পাত্র ছিলেন। গোড়ের নিকটবর্তী রামকলি গ্রামে শ্রীচৈতন্যের সহিত মিলনের পর দুই ভাই রাজকার্য্য এবং বিষয় ত্যাগ করিয়া মথুরা চলিয়া গিয়াছিলেন। শ্রীচৈতন্য যখন নীলাচলে বাস করিতেছিলেন তখন তাঁহার সহিত

মিলনের জন্ত ঝারিখণ্ড-বনপথে সনাতন পুরী আসিয়া-ছিলেন।

ঝারিখণ্ড বনপথে আইলা একেলা চলিয়া।

কত উপবাস, কত চর্ষণ করিয়া ॥

ঝারিখণ্ডের জলের দোষে উপবাস হৈতে।

গাত্রে কণ্ডু হৈল, রসা পড়ে খাজুয়াইতে ॥

পুরী পৌছিয়া সনাতন হরিদাস ঠাকুরের বাসায় গেলেন। শ্রীচৈতন্য হরিদাসের সহিত সাক্ষাৎ করিবার জন্ত সেইখানে গিয়া সনাতনকে দেখিতে পাইয়া তাঁহাকে আলিঙ্গন করিতে অগ্রসর হইলেন। পাছে হটিয়া সনাতন বলিলেন—

মোরে না ছুঁইহ, প্রভু, পড়ে। তোমার পায়।

একে নীচজাতি অধম আর কণ্ডুরসা গায় ॥

শ্রীচৈতন্য সনাতনের নিষেধ না মানিয়া বলপূর্বক তাঁহাকে আলিঙ্গন করিলেন। সনাতন হরিদাসের সঙ্গে রহিলেন এবং মন্দিরে না গিয়া মন্দিরের চক্র প্রণাম করিতে লাগিলেন। একদিন শ্রীচৈতন্য সনাতনকে নিজের বাসস্থানে মধ্যাহ্ন ভোজন করিবার জন্ত আহ্বান করিয়াছিলেন। হরিদাসের আশ্রম হইতে শ্রীচৈতন্যের বাসস্থানে পৌছিতে হইলে জগন্নাথের মন্দিরের সিংহদ্বারের নিকট দিয়া যাইতে হইত। সনাতন সেইপথে না গিয়া সমুদ্রের পার দিয়া ঘুরিয়া গেলেন। মধ্যাহ্নের সূর্য্যকিরণে তপ্ত বালুকার উপর দিয়া হাঁটিয়া যাইতে সনাতনের দুই পায়ে ফোঁস পড়িল।

প্রভু কহে, “তপ্ত বালুকাতে কেমনে আইলা ?

সিংহদ্বারের পথ শীতল, কেনে না আইলা ?”

সনাতন উত্তর করিলেন—

সিংহদ্বারে যাইতে মোর নাহি অধিকার।

বিশেষ ঠাকুরের তাঁহাঁ সেবকের প্রচার ॥

সেবক গতাগতি করে, নাহি অবসর।

তার স্পর্শ হৈলে সর্বনাশহবে মোর ॥

কৃষ্ণদাস কবিরাজ লিখিয়াছেন, এইকথা শুনিয়া শ্রীচৈতন্য সন্তুষ্ট হইলেন এবং বলিলেন—

যতপিও তুমি হও জগৎপাবন।

তোমা স্পর্শে পবিত্র হয় দেবমুনিগণ ॥

তথাপি ভক্তস্বভাব মর্যাদা রক্ষণ।

মর্যাদা পালন হয় সাধুর ভূষণ ॥

মর্যাদা-গত্বনে লোক করে উপহাস।
ইহলোক পরলোক দুই হয় নাশ ॥
মর্যাদা রাখিলে তুষ্টি হয় মৌর মন।
তুমি ঐছে না করিলে করে কোন জন ?

(চৈতন্যচরিতামৃত অন্ত্যলীলা, চতুর্থ পরিচ্ছেদ)

কি নিমিত্ত যে সনাতন নিজেকে নীচজাতি এবং অস্পৃশ্য-
জ্ঞান করিতেন নরহরি চক্রবর্তী “ভক্তিরত্নাকরে” তাহা
আলোচনা করিয়াছেন। সনাতন সম্বন্ধে তিনি লিখিয়াছেন—

পিতা-পিতামহাদির যৈছে শুদ্ধাচার।
তাহা বিচারিতে মনে মানয়ে ধিকার ॥
যবন দেখিলে পিতা প্রায়শ্চিত্ত করয়।
হেন যবনের সঙ্গে নিরন্তর রয় ॥
করি মুখাপেক্ষা যবনের গৃহে যান।
এ হেতু আপনা মানে স্নেহের সমান ॥
যৈছে মনোবৃত্তি তাহা কিছু নাহি হয়।
ইথে অতি দীনহীন আপনা মানয় ॥
যবে মগ্ন হন দৈন্ত সমুদ্র মাঝারে।
স্নেহাদিক হৈতে নীচ মানে আপনারে ॥
নীচজাতি সঙ্গে সদা নীচ ব্যবহার।
এই হেতু নীচজাত্যাদিক উক্তি তাঁর ॥
বিপ্ররাজ হৈয়া মহাখেদযুক্তান্তরে।
আপনাকে বিপ্রজ্ঞান কভু নাহি করে ॥
শ্রীচৈতন্য কৃপা বীরে তাঁর ঐছে রীত।
আপনা উত্তম বুদ্ধি নহে কদাচিত্ ॥
সদা একরস আপনাকে নীচ মানে।
শ্রীকৃষ্ণচৈতন্য সে ভক্তের তত্ত্বজানে ॥
পূর্ণব্রহ্ম সনাতন শ্রীকৃষ্ণচৈতন্য।
যৈছে দৈন্ত করে তৈছে না করয়ে অন্ত ॥
তার ভক্ত দৈন্তরসে নিমগ্ন সদায়।
দৈন্তে যে আনন্দ তাহা জানে গৌররায় ॥*

বাহার দৈন্তরসে নিমগ্ন হইয়া আপনাদিগকে নীচজাতি
এবং অস্পৃশ্য জ্ঞান করিয়া আনন্দ অহুভব করেন তাঁহাদিগকে
ঐতিক জাতিভেদের বিরোধী বলা যায় না। “চৈতন্য-

চরিতামৃতের” যে পরিচ্ছেদে (অন্ত্য, ৪) সনাতনের দৈন্ত
বর্ণিত হইয়াছে সেই পরিচ্ছেদে জাতিভেদ ও দীনতা সম্বন্ধে
শ্রীচৈতন্য সনাতনকে বলিতেছেন—


নীচজাতি নহে কৃষ্ণ ভজনের অযোগ্য।
সৎকুল বিপ্র নহে ভজনের যোগ্য ॥
যেই ভজে সেই বড়, অভক্ত হীন ছার।
কৃষ্ণ ভজনে নাহি জাতি কুলাদি বিচার ॥
দীনের অধিক দয়া করে ভগবান।
কুলীন-পণ্ডিত-ধনী বড় অভিমান ॥

কৃষ্ণভজন সম্বন্ধে সকল জাতির সমান অধিকার স্বীকৃত
হইলেও দীনতাব সেই সাম্য প্রতিষ্ঠিত করিতে চাহিয়াছে
সমাজের সর্বনিম্ন স্তরের ভিত্তির উপর। সূত্রাং বৈষ্ণবের
দীনতা পরোক্ষভাবে অস্পৃশ্যতার পৃষ্ঠপোষণ করিয়াছে।
জাতিভেদ সম্পর্কে রাজা রামমোহন রায় মৃত্যুঞ্জয়চর্চার
“বজ্রহুচি”র প্রথম নির্ণয় বঙ্গানুবাদসহ প্রকাশিত করিয়া
গিয়াছেন। বৈষ্ণবগণ যেমন কৃষ্ণভজনে সকল জাতির
সমান অধিকার প্রচার করিয়াছেন, মৃত্যুঞ্জয়চর্চার
প্রকারান্তরে ব্রহ্মজ্ঞানসাধনায় চতুর্বর্ণের সমান অধিকার
প্রচার করিয়াছেন। তিনি “বজ্রহুচি”র প্রথম নির্ণয়ের
উপসংহারে লিখিয়াছেন—

“শ্রুতিতে প্রসিদ্ধ সেই ব্রহ্ম বাঁহাকে জানিলে ব্রাহ্মণ
হয়। সেই জ্ঞানের ন্যূনাধিক্য দ্বারা ক্ষত্রিয় বৈশ্য—স্মার
তাহার অভাব দ্বারা শূদ্র এই সিদ্ধান্ত।” (রামমোহন
রায়ের অনুবাদ)।

ইহার তাৎপর্য, চতুর্বর্ণের লোকই ব্রহ্মজ্ঞানের অধিকারী,
এবং জ্ঞানের তারতম্যানুসারে বর্ণভেদ হওয়া উচিত।
জাতিভেদ বা সামাজিক বৈষম্য ভাঙ্গিয়া সামাজিক সাম্য
এবং ঐক্যস্থাপনের প্রয়োজন অহুভূত হইয়াছে পাশ্চাত্য
সভ্যতার সংস্পর্শে। জাতিভেদজনিত অনৈক্য যে
হিন্দুদিগের অধঃপতনের একটি কারণ এ দেশীয় লোকের
মধ্যে এই তথ্য বোধহয় প্রথম অহুভব করিয়াছিলেন রাজা
রামমোহন রায়। প্রসিদ্ধ হিন্দুর তাবৎ শাস্ত্রের দোষ
দেখাইয়া লিখিত একব্যক্তির একখানি পত্র ১৮২১ সালের
১৪ই জুলাই তারিখের “সমাচারদর্পণে” মুদ্রিত হইয়াছিল।
রামমোহন রায় শিবপ্রসাদ শর্মা এই ছদ্মনামে এই পত্রের
উত্তর “সমাচারদর্পণে”র সম্পাদকের নিকট পাঠাইয়া-

* “ভক্তিরত্নাকর” দ্বিতীয় সংস্করণ, মূর্শিদাবাদ, চৈতন্যচন্দ ৪২৩,
৪৪ পৃঃ।



ভারতবর্ষ

ছিলেন। ১৮২১ সালের ১লা সেপ্টেম্বরের “সমাচারদর্পণে”
লিখিত হইয়াছে, “অনেক অজিজ্ঞাসিতাভিধান আছে
বলিয়া এই উত্তর ‘সমাচারদর্পণে’ প্রকাশিত হয় নাই।” *
রামমোহন রায় এই উত্তর ১৮২১ সালেই “ব্রাহ্মণ সেবধি।
ব্রাহ্মণসিনরি সম্বাদ” নামে মুদ্রিত ও প্রচারিত করিয়া
ছিলেন। “ব্রাহ্মণসেবধি”র সূচনায় রামমোহন রায় অশু-
ধর্মের প্রচারকগণ হিন্দুধর্মের নিন্দা করিয়া হিন্দুদিগের যে

* প্রজ্ঞাননাথ বন্দ্যোপাধ্যায়, “সংবাদপত্রে সেকালের কথা,” প্রথম
খণ্ড, ১৬৮ পৃঃ।

মনঃপীড়া উৎপাদন করেন তাহার উল্লেখ করিয়া লিখি-
য়াছেন—
“এই তিরস্কারের ভাগী আমরা প্রায় নয় শত বৎসর
অবধি হইয়াছি ও তাহার কারণ আমাদের অতিশয় শিষ্টতা
ও হিংসা, ত্যাগকে ধর্ম জানা ও আমাদের জাতিভেদ—যাহা
সর্বপ্রকার অনৈক্যতার মূল হয়।” †

† “রাজা রামমোহন রায়ের সংস্কৃত ও বাঙ্গালা গ্রন্থাবলী”

এলাহাবাদ পাণিনি কার্যালয় হইতে প্রকাশিত; কলিকাতা, ১৩১২,
৪৫৬ পৃঃ।

বখশীষ

মনোজ গুপ্ত

লোক কথায় বলে লাথ কথা না হলে বিয়ে হয় না—এ লাথ
কথা কোথায় সুরু হয়—আর কোথায় শেষ হয় তার—ধরা-
বাধা কোন সীমা নির্দেশ করা নেই, তাই এর বিপক্ষে কিছু
বলাও চলে না। অবনীর বিয়ের ঠিক হল—লাথ কথার
আগে কি পরে তা ঠিক জানা নেই, তবে ঠিক হল। আজ-
কালকার হিসেবে একটু কম বয়েসেই বলতে হবে—এই
তো সবে বি-এ পাশ করেছে! মেয়েরাই তো আর বি-এ
পাশ করবার আগে বিয়ে করতে চায় না। অবনীর
বন্ধুদের মধ্যে খুব কম ছেলেরই বিয়ে হয়েছিল। কেউ
কেউ বলতেও ছাড়লে না—অবনীর বাবার আর একটি মেয়ে
ছিল, তাই তাড়াতাড়ি পার করলেন।

আমাদের গল্পটা ঠিক অবনীর বিয়ে নিয়ে নয়—তার
বিয়ের রাত্রির একটা ঘটনা নিয়ে। কিন্তু সব কিছুর মত
এরও একটা আরম্ভ আছে, সেটা না বললে চলে না।

অবনীদেব “মোটর” নেই। “ট্যাক্সি” করে বর নিয়ে
যাওয়াটাও নেহাৎ ভাল দেখায় না—তাই একটা গাড়ীর
সন্ধান করতে হল। যার একখানা গাড়ী থাকে—সে
Ford হলেও—তার পক্ষে গাড়ী পাওয়া সম্ভব—কিন্তু
অবনীর বাবার গাড়ী ছিল না তা বলাই হয়েছে! গাড়ী
পাওয়া কষ্টকর দেখে অবনীর বাবা বললেন, “কিছু দরকার
নেই লোকের খোসামোদ করবার। গাড়ী যখন নেই,

তখন ‘ট্যাক্সি’ করেই যাওয়া ভাল।” এ কথায় কিন্তু
সকলে সন্তুষ্ট হতে পারল না—তাই গাড়ীর চেষ্টা চলতে
লাগল। শেষে একখানা গাড়ী যোগাড় হল—কোন এক রায়
বাহাদুরের গাড়ী। সন্ধ্যার পর তাঁর আর গাড়ীর দরকার
থাকে না—সে সময় গাড়ী পাওয়া যাবে।

৭টার সময় বর নিয়ে বেরুতে হবে—৭টা বাজতে মাত্র
দশ মিনিট বাকি আছে—তখনও গাড়ী এসে পৌঁছয় নি।
অবনীর বাবার বয়েস পঞ্চাশ বছর পার হয়ে গিয়েছে,
কাজেই একটু ব্যস্ত হওয়া তাঁর পক্ষে স্বাভাবিক। সাড়ে
ছ’টা থেকে তিনি জিজ্ঞেস করতে সুরু করেছেন—গাড়ী
এসেছে কি না। গাড়ী তো আসে নি দেখাই যাচ্ছে কিন্তু
করা যায় কি? যে কেচারা গাড়ীর ঠিক করেছিল তার
প্রাণ যায়; প্রতি মুহূর্তে কৈফিয়ৎ দিতে হয় গাড়ী আসছে
না কেন। আচ্ছা, সেই বা কি বলতে পারে? এক বন্ধুর সঙ্গে
কথা হচ্ছিল গাড়ী না-পাওয়া নিয়ে। কে একজন ভদ্রলোক
বন্ধুটির বাড়ীতে এসেছিলেন; তিনি নিজে থেকে জিজ্ঞেস
করলেন—কোথায় বিয়ে, কবে বিয়ে, সন্ধ্যার পর গাড়ী হলে
চলবে কি না; শেষে বললেন, “তোমাদের ঠিকানাটা দাও,
বিয়ের দিন ঠিক সময়ে আমার গাড়ী তোমাদের বাড়ী যাবে।”

অবনীর বাবা জিজ্ঞেস করলেন, “কখন আসতে হবে ঠিক
করে বলে দিয়েছিলি তো?”

“বাঃ, তা আর দিই নি!”

“বাড়ীর নম্বর ভুল করিস নি?”

“আপনি কি যে বলেন? বাড়ীর নম্বর ভুল করব?”

“কি জানি? তোরা সব পারিস! ভদ্রলোকের ঠিকানা জানিস তো?”

“না, ঠিকানাটা তো জেনে নিই নি!”

“বেশ কাজই করেছ! একটা নিমন্ত্রণের চিঠিও তো দাও নি?”

“কৈ না!”

“কি বুদ্ধিই তোদের হচ্ছে! একটা ভদ্রলোক নিজেকে থেকে গাড়ী দিতে চাইলেন, তাঁকে নিমন্ত্রণ করাটাও দরকার মনে করিস না। ঠিকানাটাই জেনে নিস নি। তোরা কি যে লেখা-পড়া শিখিস! কোন কাজটা তোরা নিজের বুদ্ধি করে করতে পারিস বল ত...” কোথায় গিয়ে যে থামত বলা যায় না, যদি না ঠিক সেই সময় পেছনে এসে একটা মোটার “হর্ণ” দিত। হাঁ, সেই মোটারই তো! অবনীর বাবা তাড়াতাড়ি Chauffeurকে জিজ্ঞেস করলেন, “এত দেরী করলে কেন হে?”

“ইস্ টাইমকো আনে বোলা রহা”—তাকে আর কোন কথা না বলে ভদ্রলোক বাড়ীর ভেতর তাড়া দিতে গেলেন। দেরী হবেই; কোন কাজ যদি মেয়েরা ঠিক সময়ে করবে! দেরী হয়ে যাচ্ছে বোঝে না।

গাড়ী আসবারও প্রায় আধ ঘণ্টা পরে বর বেরুল। তার মধ্যে অবনীর বাবা কতবার যে চটে উঠেছেন—তা বলা যায় না। অবনীর বড় ভাই একবার বললেন, “আপনি কেন ব্যস্ত হচ্ছেন বাবা? এখনও সময় চের আছে। বিয়ে তো কোন রাতে—”

“আচ্ছা, থাক! তোরা তো বুঝিস সব! ঠিক লগ্নর সময় সময় গেলে চলে?” বেচারী অতি ভাল-মাহুম, খুব সাহস করে কথাগুলো বলে ফেলেছিলেন, আর কিছু বলবার মত তাঁর সাহস ছিল না।

কোন কিছু না বলে Chauffeur গাড়ী ছেড়ে দিলে। সোজা গাড়ী চলল Cornwallis Street দিয়ে, তার পর College Street, তার পর Wellington দিয়ে—কেউ কিছু বলে দিচ্ছে না। Dhurmatallahর মোড়ে অসম্ভব ভিড়। Chauffeur গাড়ী ত চালাচ্ছিল বেজায়

জোরে। অবনীর বাবার ভয় হওয়াই স্বাভাবিক। সাবধানে চালাতে বললেন কিন্তু সে শুনেছে বলে মনে হল না। রাসবিহারী এভিনিউ থেকে বাঁ দিকে একটা রাস্তায় যেতে হয়; রাজের অঙ্ককারে সেটা ঠিক করতে চেষ্টা করছিলেন অবনীর বাবা। এক জায়গায় বললেন, “এই, এই বাঁ দিকে।” গাড়ীটা আসতে করে নিতেই বললেন, “না না, এটা তো নয়!” Chauffeur বললে, “রাস্তাকা নাম বাংলাইয়ে, হাম্ ঠিক লে জায়েগা।” বটে তো, ভুল হয়ে গিয়েছিল! ও যখন গাড়ী চালায় তখন রাস্তা তো ওর জানা থাকারই কথা।

বিয়ে বাড়ীতে সানাই বাজছিল। অবনীর বাবা ভেবেছিলেন ঠিক গাড়ী থামবে; তাই আগে থেকে সাবধান করে দেন নি। গাড়ী কিন্তু না থেমে এগিয়ে চলল। ব্যস্ত হয়ে বলে উঠলেন, “কি বিপদ! ছাতুর কি এটুকুও বুদ্ধি নেই—এই রোখো, রোখো।” একটুও ব্যস্ত না হয়ে Chauffeur বললে, “মুমা লেতা।”

গাড়ী থেকে নেমে অবনীর বাবা আর কোন দিকে তাকাবার অবসর পেলেন না। কন্ঠা-কর্তাদের সঙ্গে সঙ্গে সেই যে বাড়ীতে ঢুকলেন, তারপর বিয়ের হাঙ্গামে আর বাইরে আসবার সময় পেলেন না। বিয়ের পর বাইরে কেউ অভুক্ত আছে কিনা দেখবার জন্ম আসছিলেন, দেখলেন গাড়ী ঠিক দাঁড়িয়ে আছে। তাড়াতাড়ি Chauffeurএর কাছে এসে বললেন, “এখনও দাঁড়িয়ে যে?”

“কাল স্নবে ক’ বাজে আনে হোগা?”

ভদ্রলোক মহা বিপদে পড়লেন। তিনি শুনেছিলেন সকালের দিকে গাড়ী পাওয়া যাবে না, অথচ এ জিজ্ঞেস করছে। গাড়ী দরকার নেই এ কথা বলতেও ইচ্ছে হল না; বললেন, “আচ্ছা, সে কাল সকালে বলে পাঠাব।” এর পর সে নিশ্চয় চলে যাবে জেনে অবনীর বাবা ভেতরে চলে গেলেন। Chauffeur যে কাল ক’টার সময় আসবে সে কথা জানবার জন্ম এতক্ষণ দাঁড়িয়েছিল তা জেনে তাঁর লোকটার ওপর বিরক্তি অনেক কমে গিয়েছিল। একবার মনে হ’ল, কৈ লোকটাকে তো কিছু দেওয়া হল না! যাক গে, পরে তখন দিলেই হবে।

* * * *

কৈ একজন বাইরে এসেছিল কি কাজে। গাড়ীটা

তখনও দাঁড়িয়েছিল। Chauffeur তাকে ডেকে পরিষ্কার বাতলায় বললে “কনের দাদাকে একবার ডেকে দেবেন?”

“এখন তাঁকে পাওয়া শক্ত—খুব ব্যস্ত আছেন। কি দরকার জানাতে আপত্তি আছে?”

“স্বাস্ত্বে, আমার তাঁর সঙ্গেই দরকার—দয়া করে যদি একবার ডেকে দেন, বিশেষ দরকার। বলবেন, যে গাড়ীতে বর এসেছে তার Chauffeur.”

এ কথা না বললে ডেকে দিত কি না বলা যায় না। কত গাড়ীই তো এসেছে—কোন একটা গাড়ীর Chauffeur বাড়ীর কর্তাকে এত জোর ‘তলব’ দিতে দেখলে আশ্চর্যবোধ তো হয়ই, একটু বিরক্তিও। কিন্তু উপায় কি? বরের বাড়ীর কা’র গাড়ী—কাজেই ডেকে দিতে হবে।

কনের দাদাও শুনে এমন বিশ্বাসই করতে পারেন নি যে গাড়ীর Chauffeur তাঁকে ডাকতে পারে। জিজ্ঞেস করলেন, “তাকে খাবার দেওয়া হয়েছে তো—তাকে বা আমায় ডাকবে কেন?”

গাড়ীর কাছে এসে বেশ একটু বিরক্ত হয়েই Chauffeurকে জিজ্ঞেস করলেন, “আমায় কি দরকার?”

“হামারা তো বংশীষ মিলে নেই।”

কি বিপদ। বর নিয়ে এল তাও বংশীষ দিতে হবে কন্ঠাপক্ষকে। কেন ওঁরা দিয়ে গেলেই তো পারতেন। দিতে গেলে গোটা দু’য়েক টাকার কম তো দেওয়া যায় না। এই রকম বাজে খরচ করেই তো খরচ বেড়ে যায়! উপায়ই বা কি? দু’টো টাকা নিয়ে Chauffeurএর হাতে দিতে সে বললে, “দো রুপেয়া, ব্যস! এতা ভারি কামকে খালি দো রুপেয়া বংশীষ!”

ভদ্রলোক এর জন্ম মোটেই প্রস্তুত ছিলেন না—এর চেয়ে বেশী যে সে আশা করতে পারে—তা তিনি ধারণাও করেন নি। বেশ বিরক্ত হয়ে জিজ্ঞেস করলেন, “তা কত দিতে হবে?”

“আপ্কে মন্জি!”

“এই তো দিয়েছিলাম—এখন তোমার কি চাই বল?”

“পাঁচ রুপেয়া সে কন্মতি নেহি লেগা।”

নেহি লেগা তো মাথা কিনেগা! পাঁচ পাঁচটা টাকা

দিতে হবে! না হলে নেবে না! নতুন জামাইএর বাড়ী; যদি কিছু না দিয়েই বিদেয় করা হয় তাতে বদনাম রটবে।

আচ্ছা, ওঁদের ডাকলে কি হয়! না, তা হলে মনে করবে টাকা দেবার ভয়ে ডেকেছে—সে ঠিক হবে না। একবার বললেন, “তা আর এক টাকা নাও—তাহলেই তো হবে!”

“পাঁচ রুপেয়া সে কন্মতি নেহি লেগা”—কাজেই একটা পাঁচ টাকার নোট দিতে হল। পেছন ফিরতেই Chauffeur ফের ডেকে বললে, “হজুর কুছ মিঠাই তো মিলনা চাই!”

“হাঁ, হাঁ, মিলবে বৈ কি! তা তুমি খাবে চল না?”

“নেহি হজুর! হ’য়া বৈঠ্কে খানে নেহি সেকেগা। কেতনা আদমি খাতা হায়—কৈ ঠিকানা তো নেহি!”

ওঃ একেবারে ব্রহ্মচারী রে! লোকের সঙ্গে বসে খাবে না! হাজার রাগ হলেও উপায় নেই—তাকে খাবার দেবার ব্যবস্থা করে দিতে হল। ভদ্রলোক ভাবলেন, বিয়ের হাঙ্গাম শেষ হয়ে যাক, একদিন সব বলবেন। কি রকম লোকের গাড়ী! Chauffeurকে কি মাইনে দেয় না নাকি? না এই থেকেই মাইনে তুলে নেয়?

সকালে যখন বর কনে নিয়ে যাবার সময় হয়েছে—তখন খেয়াল হল গাড়ীর কথা বলে দেওয়া হয় নি। কি অত্যাচার হয়ে গিয়েছে! একবার বলে দিলেই গাড়ীটা পাওয়া যেত, তা আর হয়ে উঠল না। শুধু শুধু এই বালিগঞ্জ থেকে ট্যাক্সি ভাড়া দিতে হবে। ট্যাক্সি ভাড়া কিন্তু সত্যিই দিতে হল না—গাড়ী ঠিক সময়েই এসে হাজির হল। অবনীর বাবা তাড়াতাড়ি Chauffeurকে বললেন, “কৈ তোমায় তো সময় বলে দিই নি? ঠিক সময়ে এলে কি করে?”

“বাবুজী ভেজ দিয়া।”

“কা’র গাড়ী হে! বেশ ভদ্রলোক তো! না বলতে নিজে থেকে সময় বুঝে গাড়ী পাঠিয়ে দিয়েছেন। ওহে দেখ, কাল তোমার বংশীষটা দিতে বড় ভুল হয়ে গিয়েছিল—”

“নেহি হজুর বংশীষ হাম্ লেনে সেকেগা নেহি!”

“সে কি? কেন?”

“মনীবকা হুকুম নেহি—” কনের ভাই এতক্ষণ সব শুনেছিলেন। আর চূপ করে থাকার তাঁর পক্ষে অসম্ভব; বললেন, “কার গাড়ী মশাই? এ রকম শয়তান driver

কেউ রাখে? বখশীষ লেনেকা হকুম নেহি? কাল রাতকো তুম হামসে পাঁচ রুপেয়া লিয়া নেহি?”

“আপসে রুপেয়া লেগা কেঁও?”

“এ্যা! বেটাকে কাল নিজে পাঁচ টাকার একটা নোট দিয়েছি, আর—”

“গাল মাত্ দেও! আউর কৈ কো দিয়া হোগা!”

সবাই অবাধ হয়ে চেয়েছিল। অবনীর বাবার দিকে ফিরে কনের ভাই বললেন, “মশাই, কাল ডেকে পাঠিয়ে টাকা নিয়েছে। দু’টাকা দিতে গেলাম, নিলে না—জোর করে পাঁচ টাকা আদায় করলে। ভেবেছিলাম সব হাক্লাম শেষ হয়ে গেলে তবে বলব। অস্বাভাবিক বলে কি না ‘আউর কৈ কো দিয়া হোগা!’ আচ্ছা করে প্রহার দিলে তবে হয়।”

“প্রহার আমাকে না দিয়ে তোকে দেওয়ার বেশী দরকার” গলার কন্ফারটারটা খুলতে খুলতে Chauffeur বললে। অবনীর বাবা নিজের চোখকে বিশ্বাস করতে পারছিলেন না। এত সুন্দর একটা লোককে তিনি ছাতুখোর বলে ভুল করেছিলেন মাত্র তার গোটা কতক হিন্দী কথা, আর কন্ফারটার থাকার জন্ত!

“আজকে আমার প্রভাত হ’ল—”

শ্রীরামেন্দু দত্ত

(গান)

আজকে আমার প্রভাত হ’ল

শালের বনের শ্রামল মাথায়,

অরুণ আলোর বার্তা এল

চিকণ সবুজ পাতায় পাতায়!

নীল পাহাড়ে সূর্য উঠি’

ছুড়লো সোণা মুঠি মুঠি,

এই প্রভাতের শীতল হাওয়া

যুচায় সকল বিষয়তায়!

আনন্দে আজ রঙীন হ’ল

শিশির কণা পাতায় পাতায়!

“কি লোক তুই! বোনের বিয়েতে Chauffeurকে পাঁচ টাকা বখশীষও দিবি না। আমাদের তো জানাসও নি। এত টাকা জমিয়ে করবি কি?”

“তোমার পাজা পাই কি করে বল! কত দিন তোকে দেখি নি, তাই মনে পড়ে না।”

“তা পড়বে কি করে! নিজের নিয়েই ব্যস্ত! আমি কিন্তু তোমার বোনের নাম শুনেই সন্দেহ করেছিলাম—বিশেষ যখন ঠিকানাটা জানলাম। তাই নিজেই Chauffeur সেজে গেলাম।”

“সত্য কাল তোকে কত কষ্ট দিয়েছি বল ত?”

“বথেষ্ট হয়েছে—এখন তো আগে বর-কনে পৌঁছে দিয়ে আসি।”

অবনীর বাবা একটু আপত্তি করতে ভুললো কট বললেন, “কাল গিয়েছিলাম Chauffeur হিসেবে—আর আজ যাচ্ছি কনের ভাই হয়ে। এবার কিন্তু বখশীষ দিতে হবে আপনাদের।”

* * *

শ্রীতি ভোজে Chauffeurএর নিমন্ত্রণের ক্রটি হ’ল নি।

সম্রাট পঞ্চম জর্জ

শ্রীহেমেন্দ্রপ্রসাদ ঘোষ

সম্রাট পঞ্চম জর্জের মৃত্যু অতর্কিত না হইলেও অপ্ৰত্যাশিত। কারণ আট মাস পূর্বে যখন বিশাল বৃটিশ সাম্রাজ্যে তাঁহার রাজত্বকাল ২৫ বৎসর পূর্ণ হওয়ায় উৎসবালুষ্ঠান হইয়াছিল, তখনও কেহ জানিতেন না মৃত্যুর ছায়া তাঁহার উপর পতিত হইয়াছিল। উৎসবের শেষ দিন ৬ই মে (১৯৩৫ খৃষ্টাব্দ) তিনি যে বেতার-বিবৃতিতে তাঁহার প্রজাদিগকে ধন্যবাদ দিয়াছিলেন, তাহাতে তিনি বলেন—

“আর যে কয় বৎসর আমি জীবিত থাকিব, সে কয় বৎসরের জন্ত আমি আপনাকে তোমাদিগের কার্যে উৎসর্গ করিলাম।”

তাঁহার এই উক্তি সর্বতোভাবে প্রতীচীর নিয়মতন্ত্র-নিয়মিত নৃপতির ও প্রাচীর “রাজা প্রকৃতিরজন্য”—আদর্শের অনুরূপ, সন্দেহ নাই। তিনি যে বিশেষভাবে এই আদর্শের অনুসরণ করিতে প্রয়াসী ছিলেন, তাহার পরিচয় তাঁহার জীবনে পাওয়া গিয়াছে।

তাঁহার জীবনের সর্বপ্রধান ঘটনাগুলি এইরূপ :—

জন্ম—৩রা জুন, ১৮৬৫ খৃঃ

বিবাহ—৬ই জুলাই, ১৮৯৩ খৃঃ

প্রিন্স অব ওয়েলস উপাধি লাভ—নভেম্বর, ১৯০১ খৃঃ

প্রথম ভারতে আগমন—১৯০৫ খৃঃ

সিংহাসন লাভ—৯ই মে, ১৯১০ খৃঃ

অভিষেকোৎসব—২২শে জুন, ১৯১১ খৃঃ

দিল্লীতে দরবার—১২ই ডিসেম্বর, ১৯১১ খৃঃ

সিলভার জুবিলী উৎসব—৬ই মে, ১৯৩৫ খৃঃ

ভারত শাসন আইনে স্বাক্ষর দান—১৯৩৫ খৃঃ

মৃত্যু—২০শে জানুয়ারী, ১৯৩৬ খৃঃ

তাঁহার রাজত্বকালের সর্বপ্রধান ঘটনা—জার্মান যুদ্ধ।

বিলাতে মারলব্রা হাউসে তাঁহার জন্ম হয়। তিনি যুবরাজের দ্বিতীয় পুত্র; স্মতরাং সিংহাসনের উত্তরাধিকারী অগ্রজের জন্মে যে উৎসবানন্দ লক্ষিত হইয়াছিল, তাঁহার জন্মে তাহা হয় নাই। সাম্রাজ্যী ভিক্টোরিয়ার জীবন-

চরিতে কেবল দেখা যায়—৩রা জুন যুবরাজ ও যুবরাজ-পত্নীর আর একটি পুত্র জন্মগ্রহণ করে ও ‘ই জুলাই রাণীর উপস্থিতিতে উইগসর চ্যাপেলে তাহাকে “ব্যাপ্টাইজ” করা হয়। রাণী তাহার নামকরণ করেন—জর্জ ফ্রেডরিড আর্নেস্ট এলবার্ট।



মহারানী ভিক্টোরিয়া

৬ বৎসর রয়সে জর্জের শিক্ষাভার জন নাল ড্যালটনের উপর অর্পিত হয় এবং ১৮৭৭ খৃষ্টাব্দে উভয় ভ্রাতাকে

নৌবহরে শিক্ষানবিশ করা হয়। নৌ-সেনাবিভাগে কায করাই তখন জর্জের অভিপ্রেত ছিল। সে সময় ইংলণ্ডের উপনিবেশসমূহ বিস্তার লাভ করিতেছিল। যুবরাজ স্থির করেন, পুত্রদ্বয়ের পক্ষে সমগ্র সাম্রাজ্য দর্শনে উপকার হইবে। তদনুসারে তাঁহারা সাম্রাজ্যের নানা স্থান পরিভ্রমণ করেন। বিলাত প্রত্যাবৃত্ত হইয়া জ্যেষ্ঠ সিংহাসনের উত্তরাধিকারীর আবশ্যক শিক্ষালাভ করিতে থাকেন ও



সপ্তম এডওয়ার্ড

জর্জ নৌবহরে কায করিতে থাকেন। ১৯০১ খৃষ্টাব্দে জর্জ পীড়িত হইয়া পড়েন এবং তিনি যখন রোগশয্যায় তখন প্রিন্সেস ভিক্টোরিয়া মেরীর সহিত অগ্রজের বিবাহ-সম্বন্ধ স্থির হয়। ইহার পরই ছরন্ত ইনফ্লুয়েঞ্জায় অগ্রজের মৃত্যুতে জর্জ সিংহাসনের উত্তরাধিকারী হইলেন এবং ভিক্টোরিয়া মেরীর সহিত তাঁহার বিবাহ হয়। এই বিবাহের সন্তান—

(১) প্রিন্স এলবার্ট এডওয়ার্ড (বর্তমান সম্রাট)—২৩শে জুন, ১৮৯৪; (২) প্রিন্স জর্জ (বর্তমান ডিউক অব ইয়র্ক)—১৪ই ডিসেম্বর, ১৮৯৫; (৩) প্রিন্সেস ভিক্টোরিয়া—২৫শে এপ্রিল, ১৮৯৭; (৪) প্রিন্স হেনরী উইলিয়াম এলবার্ট (বর্তমান ডিউক অব মন্টগার)—৩১শে মার্চ, ১৯০০; (৫) 'প্রিন্স জর্জ এডমণ্ড (বর্তমান ডিউক অব কেন্ট)—২০শে ডিসেম্বর, ১৯০২; (৬) প্রিন্স জন—(জন্ম—১২ই জুলাই, ১৯০৫, মৃত্যু—১৮ই জানুয়ারী, ১৯১৯)।

১৯০১ খৃষ্টাব্দের ২১শে জানুয়ারী সাম্রাজ্যী ভিক্টোরিয়ার মৃত্যুতে তদীয় জ্যেষ্ঠ পুত্র সপ্তম এডওয়ার্ড নামে সিংহাসন লাভ করেন। দিল্লী দরবারের (১৯০২ খৃঃ) পরই বড়লাট লর্ড কার্জন যুবরাজ ও যুবরাজপত্নীকে ভারত-ভ্রমণে আসিতে বলেন বটে, কিন্তু সম্রাট সপ্তম এডওয়ার্ড ইচ্ছা করেন, দরবার উপলক্ষে রাজভ্রমণকে বহু অর্থ ব্যয় করিতে হইয়াছে—সুতরাং তাহার অব্যবহিত পরেই সজীক যুবরাজের অভ্যর্থনায় তাঁহাদিগের পক্ষে বহু অর্থ ব্যয় করা সম্ভব হইবে না। সেই জন্ত ১৯০৫ খৃষ্টাব্দের পূর্বে যুবরাজ জর্জের ভারতে আগমন ঘটে নাই।

১৯১০ খৃষ্টাব্দের ৬ই মে স্বল্পকালস্থায়ী ব্যাধিতে সম্রাট সপ্তম এডওয়ার্ডের মৃত্যু হয় এবং ৯ই তারিখে জর্জ রাজা ঘোষিত হইলেন।

ভারতবর্ষের প্রতি তাঁহার বিশেষ লক্ষ্য ছিল। প্রথমবার ভারত-ভ্রমণ হইতে স্বদেশে ফিরিয়া তিনি রয়াল একাডেমীতে

ভারতবর্ষের কথায় বলেন—ইহা বিস্ময়কর দেশ। ইহার বৈচিত্র্য, ইহার সৌন্দর্য ও ইহার স্থপতিকীর্তি অসাধারণ।

এই বার তিনি তাঁহার স্বাভাবিক দয়ার যে পরিচয় দিয়াছিলেন, তাহা উল্লেখযোগ্য। তিনি যখন মহীশূরের রাজার আতিথ্য স্বীকার করেন, তখন রাজা যে সময় তাঁহাকে বনমধ্যে হস্তী ধৃত করা দেখাইতে লইয়া যাইতে

ছিলেন, তখন পশ্চিমঘে অগ্রগামী সিপাহীদিগের এক জন বাইক হইতে পড়িয়া আহত হয়। তথায় লোক দেখিয়া যুবরাজ স্বীয় যান হইতে অবতরণ করেন এবং তাহার জন্ত জল আনাইয়া—তাহাকে হাসপাতালে পাঠাইবার ব্যবস্থা করিয়া তবে সে স্থান ত্যাগ করেন।


বিলাতে প্রত্যাবর্তনের পরই তিনি ভারতে তাঁহার বাণী প্রেরণ করেন—স হা হু ভূ তি।

প্রজার সহিত এই সহায়ভূতি তিনি নানা ক্ষেত্রেই দেখাইয়াছেন। জার্মান যুদ্ধ-কালে ১৯১৪ খৃষ্টাব্দে বিলাতে আন্দোলন হয়—মতপান বন্ধ না করিলে সমর-সরঞ্জাম উৎপাদনে বাধা ঘটতেছে এবং জাহাজনির্মাণকারীরা মতপান নিষিদ্ধ করিতে বলিলে সম্রাট স্বয়ং মতপান ত্যাগ করেন ও রাজপ্রাসাদে মত ব্যবহার নিষিদ্ধ হয়। ফ্রান্সে অশ্ব-পতনে তিনি আহত হইলে যখন চিকিৎসকদিগের উপদেশে কয় দিন পুনরায় মতপান করেন, তখন চিকিৎসকদ্বয় বিবৃতি প্রকাশ করেন—স্বস্থ হইলেই তিনি পুনরায় মত বর্জন করিবেন।

ভারত বর্ষে শিক্ষা-বিস্তার তাঁহার বিশেষ অভিপ্রেত ছিল। সম্রাটরূপে ভারতে আসিয়া দিল্লীতে দরবারে তিনি যে ঘোষণা করেন, তাহাতেও এই অভিপ্রায় ব্যক্ত হইয়াছিল। দিল্লী দরবারের পর কলিকাতায় আসিয়া তিনি বিশ্ববিদ্যালয়ের অভিনন্দনের উত্তরে বলিয়াছিলেন, দিল্লীতে তাঁহার আদেশে ঘোষণা করা হইয়াছিল যে, সপার্বদ বড়লাট শিক্ষার উন্নতি ও বিস্তার সাধনকল্পে অধিক অর্থ ব্যয় করিবেন। “আমার ইচ্ছা এই যে দেশের সর্বত্র বহু বিদ্যালয় প্রতিষ্ঠিত হইবে এবং সেই সকলে যাহারা শিক্ষা লাভ করিবে, তাহারা শিল্প, কৃষি প্রভৃতি সকল কার্যে আপনাদিগের প্রাধান্য রক্ষা করিতে পারিবে। ইহাও আমার অভিপ্রেত যে, জ্ঞান-বিস্তারের ও তাহার

সঙ্গে সঙ্গে স্বাস্থ্য ও চিন্তা সম্বন্ধে উচ্চতর ধারণার ফলে আমার ভারতীয় প্রজাপুঞ্জের গৃহ-সমুজ্জ্বল ও পরিশ্রম লঘু হইবে। শিক্ষার দ্বারাই আমার এই অভিপ্রায় সিদ্ধ হইতে পারে এবং ভারতে শিক্ষা বিষয়ে আমি সর্বদাই অরহিত থাকিব।”

কলিকাতা বিশ্ববিদ্যালয় এই উক্তি মর্ম্মরফলকে ক্ষোদিত



পঞ্চম জর্জ

করিয়া রাখিয়াছেন। এই উক্তি পাঠ করিলে ১৮৭২ খৃষ্টাব্দে প্রচারিত জাপানের সম্রাটের ঘোষণা মনে পড়ে :—

“আমার উদ্দেশ্য এই যে, অতঃপর শিক্ষা এরূপ বিস্তার লাভ করিবে যে, কোন গ্রামে কোন অজ্ঞ পরিবার থাকিবে না—কোন পরিবারেই কোন লোক অজ্ঞ থাকিবে না।”

বিশ্ববিদ্যালয়ের প্রস্রবণ হইতে উন্নত বিচার পাবনী ধারা শত পথে প্রবাহিত হইয়া দেশের উন্নতিসাধন করিবে, ইহাই সম্রাট পঞ্চম জর্জের অভিপ্রেত ছিল।

শিক্ষার মত সমবায় নীতি সঙ্ঘক্ষেও তিনি আগ্রহশীল ছিলেন। নানা দরিদ্র দেশে এই নীতি যে বিস্ময়কর উন্নতি সাধন করিয়াছে, তাহা সর্বজনবিদিত। আয়ারলণ্ডে সার হোরেস প্রাংকেট প্রমুখ কর্মীরা যখন দেশের শিল্প ও বাণিজ্যের দুর্দশা-দুঃখে ব্যথিত হইয়াছিলেন, তখন তাঁহারা স্থির বুয়েন সমবায়-নীতির প্রবর্তন ব্যতীত সে অবস্থার পরিবর্তন অসম্ভব। এ দেশে ১৯০৪ খৃষ্টাব্দে প্রথম কৃষকদিগকে ঋণের নাগপাশ হইতে মুক্ত করিবার চেষ্টায় সমবায় সমিতি প্রতিষ্ঠা স্বস্বকীয় আইন বিধিবদ্ধ করা হয়। ১৯১১ খৃষ্টাব্দে সম্রাট জর্জ বলেন :—

“যদি (এ দেশে) সমবায় নীতি সম্পূর্ণভাবে প্রবর্তিত ও পরিচালিত হয়, তবে এ দেশে কৃষকদিগের অবস্থার বিশেষ উন্নতি হইবে।”

প্রজার মনোরঞ্জে তাঁহার আগ্রহের পরিচয় আমরা বঙ্গবিভাগের পরিবর্তনে পাইয়াছি। বঙ্গবিভাগ বাঙ্গালীর ইচ্ছার বিরুদ্ধে করা হইয়াছিল বলিয়া বাঙ্গালী তাহাতে আপনাকে অপমানিত মনে করিয়াছিল এবং প্রতিজ্ঞা করিয়াছিল, ইহার বিরুদ্ধে দণ্ডায়মান হইবে। যুবরাজ-রূপে সম্রাট জর্জ এ দেশে আসিয়া বাঙ্গালায় আন্দোলনের প্রাবল্য লক্ষ্য করিয়া গিয়াছিলেন এবং সম্রাট হইয়া তিনি পূর্বব্যবস্থার পরিবর্তন করিয়া বঙ্গ-ভাষাভাষীদিগকে এক-প্রদেশযুক্ত করিবার ব্যবস্থা করেন। তিনি স্বয়ং বলিয়াছিলেন, বাঙ্গালীর মনোভাবের প্রতি শ্রদ্ধা প্রকাশ না করিবার কোন কারণ আছে—ইহা তিনি মনে করেন নাই।

এই প্রসঙ্গে আয়ারলণ্ড প্রজার অধিকার-বিস্তারে তাঁহার কৃত কার্য স্মরণীয়। যখন রাজপুরুষগণের প্রবর্তিত চণ্ড-নীতির অসাফল্য পদে পদে প্রতিপন্ন হইল, তখন তিনি স্বয়ং তথায় যে বক্তৃতা করেন, তাহাতেই নূতন নীতি প্রবর্তিত হয় :—

“I appeal to all Irishmen to stretch out the hand of forbearance and conciliation, to forgive and forget, and to join in making for the land which they love, a new era of peace and contentment and goodwill.”

সম্রাট পঞ্চম জর্জের রাজত্বকালে এ দেশে যে রাজ-নীতিক অধিকার-বিস্তার ঘটিয়াছে, তাহা বিশেষ উল্লেখযোগ্য সন্দেহ নাই। সেই সম্পর্কে প্রধান বিষয়গুলি নিয়ে উল্লেখ করা গেল—

- (১) মণ্টেগু-চেমসফোর্ড শাসন-সংস্কার প্রবর্তন ও পরে নূতন ভারত-শাসন আইন বিধিবদ্ধ করণ ;
- (২) ভারতবর্ষকে অর্থনীতি সঙ্ঘক্ষে স্বাধীনতা প্রদান ;
- (৩) ভারতে প্রাদেশিক স্বায়ত্ত-শাসন প্রবর্তনের আয়োজন ;
- (৪) ভারতবাসীকে বিলাতের অভিজাত সম্প্রদায়ের গ্রহণ ;
- (৫) ভারতবাসীকে সহকারী সচিবপদ প্রদান ;
- (৬) সমর ও শান্তি পরিষদে ভারতবাসীর স্থান নির্দেশ ;
- (৭) ভারতবাসীকে গভর্নর নিয়োগ ;
- (৮) স্বরাজে ভারতবাসীর অধিকার স্বীকার।

মণ্টেগু-চেমসফোর্ড শাসন-সংস্কার-ব্যবস্থার ও তাহার পরবর্তী ভারত-শাসন আইনে ভারতবাসীর আকাঙ্ক্ষা পূর্ণ হইয়াছে, এমন বলা যায় না। কারণ, যে দক্ষিণ আফ্রিকা ইংলণ্ডের বিরুদ্ধে যুদ্ধ ঘোষণা করিয়াছিল এবং নানা স্থানে ইংরাজকে বিপন্নও করিয়াছিল, সেই দক্ষিণ আফ্রিকাকে যে ভাবে স্বায়ত্ত-শাসনাধিকার প্রদান করা হইয়াছিল, ভারতবর্ষকে সে ভাবে তাহা প্রদান করা হইতেছে না। কিন্তু এই বিষয়ে দুইটি কথা স্মরণ করা প্রয়োজন—প্রথম, এ দেশে ঔপনিবেশিক স্বায়ত্ত-শাসন প্রতিষ্ঠাই যে ইংরাজ শাসনের উদ্দেশ্য, তাহা স্বীকৃত হইয়াছে ; দ্বিতীয়, এই সব বিধি-ব্যবস্থা করা রাজার ক্ষমতাতিরিক্ত—পার্লিামেন্টের অধিকারভুক্ত। নিয়মতন্ত্র-নিয়ন্ত্রিত রাজা স্বীয় প্রভাবে মন্ত্রিমণ্ডলের নির্ধারণ নিয়ন্ত্রিত করিতে পারেন মাত্র।

ভারতবর্ষকে অর্থনীতি সঙ্ঘক্ষে যে স্বাধীনতা প্রদান করা হইয়াছে, তাহার ফলে এ দেশে বয়নশিল্পের উন্নতির পথ স্ফূর্ত হইয়াছে। পূর্বে বিলাতের বয়নশিল্পের সুবিধার জন্ত এ দেশের বয়নশিল্পেও কর সংস্থাপিত ছিল এবং সে ব্যবস্থা অসম্ভব ও অত্যাচার হইলেও তাহা বর্জিত হয় নাই। প্রথম যখন এ দেশের এই শিল্পজ পণ্যের উপর কর বিদেশ হইতে আমদানী পণ্যের উপর কর অপেক্ষা কম হয়, তখন বিলাতে কাপড়ের কলওয়ালদিগের আপত্তির উত্তরে ভারত-সচিব


(মিষ্টার চেম্বারলেন) বলেন, জার্মান যুদ্ধে ভারতবর্ষ কেবল লোক দিয়াই বিলাতকে সাহায্য করিতেছে না ; পরন্তু অর্থ সাহায্যও করিতে চাহে এবং সেই জন্ত আর্থিক প্রয়োজনে



সম্রাট অষ্টম এডওয়ার্ড

আমদানী পণ্যের উপর কর-বৃদ্ধি করা হইতেছে। কিন্তু তাহার পর বার, যখন ভারতীয় পণ্যের আরও সুবিধা করা


হয়, তখন ভারত-সচিব (মিষ্টার মণ্টেগু) নিঃসঙ্কোচে বলেন—বিদেশী পণ্যের উপর শুল্ক প্রতিষ্ঠা ভারতে শিল্পের সংরক্ষণকল্পে প্রবর্তিত হইতেছে এবং সেরূপ ব্যবস্থা করিবার সম্পূর্ণ স্বাধীনতা ভারতবর্ষকে নূতন শাসন-ব্যবস্থায় প্রদান করা হইয়াছে। তাহার পর—ফিশক্যাল কমিশনের নির্ধারণে—যে ট্যারিফ বোর্ডের সৃষ্টি হইয়াছে, তাহার নির্ধারণ অনুসারে এ দেশে নানা শিল্পের জন্ত সংরক্ষণ শুল্ক ব্যবস্থা করা হইয়াছে ও হইতেছে। প্রথমে শিল্প কমিশনের নির্ধারণ ও সামরিক প্রয়োজনে প্রতিষ্ঠিত মিউনিশন বোর্ডের অভিজ্ঞতা বিশেষভাবেই প্রতিপন্ন করিয়াছে, ভারতবর্ষে নানা শিল্প প্রতিষ্ঠিত হইতে পারে এবং কিছুদিনের জন্ত সংরক্ষণ-



ওয়েষ্টমিনিস্টার হলে সম্রাট পঞ্চম জর্জের শবাধার ;

শবাধারের উপর সম্রাটের মুকুট স্থাপিত শুল্কের সুবিধা পাইলে পরে সে সব শিল্প অনায়াসে বিদেশী শিল্পের সহিত প্রতিযোগিতা করিতে পারে।

সমগ্র সভ্যজগতে আজ যে বেকার-সমস্যা আত্মপ্রকাশ করিয়াছে, কিসে তাহার প্রতীকার করা যায়, সে বিষয়ে পঞ্চম জর্জের বিশেষ লক্ষ্য ছিল। ১৯৩৩ খৃষ্টাব্দের ১৩ই জুন তারিখে বিলাতে এই সমস্যার আলোচনার জন্ত ৩৬টি জাতির প্রতিনিধিদিগের যে সম্মিলন হয়, তাহাতে তিনি



সম্রাটের শরের শোভাযাত্রা। চিত্রের খেত-অশ্ব 'জ্যাক' সম্রাটের বিশেষ প্রিয় ছিল—তাহাকে শোভাযাত্রার সম্মুখে লওয়া হইয়াছে



নূতন সম্রাট অষ্টম এডওয়ার্ড তাঁহার তিন সহোদরের সহিত শব-শোভাযাত্রার সঙ্কে যাইতেছেন। সম্রাট এডওয়ার্ডের পার্শ্বে লর্ড হেয়ারউড

সে সম্বন্ধে তাঁহার উৎকর্ষ প্রকাশ করিয়াছিলেন। তাহার পর মৃত্যুর কয়মাস পূর্বে যখন তাঁহার শাসনকাল ২৫ বৎসর পূর্ণ হওয়ায় উৎসব উপলক্ষে তিনি তাঁহার বাণী ব্যক্ত করেন, তখনও তিনি বেকারদিগের জন্ত দুঃখ প্রকাশ করিয়াছিলেন—তাহাদিগকে সাহায্য করিতে বলিয়াছিলেন।

এই উপলক্ষেই তিনি বলিয়াছিলেন, তিনি আর যতদিন জীবিত থাকিবেন ততদিনের জন্ত আপনাকে প্রজাপঞ্জের কার্যে উৎসর্গ করিলেন।

সম্রাটরূপে ভারতবর্ষে আসিয়া তিনি কলিকাতায় বলেন—“ছয় বৎসর পূর্বে

কলিকাতা হইতে আমি ভারতবর্ষকে সহায়ত্বের বাণী প্রদান করিয়াছিলাম; আজ ভারতে আমি ভারতবর্ষকে বলিতেছি—আশাকে মূলমন্ত্র করিতে হইবে। (I give to India the watchword of hope) আমি চারিদিকে নূতন জীবনের চিহ্ন ও চাঞ্চল্য লক্ষ্য করিতেছি। শিক্ষা তোমাদিগকে আশা দিয়াছে—উন্নত শিক্ষার দ্বারা তোমরা উচ্চতর ও উন্নততর আশা গঠিত করিতে পারিবে।”

তাঁহার মৃত্যুতে তাঁহার জ্যেষ্ঠ পুত্র অষ্টম এডওয়ার্ড নাম গ্রহণ করিয়া পিতৃসিংহাসন লাভ করিলেন।

নূতন সম্রাট ভারত-ভ্রমণে আসিয়াছিলেন। পিতা এদেশে আসিয়া বাঙ্গালায় যে আন্দোলন দেখিয়া গিয়াছিলেন, পুত্র সমগ্র ভারতে তদপেক্ষাও প্রবল আন্দোলন

প্রত্যক্ষ করিয়া গিয়াছেন। তাঁহার আশ্রয়কালে গান্ধীজীর প্রবর্তিত অহিংস অসহযোগ আন্দোলন অত্যন্ত প্রবল।

যুবকজ যে দিন বোম্বাইয়ে পদার্পণ করেন, সে দিন হরতাল ঘোষিত হইয়াছিল এবং গান্ধীজী স্বয়ং সে দিন তথায় উপস্থিত ছিলেন।

সে দিন যে জনতাকে অহিংসায় অবিচলিত রাখা সম্ভব হয় নাই, তাহাতে গান্ধীজী যত দুঃখিত ও ব্যথিত হইয়াছিলেন, তত—হয়ত—

আর কেহ হয়েন নাই। বাঙ্গালার আন্দোলনে কোথাও একরূপ বিশৃঙ্খলা উপস্থিত হয় নাই। কেবল বোম্বাইয়ে

নহে, আরও নানা স্থানে তাঁহার আগমন দিবসে “হরতাল” হইয়াছিল। পিতা

যে প্রজাদিগের রাজনৈতিক অধিকার-বিস্তার-চেষ্টা-সমুদ্ভূত অনাচারকেও ক্ষমা করিতে প্রস্তুত ছিলেন, তাহা নূতন শাসন-সংস্কার প্রবর্তনকালে তাঁহার

ঘোষণায় বুঝা যায়। তখন মাণিকতলার বোমার বাগানে ধৃত ব্যক্তিরও দণ্ডভোগ করিতেছিলেন। তিনি বড়লাটকে উপদেশ দেন, দেশের শান্তি বিপন্ন না হইলে তিনি যেন

সর্ববিধ রাজনৈতিক অপরাধে দণ্ডিত ব্যক্তিদিগকে মুক্তিদান করেন—কেন না তাঁহার রাজনৈতিক উন্নতিলাভের আগ্রহ-তিশ্যে আইন ভঙ্গ করিয়াছেন—“Let those who in their

eagerness for political progress broke the law in the past, respect it in the future.”

অদূর ভবিষ্যতে ভারতে নূতন শাসন-পদ্ধতি প্রবর্তিত হইবে। তাহাতে ভারতে সাম্রাজ্যান্তর্গত সম্পূর্ণ স্বায়ত্ত-শাসন প্রদত্ত হইবে না বটে, কিন্তু গণতন্ত্রনীতির মর্যাদা বর্তমান অপেক্ষা অধিক রক্ষিত হইবে। প্রাদেশিক স্বায়ত্ত-শাসন ক্রমে বিস্তার লাভ করিয়া আমেরিকার যুক্তরাজ্যের আদর্শগামী হইবে—এমন আশারও অবকাশ আছে।

মর্চেন্ট-চেমসফোর্ড শাসন-সংস্কার প্রবর্তনকালে সম্রাট পঞ্চম জর্জ রাজনৈতিক অপরাধে দণ্ডিত ব্যক্তিদিগের প্রতি যে দয়া দেখাইয়াছিলেন, তাহার কারণেই তিনি বলিয়াছিলেন—তাঁহার ইচ্ছা এই যে, সে সময় ভারতের



কলিকাতায় ময়দানে সম্রাটের শোকসভায় সমবেত জনতা—চিত্রে বর্দ্ধমানের মহারাজাধিরাজ বাহাদুর, সার মন্মথনাথ মুখোপাধ্যায়, সার হরিশঙ্কর পাল প্রভৃতি ফটো—তারক দাস


প্রজা ও তাহাদিগের শাসকদিগের মধ্যে বিরোধভাবের অবসান হয়। তাহাই যে নূতন সম্রাটের অভিপ্রায়—ইহা আমরা অনুমান করিতে পারি। তিনি রাজা হইয়াই ঘোষণা করিয়াছেন, তিনি তাঁহার পিতার পদাঙ্কানুসরণ করিবেন। তাই আমরা আশা করিতেছি, বিনা বিচারে বাহারা বন্দী হইয়া আছে, তাহাদিগের প্রতি সম্রাটের সদয় দৃষ্টি পতিত হইবে; তিনি যে ব্যবস্থা করিবেন, তাহাতে পূর্বে বাহারা আইনের বিধান ভঙ্গ করিয়াছে, ভবিষ্যতে

তাহারা তাহা মানিয়া চলিবে—দেশে শান্তি ও শৃঙ্খলা দেশের লোকের সম্বোধের উপর প্রতিষ্ঠিত ও দৃঢ় হইবে।

নবপ্রবর্তিত শাসন-সংস্কারে গঠিত ব্যবস্থাপক সভার উদ্বোধন জন্ত পঞ্চম জর্জ তাঁহার পিতৃব্য ডিউক অব কনটকে এ দেশে পাঠাইয়াছিলেন। তিনি প্রজ্ঞার প্রতিনিধিরূপে বলিয়াছিলেন, ভারতবাসীর বর্তমান রাজনৈতিক অবস্থার সহিত ঐশ্বর শাসনের সামঞ্জস্য রক্ষিত হইতে পারে না—কায়েই ভারত-শাসনে ঐশ্বর-শাসন নীতি বর্জন

ভারতের ইতিহাসে নানা কারণে স্মরণীয়। ইহার মধ্যে ভারতবাসীর রাজনৈতিক আকাঙ্ক্ষার যে পরিচয় প্রকট হইয়াছে, তাহা পঞ্চম জর্জের মত তাঁহার পুত্র—বর্তমান সম্রাটও নিশ্চয়ই লক্ষ্য করিয়াছেন এবং তাহাতে সহায়ত্ব প্রদানেও কার্পণ্য করেন নাই।

যে ভাবে দক্ষিণ আফ্রিকা স্বায়ত্ত-শাসনাধিকার পাইয়া ব্রিটিশ সাম্রাজ্যের শক্তি বৃদ্ধি করিয়াছে, সম্রাট অষ্টম এডওয়ার্ডের রাজত্বকালে ভারতবর্ষ সেই ভাবে স্বায়ত্ত-



সম্রাট পঞ্চম জর্জের মৃত্যুতে কলিকাতার রাজপথে সঙ্কীর্ণনের দল ফটো—তারক দাস করিতে হইবে। ভারতবাসীও ইহাই চাহিয়া আসিতেছে। শাসনাধিকার প্রাপ্ত হইয়া সাম্রাজ্যের শক্তি বৃদ্ধি করিবে— ব্রিটিশ সাম্রাজ্যের স্বায়ত্ত-শাসনশীল অংশসমূহের অধিবাসীরা ইহাই আজ ভারতবাসীর কামনা। পিতা যে মন্দিরের দৃঢ় ভিত্তি স্থাপন করিয়া গিয়াছেন, পুত্র তাহার উপর মন্দির নিশ্চয় করিয়া তাহাতে ভারতবাসীর পূজাধিকার প্রদান করিবেন, এই কামনাই আজ তাঁহাকে অভিনন্দিত করিবার সময়—ভারতবাসীর হৃদয়ে সপ্রকাশ হইতেছে।



পাখিবিদ

সার জন উডরফ—

যুরোপে কলিকাতা হাইকোর্টের ভূতপূর্ব বিচারক ও তন্ত্রের নূতন ব্যাখ্যাকার সার জন উডরফের মৃত্যু হইয়াছে। সার জনের পিতাও কলিকাতা হাইকোর্টে এক জন অতি বিখ্যাত ব্যারিষ্টার ছিলেন। যে সময় সার চার্লস গ্রিগরী পল, সার গ্রিফিথ ইভান্স, মিষ্টার হিল প্রভৃতি যুরোপীয় এবং উমেশচন্দ্র বন্দ্যোপাধ্যায়, সার তারকনাথ পালিত, মনোমোহন ঘোষ প্রভৃতি বাঙালী ব্যারিষ্টারদিগের জন্ত কলিকাতা হাইকোর্টের গৌরব বর্দ্ধিত হইয়াছিল, সেই সময় সার জন উডরফের পিতা সার টি, উডরফ সেই সব উজ্জল জ্যোতিষ্কের অন্ততম ছিলেন। ব্যারিষ্টার হইয়া পুত্র সার জন পিতার যশ অক্ষুণ্ণ রাখিয়াছিলেন এবং অধ্যয়নের জন্ত অধিক অবসর লাভ করিবার আশায় তিনি যখন জজের পদ গ্রহণ করেন, তখনও বিচারকরূপে তাঁহার খ্যাতি অল্পদিনেই বিস্তৃতলাভ করিয়াছিল।

কিন্তু বড় ব্যারিষ্টার বা বিখ্যাত জজ হিসাবে পরবর্তী কালের লোক সার জন উডরফকে স্মরণ করিবে না। অল্প কারণে তিনি ভারতবাসীর শ্রদ্ধা ও সভ্য জগতের প্রশংসা অর্জন করিয়াছেন। তিনি ভারতের পুরাতন সংস্কৃতির গৌরব উপলব্ধি করিয়া তাহার অমুরাগী হইয়াছিলেন এবং ভারতীয় সভ্যতার স্বরূপ ব্যাখ্যা করিয়াছিলেন। কিন্তু তাঁহার অক্ষয় কীর্তি—তন্ত্রের ব্যাখ্যা।

তাঁহার পূর্বে অধিকাংশ বিদেশীই, অজ্ঞতা হেতু তন্ত্রের মূল তত্ত্ব বুঝিতে না পারিয়া তাহাকে মানবের হীনবৃত্তির পরিপূষ্টিসাধক বলিয়া ঘৃণা প্রকাশ করিতেন। আর আমরাও সেই সব বিদেশীর মতই অদ্রাস্ত বলিয়া বিবেচনা করিতাম। এমন কি ১৯০৭ খৃষ্টাব্দে এক জন ইংরাজ লেখক তান্ত্রিক মতকে আসাম ও পূর্ববঙ্গের ম্যালেরিয়া-পীড়িত অধিবাসীদিগের বিকৃত মনোভাবের ফল বলিয়া মত প্রকাশ করিতেও কুণ্ঠাবোধ করেন নাই।—

"It is in the most malarious regions of Eastern Bengal and Assam that we have

the religion of necromancy, of charms and spells of Tantric rites which remind the scholar so vividly of the practices which characterised the decay of the Roman Empire."



সার জন উডরফ

ইংরাজ লেখকরা বলিতেন, তান্ত্রিক ক্রিয়াকলাপের বীভৎসতা একরূপ মানসিক বিকারের ফল এবং সে বিকার হয়ত পুনঃ পুনঃ জরে জীর্ণ হওয়ার দৌর্বল্য হইতে উদ্ভূত।

আজ যে এই মত হাশ্বোদীপক অজ্ঞতার পরিচায়ক বলিয়া বিবেচিত হয় এবং সত্যসন্ধিস্যায় লোক কুণ্ডলিনীর রহস্য-ভেদে ও যন্ত্রমন্ত্রের স্বরূপ নির্ণয়ে আগ্রহ প্রকাশ করিতেছেন, সার জন উডরফের কার্য তাহার প্রধান কারণ।

লর্ড জেটলাও বলিয়াছিলেন, যুরোপীয়দিগের মধ্যে তিনিই তন্ত্র সম্বন্ধে সর্বপ্রধান বিশেষজ্ঞ। কেবল তাহাই

নহে—সার উইলিয়ম জোন্স যেমন অবজ্ঞাত সংস্কৃত সাহিত্যের স্বরূপ দেখাইয়া তাহাকে সমগ্র সভ্য জগতে সম্পূর্ণ করিয়াছিলেন, সার জন উডরফ তেমনি যুগিত তান্ত্রিক ধর্মের উচ্চাঙ্গের দার্শনিক তত্ত্ব বুঝাইয়া তাহাতে নিহিত ভারতীয় প্রতিভা-ক্ষুতি দেখাইয়াছেন।

কিরাপে তিনি প্রথম তন্ত্রের প্রতি আকৃষ্ট হইয়াছিলেন, তাহা এখনও জানা যায় নাই। কিন্তু আকৃষ্ট হইয়াই তিনি অসাধারণ উৎসাহ, আগ্রহ ও নিষ্ঠা সহকারে তাহাতে প্রবেশের চেষ্টা করেন। সে কার্যে তাঁহার গুরু হইয়াছিলেন শিবচন্দ্র বিচার্য; আর সহকারী—অটলবিহারী ঘোষ। শিবচন্দ্রের মত তন্ত্রশাস্ত্রে পণ্ডিত সচরাচর—বঙ্গদেশেও দেখা যায় না। উপযুক্ত শিষ্য পাইয়া গুরু যে বিশেষ প্ৰীত হইয়াছিলেন, তাহাতে সন্দেহ নাই। অটল বাবু কলিকাতা স্কুল কলেজ কোর্টের উকীল ছিলেন। তাঁহার সহিত সার জনের বন্ধুত্ব এত ঘনিষ্ঠ হইয়াছিল যে মৃত্যুর পূর্বে তিনি নির্দেশ করিয়াছিলেন, তাঁহার মৃত্যু-সংবাদ যেন অটল বাবুকে তার করা হয়। তারে সেই দুঃসংবাদ যখন অটল বাবুর উদ্দেশে পাঠান হয়, তাহার চারিদিন পূর্বে তিনিও মহাযাত্রা করিয়া—বন্ধুর পূর্বগামী হইয়াছেন।

১৮৬৫ খৃঃ অঃ সার জনের জন্ম হয়। তিনি অক্সফোর্ড বিশ্ববিদ্যালয়ে শিক্ষালাভ করেন ও ব্যারিষ্টার হইয়া ১৮৯০ খৃঃ অঃ কলিকাতা হাইকোর্টে ব্যবহারাজীবের কায আরম্ভ করেন। তিনি ১৯০২

খৃষ্টাব্দে ট্যাণ্ডিংকাউন্সেল হইয়া ১৯০৪ খৃষ্টাব্দে জজ নিযুক্ত হইলেন। ১৯২২ খৃষ্টাব্দে অবসর গ্রহণ করিবার পর তিনি অক্সফোর্ড বিশ্ববিদ্যালয়ে ভারতীয় আইনের অধ্যাপক হইয়া ছিলেন।

মৃত্যুর অল্পদিন পূর্বে তিনি পক্ষাঘাতে আক্রান্ত হইয়া ছিলেন।

এ দেশের সভ্যতার প্রতি তাঁহার প্রগাঢ় শ্রদ্ধা ছিল



উপরে ভারতীয়ের বেশে সার জন উডরফ ও তাঁহার সম্মুখে অটলবিহারী ঘোষ উপবিষ্ট

এবং এ দেশে পুরুষদিগের ও স্ত্রীলোকদিগের শিক্ষা যে জাতীয়তার ভিত্তি হইলে ব্যর্থ হইবে, ইহাই তাঁহার দৃঢ় বিশ্বাস ছিল। মহাকালী পাঠশালায় ছাত্রীদিগকে যে ভাবে শিক্ষা প্রদান করা হয়, তিনি তাহার সমর্থক ছিলেন। আজ

যখন এ দেশে শিক্ষা-সংস্কারের কথা আলোচিত হইতেছে, তখন আমরা সকলকে স্ৰাডলার কমিশনের জন্ম লিখিত সার জনের বিবৃতি পাঠ করিতে অহরোধ করিতেছি। এ দেশের পুরাতন শিল্পের প্রতি তাঁহার অহুয়োগ কত প্রবল ছিল, তাহা বেঙ্গল হোম ইণ্ডাস্ট্রিজ এসোসিয়েশন প্রতিষ্ঠাকালে তাহার উদ্দেশ্য বিবৃতিতে দেখা যায়। যে বিবৃতি সার জনের লিখিত।

“আর্থার এভেলন” ছদ্মনামে তিনি—অটল বাবুর সহযোগে ও একাধিক পণ্ডিতের সাহায্যে বহু তন্ত্রগ্রন্থের ইংরাজী অনুবাদ প্রচার করিয়াছিলেন এবং স্বয়ং নানা পুস্তক ও প্রবন্ধ রচনা করিয়া তন্ত্রের তত্ত্ব ও ভারতীয় সভ্যতার স্বরূপ বুঝাইয়াছিলেন।

যে নীলাচলে জগন্নাথের মন্দিরে সাধনা শেষ করিয়া চৈতন্যদেব নীলাশ্ববিস্তারমধ্যে নীলমণিময় দেবতাকে প্রত্যক্ষ করিয়া—নীলাশ্বকল্লোলে তাঁহার বংশীধ্বনি শুনিয়া সাগরের


নীলজলে মধ্যে বিলীন হইয়াছিলেন—সেই জগন্নাথ-ক্ষেত্রের নীলাশ্ববেলায় সার জনকে নগ্নপদে ভ্রমণ করিতে করিতে চিন্তারত অবস্থায় অনেকে দেখিয়াছেন। তিনি কি তখন হিন্দুসভ্যতার ও হিন্দুধর্ম-তত্ত্বের রহস্যভেদ চেষ্টাই করিতেন? জাঘবতী-তনয় শাষ অজ্ঞানকৃত পাপের জন্ম পিতৃকর্তৃক অভিসম্পাতপ্রাপ্ত হইয়া যে অর্কক্ষেত্রে আসিয়া দ্বাদশবর্ষকাল শাস্ত, দাস্ত, নিরাহার, জিতেন্দ্রিয় হইয়া সাধনার ফলে সর্বপাপন্ন দিবাকরের আশীর্বাদে পাপ হইতে অব্যাহতি লাভ করিয়াছিলেন, সেই কণার্ক মন্দিরে তিনি বাঙ্গালীর বেশে যখন নবগ্রহাদি শিল্পকীর্তি তন্ময় হইয়া দেখিতেন, তখন কি তিনি ধ্যানমগ্নই হইতেন? স্বরণাভীত কাল হইতে যে ভুবনেশ্বর লক্ষ লক্ষ ভক্তের পূজাপুত—সেই ভুবনেশ্বরের মন্দিরের বাহিরে বাঙ্গালীর বেশে—নগ্নপদে—

উত্তরীয়াচ্ছাদিত দেহে তিনি যখন উপবিষ্ট থাকিতেন, তখন কি তিনি মন্দিরের দেবতাকে নিবেদন জানাইতেন—ভিন্ন জাতির মধ্যে ও ভিন্ন ধর্মের অঙ্কে জন্মগ্রহণ করিয়া তিনি যে মন্দিরে প্রবেশের অধিকারে বঞ্চিত হইয়াছেন, জন্মান্তরে যেন তাহাতে প্রবেশের অধিকার লাভ করেন? কে বলিতে পারে?

আজ এই বিদেশী ভারত-বন্ধুর জন্ম ভারতবর্ষ—বিশেষ তাঁহার কর্মক্ষেত্র ও সাধনার স্থান বাঙ্গালা—বিয়োগ-বেদনা অহু-ভব করিতেছে। তাঁহার কৃত কার্য যেমন তাঁহাকে অমর করিয়া রাখিবে, তেমনি স্বভাবতঃ কৃতজ্ঞ ভারতবাসী—বিশেষ বাঙ্গালী কখন শ্রদ্ধাসহকারে তাঁহাকে স্মরণ করিতে বিরত হইবে না।

অটলবিহারী ঘোষ—

গত ২৭শে পৌষ ৭২ বৎসর বয়সে অটলবিহারী ঘোষের মৃত্যু হইয়াছে। অটল বাবু একই বৎসরে বি, এ, ও এম, এ, পরীক্ষায় উত্তীর্ণ হইয়া উকীল হইয়া কলিকাতা ছোট আদালতে ব্যবহারাজীবের কায আরম্ভ করেন। তিনি জীবনের শেষ দ্বাদশ বৎসর



অটলবিহারী ঘোষ

কাল ব্যবসা ত্যাগ করিয়া সার জন উডরফের সহিত একযোগে তত্ত্বশাস্ত্র প্রচার ও ব্যাখ্যার কার্যে আত্মনিয়োগ করিয়াছিলেন। উকীল অবস্থায় সার জনের সহিত তাঁহার পরিচয় হয়। উভয়ে একযোগে সংস্কৃত সাহিত্য অধ্যয়ন করিতে থাকেন। পরে পাতিয়ালাস রাজস্ব মহারাজার ও মহারাজা সার রমেশ্বর সিংহের (দ্বারবন্দ) বদান্ততায় “আগমাত্ম-সন্ধান সমিতি” প্রতিষ্ঠিত করিয়া উভয়ে তাত্ত্বিক গ্রন্থ প্রকাশ করিতে থাকেন। অটলবাবুর ও সার জন উডরফের মৃত্যুকাল পর্যন্ত এইরূপ ১৯ খানি গ্রন্থ প্রকাশিত হইয়াছে। এই সব গ্রন্থে দেবনাগর অক্ষরে মূল ও ইংরাজীতে টীকা ও ভূমিকা প্রকাশিত হইয়াছে। ইংরাজী অনুবাদও অবজ্ঞাত হয় নাই। মৃত্যুর কিছু দিন পূর্বে তিনি বলিয়াছিলেন, গত ২৫ বৎসর কাল যে কাষ করিয়াছেন, তাহা ব্যর্থ হয় নাই; কেন না লোক এখন তত্ত্বের সম্বন্ধে ভ্রান্ত ধারণা বর্জন করিয়া তাহার স্বরূপ জানিতে আগ্রহ প্রকাশ করিতেছে। মৃত্যুকালে তিনি কালিদাসের অপ্রকাশিত কবিতা ‘চিদগন-চন্দ্রিকা’ প্রকাশে ব্যাপৃত ছিলেন।

অটলবাবু নিরহঙ্কার ছিলেন এবং তাঁহার মত সংস্কৃত পণ্ডিত বিরল হইলেও তাঁহার ব্যবহারফলে ও আত্মগুণ-গোপন-স্পৃহার জন্ম—অনেকে তাঁহার অগাধ পাণ্ডিত্যের বিষয় অবগতও ছিলেন না। “অর্থীর এভেলন” ছদ্মনামে সার জন ও অটল বাবু পুস্তক প্রকাশ করিতেন।

অটলবাবুর মৃত্যুতে আমরা একজন পরম পণ্ডিত হারাইলাম।

রাডিয়র্ড কিপলিং—

বিলাতের প্রসিদ্ধ সাহিত্যিক—কবি ও গল্পলেখক রাডিয়র্ড কিপলিংএর মৃত্যু হইয়াছে। তিনি সাম্রাজ্যবাদের কবি ছিলেন বলিলেও অত্যাঙ্কিত হয় না; ইংরাজের প্রাধাত্য—ইংরাজের গৌরব কীর্তন করাই তাঁহার রচনার বৈশিষ্ট্য; আর শ্বেত জাতির গর্বও তিনি সমর্থন করিতেন—শ্বেতকায় জাতিরা যেন অত্যাচ্ছ জাতির কল্যাণ সাধনের জন্তই সৃষ্ট। সুতরাং তাঁহার রচনা যে শ্বেতকায়দিগের নিকট—বিশেষ ইংরাজের বিশেষ আদৃত তাহাতে বিশ্বয়ের কোন কারণ থাকিতে পারে না। কোন কোন কবিতার জন্ম

তিনি প্রতি শব্দে প্রায় ২ টাকা হিসাবে পারিশ্রমিক পাইয়াছেন।

কিপলিং যে নানা শ্রেণীর জীবের ও মানুষের বিষয় সরস রচনায় বিবৃত করিতে পারিতেন, তাহার কারণ সন্ধান করিয়া কোন প্রসিদ্ধ সমালোচক বলিয়াছেন, যে ভারতবর্ষে জন্মান্তরবাদ আদৃত সেই ভারতবর্ষে জন্মগ্রহণ ও শিক্ষানাভ করায় তিনি নিশ্চয়ই এই দক্ষতা অর্জন করিয়াছিলেন।

বোম্বাই সহরে কিপলিং জন্মগ্রহণ করেন। তখন তাঁহার পিতা—শিল্পী লকউড কিপলিং—তথায় শিল্প বিদ্যালয়ে



রাডিয়র্ড কিপলিং

শিক্ষক ছিলেন। পরে তিনি লাহোর শিল্প বিদ্যালয়ে অধ্যক্ষের কাষ করিতেন। বিলাতে শিক্ষা শেষ করিয়া পুত্র রাডিয়র্ড লাহোরেই আসিয়া ‘সিভিল এণ্ড মিলিটারী গেজেট’ সংবাদপত্রে সহকারী সম্পাদকের কাষ আরম্ভ করেন। সেই স্থানেই তাঁহার সাহিত্যিক শিক্ষানবিশী হয়। এই সময় তিনি অবসরকালে কবিতা রচনা করিতেন। লাহোরের উদ্যানে যে ব্যাণ্ড বাজিত তাহারই সুরে তিনি গান রচনা করিতেন। সেগুলি ‘সিভিল এণ্ড মিলিটারী

গেজেটে’ প্রকাশিত হইত। তিনি লিখিয়াছেন, ছাপাখানার কোরম্যান রুকন-দীন সে গুলির খুব আদর করিত; বলিত—“আপনার কবিতা খুব ভাল—আজ ঠিক যতটুকু জায়গা খালি ছিল, তাহার মত হইয়াছে।” সে সেগুলি “পাদ-পূরণে” ব্যবহার করিত। আর কম্পোজিটর মামুদ আসিয়া কবিতা চাহিত—“এক আউর চীজ।”

ক্রমে এই সব কবিতা আদৃত হয় এবং তিনি সেগুলি পুস্তকাকারে প্রকাশের আয়োজন করেন। কাগজের এক পৃষ্ঠায় ছাপা ও “বালীর” কাগজে বাঁধা পুস্তকের মূল্য ১ টাকা নির্দ্ধারিত করিয়া তিনি সকল বিভাগের প্রধান কর্মচারীদিগের নিকট উহা—পত্র লিখিয়া—পাঠাইয়া দেন। গ্রন্থকার ও প্রকাশক দুই-ই এক। ইহাই তাঁহার প্রথম পুস্তকের জন্মের ইতিহাস।

লাহোরের ছুরস্তু গ্রীষ্মে ছাপাখানায় কম্পোজ বর অপেক্ষাকৃত শীতল বলিয়া তিনি তথায় বসিয়া রাত্রিতে রচনা করিতেন। তখন তিনি ঐ পত্রের সম্পাদক ছিলেন। তিনি লিখিয়াছেন, কিপলিং চঞ্চল ছিলেন এবং কলমভরা কালী এমনভাবে ছড়াইতেন যে দিনশেষে তিনি যখন গৃহে ফিরিতেন তখন তাঁহার সাদা কোট প্যান্টালুন কালীর ছাপে চিত্রিত হইয়া গিয়াছে।

ভারতবর্ষে বাসকালে যুবক রাডিয়র্ড অত্যন্ত আমোদ-প্রিয় ছিলেন। সাত বৎসর ভারতবর্ষে নানা স্থান ও নানা রূপ লোক লক্ষ্য করিয়া তিনি রচনার বিচিত্র উপকরণ সংগ্রহ করিয়াছিলেন। কিন্তু তিনি যে ইংরাজ সে কথা তিনি ইংরাজের স্বাভাবিক গর্বসহকারে সর্বদাই স্মরণ করিতেন। ইংরাজ সম্বন্ধে তিনি লিখিয়াছেন :—

করে বটে বাস তা’রা দেশ দেশান্তর,

হৃদয় তা’দের কিন্তু রহে এক স্থানে;

জননীর মুখে শুনি’ শিশুর অন্তর—

সুদূর ইংলণ্ড তা’র দেশ বলি’ জানে।

তাঁহার মতে সাগরে ইংরাজের প্রাধাত্য বিশেষ গর্বের বিষয়। তিনি গর্বভরে লিখিয়াছেন—

“সিন্ধুর আহার মোরা জোগায়েছি সহস্র বৎসর।”

সাময়িক নানা বিষয়ে তিনি কবিতা রচনা করিয়াছেন।

সে সকলের মধ্যে সাম্রাজ্যী ভিক্টোরিয়ার জুবিলী উপলক্ষে রচিত ক্ষুদ্র কবিতাটি বিশেষ উল্লেখযোগ্য। সেই কবিতায়

প্রথম পাঠকরা বৃত্তিতে পারেন, সাম্রাজ্যবাদের কবি রাডিয়র্ড সময় সময় গভীরভাবে মানবের অন্তর্নিহিত ভাবের অভিব্যক্তি অল্পভব করিয়া থাকেন। সেই কবিতায় তিনি দেবতার কৃপা ভিক্ষা করিয়া বলেন, ইংরাজ যেন সম্পদের ও সমৃদ্ধির গর্বে তাঁহাকে বিশ্বস্ত না হয়; কেন না—সম্পদ ও সমৃদ্ধি নিশ্চিহ্ন হইয়া মুছিয়া যাইতে বিলম্ব হয় না। বোধ হয়, ভারতের শিক্ষা ও প্রভাব তাঁহার ইংরাজ-প্রকৃতিগত উন্নত্য ও গর্ব সংযত করিয়াছিল। সে প্রভাব সময় সময় তাঁহার রচনায় আত্মপ্রকাশ করিত।

তাঁহার বহু ক্ষুদ্র গল্পে অসাধারণ শিল্পনৈপুণ্যের পরিচয় পাওয়া যায়। তিনি কয়খানি উপন্যাস রচনাও করিয়া-ছিলেন।

বলা বাহুল্য, ইংরাজী সাহিত্যে ঔপন্যাসিক খ্যািকারের সহিত তাঁহার তুলনা হইতে পারে না। কিন্তু একথা অনায়াসে বলা যাইতে পারে যে, ভারতবর্ষে যে সব ইংরাজ সাহিত্যিক জন্মগ্রহণ করিয়াছেন, তাঁহাদিগের মধ্যে খ্যািকারের পর রাডিয়র্ড কিপলিংএর মত যশ অর্জন করা আর কাহারও ভাগ্যে সম্ভব হয় নাই। অবশ্য খ্যািকারে মানব-প্রকৃতি নখদর্পণে দেখিতেন এবং তিনি মানব-প্রকৃতির চিত্রকর; আর রাডিয়র্ড কিপলিং ইংরাজের সাম্রাজ্যবাদের কবি। এক জন প্রসিদ্ধ ইংরাজ সাংবাদিক তাঁহাকে Banjo-bard of the Empire নামেও অভিহিত করিয়াছেন।

রাডিয়র্ড কিপলিং ভারতীয় প্রভাবের পরিচয় তাঁহার বহু রচনায় রাখিয়া গিয়াছেন এবং তাঁহার অনেক রচনার উপকরণ তিনি ভারতবর্ষ হইতেই সংগ্রহ করিয়া ইচ্ছানুসারে সে সকলের ব্যবহার করিয়াছিলেন।

মুক ও বধির শিল্পী

শ্রীমুক্ত বিপিনবিহারী চৌধুরী—

মানুষের চেষ্টা, যত্ন ও পরিশ্রম তাহার অনুবিধা সত্ত্বেও তাহাকে উন্নতির পথে কতদূর লইয়া যাইতে পারে, তাহা মুক ও বধির শিল্পী বিপিনবিহারী চৌধুরী মহাশয়ের পরিচয় হইতে জানিতে পারা যায়। বিপিনবিহারীর বয়স বর্তমানে মাত্র ২৬ বৎসর; তিনি প্রথমে কলিকাতায় মুক বধির বিদ্যালয়ে শিক্ষা লাভ করেন; তথায় তিনি কথা বলিতে

সমর্থ হন এবং বৎসর বৎসর সকল পরীক্ষায় প্রথম স্থান অধিকার করিয়া পুরস্কার লাভ করিতে থাকেন। বিদ্যালয়ের সর্বশ্রেষ্ঠ ছাত্র বলিয়া তাঁহাকে এক সময়ে তৎকালীন গভর্নর লর্ড রোনাল্ডসের নিকট উপস্থিত করা হইয়াছিল। তাহার



মিঃ লয়াডজর্জ (পেন্সিলে অঙ্কিতঃ)

পর গভর্নমেন্ট প্রদত্ত বৃত্তি লাভ করিয়া তিনি ছয় বৎসর কলিকাতা আর্ট স্কুলে শিক্ষা লাভ করেন—সেখানেও



নৃত্যকারী দল

তিনি সহপাঠী সকল ছাত্রকে পরাজিত করিয়া বহু পুরস্কার ও মেডেল লাভ করিয়াছিলেন। শেষ পরীক্ষায় তিনি সর্বাপেক্ষা শ্রেষ্ঠ স্থান অধিকার করেন। কিছুকাল বোম্বাই

আর্ট স্কুলে শিক্ষা লাভের পর ১৯০২ খৃষ্টাব্দে তিনি লণ্ডন গমন করেন। তিনি অর্থহীন অবস্থায় লণ্ডনে পৌঁছিয়া নিম্ন



বিপিনচন্দ্র চৌধুরী ও অন্যান্য দেশবাসী মুক-বধিরগণ চেষ্টায় ও অধ্যবসায়ের দ্বারা রয়াল আর্ট কলেজে প্রবেশ করেন। প্রথম পরীক্ষার সময়েই পরীক্ষকগণ তাঁহার



শ্রীবিপিনচন্দ্র চৌধুরী এ-আর-সি-এ (লণ্ডন)

মুক-বধির আর্টিষ্ট

অসামান্য প্রতিভা দর্শনে তাঁহার প্রতি আকৃষ্ট হন; তাঁহারই অনুগ্রহে এবং হাই-কমিশনার সার ভূপেন্দ্র নাথ মিত্র

ব্যবসায়ী সার আলেকজান্ডার মারে'র অর্থ সাহায্যে তিনি তিন বৎসর তথায় শিক্ষা লাভ করেন।

তিনি ভারতের কমার্শিয়াল আর্ট সম্বন্ধে বিশেষ জ্ঞান আহরণ করেন এবং রয়াল কলেজ হইতে পেণ্টিং-এর ডিগ্রী লাভ করেন। উক্ত কলেজের প্রিন্সিপাল সার রথেনষ্টন বিপিনবিহারী সম্বন্ধে জানাইয়াছেন—“ভারতে প্রত্যাগমন করিয়া শিক্ষক ও গবেষক হিসাবে তিনি দেশের উপকার করিতে সমর্থ হইবেন।” বিলাতের ‘ডেলি মেল’ ‘ডেলি মিয়ার’ প্রভৃতি পত্রের তাঁহার নৈপুণ্যের প্রশংসা প্রকাশিত হইয়াছে। তিনি স্বদেশে প্রত্যাগত হইলে কলিকাতার ‘স্টেটসম্যান’ এবং বোম্বাইয়ের ‘টাইমস্ অফ ইণ্ডিয়া’ তাঁহার প্রশংসা ও পরিচয় প্রকাশ করিয়াছিলেন। বিপিনবিহারীর অঙ্কিত যে দুইখানি চিত্র সর্বত্র স্মৃতি অর্জন করিয়াছে, আমরা তাহা এই সঙ্গে প্রকাশ করিলাম। একখানি “পেন্সিলে অঙ্কিত মিঃ লয়াড জর্জের প্রতিকৃতি”। এই চিত্রখানি দেখিয়া বিলাতের শ্রমিকদলের নেতা খ্যাতনামা রাজনীতিক মিঃ ল্যান্সবারী ইহার নৈপুণ্যে বিস্ময় প্রকাশ করিয়াছিলেন। অপর চিত্রখানিতে ‘একদল নর্তকী’ প্রদর্শিত হইয়াছে। মহামাণ্ড আগা খাঁ দ্বিতীয় চিত্রখানির অঙ্কন প্রশংসা করিয়াছেন। বিলাতস্থ ভারতীয় হাই কমিশনার তত্রস্থ “ইণ্ডিয়া হাউস” সাজাহাবার জন্ত চিত্র দুইখানি রাখিয়া দিয়াছেন।

কলিকাতায় “শিক্ষা-সপ্তাহ”—

সোসাহে কলিকাতায় “শিক্ষা-সপ্তাহ” অনুষ্ঠিত হইয়াছে। বাঙ্গালার গভর্নর, বাঙ্গালার শিক্ষা বিভাগের ভারপ্রাপ্ত মন্ত্রী প্রভৃতি বক্তৃতা করিয়াছেন। কিন্তু ইহাতে যে কি ফল ফলিবে—কি জন্ত যে এই অর্থব্যয়—তাহা বুঝা যায় না। যে স্থানে বাঙ্গালার নানা স্কুল ও কলেজের প্রায় ১৭ শত প্রতিনিধি সমবেত হইয়াছিলেন—সে স্থানে যে বক্তৃতা ও সভাশোভন ব্যতীত শিক্ষা-বিষয় প্রকৃত আলোচনা হইতে পারে, তাহা মনে হয় না। ইংরাজীতে যাহাকে demonstrative বলে—এই অনুষ্ঠান তাহা হইতে পারে, শোভার্থ মাত্র হয়; কিন্তু যাহাকে deliberative বলা হয়, তাহার আশা করা যায় না। নূতন শাসন-পদ্ধতি প্রবর্তনের পূর্বাঙ্কে এই নূতন অনুষ্ঠানে মন্ত্রীর উত্তম প্রকাশ পাইতেছে

সন্দেহ নাই; কিন্তু যদি জিজ্ঞাসা করা হয়—ইহাতে “কি লাভ হইবে?” তবে কোন সম্ভাব্যজনক ও উৎসাহপ্রদ উত্তর পাওয়া যায় কি?

বলা বাহুল্য মন্ত্রী তাঁহার উদ্বোধন-বক্তৃতায় অনেক বড় কথা বলিয়াছেন। তিনি বলিয়াছেন, এখন শিক্ষার শক্তি আর বিদ্যালয়েরই বদ্ধ নহে; পরন্তু পাঠাগার, যাদুঘর, রঙ্গালয়, ব্যায়াম-সম্মিলন, সভা, ক্ষেত্র, কলকারখানা, সংবাদপত্র প্রভৃতির সাহায্যেও তাহা ব্যাপ্তিলাভ করিতেছে। আর এখন সমালোচনামূলক বিশ্লেষণ আরম্ভ হইয়াছে। এই কথা বলিয়া তিনি তাঁহার প্রচারিত—নানা ক্রটিপূর্ণ—বিবৃতির উল্লেখ করেন ও বলেন, শিক্ষাবিস্তার ও শিক্ষার উন্নতি সাধনই সে বিবৃতির মূল কারণ।

“It is in this spirit of critical analysis that in tackling the problems of education, we intend to initiate in this Education Week, a programme of work which attempts a new orientation, through a variety of channels, in order that its extension and projection may permeate every school in Bengal.”

শিক্ষার নূতন ব্যবস্থার কোন পদ্ধতি-পরিচয় কিন্তু আমরা কাহারও বক্তৃতায় পাইলাম না। পরন্তু আমাদের মনে হয়, যে সরকার আজও বাঙ্গালায় প্রাথমিক শিক্ষা অবৈতনিক ও বাধ্যতামূলক করিতে পারিলেন না, সে সরকারের পক্ষে এবং যে মন্ত্রী নির্বিকারভাবে ঘোষণা করিতে পারেন, মাসিক ১৫ টাকা হইতে ২০ টাকা বেতনে উপযুক্ত শিক্ষক পাওয়া যায় সে মন্ত্রীর পক্ষে—শিক্ষা-পদ্ধতির প্রকৃত পরিবর্তন সাধনের কথা না বলিলেই শোভন হয়।

যে দিন মন্ত্রীর এই বক্তৃতা হয়, তাহার পরদিনই ভারত সরকারের শিক্ষা কমিশনার সার জর্জ এগার্টন বলেন—যে সকল কারণে শিক্ষার গতি প্রহত হইতেছে, সে সকলেরই উচ্ছেদ-সাধন শিক্ষাবিভাগের সাধ্যাতীত। তিনি সে সকল কারণের মধ্যে সর্বাপেক্ষা দারিদ্র্যের উল্লেখ করেন—

নানারূপ দারিদ্র্য এই পথে বিঘ্ন-বিস্তার করিতেছে। সরকারের ও স্থানীয় প্রতিষ্ঠানগুলির অর্থাতাব। আবার দেশের জনগণের দারিদ্র্য এমন মর্মান্বন যে, তাহারা দেহে প্রাণরক্ষা করাই ছুফর বলিয়া অনুভব করে; সুতরাং

সন্তানদিগকে শিক্ষার্থ নিযুক্ত না করিয়া অমার্জনের কার্যে নিযুক্ত করিতে বাধ্য হয়। ইহা ভিন্ন ব্যাধির বিস্তার শিক্ষাবিস্তার পথ বিঘ্নাত্ত করিতেছে এবং যাতায়াতের অসুবিধাও বিশেষ উল্লেখযোগ্য।

সর্বপ্রথমে আমরা সরকারের অর্থাভাবের আলোচনা করিব। লর্ড মেটন এ দেশে প্রাদেশিক ছোট লাট ও ভারত সরকারের অর্থ-সচিব ছিলেন। প্রদেশসমূহের সহিত ভারত সরকারের যে আর্থিক ব্যবস্থায় বাঙ্গালা তাহার আয়ে ব্যয়সম্মুলান করিতে পারিতেছে না—সে ব্যবস্থার জ্ঞান তিনি দায়া। সে দিন কলিকাতা বিদ্যৎ সরবরাহ কর্পোরেশনের স্বার্থরক্ষার্থ এ দেশে আসিয়া তিনি মত প্রকাশ করিয়াছেন—সর্ববিধ ব্যয়বাহুল্যের উপর কর ধাৰ্য্য করিয়া সরকার আয়-বৃদ্ধি করিলে ভাল হয়। যদি এই নীতি অবলম্বনীয় হয় তবে কি সর্বপ্রথমে সরকারকেই কর দিতে হয় না? তিনি বিবাহের ব্যয়ের উপরও কর স্থাপন করিতে বলিয়াছেন বটে, কিন্তু তিনি যে সিভিল সার্ভিসে চাকরীর ফলে প্রভূত অর্থ অর্জন করিয়া এ দেশ হইতে গিয়াছেন, সেই সার্ভিসের লোকের বেতন-বাহুল্যের বিষয় মনেও করেন নাই। অথচ পৃথিবীর আর কোন দেশে সিভিল সার্ভিসে এত অধিক বেতনের ব্যবস্থা নাই। কেবল তাহাই নহে—প্রচলিত শাসন-পদ্ধতিতে যাহারা মন্ত্রী হইয়াছেন, তাঁহারাও সেই সার্ভিসে বিদেশী চাকরীদিগের অত্যধিক বেতনের তুল্য বেতন সম্ভোগ করিয়া আসিতেছেন। সে বেতন যে দরিদ্র দেশের লোকের আয়ের তুলনায় অত্যন্ত অধিক তাহা মনেও করেন নাই। ইহাতে যে সরকারের অর্থাভাব অনিবার্য তাহা বলা বাহুল্য। “শিক্ষা-সপ্তাহের” অনুষ্ঠান করিয়া বাঙ্গালার নানা স্থান হইতে শিক্ষকদিগকে আনিয়া সভাশোভন করিলে যে শিক্ষা-প্রণালীতে প্রকৃত উন্নতি প্রবর্তনের কোন উপায় হইবে না, তাহা সহজেই বুঝিতে পারা যায়।

শিক্ষাবিভাগের মন্ত্রী তাঁহার বিবৃতিতে যে শিক্ষা-পদ্ধতি প্রবর্তনের আভাস দিয়াছেন, তাহার দ্বারা যে প্রকৃত উপকার হইবে—বর্তমান শিক্ষার ক্রটি দূর হইবে, এমন মনে করিবার কোনই কারণ নাই। শিক্ষার ক্রটির বিষয় এই অনুষ্ঠানের উদ্বোধনকালে বাঙ্গালার গভর্নরও স্বীকার করিয়াছেন। কিন্তু সে সব ক্রটি সংশোধনের জন্ত সরকার

কি করিতেছেন? আজ যে শিক্ষার ক্রটির দিকে সরকারের দৃষ্টি পতিত হইয়াছে, বেকার-সমস্যার উগ্রতাই কি তাহার কারণ নহে? অথচ যে শিক্ষার ছাত্রদিগের মধ্যে বেকার-সমস্যাই বিস্তারলাভ করিতেছে, ছাত্রীদিগকেও সেই শিক্ষা প্রদান করা হইতেছে! যে শিক্ষা প্রদত্ত হইতেছে, তাহার সর্বপ্রধান দৌর্ভাগ্য কোথায়, তাহা কি লক্ষ্য করা হইতেছে? এই শিক্ষার সহিত এ দেশের অবস্থা ব্যবস্থার, সমাজের সংস্কৃতির, কোন সম্বন্ধ নাই এবং প্রধানতঃ সেই জন্তই ইহার ফলে সমাজের ভিত্তি শিথিল হইয়া যাইতেছে। যে শিক্ষার সহিত জাতির বৈশিষ্ট্যের সম্পর্ক নাই, সে শিক্ষা বিঘ্নকে কেবল অর্থকরী মনে করায় প্রকৃত ফলপ্রদ হইতে পারে না। এ দেশে ইংরাজ যে শিক্ষা প্রবর্তিত করিয়াছেন, তাহা দেশীয় দীক্ষার উপর প্রতিষ্ঠিত নহে—সর্বপ্রকারে বিদেশী। গত শত বৎসরে ইহার প্রভাব সমাজে অনিষ্ট-সাধনই করিয়াছে—ইহা যদি শত শত লোকের অমার্জনের উপায় করিয়া দিয়া থাকে, তবে সহস্র সহস্র লোককে সুভিক্ষিত করিয়াছে, সমাজে যে স্তর-বিভাগ ছিল তাহা নষ্ট করিয়া কাঞ্চন-কৌলিত্যের প্রবর্তন করিয়াছে, সমাজ হইতে সম্ভোগের নির্বাসন সাধন করিয়াছে এবং যত দিন যাইতেছে ততই দেখা যাইতেছে—ইহা মনীষার ক্ষুরণেও সহায় হইতে পারিতেছে না।

স্বাডলার কমিশনের মত বিশেষজ্ঞ-সভা যখন শিক্ষার আবশ্যক পরিবর্তন প্রবর্তনের প্রকৃত উপায় নির্দেশ করিতে পারেন নাই, তখন যে কয়দিনের শোভাসভারূপে “শিক্ষা-সপ্তাহের” অনুষ্ঠান করিয়া শিক্ষাদানকার্যে শিক্ষানবিশ মন্ত্রী তাহা করিতে পারিবেন, এমন আশা কখনই করা যায় না। ইহা বিজ্ঞাপনের উপায় ও নির্বাচনের সোপান হইতে পারে; কিন্তু ইহার দ্বারা শিক্ষার আবশ্যক সংস্কারোপায় নির্ধারণের উপায় স্থির করা হইতে পারে না এবং সেই জন্ত ইহার জন্ত ব্যয়িত অর্থ অপব্যয়ের পর্যায়ভুক্ত না বলিয়া পারা যায় না। আমরা সরকারকে এই অনুষ্ঠানের পরিবর্তে বিশেষজ্ঞদিগের সাহায্যে এ দেশে দেশকালপাত্রোপযোগী শিক্ষার প্রবর্তনোপায় স্থির করিবার চেষ্টায় রত দেখিলে সুখী হইব এবং সে বিষয়ে যে দেশের চিন্তাশীল ব্যক্তিরা সরকারকে সাহায্য করিবেন, এ আশাও আমরা করি।

আর্ট স্কুলের সরস্বতী মূর্তি—

গত ত্রীপঞ্চমীতে কলিকাতা বহুবিজ্ঞান ইণ্ডিয়ান আর্ট স্কুলের ছাত্রগণ স্বহস্তে নির্মিত যে সরস্বতী মূর্তির পূজা করিয়াছিলেন, তাহার চিত্র এই সঙ্গে প্রকাশিত হইল।



শ্রীশ্রীসরস্বতী


ইণ্ডিয়ান আর্ট-স্কুলের উত্তীর্ণ ছাত্র গোষ্ঠ দ্বারা গঠিত
ফটো—শচীন সেন

আধুনিক মূর্তি গঠনেও শিল্পের ধারা কিরূপ পরিবর্তিত হইয়াছে, তাহা এই চিত্রটি হইতে স্পষ্ট প্রতীয়মান হইবে।

সঙ্গীতজ্ঞ অবিনাশচন্দ্র—

গত ২০শে পৌষ কলিকাতায় বিখ্যাত ধ্রুপদ-গায়ক অবিনাশচন্দ্র ঘোষের মৃত্যু হইয়াছে। “বিলম্বিত” ধ্রুপদ গায়কদিগের মধ্যে তিনি বৈশিষ্ট্য প্রসিদ্ধি লাভ করিয়াছিলেন,

সেইরূপ অল্প সংখ্যক গায়কই লাভ করিতে পারিয়াছেন। ইনি বিশেষ যত্ন ও নিষ্ঠা সহকারে সঙ্গীতচার্য্য সেখ মুরাদ আলি খাঁর নিকট শিক্ষা লাভ করেন এবং কেশবচন্দ্র মিত্র, অনন্তরাম মুখোপাধ্যায়, বসন্তলাল হাজারা, ভেইয়ালাল, উপেন্দ্র বসাক প্রভৃতি প্রসিদ্ধ পাথোয়াজী “সঙ্গত” করিয়া তাঁহার অশেষ প্রশংসা করিয়া গিয়াছেন। অবিনাশবাবু সঙ্গীত সম্বন্ধে যে বৈশিষ্ট্য অর্জন করিয়াছিলেন, তাহা অসাধারণ। যৌবনে তিনি শারীরচর্চায় কৃতিত্ব লাভ



সঙ্গীতজ্ঞ অবিনাশচন্দ্র ঘোষ

করিয়াছিলেন এবং নানা ক্ষেত্রে সংসাহসের পরিচয় দিয়াছেন। তাঁহার বাসপল্লীতে এক পরিবারে ছুরন্ত বসন্ত রোগে কয় জনের মৃত্যুর পর যখন একটি বালিকার মৃত্যু হয়, তখন সংকার করিবার লোকের অভাব ঘটয়াছে জানিয়া তিনি একাকী সেই বসন্ত রোগে মৃত বালিকার শব বহন করিয়া শ্মশানে সংকারার্থ লইয়া গিয়াছিলেন। সঙ্গীত-চর্চাব্যপ-দেশে তিনি ভারতবর্ষের প্রায় সকল প্রসিদ্ধ স্থানে গমন করিয়াছিলেন এবং নানা ভাষা আয়ত্ত করিয়াছিলেন। তাঁহার ঐকান্তিক চেষ্টায় তিনি যখন যে বিষয়ের আলোচনা

করিতেন, তখন তাহাতেই বিশেষ ব্যুৎপত্তি লাভ করিতে পারিতেন। কয় মাস রোগ ভোগ করিয়া তিনি মৃত্যুমুখে পতিত হইয়াছিলেন। ১২৭৪ বঙ্গাব্দে ৩১শে আশ্বিন তাঁহার জন্ম হইয়াছিল। কেবল ক্রমশঃ গানে নহে, তিনি তানপুরা প্রভৃতি বায়যন্ত্র স্বহস্তে প্ৰস্তুত করিতেও বিশেষ কৃতিত্ব অর্জন করিয়াছিলেন। আমরা তাঁহার মৃত্যুতে এক জন “গুণী” হারাইয়াছি।

উপাধি লাভ—

ঢাকা বিশ্ববিদ্যালয় এবার কয়েকজন মনীষীকে সম্মানিত উপাধি প্রদান করিবেন শুনিয়া আমরা বিশেষ আনন্দিত হইলাম। যে কয়েকজন এই উপাধি লাভ করিবেন,

তাঁহাদের মধ্যে একজন ব্যতীত আর সকলেই বিভিন্ন ক্ষেত্রে বিশিষ্ট উপাধিধারী। যিনি এতদিন কোন উপাধি লাভ করেন নাই, তাঁহাকে সম্মানিত করিয়া ঢাকা বিশ্ববিদ্যালয় প্রকৃত গুণগ্রাহিতার পরিচয় দিয়াছেন—আমাদের শ্রীমান শরৎচন্দ্র চট্টোপাধ্যায় ডি-লিট উপাধি লাভ করিবেন। বাঙ্গালা কথা-সাহিত্য ক্ষেত্রে শ্রীমান শরৎচন্দ্র যে উচ্চ আসনে অধিষ্ঠিত, ডি-লিট উপাধি সে আসনের উজ্জ্বল্য বৃদ্ধি না করিলেও ঢাকা বিশ্ববিদ্যালয়ের এই সঙ্কল্পকে আমরা সর্বাঙ্গতঃ করণে অভিনন্দিত করিতেছি। শ্রীভগবান শ্রীমান শরৎচন্দ্রকে দীর্ঘজীবী করুন; তিনি বাঙ্গালা সাহিত্য-ক্ষেত্রে আরও অধিক প্রশংসা অর্জন করুন।

পরলোক অধ্যাপক

বিপিনবিহারী—

আমাদের পরমহিতৈষী বন্ধু, ‘ভারতবর্ষ’র কৃতী-লেখক অধ্যাপক বিপিনবিহারী গুপ্ত মহাশয়ের পরলোক গমন সংবাদে আমরা মর্মান্বিত হইলাম। বিগত ১৯শে মাঘ রবিবার রাত্রি



অধ্যাপক বিপিনবিহারী গুপ্ত

দশটার সময় তিনি তাঁহার রামকৃষ্ণপুরের (হাওড়া) ভবনে ৬১ বৎসর বয়সে দেহত্যাগ করিয়াছেন। বিপিনবাবু আমাদের পরম স্নহদ ছিলেন; ‘ভারতবর্ষ’র সূচনা হইতে বহু বৎসর পর্যন্ত তিনি ‘ভারতবর্ষ’র নিয়মিত লেখক ছিলেন; তাঁহার ‘বিবিধ-প্রসঙ্গ’ ‘পুরাতন-প্রসঙ্গ’ প্রভৃতি পুস্তকের অধিকাংশ প্রবন্ধই



শ্রীমান শরৎচন্দ্র চট্টোপাধ্যায়

‘ভারতবর্ষ’ প্রকাশিত হইয়াছিল। আমাদের ‘সাময়িকী’র তিনিই প্রবর্তক। কয়েক বৎসর যথানিয়মে তিনি সাময়িকী লিখিয়াছেন। বিগত কয়েক বৎসর শারীরিক দুর্বলতার জন্ত তিনি লেখাপড়া একেবারে ত্যাগ করেন। শিক্ষকতাকে তিনি জীবনের ব্রত স্বরূপ গ্রহণ করিয়াছিলেন; তিনি ডেপুটি ম্যাজিষ্ট্রেটের চাকুরী গ্রহণ করেন নাই। কলিকাতার সাহিত্যিকগণের, বিশেষতঃ তাঁহার পরম বন্ধু আচার্য্য রামেন্দ্রসুন্দরের সাহচর্য্য লাভের জন্ত তিনি শ্রীহট্টের মুরারীচাঁদ কলেজের অধ্যক্ষপদ ত্যাগ করিয়া কলিকাতা রিপন কলেজের ইতিহাসের অধ্যাপক হইয়া আসেন এবং সেই কার্য্যেই জীবন শেষ করেন। বিপিনবাবুর পরলোক গমনে আমরা পরমাত্মীয়ের বিয়োগ-বেদনা অনুভব করিতেছি।

কামিনীকুমার চন্দ—

প্রিয়তম বয়সে শিলচরের প্রসিদ্ধ উকীল ও কংগ্রেসের কর্মী কামিনীকুমার চন্দ মহাশয় পরলোকগত হইয়াছেন। কামিনীবাবু বিপিনচন্দ্র পাল প্রভৃতি শ্রীহট্টগত বাঙ্গালী যুবকদিগের মতই সোৎসাহে দেশ-সেবায় প্রবৃত্ত হইয়াছিলেন। তিনি ব্রাহ্মসমাজের প্রতি আকৃষ্ট হইয়াছেন জানিয়া তাঁহার পিতৃব্য তাঁহাকে শিলচরে যাইয়া ওকালতী করিতে আদেশ করেন এবং তিনি সেই উপদেশ শিরোধার্য্য করেন। তথায় অল্পদিনের মধ্যেই তিনি প্রধান উকীল বলিয়া বিবেচিত হইলেন এবং চা-কররাও তাঁহাদিগের মামলায় কামিনীবাবুকে উকীল নিযুক্ত করিতেন। উকীল হইবার কয়বৎসর পরেই তিনি বালাধুন হত্যামামলায় হাইকোর্টে আপীল করিয়া দণ্ডিত ব্যক্তিদিগকে নিরপরাধ প্রতিপন্ন করিয়া সমগ্র ভারতবর্ষে সুপরিচিত হইয়াছিলেন। সেই মামলা পরিচালনকালে তিনি যেরূপ শ্রম ও ত্যাগ স্বীকার করিয়াছিলেন, তাহা ধাহারা সে সময় তাঁহাকে দেখেন নাই, তাঁহারা অস্বপ্নমান করিতেও পারিবেন না। এক এক দিন মামলার নথীপত্র দেখিতে দেখিতে তিনি আহা করিতেও ভুলিয়া যাইতেন। তিনি যখন বঙ্গ-

বিভাগের বিরুদ্ধে আন্দোলনে যোগ দেন, তখন কোন ইংরাজ-চালিত পত্র বলিয়াছিলেন—আসামের চা-কররাই কামিনী বাবুকে বড় করিয়াছেন; তাঁহারা তাঁহাকে টাকা দিতে পারেন, কিন্তু বুদ্ধি ত দিতে পারেন না।

পুরাতন কংগ্রেসের তিনি একজন একনিষ্ঠ সেবক ছিলেন। বড়লাটের ব্যবস্থাপক সভায় তিনি নানা বিষয়ে দেশের অনিষ্টকর কার্য্যের তীব্র প্রতিবাদ করিয়াছিলেন। ১৯১৯ খৃষ্টাব্দের সেপ্টেম্বর মাসে যখন ভারত সরকার আইন করিয়া পাঞ্জাবের অনাচারে সরকারী কর্মচারীদিগকে মামলা হইতে অব্যাহতিদানের ব্যবস্থা করেন, তখন তিনি ব্যবস্থাপক সভায় প্রস্তাব করিয়াছিলেন—তদন্ত কমিটির বিবরণ প্রকাশের পূর্বে এইরূপ আইন করা সম্ভব নহে।

তাঁহার জ্যেষ্ঠপুত্র শ্রীমান অপূর্বকুমার বাঙ্গালায় প্রথম ‘বাঙ্গালী’ ডিরেক্টর অব পাব্লিক ইন্সট্রাকশান।

আমরা তাঁহার মৃত্যুতে একজন শ্রেয়ঃ স্নহদ হারাইয়াছি। আজ তাঁহার বিধবাকে ও শ্রীমান অপূর্বকুমার প্রমুখ তাঁহার সন্তানদিগকে আমরা আমাদের সমবেদনা জ্ঞাপন করিতেছি।

কলিকাতা বিশ্ববিদ্যালয়ের

প্রতিষ্ঠা দিবস—

গত ৩০শে জানুয়ারী কলিকাতা বিশ্ববিদ্যালয়ের ভাইসচ্যান্সেলার শ্রীযুক্ত শ্যামাপ্রসাদ মুখোপাধ্যায় মহাশয়ের



বিশ্ববিদ্যালয়ের প্রতিষ্ঠা দিবস উৎসবে প্রেসিডেন্সি কলেজের ছাত্রগণ ভাইস-চ্যান্সেলার শ্যামাপ্রসাদকে সম্মুখে লইয়া চলিয়াছেন ফটো—তারক দাস




বিশ্ববিদ্যালয়ের প্রতিষ্ঠা দিবস উৎসবে বেথুন কলেজের
ছাত্রীদিগের শোভাযাত্রা

ফটো—তারক দাস



বিশ্ববিদ্যালয়ের প্রতিষ্ঠা দিবস উৎসবে গড়ের মাঠে সমবেত
ভিন্ন ভিন্ন কলেজের ছাত্রদল

ফটো—এ, এন, দাস কোং



ছাত্রগণের ক্রীড়া প্রদর্শন (বিশ্ববিদ্যালয়-উৎসবে অনুষ্ঠিত)

ফটো—কাক্ষন মুখোপাধ্যায়



ছাত্রগণের অপর একটি ক্রীড়া



বিদ্যাসাগর কলেজের ছাত্রগণের মিছিল

ফটো—তারক দাস

উদ্যোগে বিশ্ববিদ্যালয়ের প্রতিষ্ঠা দিবস উৎসব সম্পাদিত হইয়াছে। ঐ উপলক্ষে সেদিন সকালে বিভিন্ন কলেজের ছাত্রগণ শোভাযাত্রা করিয়া গড়ের মাঠে গিয়া সমবেত হইয়াছিল। তথায় চ্যাম্পেলার (গভর্নর) ও ভাইস-চ্যাম্পেলারের বক্তৃতার পর ছাত্রগণ তাঁহাদের সম্মুখ দিয়া মিছিল করিয়া যাইয়া বিশ্ববিদ্যালয়ের পতাকা অভি-বাদন করিয়াছিল। অপরাহ্নে মাঠেই সকল কলেজের ছাত্রগণ নানা প্রকার ক্রীড়া প্রদর্শন করিয়াছিল। আমরা উক্ত উৎসবের কয়খানি চিত্র এই সঙ্গে প্রকাশ করিলাম।

রায় সাহেব নবকৃষ্ণ রায়—

জয়পুর রাজ্যের শিক্ষা বিভাগের পরিচালক রায় সাহেব নবকৃষ্ণ রায় মহাশয় গত ২৮শে নভেম্বর তাঁহার কলিকাতাস্থ বাসভবনে পরলোক গমন করিয়াছেন। ১২৭১ সালে বহরমপুরের সুবিখ্যাত সেন বাড়ীতে মাতুলালয়ে তাঁহার জন্ম হয়। বহরমপুর হইতে প্রবেশিকা পরীক্ষায় উত্তীর্ণ হইয়া তিনি কলিকাতায় জেনারেল এসেমব্লিজ ইন্সটিটিউটে শিক্ষালাভ করেন। বি. এ পাশ করিয়া বহরমপুরস্থ কৃষ্ণনাথ কলিজিয়েট স্কুলের তৃতীয় শিক্ষকরূপে তাঁহার কর্মজীবন আরম্ভ হয়। কিছুকাল পরে জয়পুর কলেজের ইংরাজি সাহিত্যের অধ্যাপকরূপে তিনি জয়পুরে গমন করেন। মধ্যে কিছুকাল তিনি মীরাট কলেজের অধ্যাপক হইয়াছিলেন বটে, কিন্তু পরে তাঁহাকে জয়পুর রাজ্যের শিক্ষা বিভাগের পরিচালক ও কলেজের প্রিন্সিপালরূপে জয়পুরেই ফিরিয়া যাইতে হইয়াছিল। ১৯২৮ খৃষ্টাব্দে তিনি অবসর গ্রহণ করিয়া কলিকাতায় ফিরিয়া আসেন। তাঁহার পুত্রসন্তান ছিল না—তিনি কতকই তিনি সুশিক্ষিতা করিয়াছিলেন। তাঁহার মধ্যম কন্যা গায়ত্রী বি এ, বি-টি পাশ করিয়া কিছুকাল জয়পুরস্থ মহিলা কলেজের সুপারিন্টেন্ডেন্ট হইয়াছিলেন। মৃত্যুকালে নবকৃষ্ণাবুর বয়স ৭১ বৎসর হইয়াছিল।

জন সংশোধন—

এ মাসের প্রচ্ছদপটে পরলোকগত দ্বিজেন্দ্রনাথ ঠাকুর মহাশয়ের প্রতিকৃতি এবং পরিচয়ে পরলোকগত জ্যোতিরিন্দ্রনাথ ঠাকুর মহাশয়ের জীবন কথা প্রকাশিত হইয়াছে। আমরা পরে জ্যোতিরিন্দ্রনাথের প্রতিকৃতি ও দ্বিজেন্দ্রনাথের জীবন কথা সন্নিবেশিত করিব।



বিশ্ববিদ্যালয় উৎসব উপলক্ষে অপরাহ্নে অহুষ্ঠিত ব্রতচারী নৃত্য ফটো—তারক দাস



রায় সাহেব নবকৃষ্ণ রায়



তৃতীয় টেস্টে ভারত বিজয়ী &

লাহোরে ১৯৩৬ সালের ১০ই থেকে ১৩ই জানুয়ারী অষ্ট্রেলিয়ান ও সমগ্র ভারতের তৃতীয় টেস্ট খেলায় সমগ্র ভারত ৬৮ রানে জয়লাভ করেছে। বোম্বাই ও কলিকাতায় প্রথম ও দ্বিতীয় টেস্টে নয় উইকেটে ও আট উইকেটে পরাজয়ের প্লানির কতকটা মুচেছে। এবারকার টেস্টের খেলোয়াড় মনোনয়নে সকলেই হতাশ হয়েছিলেন। বড় বড় ধূন্দর খেলোয়াড়, যেমন, সি কে নাইডু, অমরসিং, অমরনাথ, সি এস নাইডু, মুস্তাক আলি ও নাজির আলি খেলেন নি বা মনোনীত হন নি।

প্রশংসনীয় ব্যাটিং করেছেন, ক্যাপ্টেন ওয়াজির আলি এবং তার পরেই



আমীর ইলাহী

বাঙ্গলার এন্স ব্যানার্জি। ওয়াজির আলি প্রথম ইনিংসে ৭৬ ও দ্বিতীয় ইনিংসে ৯২ করেছেন। এন্স ব্যানার্জি



ওয়াজির আলি
(ক্যাপ্টেন—ভারত)



মেহেরমজী

প্রথম ইনিংসে মাত্র ৫ করেন, কিন্তু দ্বিতীয় ইনিংসে, যদিও কয়েকটি চান্স দিয়েছিলেন, ৭০ রান করে সমগ্র ভারতকে জয়ের দিকে অনেকটা এগিয়ে দেন। ব্যানার্জি অক্সেনহাম ও লেদারের দু'টি সুন্দর ক্যাচ নিয়ে অষ্ট্রেলিয়াদের দ্বিতীয় ইনিংস শেষ করে দেন। অক্সেনহামের ক্যাচটি খুব শক্ত ছিল। বোলিংএ বাকা ও নিসার অভ্যা-শর্চ্য ফল দেখিয়েছে, বাকার ১৬ রানে চারটি শ্রেষ্ঠ উইকেট নেওয়া সত্যিই অদ্ভুত। ফিল্ডিংএ ভারতীয়রা বেশ কৃতিত্ব দেখিয়েছে, কিন্তু অষ্ট্রেলিয়ারা খুব খারাপ ফিল্ডিং করেছে, বিশেষতঃ 'ক্যাচে'। অক্সেনহাম অশক্ত হওয়ায় অষ্ট্রেলিয়াদের বোলিংও খা রা প হয়েছে। মেহেরমজীর উইকেট-রক্ষা



বাকাজিলানী

উৎকৃষ্ট হয়েছে। মাত্র একবার তার ভুল হয়েছে। বিখ্যাত ব্যাটসম্যান ম্যাকার্টনে

লাহোরে তাঁর খেলায় বিশেষত্ব দেখাতে পারেন নি। ক্যাপ্টেন রাইডারই কেবল সর্বোচ্চ রান ৭৩ করতে পেরেছেন।

এই খেলাটির সম্বন্ধে রাইডার মতামত প্রকাশ করে বলেছেন, ভারতীয় খেলোয়াড়গণ সকলে একজোটে এমন খেলেছেন যেন একটি মানুষ খেলছেন, ক্রিকেট খেলায় এটাই সকলের চেয়ে অত্যাশ্চর্যক। ওয়াজির আলি দু' ইনিংসেই অতি সুন্দর খেলেছেন। নিসার, বাকাজিলানী ও আমীর ইলাহী বোলিংএ রুতিমত দেখিয়েছেন, ভারতীয়দের ফিল্ডিং অতীব সুন্দর বিশেষতঃ ভায়ার। The Indian Whip-pet (তিনি ভায়াকে ঐ নামে অভিহিত করেন) যে দলে থাকবেন সেই দলই শক্তিশালী হবে। মেহেরমজীর উইকেট কিপিং প্রথম শ্রেণীর।

মাদ্রাজে সুন্দর আবহাওয়া ও নিশ্চল আকাশতলে তৃতীয় টেস্ট খেলা আরম্ভ হলো বেলা ১১-১২ মিনিটে।

ওয়াজির আলি টেস্ট জিতে মেহেরমজী ও এস্ ব্যানার্জীকে ব্যাট করতে পাঠালেন। জনসমাগম তেমন হয় নি। অমরনাথ, মেজর নাইডু খেলছেন না, খেলোয়াড় নির্বাচনও আশাশূন্য হয় নি। ১৫ মিনিট খেলার পরেই প্রথম উইকেট গেলো ১৭ রানের মাথায়। সমগ্র ভারতের শত রান উঠলো ২০ মিনিট খেলার পর বাকাজিলানীর মাঝে। ঝাগেলের বলে ১০০ রানের মাথায় ষষ্ঠ ও সপ্তম উইকেট খোয়া গেল, বাকাজিলানী ও আমীর ইলাহী। ওয়াজির আলি নিজস্ব ৫০ রান করলেন ১০২ মিনিটে, ১২৪ রানে ৮ম ও ৯ম উইকেট পড়লো। নিসার এসে ওয়াজির আলির সঙ্গে যোগ দিলে, যখন ওয়াজিরের স্কোর ৫৮। ওয়াজির পিটিয়ে খেলতে শুরু করলেন, পর পর দু'বার ঝাগেলকে কভার বাউণ্ডারীতে পাঠালেন। নিসার ওয়াজিরের কাছে এগিয়ে গিয়ে জানালে যে সে তার উইকেট বাঁচিয়ে রাখবে, ওয়াজির যেন পিটাতে গিয়ে তার উইকেট নষ্ট না করে। সত্যিই নিসার শেষ উইকেটের স্থিতিতে ওয়াজিরের চেয়ে বেশী সূখ্যাতি পাবার যোগ্য। ওয়াজির কভার বাউণ্ডারীতে পাঠাতে গিয়ে স্লিপে হেন্ড্রির হাতে আটকে গেলো বেলা ২-৫৫ মিনিটে, মোট স্কোর তখন ১৪৯। ওয়াজির আলি নির্দোষ খেলে ৭৬ করেছে ১৩৭ মিনিটে, তার মধ্যে ১২টা ৪ ছিল।

৩-১০ মিনিটে ওয়েগেলবিল ও ব্রায়ান্ট এসে অষ্ট্রেলিয়া-

দের ইনিংস আরম্ভ করলে। নিসার ও পুরী বল দিতে লাগলো। পুরী ৩০ গজ দূর থেকে ছুটে এসে বল করছে। তার বল নিসারের চেয়ে দ্রুত বলে মনে হয় কিন্তু বলের গতি ও দীর্ঘতা নিসারের মত সঠিক ছিল না। অষ্ট্রেলিয়াদের ৫০ রান উঠলো ৭৫ মিনিটে। অত্যন্ত মন্দ গতিতে রান হচ্ছে, একটা উইকেট গেছে। আমীর ইলাহীর বলে মেহেরমজী মরিসবীকে চমৎকার ক্যাচ নিলে। মরিসবী বলটা 'ব্লক' করে নিজের স্মুখে বাঁ দিকে যেমন তুলেছে, মেহেরমজী দৌড়ে এসে মাটি থেকে মাত্র এক ইঞ্চি উঁচুতে বলটি অত্যাশ্চর্যরূপে লুফলে। বেলা শেষে যখন খেলা শেষ হলো অষ্ট্রেলিয়াদের মোট স্কোর ৭১ কিন্তু ৩ উইকেট গেছে। মেহেরমজীর উইকেট রক্ষা এত সুন্দর হয়েছে যে একটিও 'বাই' হয় নি। ভায়ার ফিল্ডিং অত্যাশ্চর্য।

দ্বিতীয় দিনের খেলায় জনতা লাহোরের পক্ষে বেশীই বলতে হবে। গভর্ণর দিনটি সাধারণ ছুটির বলে ঘোষণা করেছেন। পুরী তাঁর নিজের বলেই ব্রায়ান্টকে ক্যাচ কবলে। ক্যাচটি অতি সুন্দর হয়েছিল। ম্যাকার্টনে এসে বাউণ্ডারের সঙ্গে জুট হলেন। রাইডার নিসারের বল আটকাতে ক্যাচ তুললে মহম্মদ সৈয়দ পাশে লাফিয়ে ক্যাচ ধরলেন। ৪ রানের মধ্যে দু'টি উইকেট গেলো। ফিল্ডিং ও বোলিং খুব ভাল হচ্ছে। ম্যাক ও লাভে মিলে রান তুললে ৯০। ৯২ রানে লাভ গেলো, অক্সেনহাম গেলো পুরীর হাতে ১০০ রানে। ঝাগেল এলো ও ১০২ রানে আউট হলো। মেয়ার এসে ম্যাকের সঙ্গে যোগ দিলে। খেলার অবস্থা পরিবর্তিত হলো, রান সংখ্যা উঠলো ১২৯। ম্যাকার্টনে এল্ বি ডবলিউ হলেন ৩৪ রান করে ১ ঘণ্টা ১০ মিনিট খেলবার পর। মেয়ার ও লেদারে মিলে ৩৭ রান তুললে, লেদার বোল্ড হলো ২৭ করে। অষ্ট্রেলিয়ার ইনিংস শেষ হলো ১২-১০ মিনিটে।

বেলা ২-২ মিনিটে ভারতীয়দের দ্বিতীয় ইনিংস আরম্ভ হলো মেহেরমজী ও ব্যানার্জীকে দিয়ে। মেহেরমজী ১২ করে রান আউট হলেন। বাকাজিলানী এলেন ও কিছু না করেই গেলেন। ক্যাপ্টেন ওয়াজির আলি নামলেন। ব্যানার্জী ইতিমধ্যেই দু'টি 'চাম্প' দিয়েছেন। ৮০ মিনিট খেলার পর সাত রান হ'লো। চা পানের সময় ব্যানার্জীর ৬৩ আর ওয়াজির আলির ৫১

হয়েছে। এই জুটি ১২৮ রান করবার পর ব্যানার্জী লেদারের বল তুললে আলেকজান্ডার লুফলেন। ব্যানার্জী ১৩৫ মিনিট খেলে ৭০ রান করেছেন তার মধ্যে ৭টা ৪ ছিল। তিনি অনেকগুলি 'চাম্প' দিয়েছেন। যুবরাজ এলেন ও বেলা শেষ পর্যন্ত খেলে রান সংখ্যা ৩ উইকেটে ১৭৭ হ'লো।

তৃতীয় দিনে খেলা আরম্ভ হলে, যুবরাজ মাত্র ১৬ করে গেলেন। ওয়াজির আলি ৯২ করে লাভের হাতে আটকালেন, তিনি ১২টা বাউণ্ডারী করেছেন। সৈয়দের সঙ্গে ভায়া যোগ দিলেন। সৈয়দ ২৬ করে ষ্ট্রাম্পড হলেন। আমীর ইলাহী এলে খেলার স্কোর দ্রুত উঠতে লাগলো। ভায়া দ্রুত রান তুলতে গিয়ে ২৭ করে রান আউট হলেন। সালাউদ্দীন এলেন, আমীর ২৬ রান করে আউট হলেন, ডি আর পুরী এলেন ও বোল্ড হলেন। নিসার এসে মাত্র ৩ রান করে লাভের হাতে আটকালে ভারতীয়দের দ্বিতীয় ইনিংস মোট ৩০১ রানে শেষ হ'লো।

অষ্ট্রেলিয়ার ২৮৫ রান পিছিয়ে আছে কিন্তু তাদের হাতে দেড় দিনের বেশী সময় আছে। লাঞ্চের পর ২৬ রানে আধ ঘণ্টার মধ্যে তাদের ২ উইকেট গেলো। সালাউদ্দীনের শেষের বলে ওয়েগেলবিল এল-বি হলেন। নিসারের বলে লাভ মেহেরমজীর হাতে আটকালেন। মরিসবী ও রাইডারের জুটি ভাঙতে ওয়াজির আলি খন ঘন বোলার বদল করতে লাগলেন, তবুও রান সংখ্যা ৮০ হলো। নিসার পুনরায় এসে বাম্পিং বল করতে লাগলেন, মরিসবী আউট হলেন। ব্রায়ান্ট এসে ২৩ মিনিট খেলার পর প্রথম রান করলেন। বাকাজিলানী পর পর মেডেন পেলেন। ১১৩ মিনিটে শত রান উঠলো। ১০১ রানের মাথায় ব্রায়ান্ট মেহেরমজীর হাতে ক্যাচ হলো। ম্যাক এলো। রাইডার ৮০ মিনিট খেলে নিজস্ব ৫০ রান করলেন, ৬টি বাউণ্ডারী ছিল। চায়ের পর, ম্যাক ১৬ রান করে বাকাজিলানীর বলে এল-বি আউট হলেন। হেন্ড্রি এলেন, কিন্তু রাইডার আমীর ইলাহীর বলে ক্যাচ তুললে, ওয়াজির আলি 'মিড্ অফ' থেকে ছুটে এসে বোলারের ঠিক পিছনে সুন্দর লুফলেন। ১৪৮ রানে দু'টি ধুরন্দর উইকেট গেলো। ঝাগেল এলেন ও গেলেন, অক্সেনহাম যোগ দিলেন ও বেলা কাটিয়ে দিলেন। অষ্ট্রেলিয়াদের ৭ উইকেটে মাত্র ১৫৭ রান হলো।

চতুর্থ দিনে খেলা আরম্ভ হলো। অষ্ট্রেলিয়াদের ১২৭ রান বাকী। অক্সেনহাম ও হেন্ড্রি খুব সতর্কতার সঙ্গে খেলছেন, রান খুব ধীরে ধীরে উঠছে। আমীরের বলে হেন্ড্রি ৪০ মিনিট খেলবার পরে আউট হলেন মাত্র ৬ করে। মেয়ার এলেন, দু'জনে মিলে রান সংখ্যা ওঠালে ৩০০এ। নিসারের বলে মেয়ার একট ক্যাচ দিয়েছিলেন ব্যানার্জী তা লুফলেন কিন্তু 'নো বল' থাকায় মেয়ার আউট হলো না।

নূতন বল নিয়ে নিসার অক্সেনহামকে আউট করলেন, ব্যানার্জী তাঁর খুব জোর মারের ক্যাচটি ধরলেন। শেষ খেলোয়াড় লেদার এসে ১১ রান করবার পরে বাকাজিলানীর বলে ব্যানার্জীর হাতে আটকে যেতে অষ্ট্রেলিয়াদের দ্বিতীয় ইনিংস মোট ২১৮ রানে শেষ হলো। ভারতীয়দল আন্তর্জাতিক ক্রিকেট খেলায় এই সর্বপ্রথম ৬৮ রানে জয়লাভ করতে সক্ষম হলো।

ভারতীয় দল—প্রথম ইনিংস

এস ব্যানার্জী...কট লাভ, বো ঝাগেল	৫			
আর পি মেহেরমজী...কট লাভ, বো ঝাগেল	২৬			
মহম্মদ সৈয়দ...কট হেন্ড্রি, বো লেদার	০			
ওয়াজির আলি...কট হেন্ড্রি, বো লেদার	৭৬			
যুবরাজ পাতিয়াল...বো অক্সেনহাম	১৪			
ভায়া...বো মেয়ার	৭			
বাকাজিলানী...বো ঝাগেল	৪			
আমীর ইলাহী...বো ঝাগেল	০			
মাসুদ সালাউদ্দীন...বো লেদার	১২			
ডি আর পুরী...বো লেদার	০			
নিসার...	০			
নট-আউট	০			
অতিরিক্ত	৫			
বোলিং—	মোট ১৪৯			
	ওভার	মেডেন	রান	উইকেট
লেদার	১৫	২	৩৮	৩
ঝাগেল	১৫	২	৭২	৪
অক্সেনহাম	৭	৪	১২	১
ম্যাকার্টনে	৪	১	১৪	০
মেয়ার	৩১	০	৮	২

অস্ট্রেলিয়ান দল—প্রথম ইনিংস

ওয়েগেলবিল...এল বি ডবলিউ, বো বাকাজিলানী	১৭
ব্রায়ান্ট...কট ও বো পুরী	১০
মরিসবী...কট মেহেরমজী, বো আমীর ইলাহী	২৩
রাইডার...কট সৈয়দ, বো নিসার	২১
হেনড্রি...বো আমীর ইলাহী	৩
লাভ...বো বাকাজিলানী	৩
ম্যাকার্টনে...এল বি ডবলিউ, বো নিসার	৩৪
অক্সেনহাম...কট পুরী, বো নিসার	৪
শ্বাগেল...এল বি ডবলিউ, বো নিসার	১
মেয়ার	নট-আউট
মেয়ার	১৭
লেদার...বো আমীর ইলাহী	২৭
অতিরিক্ত	৬
মোট	১৬৬

বোলিং—

	ওভার	মেডেন	রান	উইকেট
নিসার	২০	৩	৭২	৪
ডি পুরী	৯	০	২৪	১
এস ব্যানার্জি	২	০	৪	০
বাকাজিলানী	১৫	২	৪৫	২
আমীর ইলাহী	৬	০	১৫	৩

ভারতীয় দল—দ্বিতীয় ইনিংস

আর পি মেহেরমজী...	রান-আউট	১২
এস ব্যানার্জি...কট ও বো লেদার		৭০
বাকাজিলানী...কট রাইডার, বো শ্বাগেল		০
ওয়াজির আলি...কট লাভ, বো লেদার		২২
যুবরাজ পাতিয়ালা...কট ও বো শ্বাগেল		১৬
মহম্মদ সৈয়দ...শ্যাম্পড লাভ, বো মেয়ার		২৬
আমির ইলাহী...কট শ্বাগেল, বো লেদার		২৬
জে এন ভায়...রান-আউট		২৭
মাসুদ সালাউদ্দীন...নট-আউট		২৩

ডি আর পুরী...বো লেদার	০
এস এম নিসার...কট লাভ, বো লেদার	৩
অতিরিক্ত	৩
মোট	৩০২

বোলিং—

	ওভার	মেডেন	রান	উইকেট
লেদার	২৭.১	২	১০২	৫
শ্বাগেল	১৭	২	৫০	২
মেয়ার	১২	০	৯১	১
ম্যাকার্টনে	২০	৮	৪৮	০
হেনড্রি	২	০	৬	০

অস্ট্রেলিয়ান—দ্বিতীয় ইনিংস

ওয়েগেল বিল...এল বি ডবলিউ, বো সালাউদ্দিন	৫
এইচ এস লাভ...কট মেহেরমজী, বো নিসার	১০
আর মরিসবী...বো নিসার	৩৫
জে এস রাইডার...কট ওয়াজির, বো আমীর ইলাহী	৭০
এফ ব্রায়ান্ট...কট মেহেরমজী, বো বাকাজিলানী	৬
সি জি ম্যাকার্টনে...এল-বি, বো বাকাজিলানী	১৬
এইচ এল হেনড্রি...বো নিসার	৬
এল শ্বাগেল...বো বাকাজিলানী	০
আর অক্সেনহাম...কট ব্যানার্জি, বো নিসার	৩০
মেয়ার...নট-আউট	১৪
লেদার...কট ব্যানার্জি, বো বাকাজিলানী	১১
অতিরিক্ত	১৩
মোট	২১৬

বোলিং—

	ওভার	মেডেন	রান	উইকেট
নিসার	২৪	৩	৮০	৪
সালাউদ্দিন	৫	১	১৮	১
বাকাজিলানী	১২	৫	১৬	৪
এস ব্যানার্জি	২	০	৮	০
পুরী	৭	০	২৬	০
আমীর ইলাহী	১৭	২	৫৫	১

মৈত্রীদৌলদাদলের অপূর্ণ সাফল্য ৪

মৈত্রীদৌলদাদল প্রথমে সারা দিন ৫ উইকেটে ৪১৩ রান করে। অমরনাথ ক্রীড়াইন ১৪৪ রান করে



অমরসিং

দ্বিতীয় দিনে মহারাজকুমার ভিজিয়ানাগ্রাম ইনিংস ডিক্লয়ার্ড করলে অস্ট্রেলিয়ানরা প্রথম ইনিংস আরম্ভ করে ২-৪০ মিনিটের মধ্যে ১৪৪ রানে সকলে আউট হওয়ার তাঁদের 'ফলো-অন' করতে হলো। নিসার ও অমরসিং ৫৬ ও ৫১ রানে প্রত্যেকে ৪টি উইকেট এবং এস ব্যানার্জি ৩৪ রানে ২টি উইকেট নেন।

দ্বিতীয় ইনিংসেও অস্ট্রেলিয়াদল বিশেষ সুবিধা করতে পারলেন না। বেলা শেষে তাঁদের ৮ উইকেট গেলো আর রান হলো মোটে ১৪৬। শ্বাগেল, লেদার ও আলেকজাণ্ডার খেলতে বাকী। অস্ট্রেলিয়াদের ইনিংস পরাজয় বাঁচাতে তখনও ১২৩ রান করতে হবে, যদিও তা করা অসম্ভব। লেদার ও আলেকজাণ্ডার আউট হয়ে গেলো তৃতীয় দিনের খেলা আরম্ভ হবার পনেরো মিনিটেরও কম সময়ে, মোট রান হলো ১৫৪। অমরসিং একা ৩৬ রানে ৬টি উইকেট নিয়েছেন। মৈত্রীদৌলদাদল এক ইনিংস ও ১১৫ রানে জয়ী হয়ে রেকর্ড স্থাপন করতে সক্ষম হলেন।

ভারতের ক্রিকেট ইতিহাসে এই বিজয় চিরস্মরণীয় হয়ে

থাকবে। মহারাজকুমার যে একজন সুদক্ষ ও চতুর কাপ্টেন তা' প্রমাণিত হলো। ১৯৩৩ সালে জার্ডিনের এম সি সি দলকে বেনারসে তাঁর অধিনায়কতায় ভারতীয় দল

১৪ রানে হারতে সক্ষম হয়েছিল। 'গোল্ডেন কাপ' এবং জুবিলী টুর্নামেন্ট বিজয়ী দলের কাপ্টেনও ছিলেন তিনি। অমরনাথের চমৎকার ব্যাটিং, অমরসিংএর মাঝি আকবোলিং ও হিন্দেলকারের নির্দোষ উইকেট রক্ষা এবং



পি ই পালিয়া

মহারাজকুমারের কুশলী অধিনায়কত্বের জগুই মৈত্রীদৌলদাদল একরূপ অপূর্ণ সাফল্য লাভ করতে পেরেছে।

আন্তঃ প্রাদেশিক

ক্রিকেট প্রতিযোগিতা ৪

ভারতের ক্রিকেট খেলার উন্নতির উদ্দেশ্যে মহারাজা পাতিয়ালা "রঞ্জি" নামক ট্রপী আন্তঃ প্রাদেশিক ক্রিকেট প্রতিযোগিতার জগু প্রদান করেন। গতবৎসর বোম্বাই প্রেসিডেন্সী ক্রিকেট এসোসিয়েশন এই ট্রপী বিজয়ী হন। এই প্রতিযোগিতার ইষ্টার্ণ জোনের খেলায় বাঙ্গলা ও আসাম প্রদেশ



ডি ডি হিন্দেলকার

৫ উইকেটে মধ্যপ্রদেশ ও বেরারকে হারিয়ে জয়ী হয়। মধ্যপ্রদেশ ও বেরার ব্যাট করে প্রথম ইনিংসে মোট রান ১৪৯ করে। হীরালাল ৪৪, রহমান পাশা ৩১, ডি আর রতনাম ২৩, এস জে নাইডু ২০, ভি আর পাটকি (নট-আউট) ৫, পি এন লাঘেট ৪, জর্জ লোখাও ৪, ল্যান্স কর্পোরাল ফ্রেজার ১, ডি সি মোরিল ১, লতিফ ০, জহুর আমেদ ০।

গিলবার্ট ৫৪ রানে ৩, কে ভট্টাচার্য ৩৯ রানে

৩, বাপী বোস ১৮ রানে ১, জি এরাটুন ১ রানে ১, স্কিনার ৫ রানে ১ ও খাঘাটা ১৬ রানে ০ উইকেট নেন।



মহারাজা পাতিয়ালা প্রদত্ত
রঞ্জি ট্রফী

বাঙ্গলা ও
আসাম—প্রথম
ইনিংস—১৯৬ রান
এ এল হোসী ৮২,
জি বোস ৪৬,
সুশীল বোস ২৬,
কে খাঘাটা ৭,
গিলবার্ট ৫, এরাটুন
৪, কিং ৪, ওয়ারেন
৩, কে ভট্টাচার্য
৩, স্কিনার ৩, বাপী
বোস (নট-
আউট) ২।

জহর আমেদ
৫৪ রানে ৩, লো-
খাণ্ডে ৩৩ রানে
২, মোরিল ৩৫
রানে ২, লাঘেট

২৫ রানে ১, রহমান পাশা ৩৮ রানে ১ উইকেট নিয়েছেন।

দ্বিতীয় ইনিংসে, মধ্যপ্রদেশ ও বেরার ৭ উইকেটে ২৪৬ রান করে ডিক্লেয়ার্ড করলে, নিজেদের দুই ইনিংসের মোট স্কোরের কমে বাঙ্গলা ও আসামের সবাইকে আউট করে দেবার চেষ্টায়। কারণ সময়ভাবে খেলা শেষ হলেও নিয়মানুযায়ী প্রথম ইনিংসের স্কোর হিসাবে তাদের পরাজয় ঘটবে।

মধ্যপ্রদেশ ও বেরার—দ্বিতীয় ইনিংস—জে আমেদ ৭৭, ফ্রেজার ৬০, হীরালাল (নট-আউট) ৪৫, রহমান পাশা ৩৬, রতনাম (নট আউট) ১৬, এস জে নাইডু ১১, লাঘেট ৬, লতিফ ২, লোখাণ্ডে ০।

গিলবার্ট ১০০ রানে ৫ উইকেট, এরাটুন ১৮ রানে ১, কে ভট্টাচার্য ৭৫ রানে ১ উইকেট নিয়েছেন।

২১৭ রান করলে তবে জয় হবে। বাঙ্গলা ও আসাম দ্বিতীয় ইনিংস আরম্ভ করলে ১২-২৫ মিনিটে ১০২

মিনিট খেলে ১০০ রান উঠলো। চায়ের সময় রান সংখ্যা ১৬৩ (৪ উইকেট), ভট্টাচার্য ও গণেশ বোস ব্যাট করছে। বাঙ্গলার জয়ী হবার আশা প্রায় নিশ্চিত—হাতে তখনও ছ'টা উইকেট ও এক ঘণ্টা সময় আছে, রান বাকী মাত্র ৫৫। ৪-৩৭ মিনিটে সুশীল বোস দুইয়ের বাড়ী মেয়ে ২১৮ করলে, বাঙ্গলা ও আসাম ৫ উইকেটে জয়ী হলো। ওয়ারেন ৬৬, ভট্টাচার্য (নট আউট) ৫৪, হোসী ৪১, গণেশ বোস ৩৬, স্কিনার ৭, এরাটুন ৪, সুশীল বোস (নট-আউট) ৪।

লোখাণ্ডে ৪৬ রানে ২, মোরিল ৩৮ রানে ২, জে আমেদ ১৮ রানে ১ উইকেট পেয়েছে।

বাঙ্গলা বনাম মধ্যভারত ৪

আন্তঃপ্রাদেশিক প্রতিযোগিতার দ্বিতীয় খেলায় বাঙ্গলা ও আসাম মধ্যভারতকে প্রথম ইনিংসের স্কোর হারিয়েছে। মধ্যভারত দলে কয়েকজন ভারত-বিখ্যাত খেলোয়াড় ছিলেন, যেমন,—সি কে নাইডু, সি এস নাইডু, মুস্তাক আলি, ভায়া ও জগদেল। এই দলকে হারিয়ে বাঙ্গলা প্রমাণ করেছে যে দরকার হলে এবং উপযুক্ত সুযোগ পেলে তারাও ক্রিকেটে ভালো ফল দেখাতে পারে। ক্রিকেট-জগত বাঙ্গলাকে চিরকালই অগ্রাহ করে এসেছে। আজ সেই বাঙ্গলাও দুর্দ্বর্ষ খেলোয়াড়গণ পরিবৃত মধ্যভারত দলকে ও হারিয়ে দিলে। বাঙ্গলা এবার সাদার্ন জোনের বিজয়ী মাদ্রাজদলের সঙ্গে মাদ্রাজে খেলবে। ১৪ই ফেব্রুয়ারী থেকে ভাণ্ডারগাচ লংফিল্ড ও কমল ভট্টাচার্য যেতে পারবেন না—এজন্য বাঙ্গলাদল বিশেষ শক্তিশূন্য হ'লো।

এই খেলায় ভাণ্ডারগাচ দুই ইনিংসেই চমৎকার খেলেছেন। ৬ষ্ঠ উইকেট সহযোগিতায় ভাণ্ডারগাচ ও কে ভট্টাচার্য মিলে ১৯০ রান তুলেছেন। সি কে নাইডু তাঁদের জুটি ভাঙ্গবার জন্য তাঁর দলের সকল বোলারকেই বল দিতে দিয়েছিলেন। বাঙ্গলার ক্যাপ্টেন হোসী দ্বিতীয় ইনিংসে চমৎকার খেলে ৫৩ রান করেন ৫৫ মিনিটে, আটবার চার করেছেন। বোলিংএ প্রথম ইনিংসে সি কে নাইডু ৭ উইকেট, দ্বিতীয় ইনিংসে ৪ উইকেট নিয়েছেন ও ভায়া ১ উইকেট। বাঙ্গলার নামকরা ব্যাটসম্যান কে বোস কৃতিত্ব দেখাতে পারেন নি। এস



আন্তঃপ্রাদেশিক প্রতিযোগিতা—বাঙ্গলা ও আসাম বনাম মধ্যভারত—সি কে নাইডু (ক্যাপ্টেন)

মধ্যভারত দলকে ফিল্ড করতে নিয়ে যাচ্ছেন

ছবি—দেবব্রত চট্টোপাধ্যায়

ব্যানার্জি ব্যাটিং বা বোলিংএ বিশেষ কিছুই করেন নি, তিনি মাত্র ১টি উইকেট নিয়েছেন। বেরেণ্ড, লংফিল্ড ও কে ভট্টাচার্য বোলিংএ কৃতিত্ব দেখিয়েছেন। লংফিল্ড ব্যাটিংএ একেবারে অকৃতকার্য হয়েছেন।

ফিল্ডিংএ ভায়া সত্যই দারুণ। তিনি যে দলে যোগ দেবেন সেই দলই যে লাভবান হবেন ইহা প্রব সত্য। তিনি অনেক নিশ্চিত রান বাঁচিয়েছেন। তিনি না থাকলে বাঙ্গলার রান সংখ্যা আরো অনেক বেশী উঠতো। বল মারবার সঙ্গে সঙ্গে দৌড়ে এসে বল ধরেছেন। তাঁর কাছাকাছি বল গেলে ব্যাটসম্যানরা আর রান নিতে সাহস করছিলেন না। তাঁর বল ধরা ও নিষ্ফেপের তৎপরতা অনুকরণীয়। তুলনায় বাঙ্গলার ফিল্ডিং অতি নিকৃষ্ট প্রতীয়মান হয়েছে। বাঙ্গলা কয়েকটি ক্যাচ ফেলেছেন ও খারাপ ফিল্ডিংএর জন্য রানও অধিক হয়েছে।

মধ্যভারতের পক্ষে দুই ইনিংসে সি এস নাইডু ও জগদেল ভালো খেলেছেন। সি কে নাইডু দ্বিতীয় ইনিংসে ভালো খেলেছেন, কিন্তু ভায়া ব্যাটিংএ কিছুই করতে পারেন নি। ভায়ার নিজের বোলিংএ বাপী বোসের মারের বলটা ধরা সত্যই সুন্দর ও অভূত।

৩৪৩ রান ১৫০ মিনিটে করলে তবে মধ্যভারত জিততে

পারবে। ২-১৫ মিনিটে জগদেল ও মুস্তাক আলি খেলতে এসে পিটাতে শুরু করলে। ৪০ মিনিটে ৫০ রান হলো। মুস্তাক আলি এল-বি হলো ২৯ করে ৬৭ রানের মাথায়। ৬৮ রানে জগদেল বোল্ড হলো ৩৮ করে। বেরেণ্ড এক ওভারে দুই উইকেট নিলে। নাইডু ভ্রাতৃত্ব খেলতে এলো। ১০০ রান ৮৫ মিনিটে উঠলো। বেলা শেষে ৫ উইকেটে মোট ১৯৫ রান হ'লো। প্রথম ইনিংসের অধিক রান সংখ্যার জন্য বাঙ্গলা ও আসাম জয়ী ঘোষিত হলো।

বাংলা ও আসাম :—প্রথম ইনিংস, মোট স্কোর—২৮৩; কে বোস ০, বেরেণ্ড ৩৮, এস ব্যানার্জি ১০, হোসী ২৭, লংফিল্ড ০, ভাণ্ডারগাচ ৯৩, কে ভট্টাচার্য ৪১, জি বোস ২০, এস বোস ২, বাপী বোস ২৭, জে এন্ ব্যানার্জি (নট-আউট) ৫।

সি কে নাইডু ৬৩ রানে ৭ উইকেট, সি এস নাইডু ১১১ রানে ১, হাজারী ৩৮ রানে ১, মুস্তাক আলি ২৮ রানে ১ উইকেট নিয়েছে।

দ্বিতীয় ইনিংসে—মোট স্কোর ২৫৯;—কে বোস ১৬, বেরেণ্ড ৯, এস ব্যানার্জি ০, লংফিল্ড ০, হোসী ৫৩, ভাণ্ডারগাচ ৭১, কে ভট্টাচার্য ৯, জি বোস ৮, বি বোস ১৫, এস বোস (নট-আউট) ৩৭, জে এন্ ব্যানার্জি ১৫।

নাইডু ৫০ রানে ৪, সি এস নাইডু ১১১ রানে ১০ রানে ৩, ভায়াল ১২ রানে ১ উইকেট পেয়েছেন।

মধ্য ভারত :—প্রথম ইনিংস, মোট স্কোর—২০০, ইন্ডিক আলি ১৮, ভাণ্ডারকার ৯, জগদেল ৪৬, সি কে



বাঙ্গলার প্রথম ব্যাটসম্যানদ্বয়—এস ডব্লিউ বেরাও ও কে বোস খেলতে নামছেন

ছবি—দেবব্রত চট্টোপাধ্যায়

নাইডু ৮, মুস্তাক আলি ২০, সি এস নাইডু ৬৮, ভায়াল ৮, হাজারি ২, মহম্মদ বসির ০, টাটাচারাও (নট আউট) ৭।

বেরাও ২২ রানে ৩, লংফিল্ড ৬৩ রানে ৩, কে ভট্টাচার্য ২০ রানে ২, এস ব্যানার্জি ৩৫ রানে ১, জে এন ব্যানার্জি ১২ রানে ০, এস বোস ৩৪ রানে ০ উইকেট নিয়েছেন।


দ্বিতীয় ইনিংস—মোট রান ১৯৫ (৫ উইকেট);— মুস্তাক আলি ২৯, জগদেল ৩৮, সি কে নাইডু ৪৭, সি এস নাইডু ৫১, ভায়াল ৫, ভাণ্ডারকার (নট আউট) ১৬, হাজারি (নট আউট) ৭।

লংফিল্ড ৩১ রানে ০, এস, ব্যানার্জি ৩৭ রানে ০, বেরাও ২৬ রানে ২, কে ভট্টাচার্য ৬০ রানে ১, জে এন ব্যানার্জি ১৪ রানে ১, জি বোস ৯ রানে ১, এস বোস ১৬ রানে ০ উইকেট পেয়েছেন।

মাদ্রাজ ক্রীড়া অস্ট্রেলিয়া ৪

মাদ্রাজ দলের সঙ্গে খেলায় অস্ট্রেলিয়াদল এক উইকেটে জিতেছে। অস্ট্রেলিয়ার ভারতে এসে অনেক যুদ্ধেই সহজে জয় হয়েছে কিন্তু এরূপ কষ্টার্জিত জয় তাদের এই প্রথম। প্রথম ইনিংসে মাত্র ৪৭ রানে সকলে আউট হয়ে যায়; দ্বিতীয় ইনিংসে ২৬১ রান করতে পারলে জয়ী হবে যা কল্পনাতেই ছিল। পরাণকুসুম ক্যাচ ফেলায় মাদ্রাজের জিত বাজী হারে পরিণত হলো। শেষ উইকেট ৫০ মিনিট দাঁড়িয়ে গেল, লেদার ও অক্সেনহাম দু'জন বোলারে মিলে ৮০ রান করে, নিশ্চিত হার থেকে দলকে নিয়ে গেলো জয়ে র পথে।

মাদ্রাজ দলের ফিল্ডিং ও নিষ্ক্ষেপ খুব ভালো হয়েছে, তাই প্রমাণ রাইডার ও ম্যাকার্টনের রান-আউট হওয়া। গোপালন প্রথম ইনিংসে ২৩ রানে ৬ ও দ্বিতীয় ইনিংসে ৬২ রানে ৫ উইকেট মোট ১১ উইকেট এই খেলাতে নিয়ে



এম জি গোপালন


বোলিংএ অদ্ভুত কৃতিত্ব দেখিয়েছেন। এ পর্যন্ত অস্ট্রেলিয়াদের বিরুদ্ধে খেলায় কোন বোলারই এরূপ ফল দেখাতে পারেন নি। কলিকাতায় সমগ্র ভারত ৪৮ রানে আউট হয়। মাদ্রাজে অস্ট্রেলিয়াদের ৪৭ রানে নামিয়ে দিয়েও নিতান্ত দুর্ভাগ্যবশতঃ মাদ্রাজ হেরে গেলো। মাদ্রাজ :—১৪২ ও ১৬৫; অস্ট্রেলিয়া :—৪৭ ও ২৬২ (৯ উইকেট)।

মাদ্রাজ পক্ষে রামাস্বামী অতি চমৎকার খেলেছেন,

প্রথম ইনিংসে ৪৮ (নট আউট), দ্বিতীয় ইনিংসে ৮২, ৩৪ ও ৫৪ রান কেবল বাউণ্ডারীতে করেছেন। তাঁর ভাই বালিয়া দ্বিতীয় ইনিংসে ৪৪ করেছেন। অস্ট্রেলিয়া পক্ষে দ্বিতীয় ইনিংসে, হেনড্রি ৪৯, লেদার (নট আউট) ৪৬, ম্যাকার্টনে ৩৯।


চতুর্থ ও শেষ টেস্ট ৪

মাদ্রাজে চতুর্থ ও শেষ টেস্ট খেলা ৬ই ফেব্রুয়ারী থেকে আরম্ভ হয়ে ৮ই তারিখে তিনদিনেই শেষ হয়ে গেছে। সমগ্র ভারত ৩৩ রানে জয়ী হয়েছে। অস্ট্রেলিয়া ও ভারতের



জে এস রাইডার

টেস্ট খেলায় (যদিও বেসরকারী!) ফল সমান সমান হলো। অস্ট্রেলিয়া প্রথম দু'টি খেলায় জয়ী হয়েছিল। ভারত তৃতীয় ও চতুর্থ খেলায় জয়ী হয়েছে। অস্ট্রেলিয়ার পক্ষে হ্যাগাল ও অক্সেনহাম অমুহূতা ও আঘাতের জন্ম খেলতে পারেন নি। নির্বাচিত মহম্মদ হোসেন খেলেন নি, তাঁর ভ্রাতা



ম্যাকার্টনে

অমরনাথ সতর্কতার সঙ্গে খেলছেন, মুস্তাক আলি পিটাচ্ছেন। নিতান্ত দুর্ভাগ্যবশতঃ মুস্তাক আলি ৮২ মিনিট খেলে ৪৩ করে রান-আউট হলেন। অমরসিং এসে পিটিয়ে খেললেন। লাঞ্চার পর থেকেই ভারতের ভাগ্যরিপরিণয় সুরূ হলো, এবং চা পানের সময় ৩-৫৫ মিনিটে মাত্র ১৮৯

রানে ভারতের প্রথম ইনিংস শেষ হলো। এলিস-ষ্ট্যাম্পড করেছেন তিন জনকে আর একজনকে কট।

অস্ট্রেলিয়াদের ইনিংস আরম্ভ হয়ে প্রথম ওভারেই স্পিগে হেনড্রি কট হলো, তখন তাদের এক রানও হয় নি।



এম ডি হোসেন

ছ'টি করে উইকেট পেয়েছেন।

দ্বিতীয় দিনের সকালে বৃষ্টি হওয়ায় মাঠ জলপূর্ণ হয়। শুকনো চট ভিজিয়ে মাঠ থেকে জল শুষে নেওয়া হ'লে, বেলা বারটার খেলা আরম্ভ হলো। দর্শক সংখ্যা প্রায় হাজার বারো। লাভ ও এলিস খেলতে নামলেন। এলিসের ক্যাচ ওয়াজির ফস্কালাইন, পুনরায় ক্যাচ উঠলে কার্তিক ধরে ফেললেন। বাকী ৬টা উইকেট ১০১ রানে পড়ে গেলো বেলা ২-৩৫ মিনিটে, মোট স্কোর ১৬২তে। মাঠের অবস্থা বুঝে অস্ট্রেলিয়ারা যেন শীঘ্র শীঘ্র আউট হয়ে যেতেই চাইলে, যাতে ভারতের দ্বিতীয় ইনিংসে মাঠের ঐ অবস্থার সুযোগ তারা পায়।

আবহাওয়ায় বৃষ্টি হওয়ার সম্ভাবনাই বেশী। ভারতীয় দল ২-৪৭ মিনিটে দ্বিতীয় ইনিংস আরম্ভ করলে। এক রান করে কার্তিক গেলেন, মুস্তাক ৭ করে ২৭-এর মাথায়। অমরসিং গেলো ১০ করে, ওয়াজির এলেন। অমরনাথ ১৮ করে গেলেন। চা পানের সময় রান হলো মাত্র ৫৬।

ওয়াজির আউট হলেন। দর্শকরা বিজয় করলে।

১২৮ মিনিটে শত রান উঠলো, বেলা শেষে ৯ উইকেট গিয়ে ১০৩ রান হয়েছে।

তৃতীয় দিনে আকাশের অবস্থা ভালো। দিনটি ছুটির বলে ঘোষিত হওয়ায় দর্শক সংখ্যা বেশী হয়েছে। হাদি ও

ভেঙ্কটাচারী খেলতে নামলেন। হাদি র ৯ রান হ'লো। এলিস দক্ষতার সহিত ভেঙ্কটাচারীকে ষ্ট্যাম্পড করলে ১৭ মিনিট খেলা র পর। ভারতীয়দের দ্বিতীয় ইনিংস মোট ১১৩ রানে ১৪৫ মিনিট খেলে শেষ হলো।



নিসার

বেলা ১১-৩৬ মিনিটে

অস্ট্রেলিয়ার দ্বিতীয় ইনিংস আরম্ভ করলে। ১৪১ রান করে তাঁরা জরী হবেন। ১৫ রানের মধ্যে লাভ ও মরিসবী গেলেন। ব্রায়ান্ট একঘণ্টা খেলে ১১ রান করে এল-বি হলেন, মোট রান মাত্র ৩৬। রাইডারের সঙ্গে হেনড্রি যোগ দিলেন ও ৯ রান করে গেলেন। ভারতীয়দের ফিল্ডিং ও ক্যাচ খুব ভালো হচ্ছে। রাইডার পিটিয়ে খেলছেন। শাঙ্কের পর রাইডার ও ম্যাকার্টনের জুটিতে রান সংখ্যা ৮৫তে উঠলো। নিসার ওভারে একটা বল সঠিক করছে বাকী ৫টা এমন দিচ্ছে যাতে মোটে রান না হয়। অমর সিং



মুস্তাক আলি

উইকেট লক্ষ্যে মারাত্মক বল দিচ্ছে। নিসার, অমরনাথ ও সালাউদ্দীন তিনজনে মিলে ম্যাকার্টনের ক্যাচ ধরতে গিয়ে কেহই পারলেন না। ৮৬ রানে ম্যাক বোল্ড হলেন। এলিস এল। রাইডার ৪১ রান ৮০ মিনিটে করে মোট ৯১ রানের মাথায় অমরসিংয়ের চমৎকার বলে বোল্ড আউট হলে অস্ট্রেলিয়াদের জয়াশা শেষ হলো।

মেয়ার এলেন, এলিস দুর্ভাগ্যবশতঃ নিসারের বলে ৯৯র গাঁঠে এল-বি হলো। এই বিচারে তিনি সন্তুষ্ট হন নি। ৭ উইকেট গেছে, এখনও পরাজয় থেকে

নিসারপেতে ৪০ রান বাকী। লেদার এসে ৩ রান করে নিসারের বলে গেলে ডেভিস এলো ও নিসারের বলে গেলো। আলেক-জাওয়ার এলো। সেই ওভারে আলেক-জাওয়ারকে আউট করতে পারলে নিসারের হাট-টিক হ'তো। পরের ওভারে নিসারের বলেই ২ রান করে বোল্ড হল ২-৩৫ মিনিটে অস্ট্রেলিয়াদের দ্বিতীয় ইনিংস মাত্র ১০৭ রানে ১৩৯ মিনিটে শেষ হলো ভারত ৩৩ রানে চতুর্থ টেস্টেও জয়লাভ করলে।

বোলিংয়ে প্রথম ইনিংসে নিসার ও অমরনাথ ৬১ ও ৫৪ রানে ৫টি করে উইকেট নিয়েছেন। দ্বিতীয় ইনিংসে নিসার।

ভারতীয় দল—

প্রথম ইনিংস

কার্তিক বসু...কট রাইডার,	
বো লেদার	৪
মুস্তাক আলি...রান আউট	৪৩
অমরনাথ...কট লাভ, বো লেদার	৩২
অমর সিং...কট লেদার,	
বো রাইডার	৪৫
এম এম নাইডু...কট এলিস,	
বো হেনড্রি	৭
ওয়াজির আলি...কট লাভ,	
বো ম্যাকার্টনে	১৮
রাম সিং...ষ্ট্যাম্পড এলিস,	
বো মেয়ার	৫
হাদি... নট-আউট	১৯
সালাউদ্দিন...ষ্ট্যাম্পড এলিস,	
বো ম্যাকার্টনে	৫
নিসার...বো মেয়ার	০
তিরুভেঙ্কটাচারী...ষ্ট্যাম্পড	
এলিস, বো ম্যাকার্টনে	৫
অতিরিক্ত	৬
মোট	১৮৯



খেলাঘরের বার্ষিক স্পোর্টস "টাগ অফ ওয়ার"

ছবি—কাঞ্চন মুখোপাধ্যায়



রেজাস ক্লাবের বার্ষিক স্পোর্টস (পাগলা জিমখানা)

ছবি—কাঞ্চন



মোহনবাগান স্পোর্টসে 'আমাদের ছয়জন'—আর সেন, জি সি দাস,

এম ঘোষ, এল দেব, বি কে মুখার্জি ও এন কে শীল—

ডি এন গুইয়ের ছয় জনকে টাগ অফ ওয়ারে

পরাজিত করছে

ছবি—ভক্তকুমার ঘোষ

বোলিং—

ওভার	মেডেন	রান	উইকেট
লেদার ১৮	৩	২৮	২
হেনড্রি ১১	৪	২	১
আলেকজাণ্ডার ৬	১	১৮	০
ম্যাকাটনে ২০.৫	৫	৫২	৩
মেয়ার ১১	০	৬৪	২
রাইডার ৬	১	১১	১

ভারতীয় দল—দ্বিতীয় ইনিংস

কে বসু...বো লেদার	১
মুস্তাক আলি...কট লাভ, বো লেদার	৭
অমরনাথ...কট লেদার, বো ম্যাকাটনে	১৮
অমর সিং...এল বি ডবলিউ, বো হেনড্রি	১০
ওয়াজির আলি...বো ম্যাকাটনে	১৬
এম এম নাইডু...ষ্ট্যাম্পড এলিস, বো ম্যাকাটনে	৭
রাম সিং...বো ম্যাকাটনে	০
হাদি	নট-আউট
সালাদিন...কট ও বো লেদার	১২
নিসার...ষ্ট্যাম্পড এলিস, বো ম্যাকাটনে	১৭
তিরুভেঙ্কাটাচারী...ষ্ট্যাম্পড এলিস বো ম্যাকাটনে	১
অতিরিক্ত	৫
মোট	১১৩

বোলিং—

ওভার	মেডেন	রান	উইকেট
লেদার ১৬	৪	৩২	৬
হেনড্রি ১৩	৪	৩৫	১
ম্যাকাটনে ১৮.৪	৭	৪১	৬

অষ্ট্রেলিয়ান—প্রথম ইনিংস

হেনড্রি...কট অমরনাথ, বো নিসার	০
এফ ব্রায়ান্ট...কট মুস্তাক আলি, বো নিসার	২৬
আর মরিসবী...বো অমর সিং	১২
রাইডার...এল বি ডবলিউ, বো অমর সিং	২০
এইচ এল লাভ...কট ভেঙ্কাটাচারী, বো নিসার	১৯
এলিস...কট বসু, বো অমর সিং	২

ম্যাকাটনে...কট রাম সিং, বো অমর সিং	৩
মেয়ার...বো অমর সিং	৪৮
লেদার...বো নিসার	১৩
জে ডেভিস...নট-আউট	৪
আলেকজাণ্ডার...বো নিসার	১
অতিরিক্ত	১৪
মোট	১৬২

বোলিং—

ওভার	মেডেন	রান	উইকেট
অমর সিং ১৭	৩	৫৪	৫
নিসার ১৬	২	৬১	৫
সালাদিন ১	০	১১	০
অমরনাথ ১	০	৬	০
রাম সিং ৪	১	৮	০
মুস্তাক আলি ৩	১	৮	০

অষ্ট্রেলিয়ান—দ্বিতীয় ইনিংস


এফ ব্রায়ান্ট...কট অমর সিং, বো নিসার	১১
লাভ...কট অমর সিং, বো নিসার	২
মরিসবী...বো সালাদিন	৩
রাইডার...বো অমর সিং	৪১
হেনড্রি...কট সালাদিন, বো অমরনাথ	৯
ম্যাকাটনে...বো অমর সিং	১৪
এলিস...এল বি ডবলিউ, বো নিসার	১২
মেয়ার...নট আউট	৩
ডেভিস...বো নিসার	০
আলেকজাণ্ডার...বো নিসার	২
অতিরিক্ত	৭
মোট	১০৭

বোলিং—

ওভার	মেডেন	রান	উইকেট
নিসার ১৬.৪	৪	৩৬	৬
অমর সিং ২১	৬	৫৪	২
অমরনাথ ১	০	৩	১
সালাদিন ৪	৩	৭	১



বেঙ্গল অলিম্পিক স্পোর্টসের একশত মিটার দৌড়ে—
প্রথম জেড্ এইচ থান ছবি—কাঞ্চন



মোহনবাগান স্পোর্টস—বিজয়ী এইচ কে মুখোপাধ্যায়
(আই এ ক্যাম্প) পোল ভন্টে ১০ ফুট ৭
ইঞ্চি লাফিয়ে অল বেঙ্গল রেকর্ড
স্থাপন করেছেন
ছবি—ভক্তকুমার ঘোষ



বেঙ্গল অলিম্পিক স্পোর্টস—মেয়েদের ৫০ মিটার
দৌড়—প্রথম, মিস্ এন্ স্মিথ ছবি—কাঞ্চন



মোহনবাগান এথলেটিক স্পোর্টসের ইন্টার ক্লাব তিন-পায়ী
রেসে বি উকিল ও এস উকিল ৯৫ সেকেন্ডে
জয়ী হচ্ছেন ছবি—ভক্তকুমার ঘোষ

লগুনে মূক বধিরগণের ক্রীড়া
প্রতিযোগিতা ৪

১৯৩৫ সালের ১৯শে আগষ্ট থেকে মূক-বধিরগণের চতুর্থ আন্তর্জাতিক ক্রীড়া প্রতিযোগিতা লগুনে অনুষ্ঠিত হয়। সে এক অত্যাশ্চর্য ব্যাপার। ইতঃপূর্বে এরূপ আনন্দকর প্রতিযোগিতা লগুনে হয় নি। গ্রেটব্রিটেন মূক-বধিরগণের প্রতিযোগিতায় এই প্রথম সর্বোচ্চ স্থান অধিকার করতে সক্ষম হলেন। সপ্তাহকাল প্রতি অপরাহ্নে হবর্ণ ষ্টেডিয়াম ক্লাবে যে মূকবধিরগণ সমবেত হয়েছিলেন, তাদের সংখ্যা পনেরো শত। পূর্বে লগুনে মূকসমাজে এতাদৃশ আনন্দ ও উল্লাস পরিলক্ষিত হয় নি। ভারতীয় শ্রীবিপিনচন্দ্র চৌধুরী এ-আর-সি-এ (লগুন) ইহাতে যোগদান করেন এবং Walter sportsman হয়ে কার্য করেন। তাঁর সঙ্গ আলাপ হওয়ায় এবং তাঁর রয়েল কলেজ অফ আর্টের পরীক্ষায় উপাধিলাভ করার জন্ত বহু মূক-বধিব আনন্দ প্রকাশ করেন। অনেকে তাঁর ফটো ও 'অটোগ্রাফ' নেন।



সর্বোচ্চ স্থান অধিকারী গ্রেট ব্রিটেন দল বন্ধুবর্গ সহ

প্রতিযোগিতার ফলাফল :


	এথলেটিক্‌স্	সাঁতার	ফুটবল	টেনিস্	সাইকেল দৌড়	পয়েন্ট
১। গ্রেটব্রিটেন	৮৪	৪৭	১০	৪৯	১৬	২০৬
২। জার্মানী	৮১	৭৮	—	১০½	—	১৬৯½
৩। ফ্রান্স	১০৫	১১৫	৪	২০	৯	১৪৯
৪। সুইডেন্	১২১	—	—	—	—	১২১
৫। ফিনল্যান্ড	১১২	—	—	—	—	১১২
৬। নরওয়ে	১৮০	৩০	—	—	—	২১০
৭। বেলজিয়াম	—	—	৬	৩৫½	—	৪১½
৮। ডেনমার্ক	২৬	১১	—	—	—	৩৭
৯। হাঙ্গারী	—	—	—	—	—	৩৬
১০। ইটালী	—	—	—	—	—	৩০
১১। ইউএসএ	—	—	—	—	—	২৯
১২। অস্ট্রিয়া	—	—	—	—	—	২৩

সাহিত্য-সংবাদ

নবপ্রকাশিত পুস্তকাবলী

ডাক্তার শ্রীনরেশচন্দ্র সেনগুপ্ত প্রণীত উপন্যাস "রবীন মাষ্টার"—	১০	শ্রীমুপেন্দ্রকৃষ্ণ চট্টোপাধ্যায় প্রণীত গল্প "বিদেশী ফুল"—	১০
শ্রীহেমেন্দ্রপ্রসাদ ঘোষ প্রণীত উপন্যাস "সাসাননা"—	১০	শ্রীজগৎ মিত্র প্রণীত উপন্যাস "এরা শুধু মানুষ"—	১০
রায় শ্রী প্রমথনাথ মল্লিক বাহাদুর প্রণীত "কলিকাতার কথা" (মধ্যকাণ্ড ইতিহাস)—	১০	শ্রীজগদীশ গুপ্ত প্রণীত উপন্যাস "পতিতার জাহাঙ্গীর"—	১০
শ্রীকেশব চৌধুরী প্রণীত কাব্য "স্বপ্ন শেষ"—	১০	শ্রীধীরেন্দ্রকুমার গুপ্ত প্রণীত কবিতা "রূপায়তন"—	১০
শ্রীসত্যীশচন্দ্র ভট্টাচার্য প্রণীত "শ্রীশ্রীরামকৃষ্ণ লীলা কীর্তন"—	১০	গণেশচন্দ্র মুখোপাধ্যায় প্রণীত নারী জীবনী "জীবনী সংগ্রহ" দ্বিতীয় ভাগ—	১০
শ্রীচারুচন্দ্র রায় প্রণীত উপন্যাস "কাল-নিদ্রা"—	১০		

Printed & Published by Gobindapada Bhattacharjya for Messrs Gurudas Chatterjea & Sons,
at the Bharatvarsha Printing Works, 208-1-1, Cornwallis Street, Calcutta



জননীর প্রতিনিধি

শিল্পী—শ্রীযুক্ত পূর্ণচন্দ্র চক্রবর্তী

Bharatvarsha Halftone & Printing Works

COLOURED ILLUSTRATION